

PAVLI IOVII

NOVOCOMENSIS  
EPISCOPI NVCKERINI

Elogia


Virorum bellica virtute  
illustrum,

Septem libris iam olim ab Authore  
comprehensa,

Et nunc ex eiusdem M V S A E O ad viuum  
expressis Imaginibus  
exornata.



PETRI  
PERNAE TYPOGRAPHI  
BASIL.  
OPERA AC STUDIO  
CIO IO LXXV.





ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801

ERANDAL 1801

NOVEMBER 1801



FRANCISCO MEDICI  
MAGNO HETRURIAE  
DVCI

HEROICARVM NON MINVS  
VIRTVTVM  
QVAM DIGNIT. FORTVNÆQ.  
PATERNÆ  
HAEREDI ET SVCCESSORI  
OPT. EXOPTATISS.Q.

IOVIANVM HOCCE  
MVSAEVM

COSMO PRINCIPI VERE  
MAGNO

A SVMMO ET. NOSTRÆ  
HISTORICO

IAM OLIM DEDICATVM  
CONSECRATVMQ.

NVNC VERO VIVIS ILLVSTR.  
VV. IMAGINIB.

MAGNO STUDIO, PARI ARTE,  
NEC MINORE

SVMPTV  
INSTRVCTVM AVCTVM ET  
EXORNATVM

P. PERNA CIVIS ET TYP.  
BASIL.

DEVOTO ANIMO

DD.



# PAVLI IOVII

EFFIGIES.



Cedite facundi, Musarum gloria, vates,  
Oratorque tuo flumine constiteris,  
Qui gesta Heroum maiori dixerit æstu,  
Non I o v i o vixit sub gemino axe prior.

T. M.



# PAVLIO VII

NOVOCOMENSIS  
EPISCOPI NV CERINI

IN  
ELOGIA VIRO RVM BELLICA  
VIRTUTE ILLVSTRVM.

## Præfatio

AD COSMUM MEDICUM  
*Florent. Ducem.*



ETERES Philosophi, qui ex Zenonis Stoici disciplina & porticu prodierunt, magnanime COSME, tanquam contenti nuda illa horridaq; virtute, ideoque ea sententia felices; vel ob id agrestiores cæteris durioresque habiti sunt, quod de contemnenda gloria assidue disputarent, & libros accuratè conscriberent; tametsi eam non insulsa dissimulatione, dum libris nomen suum apponunt, obliquo veluti viæ compendio consequi niterentur. Huius ego seueræ atque adeo pertinacis sectæ ingenia, vti parum explicata, tristicique duritie aliena à communi hominum societate, minimè probauerim. Quid enim aliud est, quàm hac exitiali persuasione homines, ad egregia corporis & animi agenda facinora, promerendamque laudem natos, proprio innatæ virtutis honestique laboris fructu spoliare? Quando hac stultissima (vti reor) censoria lege, id vnum præclare contenditur, vt gloriam ex benefactis optime speratam, & extra præsentis vitæ inuidiam post fata cumulatè obuenientem, funditus euertamus. Non mirum itaque, si his multò sapientiores fuisse arbitramur eos, qui beatam vitam gloriosis ac illustribus factis ad perennem nominis laudem, non in arida steriliq; virtutis imagine, sed in nobilium operum æmulatione posuerunt. Verùm in toto humanarum actionum cursu facile euénit, vt quum omnes eandem gloriam appetè-



# P R A E F A T I O.

revideantur, non vno tamen atque eodem itinere ad eam consequendam contendant. Eò enim quisque vel temerè fertur, quò naturæ genius facilè ducit, aut impotenter trahit; nisi præcellenti educatione, & multis exactæ disciplinæ præceptis, quæsitæ confirmatiquè mores, variis animi morbis & perturbationibus medeantur. Id autem liquido perspicui deprehendi què potest ex his bellicosiss, ut ita dicam, Heroibus, qui ad veram effigiem insigni pictura expressi in Musæo nostro spectantur. Horum enim vitas per elogia ipsis supposita tabulis, Laconica breuitate conscriptas, tibi vni, Italicæ dignitatis existimationem vera virtute tuenti, studiosè dicaui, ut tot diuersorum ingeniorum, humanæ què varietatis exempla, magno tuo seculi què nostri commodo inter sese conferantur. Scio enim quàm graui constantiquè iudicio, dum literis bonis què artibus impensè faues, & pietatem in primis atquè iustitiam colis, ad verum non simulatæ, sed illustri famæ decus anheles; & quo incorrupti animi decreto scelera odisse vindicare què soleas. Ad famosos autem quosdam, admirandis rebus gestis, sed condigno detestabilis vitæ exitu damnatos, idcirco descendimus, ut præclara virtus adumbratæ laudis collatione, certius atquè viuidius exprimatur. Erit enim hoc vtriusquè famæ monumentum his omnibus singulari documento, qui tecum rectissimo itinere ad perennem laudem aspirant; si vituperanda repudiare, sectarique laudanda, nobili salubrique æmulatione, in hac vita


maximè decorum atquè honestissimum

esse putauerint. Vale.

Romæ.


PAVLI





PAVLI IOVII NOVOCOMENSIS  
EPISCOPI NV CERINI  
HISTORIARVM SCRIPTORIS  
CELEBERRIMI HIC DEPOSI-  
TA SVNT OSSA DONEC EXIMIA  
EIVS VIRTUTE DIGNVM ERI-  
GATVR SEPVLCHRVM.

VIXIT ANN. LXVIII. MENS. VII.  
D. XXII. OB. III. ID. DECEMB.  
M. D. LII.



HIC SITVS EST IOVIVS  
ROMANÆ GLORIA LINGVÆ  
PAR CVI NON SCRIPTO NON  
PATAVINVS ERAT.



**HONORATI FASITELLII.**

Magnanimi Heroes saluete, haud parua supremi  
Cura Iouis; docti maxima cura Ioui.  
Vos tulit in cœli sublimes Iuppiter arcem,  
Dignatus mensa concilioque Deum;  
Vos Iouius totum latè volitare per orbem,  
Romanaque iubet viuere in historia.  
Munera magna Iouis: verùm, si dicere fas est,  
Non sunt æterni dona minora Ioui.



## Romulus.



**PR**AESTANTISSIMO hercle (si praefari licet) incomparabiliq; merito, & laetis quidem auspicijs ROMULI Quirini Romani regis effigies, ante omnes spectanda proponitur. Nulla enim cuiusquã mortalis vel stupendae originis euentu miraculoq; & sancta priscæ ætatis antiquitate nobilior, vel immortalium operum vera æstimatione præstantior, vel demum tanti oris atq; habitus dignitate augustior in Vrbe extat: vt ex marmorea statua, quæ iuxta Laurentianam Damasi ædem, in fronte Gallorum ciuium domus posita est, collato veteri numismate, ab eruditis præclare deprehenditur. Itaq; fas esse putamus æternæ Urbis conditorem venerari, Deo (vti ferebant) Marte genitum, ac ideo authorem disciplinæ militaris, qua Romana res in immensum creuit, vt fatalis nec desituri vnquam Imperij



fundamenta iacerentur. Hinc enim vel inuita reluctantēque sepius fortuna, tanquā ab augusta, almaque Vrbe, certissimo domicilio, liberaque gentium omniū patria, a subactō quondam inuictis armis terrarum orbe, cum Cæsarei Imperij legitima iura insigniaque, tum veræ religionis sacra petuntur. Verē enim Romanum est dare leges: atq; item Regna ad non dubium sempiternūque sacrosanctæ dignitatis specimen, testata virtute merentibus elargiri. Sed Romulus institutis equitum decurijs, lectoque ex patribus senatu, & distincta per tribus ciuitate, quum vrbanas recenseret copias, oborta repente sereno cælo turbida tempestate, vti Deo satum decebat, in cælum remeans, inter mortales esse desijt. Nihil enim ei post deuictos hostes, actosque triumphos, & templa Ioui Feretrio, Statoriq; votis nuncupatis in Capitolio ritē dedicata, maius vel admirabilius peragendum supererat, quā vti se ciuibz nequaquam mortalem fuisse ostenderet: Quum regnasset annos XXXVII.

IANI VITALIS Panhormitani.

*Fortissimorum Principem Quiritium.  
 Urbisq; gloriose, & orbis arbitra  
 Quæ strauit omnes nationes barbaras  
 Quas Phæbus vnde quaque lustrat, aspice.  
 Genus Deorum, conditorem Romulum.  
 Tantum vnus omnes vicit ille principes  
 Virtute mentis, corporisque robore,  
 Quantum triumphis, prælijsque fortibus.  
 Ne quære bustum bellicosi Numinis  
 Romane, sedes namq; viuo contigit  
 Cælum, micat stellis vbi felicibus  
 Receptus inter cælites lectissimos  
 Vti decebat principem Quiritium.*

AVGVSTI COCCEIANI Brixensis.

*Heroes, animæ illustres, atque inclyta Martis  
 Infanientis pignora,  
 Æternis properat Iouius quæ tradere chartis,  
 Vt clara viuant posteris:  
 Æquo ferte animo si primos carpsit honores,  
 Sedesq; primas Romulus:  
 Qui genus ætherio ducens è sanguine, terris  
 Semen deorum sparserit:  
 Terrarum latè dominam construxerit Urbem  
 Superbi ad vndas Tybridis:  
 Regnatorem orbis Populum formauerit armis,  
 Almaque pacis artibus:  
 Cumque omnes hominum meritis superasset honores,  
 Migrarit in Cælum Deus.*

NVMAE



## Numa Pompilius.



**R**OMULO ad Capre paludem desiderato consecratoque, Numa Pompilius successit. Hunc religiosæ gravitatis atq; iustitiæ fama inclytum, dissidentes inter se Romani patres, è Curi bus Sabinis acciuerant, apud quos tetricæ atque incorruptæ probitatis disciplina vigeat. Tum enim orbatis Rege Du- ceq; cuius imperio per tot annos assueuissent, absurdum erat nondum intellectæ libertatis nomen: nec ex toto Senatu reperiebatur qui al- teri tanquam æquali, potius quàm sibi, superba obtrectatione Regium decus concederet. Itaque pudendo consilio, sed ab euentu demum felici, pro ciue vir externus, auditusq; tantum, Rex est effectus. Is ingenti prudentia pacatis vn- diq; finitimis, quos inuicta Romuli virtus contuderat, populi ad arma nati ferociam inuicta religione mitigauit, condito scilicet ad Argilletum & mox clauso Iani templo, vt militares animi non sine numine ad colendæ pacis stu- dia flecterentur. Hæc verò institui monitu atque oraculo credi volebat Deæ



Aegeriæ, quæ ab eo nocturnis maximè congressibus in nemorosa & perenni fonte irrigua, valle colebatur. Inde enim sacerdotia Dîs, & singulos Ioui, Marti, & Quirino flamines instituit. Deæ Vestæ sacrosanctas Virgines legit: annoque ex lunaris cursu ratione in XII. menses digesto, qui nam fasti, aut nefasti dies forent, populo edixit. Quibus accumulatis sacrorum ceremoniis, effe-ri & rudis populi mentes, vsque adeo imbutæ captæque sunt, vt facile iustitiam, fidem, temperantiam colere discerent, ne c iam validius qui peccarent, Magistratum pœna, quàm Deorum metu terrentur. At Numa quum quadraginta tribus annis imperasset, exactæ ætatis senex fato cedens, Urbem belli gloria superbam, quod deerat sanctissimis temperatam legibus, atque optima pace florentem reliquit. Eius effigiem marmoream diademate insignem, quam in Vrbe non vno in loco videmus, nummi ærei cum literis, atque eadem imagine, verissimam esse ostendunt.

ANTONII FRANCISCI RAINERII Mediolan.

*Viderat armato Tybris sub Rege, Quirites*

*Iura dare edomitis Martia finitimis:*

*Viderat & superis Populum pia thura ferentem,*

*Sacraque sub sancto surgere Pompilio:*

*Cum letus, resono hæc effudit flumine, Nostra ô*

*Quàm bene Roma colit, quàm bene bella gerit.*

## Artoxerxes.

**H**ÆC mitrati regis effigies superbo oris ductu, proluxaque barba, & naso in aduncum prominente, Magni Artoxerxis fuisse conicitur. Hanc ex antiquissimo numismate argenteo Rodolphus Pius Carpenfis Cardinalis omnis priscae elegantiae studiosus eruditioribus Romane Academiæ interpretandam ostendit. Omnes itaque non ambiguis coniecturis in id consentiunt. Nam Persarum Reges Magorum sacris initiari, ceremoniarumque principes esse constat: ideoque eos vti thiara excelsa, exornataque gemmis & pluuiali chlamide, cultu non absimili ab eo quo Romani Pontifices in sacris solennibus exornantur. Hunc autem à Persis Hebræos accepisse crediderim, à quibus demum ad nos manarit. Sed literæ Græcæ quæ in auersa monete parte leguntur, nihil plus exprimunt quàm Regi Regum Arsaci Benefico. Teste enim Plutarcho Artoxerxi, qui Cyri minoris frater fuit, & Mnemon id est Memor vocatus est, ad differentiam superioris Artoxerxis qui Longimanus appellabatur, Arsaci cognomen fuit. Arridet etiam ad coniecturam Plutarchi problema, ex quo Persarum Reges naso adunco tanquam è stirpe maioris Cyri fuisse colligitur. Nec obstat quòd neque Artoxerxis, neque Persarum inscriptæ literæ quicquam referant, quoniam id præclare demonstrat imago sagittarii in folio sedentis, quæ visitur in auersa parte numismatis: nam idem Plutarchus Persarum Reges pecuniam auream ac argenteam cum nota sagittarii signare solitos tradit, adiecto Agefilai Regis lepidissimo scommate. Is enim

in



in Asia, terra marique rebus contra Persas feliciter gestis, quum summæ victoriæ immineret, à Lacedæmoniorum Magistratu reuocatus, amico interroganti cur è limine speratæ ingentis victoriæ tam cito rediisset, ita respon-



dit: An tu miraris qui militiæ peritus es, mercentissimorum triginta milium sagittariorum impetum sustinere nequiuisse? At ille qui nihil auxiliorum è Perside in Ioniam descendisse audierat, quum omnino intempestiui reditus causam improbaret, serò falsi dicterij acumen agnouit. Notabat enim hac infamia Agesilaus patricos ciues, quod obtrectatione laudis suæ à Tissapherne Persa triginta milibus aureis sagittarijs corrupti, ipsum ab Asia reuocassent. Sed ne ineptus sim, Artoxerxem describendum minimè suscipiam, quum is qualis quantusque fuerit à Plutarcho scriptore luculentissimo memoriæ tradatur. Id vnum tamen quod in Principe summæ virtutis locum implet, & si quæ sint internatæ vitiorum labes egregiè contegit & obscurat, præstantissimæ scilicet liberalitatis specimen insigni præconio extulerim. In eo enim tanta in donando gratissimi animi magnitudo enituit, vt in referenda gratia pro agresti sæpe munusculo, tenuissimique officij ge-



nere, non ingentia modo auri pondera, sed vrbes & prouincias rependeret.

IANI VITALIS.

*Quem spectas chlamide ornatum Medaque thiara  
Regem Artoxerxem pharetrata Persidis inter  
Præclaros belli proceres, pacisque Magistros,  
Quos Iouius posuit liquidi prope murmura Lari,  
Hic vbi Musarum erexit de nomine villam,  
Æternum famæ monumentum, æuique perennis:  
Hic ille est, in quem natura exempla bonorum  
Congessit, Regumque malorum immania facta.  
Huius magna fuit laus exegisse tyrannos  
Et claros meritis Reges, & munera parua  
Muneribus pensasse ingentibus, & simul vrbes  
Sponte dedisse sua passim, nec clarius vnquam  
Duxisse, insigni quam de virtute mereri.  
Sol tamen hic proprias habuit quandoque tenebras  
Dum nimis indulget vetito inconsultus amori,  
Abrogat & leges naturæ, ardensque duarum  
Iungitur amplexu naturarum: atque his super addit  
Infandam nati cædem: sed splendida in illo  
E tenebris vitiorum emerfit ad æthera virtus.*

## Alexander Magnus.



**A**LXANDRVM Macedoniæ regem, qui subactis Ori-  
ente Magni cognomen adeptus imperium Indico Ocea-  
no & Riphæis niuib. terminauit, hoc honore spectatæ  
frontis, & rosei vultus decore præditum fuisse constat, ex  
ipsa fide numismatum & statuarum, Græcorumque præser-  
tim testimonio, qui formam eius religiosissimè descripse-  
runt. Tradunt enim (quod mirum videri possit) eum nonnunquam ex sere-  
na atque pulcherrima facie, in truncem atque terrificam mutari solitum, &  
tum maximè, quum in prælijs iracundiâ incensus Martium vigorem igneis  
atque minacibus oculis euibraret. Is à prima statim adolescentia, vti lectissi-  
mis moribus & literis ex Aristotelis præceptoris disciplina grauiter imbu-  
tum decebat, vsque adeo generosi & laudis amore deflagrantis ingenij aciem  
intendit, vt æmulatione decoris, paterna gloria vehementer angeretur: Qua  
si ille stratis vndique hostibus, & tot vrbeb. manu captis, nihil iam sibi ma-  
iora armis aufuro planè relinqueret, quo innata necdum spectata virtus enite-  
scere posset. Sed Fortuna, vt plerunque accidit, ingentiū animorum præclara  
adiutrix, inuictas interempti patris copias excipienti, multo ampliora quam  
tum cuperet regni & gloriæ spatia despondebat. Itaque maximarum virtutum  
con-



concurſu indyctus ex Europa tranſgreſſus in Aſiam fatali ſuæ gloriæ deſtinatam, poſt innumerabiles præliorum victorias cunctis gentibus iugum impoſuit, tanta felicitate, vt ad Scytharum Indorumque ſolitudines, aras victoriæ



teſtes conſecraret. Verum qui ſupra mortales nominis famam extendiſſe cenſetur, Dijs proximus exiſtimari potuit, ſi ſe ipſum, qui cuncta deuicerat, demum viciffet, nec pro certo numine haberi adorarique vaniſſimè concupiſſet. Mirificam enim excelfi animi indolem aſſentantes Perſæ nimia adulatione corruperant, quòd eis Alexander regibus ſeruire aſſuetis, mortali ſpecie formoſior & auguſtior appareret. Ipſe quoque reputatione fortunæ ſuæ, quæ nuſquam aduerſa cœptis atque auſibus intemperanter aſpiraffet, ita gloriā ab admirandis operibus ſponte naſcentem inflato animo ſentire cœperat: vt iam planè ſe Philippo inuictiſſimo rege genitum puderet, cum graui Olympiadis contumelia, poſtquam confello matris adulterio ſe Hammone Ioue editum mentiretur. Ideoque exuta penitus humanitate amicorum præcipuos vanitatem ſuperbientis animi deteſtantes, temulenta crudelitate trucidaret. At Græci authores, quòd infinitæ gloriæ auido iuueni totus or-



bis ad iustum triumphum minimè sufficeret: ita eum congestis laudibus supra mortales attollunt, ut cæteræ gentes illum seipso admirabiliorem extitisse arbitrentur, quod nondum alteram fortunam expertus, dum bella ex bellis fereret, in medio vitæ cursu ceciderit: non immitti hercle fato, auertente eum à Romanis armis, quæ factò virtutis & disciplinæ periculo, si in Italiam transisset, spoliare eum anteparta belli gloria, aut certè multum de fulgore tanti nominis detrahere potuissent.

ANTONII FRANCISCI Rainerij.

*Quid tua te Macedo inuit latè aucta per orbem  
Gloria, Hyperboreo quæ riget aura gelu?  
Quaque pharetrata surgunt iuga Persidis, & quæ  
Ebibit Eoas decolor Indus aquas?  
Victorem cum te Populorum vicerit ira:  
Noxiæque vndanti pocula sumpta mero,  
Et tumidi fastus, Diuum queis poscis honores,  
Cogis & ingenuos flectere colla viros.  
Hæc procerum impulerunt fida olim pectora, regi  
Miscere è seua toxica Thessalia.  
Fortunam reuerere: noua ò qui sceptrâ capeßis  
Nam Dea, regna agili datque adimitque manu.*

## Pyrrhus Epirotarum Rex.

**I**NTER admiranda Romanæ antiquitatis monumenta Pyrrhi Epirotarum regis marmorea statua primam obtinet claritatem. Hæc humana statura procerior, & tota quidem incolumis galeata thoracataque stantis, & sarissæ innitentis gestu, in Angeli Maximi honestissimi ciuis domo conspicitur: non sine admiratione ingentis eius viri vim ore atque oculis cum laude artificis spectantium in ingenijs representans. Nemo enim ei maximorum Ducum, aut robusta atque habili corporis forma exercitatio- neque, aut indomito vigore militaris animi, aut eximiæ laudis, quæ armis peteretur, cupiditate comparari potest. Quum inter pugnacissimos imperatores propè vnicus, inter magnanimos verò reges ad gloriam anhelantes omnium confensione præcelleret. Sed qui oblatum in acie hostem inuicta dextra sternere, castrametandique, & instruendæ aciei disciplina cæteros duces anteire, ac inter omnes bello inclytos veri decoris famam extendere didicerat, vel per ampla iam partæ, affectatæque gloriæ spatia terminare nescit, utpote qui bella ex bellis ducendo prouocandoque sæpe Fortunam, alias atque alias ex victorijs, nusquam confecto bello victorias sectaretur: quod volucris quodam igne ardentis animi concitatus ad Alexandri Magni decus aspiraret. Itaque dum ab Epiro in Italiam atque inde in Siciliam, & rursus è Sicilia



Sicilia in Græciam verteretur, vaga arma circumferenti Fortuna illudit: vsque adeo indigno tanti Herois exitu, vt cuius impetum & robur Romana arma vix sustinuerint, Argiuæ mulieris manu deiecta in caput tegula perfregerit.



GABRIELIS FAERNI Cremonensis.

*Epirus mihi parua quidem, sed Martia tellus,  
Et Patria, & Regnum, & generosæ bellica menti  
Materies fuit. Aeacides mihi sanguinis author.  
Et mea cognatum virtus expressit Achillem.  
Ipse ego præscripto docui munimine valli  
Metari castra, & tutos ad bella receptus.  
Romula me pubes certamine fusa cruento  
Italica experta est sub mœnibus Heracleæ.  
Quo terrore truces animos atque aspera corda*



*Fregissem Aeneadum, & statuissem fœdera victis  
 Nî pacem infamem, cæci sententia discors  
 Dissuasisset, & ad lituos atque arma vocasset.  
 Sic ego re infecta Italo de littore cessi,  
 Quò me sors grauis atque immitia fata trahebant,  
 Ad clarum nece nostra Argos, vbi sæua cientem.  
 Prælia, ab excelsis vltix me tegula tectis  
 (Indignum) dextra deiecta afflixit anili.*

## Annibal.



VLIVS vnquam verè inclyti imperatoris virtus quàm Pœni Annibalis clarior atque testatior fuit, quum admiratione ingentis animi, qui Romano nomini dirus hostis extiterat, honoris nomine statuam meruerit: scilicet vt media in Vrbe ad funestum & execrabile monumentum, truculenti hostis imago spectaretur: graui quidem ac apprime nobili decreto: Nam si Romani senatus iudicium estimare velimus, in expiabili profectò inuidia Carthaginenses ardebunt, qui summæ gloriæ imperatorum ciuemque suum ab aduerso pugnae exitu solum vertere coegerint, vt in hostium urbem gloriosa quadam adoptione transiret. Quid enim ad diuturnam laudem populo Romano honestius vel luculentius esse potuit, quàm tanti hostis nomen, postquam ille toto terrarum orbe, & exul, & profugus, epoto demum veneno, miserè necem sibi consciuisset, erecto perenni simulacro, æternæ memoriæ consecrasset: Tantam enim vim esse præstantissimæ virtutis intelligi volebant, vt extra inuidiam vel in hoste celebranda censeretur. Nec vllò hercle certiore testimonio indomita Romana virtus niti potuit: nisi eum vbique vindicatis iniurijs, à se planè deuictum ostenderet, qui paulo antebellicosissimarum gentium legiones ex Africa, Hispania, Galliaque, ad Italiæ vastitatem trahens, tot partis ad Trebiam, Trasymenum, & Cannas victorijs, summum pauenti, sed inuictæ Vrbi terrorem admouerat. Eius ex marmorea statua integrum caput penes Fabritium Peregrinum Parmensem vidimus, id cacuminato villosoque pileo protectum erat, non absimili ab eo qui visitur in argenteo numismate Iubæ regis, quem purpurei coloris fuisse constat ex Hircianis commentarijs, quum rex ille barbarus superbo fastu, vt solus duorum exercituum imperator videretur, Scipionem Magni Pompeij socerum interdicto vsu purpuræ ad album vestitum rede gisset. Hac autem villosi & purpurei integumentis turbinata forma Sulthanis nuper in Aegypto Syriaq; regnantibus, prætorianorum equitum capita ad certum pro galea munimentum, & ad terrificam speciem ornabatur. Alteram quoq; Annibalis imaginem ex vetustissimo ære Isabella Gonzaga Herculis Cardinalis mater, nobilium antiquitatum sumptuosa cumulatix, paulo ante Urbis cladem nobis ostendit. Et sedebat in elephantis magnitudinis turbinato pileo & orbitate oculi insignis. Cui vt ab exemplo scite picto deprehenditur, plurimum arridet id marmoreum dimidiatæ statuæ



Statuæ caput, quod pro Annibale cum superioris Africani imagine apud  
Messanam à Decurionibus religiosè custoditur.



F A E R N I.

*Ferus ille, dominae terror Urbis & pavor,  
Clarissimorum pestis & strages Ducum,  
Procella Italici vastitasque nominis  
Delineatus hac tabella est Annibal  
Quem & ipsa quondam (ò testimonium graue)  
Statuarum honore Romula Vrbs impertijt.  
Quantum ille meritus est apud Pœnos suos?  
Qui in hostium vrbe, ipso inquam in hostili foro,  
Virtutis ergò, marmore effictus stetit.*



## Scipio Maior.



**S**CIPIO Maior, qui à deuictō Annibale atque subacta Carthagine Africani cognomen tulit, hoc excelso ore, & promissa caesarie, coronaq; insuper ciuica conspicuus incessisse traditur, quum proconsul in Hispania debellatis Pœnorum ducibus, ac Hispanis admiratione virtutis atque iustitiæ in eius fidem se dedentibus, patris patruiq; cædem vindicasset. Prælio siquidem ad Ticinum nō ciuis modo, sed quod incomparabile fuit, & consulis, & patris seruati decus meruerat: quod non multo post noua atq; inusitata laude cumulet. Patricios enim in lugubri terrore Cannensis cladis despondentes animos, & turpissimè de patria deferenda cogitantes, vibrato super eorum capita gladio, ita à fœdo cōsilio seuerè deterruit, vt eo die ipse vnus Urbem præsentis animi magnitudine seruasse censeretur. Hac summæ virtutis indole florentem vsq; adeo Populus suspexit, vt arcano quodam religionis ostento,



ostento, ex Draconis fabula inter incunabula conspecto, eum diuinæ stirpis esse putaret, quod in Capitolio, cellaque Iouis cum numine colloqui, atque inde oracula excipere crederetur. Nusquam enim hac viā vadenti ad gloriam, & triumphos cumulant, Dī immortales defuerunt, postquam vir omnibus integræ probitatis numeris vel apud barbaras gentes admirandus, non sine diuino numine cœlestique auspicio cuncta belli & pacis munia obiret. Verum in eo maximè mirum fuit, inter tot eximia naturæ & fortunæ dona quæ modum excefferant, quod illud atrox & summæ virtuti semper infestum inuidiæ monstrum, non modo non perculerit, sed sua insuperabili gloria nitentem supra cæteros mortales in immensum extulerit. Quid enim ei vel speciosius vel gloriosius ad nominis eternitatem Dī immortales tribuere potuerunt, quàm vt immanis inuidiæ domitor, de victore gentium omnium Romano populo triumpharet? Quum citatus ad dicendam causam peculatus, despectis elusisque Petilijs, ab eorum infami atque improbo tribunali recedens vniuersum populum in Capitolium secum abduxerit, quod priusquam profano iudicio vacarent, Ioui Optimo Max. gratiæ ingentes gratis priusque animis agenda censerentur, postquam eum esse diem fastum solennemque memoria repeteret, quo ipse Annibalem dirum Romani populi hostem, in Africa & prælio, & bello deuicisset. Contriuit liuidos Tribunorum animos, ab hac generosa voce obortus pudor, & populum repente circumflexit, quando hic ab iniqui iudicii spectaculo, ad iustissimi triumphi pompam traheretur: illi vero fracto erectoque insitæ malignitatis atque sæuitiæ successu, deserti ab omnibus & irrisi, neque vocem impotenti magistratus imperio dignam edere, neque oculos contusæ ferociæ indices attollere possent. Verum Scipio optimi ciuis more, vt legibus parere videretur ad Linternum sponte secessit, satietate gloriæ urbanarumque rerum contemptu adductus, quod fortasse pro constanti credi par esset, nisi indignatus magistratuum acerbiter amarentem ore Linterni sepulchro suo inscribi iussisset. **INGRATA PATRIA, NE OSSA QUIDEM MEA HABEBIS.** Quo titulo id oppidum abolito Linterni vetere nomine Patriam appellari hodie videmus. Sed exulanti per loca sola Campani litoris, & rerum ab se gestarum meritis laudes tranquillo animo ad felicitatem repetenti, inexpectatum supremæ gloriæ decus obuenit, quod omni alio vel de Syphace atque Annibale triumphatis, grauius atque nobilius, prædones humani generis hostes contulerunt. Quum enim improviso appulsis biremibus ad eius villam frequentes accessissent, & Scipionis familia repentino metu excita ad vim repellendam tuendumque aditum arma corripere: se non venisse hostes proiectis armis professi, id unum postularunt, vt sibi liceret Scipionem coram intueri, quem apud omnes gentes virtute & gloria celeberrimum, venerari adorareque percuperent. Prodiit ergo interritus Scipio, & procumbentibus ad pedes humaniter satisfecit, sic vt reputatione insperati casus, non sine ciuium suorum inuidia erubesceret, postquam extorris & penè exul se ipso triumphatore maior ac admirabilior immanibus piratis quàm seruatis ab se ciuibus extitisset. Mortuus est eodem anno quo clarissimi Græcorum & Pœnorum duces Philopomenes & ipse Annibal miserabilem vitæ exitum tulerunt.



*Pænorum clades, domitor Carthaginis altæ  
 Asdrubalis magni victor, & Annibalis,  
 Depictum cuius veteri de marmore vultum  
 In claris Iouiis fixit imaginibus:  
 Quàm te magnanime Heroum: tuâque ista verenda  
 Ora sacramque libens conspicer effigiem,  
 Eminent in parua maiestas quanta tabella  
 Quantum conspici floret honos capitis.  
 Apparet leto grauitas coniuncta decori,  
 Et datur excelsi cernere sensum animi.  
 Conspectu diu, & vim spernere temporis aude  
 Diuini species imperiosa viri.*

## Athila.

**H**ÆC facies inhumano luridoque pallore, ac efferi oris  
 monstroso ductu, & torua oculorum nictatione terribilis,  
 immanem Hunnorum regis ATHILAE sequitiem spirat,  
 sicuti ex ære artificis manu, & scriptorum stylo expressam  
 videmus. Hic siquidem ille est, funesti seculi dira clades,  
 urbiumque & terrarum portentosus euastator, qui super-  
 bo atque terrifico nomine, Dei flagellum appellari voluit: scilicet vt to-  
 tius truculentiae suae inuidiam humanique generis odium, ab se in iratum  
 Dei numen auerteret: quasi non alio lictore opus foret, quàm ipso Athi-  
 la, qui acerbius lege agere, & virgas, secures, ignes, validius exercere pos-  
 set, vt damnatae tempestatis mortales extrema supplicia meriti grauissimè  
 plecterentur. Is Manduci filius, Bleda germano fratre qui ad Budam Pan-  
 noniae regnum sibi condiderat impiè trucidato, innumerabilem Hunno-  
 rum variarumque gentium colluuiem secum trahens per Noricum & Vin-  
 deliciam, Remorumque fines, in Galliam irrupit. Sed in Catalaunicis cam-  
 pis edito longè omnium cruentissimo prælio, ita Aetii virtute repulsus est,  
 vt in Pannoniam magna accepta clade redierit. Vnde demum post aliquot  
 annos reparatis copijs, per Carnicas alpes in Italiam sese vastabundus effun-  
 deret. Sed hesit in limine aliquandiu obsessa per duos annos Aquileia, at-  
 que eadem fame capta deletaque. Cæterum ab eius nobilissimæ urbis exci-  
 dio, nihil mitigata rabie deflexit in Euganeos & Venetos, Altino, Concor-  
 dia, Opitergio, Taruisio, Patauioque eustatis aut euersis: quum vndique  
 tot oppidorum atque urbium incolæ, metu mortis, in proximas Hadriati-  
 ci maris paludes confugere cogerentur. Verum ab hac inusitata & planè mi-  
 serabili incolarum calamitate, lato quodam maximeque felici auspicio, ad-  
 miranda urbis Venetae primordia exorta sunt, insigni quidem magni nu-  
 minis prouidentia, quum munitissimo inter paludes situ stupendæ eius vr-  
 bis fundamenta iacerentur. Quæ vna ferè omnium per mille annos inui-  
 cta,



cta, cæteris non obscure seruiantibus, in Italia incorruptæ libertatis decus tuetur. Anhelabat Athila semper sæuus & furens ad Alarici prædonis famam, qui ante quadraginta annos Romam orbis dominam summique im-



perij caput immaniter deformarat, eoque iam cum tota mole barbararum gentium cruoris & prædæ auidus ferebatur, immanique voto potitus foret, nisi Martianus Cæsar viribus & belli fortuna inferior, a Deo maximo certam opem implorasset, diuino instinctu per quietem admonitus, vt positis armis Leonem Romanum pontificem venienti belluæ obijceret. Suscepit itaque id munus alacriter Leo, nihil reformidato periculo quod veræ pietatis gloriam afferret. Is non dubia sanctitatis opinione, & senectæ venerabilis, cum simplici antistitum & patritiorum ordine in thiara, sacerdotalique amictu, & prælata argentea cruce, ad tyranni pedes proiectus, ita atrocem eius animum alias semper iratum & implacabilem, pijs precibus mitigauit & flexit, vt occulto perterrente numine attonitus & emollitus manus daret: Nec multo post qui cuncta obuia prostrauerat, nec vsquam sisti potuerat, modico contentus tributo in Pannoniam reuerteretur. Quid



enim maius & gloriosius armis peti potuit, quàm Romanos, qui à deuictis toto orbe populis tributum exegissent, tanquam domitos alienæ virtutis admiratione tributarios effecisse. Mirabantur Hunni procures Romanæ prædæ auidi, quòd Athila virtutis & fortunæ suæ penitus oblitus ex bellicosissimo imperatore, homuntionis sacrificuli oratione fracto vigore animi, repente alius & prorsus imbellis & timidus & extitisset. Verum is ad ea respondens, tantæ commutationis causam in duos augustiore specie Heroes referebat, qui à dextra læuaque supplicantis Leonis, vibratis gladijs sibi necem, nisi pijs precibus annueret, minitari videbantur. Eos proculdubio diuorum Petri & Pauli spectra fuisse Christiani existimant. Athila vero vel supra omnes barbaros ingenio maximè fero & agresti, vt suos itidem conuicio quodam pacem Romanis datam improbantes eluderet, lepido scommate vsus fertur, quum diceret, An non importunè miramini quòd ferarum regi quem cuncta animantia horrent, repente cesserim? facete ad pontificis nomen alludens. Per hunc modum Romanis tributo imposito in amicitiam receptis, quum in Pannoniam esset reuersus, Hildidem excellenti forma vxorem duxit, sed maturè Dii prohibuerunt, ne ex eo ferali connubio proles aliqua tanquam humani generis portentum ederetur: nuptiali enim nocte temulento atque altè stertenti, tanta vis sanguinis per narres erupit, vt qui tot cædibus passim editis prouincias immanissimè cruentarat, ad extremum subito expirans, coniugalem thorum largissimo sanguinis sui flumine inundarit. Memoriam autem proditum est, Martianum Cæsarem per somnium ea nocte qua Athila fato cessit, fractum eius tyranni arcum, comminutasque sagittas, Theodosio indicante conspexisse: quasi Dii curæ esset, vt hostile quicquam ab ea terribili fera timere desineret.

#### ANTONII VULPII Nouocomensis.

Quid tot conspiciens, viator, altum  
 Erecta ad tumulum trophæa, totque  
 Victorum exuuias Ducum, vrbiumque  
 Tot cadauera, totque de subactis  
 Triumphos populis, stupes anhelus?  
 Rex ille Athila, Numinum flagellum,  
 Tu nosti reliqua: hic iacet: viator  
 Cerne vt nunc etiam cinis superbus  
 Spiret imperium, minas, furorem:  
 Hunc casus nisi narium soluta  
 Vena, dum thalamis nouæque nuptæ  
 Indulget nimis, abstulisset: orbis  
 Euersus, titulos, decusque, monstor  
 Fatali cumularet, & trophæa.

#### ADAMI FUMANI Veronensis.

Fax orbis ille, incendium, pallor, pauor,  
 Europa monstrem quem nouum genuit parens,  
 Matris ferus quod carnifex foret sua,

Qui



*Qui barbaro superbo ipse spiritu  
 Dei Flagellum numen indidit sibi  
 Terris furens satelles irati Iouis,  
 Per quem fuere secla facta ferrea,  
 Quum quaque mores vsque fudit barbaros,  
 Quo se ore viuens ferre suesset Athila  
 Tabella Iouij hæc indicat planissimè.*

## Totila.



**T**O T I L A s hoc roseo illustrique vultu, & statura corporis eximia multoque militaris animi vigore, Visigothicae regiae stirpis specimen referens, Taruisij Rex est appellatus: paulò post quàm Rex Vitiges Belisarij virtute fractis opibus sese atque Rhauennam victori dedit, vt ad Iustinianum triumphali spectaculo duceretur. Indignabantur enim reliqui Gothorum proceres, qui in Venetiae Cisalpinæque Galliae oppidis remanserant, quòd inuicta antea Gothorum virtus, Græcis homunculis imperitia Vitigis, aut certè nimis celeri desperatione succubuisset. Propterea hominem regia dignum corona animo atque oculis requirebant: qui afflictum, humique prostratum Gothicum decus erigeret. Nam paulò antè Theudebaldum Vitigi suffectum, quòd Vraiam virum sua virtute & Vitigis propinquitate clarissimum, indignè occidisset, Bella Rogus inter epulas obtruncarat: successoremque huius Atharicum Gothi proceres, quod cum Iustiniano foedè pacisci, quàm armis contendere mallet: incertum an veneno, intra paucos menses sustulerant. Itaque Totilas ex Theudebaldi sorore genitus, insignique ob id procerum fretus studio, vsque adeò animum sustulit, vt bonæ spei plenus & gerendi belli maximè cupidus, ad veteris imperij, Theodoricique regis amplitudinem aspiraret: sæpeque ad Gothos concionaretur magnifice suadendo, vt nihil animo se demitterent, & sibi secunda omnia, postquam Belisarius Italia decessisset, obuentura sperarent. Nec opinionem fauentis populi vsquam fefellit, vt potest qui in omni obeundo munere mirificæ virtutis vim ad bellum afferret: & eo quidem rerum successu, vt maximorum regum famam rerum gestarum felicitate æquasse, nec immanissimi tyranni nomen à nostris impositum, merito tulisse censeatur: nisi in postremo vitæ actu, vt in Tragœdijs videmus, illudente Fortuna corruisset. Primum eius operum victoria fuit de Bessa & Vitalio Bellisarij ducibus ad Veronam parta: læto quidem auspicio, quòd profligatis copijs cuncta ad vnum militaria signa in eius potestatem venissent. Inde victor & ferox Italiam percurrrens, passimque praesidia confirmans, Spoletum cepit, Beneuentum mœnibus nudauit, Neapolim longa obsidione perdomuit. In ea autem victoria, tanta usus est clementia, lenitate, iustitia, vt Cononem praesidij praefectum, liberali inuitatum stipendio, & id munus renuentem, quòd sacramenti religione obstrictus sine scelere fidem mutare non posset, incolumem datis comitibus Romanam



dimiserit. Romanos item milites & ciues Neapolitanos inedia propè enectos, & passim ab immoderato auideque sumpto cibo collabentes, distributis ad vitæ & valitudinis rationes alimentis, refouit atque seruauit. Et



quum vndique maleficia militum puniret, armigerum suum, nobili ortum loco & apprime strenuum, de vi illata ingenuæ virginis conuictum securi percussit, tanta seueritate, vt damnati bona quæ erant amplissima, nupturæ virginis in dotem adijceret. Brutijs demum, Lucanis, & Calabris admotum vndique terrore in fidem redire coactis, satis sibi bellicæ laudis, satisque imperij sibi partum existimare potuit, nisi Roma vrbum omnium dominâ ad summum gloriæ cumulum potiri cupiuisset. Nec impotentis barbari immani voto Dij iam pridem Romanis infesti omnino defuerunt: semel enim vt in fatiis erat, atque iterum vrbs Roma Isauris, Cilicibus, custodiæ locum proidentibus, capta, direpta, euastataque est. Verum auso potitus Totilas nequaquam barbaro ingenio ex tanta victoria nouæ laudis occasionem intellexit: generosoque consilio violentiæ atque superbiæ suæ modum imponens, omnes qui in templa confugissent, incolumes & liberos fore



fore pronunciauit: vsque adeo remissa animi feritate, vt Pelagio sacrorum Principi, & pro salute publica excidium deprecanti, religioso quodam pudore placatus obediret, & in mœnia tantum grassaretur, vt certis in locis ingenium portarum instar adaperata, & potentiae suae vim, & moderationis lenitatem æterno monumento testarentur, Romanorumque familiae in Campaniae oppida relegatae, patrij soli calamitatem diu lugerent. Cæterum miseris, vt plerunque in ipsa clade accidit, pie riteque ad placanda numina conuersis, non omnino serus ultor Narses aduenit, vt commutata belli fortuna, qui à summo duce Bellisario superari nequiuerat, præualidus & ingens vir Totilas, à tripalme sene eunucho vinceretur. Cum hoc enim Totilas postquam vndecim regnasset annos, in Vmbria iuxta Calles oppidum viae Flaminiae impositum, ad aquam (vt dicunt) Alaniam, collatis signis confligit. Eo quidem euentu, vt quum diu inter vtranque aciem phalerato equo, & auratis armis conspicuus, iaculo sæpe in auras euibrato, itidemque excepto, equitandi artem ostentasset, conferta demum pugna profugeret, vulneratusque à persequentibus, intenta fuga ad vicum Capras cum tribus equitibus elaberetur. Ibi dum vulnus obligaret, nec sanguis sisteretur, expirauit: Vna hac fortasse fatali sorte nequaquam infelix, quod tanti modo nominis rex, & inter strenuos milites longè fortissimus, nec vnquam antea victus, Eunuchi triumphum effugerit: quum sine vlllo funeris honore nullisque inferijs, clam inter vepreta conderetur: vt inde post aliquot dies indicante muliercula erutus, & planè agnitus, vel ab ipso victore Fortunæ ludibria graui animo reputante, miserationis & verecundie mixtas gaudio lachrymas exprimeret.

## ANTONII FRANC. RAINERII MEDIOL.

*Hæc Totilæ effigies, quo iuncta leguntur in vno  
Et decor, & robur, & pudor, & pietas.  
Miscetur decori robur: pudor emicat armis  
Quam forti apparet pectore, tam pius est.  
Urbem terrarum dominam capit: attamen Urbis  
Seruat captivæ templa, Deosque colit.  
Semiuir ast illum valido domat agmine Narses  
Infractum bellis omnibus ante virum  
Flebilior sors nulla fuit, nam contigit illi  
(Heu) prope fœminea procubuisse manu.*

## ADAMI FVMANI.

*Immanis ille pestis Urbis, barbarus  
Quæ barbararum gentium terror, sui  
Ad ortum ab occidente fines imperi  
Olim feroci Marte dilatauerat,  
Qui nostra vastitate cuncta perculit  
Vicos, agrósque, ciuitates, oppida,  
Ritu procellæ, turbinisque acerrimi  
Deo atque hominibus abominatus Totila*

Hæc



*Hac in tabella pictus hospes an vides  
Vt seuius, importunus, impotens, adhuc  
Stragem minatur ore, cadem, sanguinem?*

## Narfetes.

**N**ARSETIS veram imaginem quam argenteis & æreis nummulis minimè eleganter expressam videmus, Græci scriptores, Procopius, Agathius & Suidas, ad perenne monumentum nobis ita repræsentant, vt eam non lætis modo oculis, verum maximè pio gratoque animo admirari & venerari fas sit. Quid enim ex omni annalium memoria admirabilius fuit, quàm Gothorum gentem, indomito immanium corporum, ingentiumque animorum robore terribilem, ipsumque inuictum antea regem Totilam, ab homulo gracili, pusillo, & quod maximè miserum & pudendum hostes putarunt, defectæ virilitatis eunucho, omnibus ferè prælijs, ac vniuerso demum bello superari? Sicilia, totaque Italia depelli, & ad internitionem nominis passim deleri? Fuit hoc profectò incomparabile & verè summo amplissime laudis decus, quum longè speciosissimum de restituta Vrbe liberataque Italia trophæum Narseti erectum conspiceretur: si certis sese finibus immensæ virtutis gloria terminaret. Accessit enim ad ipsum excelsi trophæi cacumen, vt id noua specie nouisque exuuijs exornaret, victoria de Francis ad Volturnum parta. Irruperant in Italiam è Gallia Germani fratres Bulthinus & Leuthares, Francorum principes, non contenti opulenta ea regione, quam ipsi è Germania aduenæ eiectionis indigenis occupassent, vt post debellatos à Narsete Gothos, Italiæ imperium arriperent. Diuisis itaque copijs Bulthinus à Tyrrheno, Leuthares ab Adriatico litore, totam Italiæ emensi longitudinem cuncta obuia prostrauerant: iamque Bulthinus diues præda è Brutijs atque Lucanis rediens, quartam cladem afflictæ adhuc Vrbi, & nondum planè munitæ proculdubio allaturus erat, nisi Narfes irruenti belluæ ad Casilinum occurisset. Erant Franci inuictum, & formidabile hominum genus, hamatis atque mortiferis instructum telis: sano imperatori æquo in campo & iusta acie refutandum: nec oppugnandum quidem in castris, quum se lunata curuum serie depressis solo ad axem rotis vndique muniuisset. Verum Narfes vel parua manu tot barbarorum robora per moras & astus mirè ludificatus, ita perfregit, vt inusitata aciei forma circumuentos, cadente Bulthino ad vnum omnes trucidaret, & Volturni cruento alueo ingentia cadauera in Tyrrhenum voluerentur. Parem quoque profectionis & vitæ exitum, sed diuersa conditione Leuthares tulit. Nam è Salentinis per Apuliam, Picenum atque Flaminiam, quum in Venetiam esset reuersus, quod templa omnia passim sacris donarijs spoliasset, ultore magno Deo in horribilem incidit morbum, ex quo vesana rabie percitus suos artus dentibus laceratos, manantemque cruorem bibens deuorabat: & Franci ad vnum omnes sæuiente pestilentia delerentur. Tantis rebus



rebus gestis Narſes quum per Italiam præcellenti pietate templa conderet, & paſſim illatas à Gothiſ iniurias magnificè reſarciret: ſummaque legum æquitate populis ius diceret, id vnum omnino contendebat, vt feſſa tot ma-  
lis Italia: ſecura atque opulenta pace fruëretur. Sed his artibus collecta gra-  
tia, auctis opibus, & inſigni gloria florentem, quem immenſæ Gothorum  
vires & formidanda Francorum arma non fregerant, oborta inuidia huma-  
næ felicitatis commune malum, inexpectatò ita perculit, vt incredibili do-  
lore incenſus, animum omnibus antea iuſtitiae, religionis, & patientiæ vir-  
tutibus exaggeratum, ad vindictæ libidinem indignanter verteret. Sophia  
nanque Auguſta muliebri liuore à delatoribus concitata, quum Narſeti ſuc-  
ceſſorem deſtinaret, ad eum contumelioſe ſcripſerat: vt iam tandem diuitijs  
expletus in Italia regnare deſineret: quando ei colus in Gynæceo Byzan-  
tij, quàm Romæ ſceptrum aptius conueniret. Quæ verba vſque adeo pro-  
fundè in pectus deſcenderunt, vt Sophiæ reſponderet, ſe nere quidem, ordi-  
ri, texereque ſolitum, maturè daturum operam, vt paratis iam filis eam ſci-  
tè telam ordiretur & texeret, quam nec ipſa nec vxorius imperator retexe-  
re poſſent. Accerſendum enim in Italiam è Pannonia Alboinum Longo-  
bardorum regem, cui nemo ex inuidiſ reſiſtere poſſet, exiſtimauit: vt inti-  
ma Romani imperij viſcera, nouæ & bellicoſiſſimæ gentis irruptione qua-  
terentur. Verùm omnibus magnitudine periculi terrefactis, Ioanne Roma-  
no pontifice iuſtam iracundiam pñs precibus demulcente, Narſes priſtinæ  
ſuæ pietatis & probitatis memor, perturbatam mentem ad clementiæ de-  
cus vſque adeo tempeſtiuè reflexit, vt Alboinum iam intentum ad iter, ſub-  
ſiſtere, opperiri que alia nondum maturæ occaſionis mandata iuberet. Pa-  
ruerunt Longobardi, nec oblatum inuadendæ Italiæ conſilium prius ad pro-  
fectionem explicarunt, quàm Narſes poſt aliquot annos cunctis que ab im-  
peratore deferri poſſent honoribus functus, iam ſenex exceſſit è vita. Eius  
ſiquidem indyta virtus in poſtremo vitæ actu, quod ſummæ felicitatis fuit,  
immane illud inuidiæ monſtrum magnitudine admirabiliū operum, &  
illuſtri fulgore ſuo penitus obruerat. Imbelles enim liuidique aulæ proce-  
res non obſcuro ingruentis belli metu ſubacti, qui ad Narſetis præfecturam  
anhelare auſi fuerant, eum quem priuatim oderant, vt plerunque fit, pu-  
blice miris laudibus extollebant: ita vt mihi Narſes ſupra omnes mortales  
maximè admirabilis fuiſſe cenſeatur, poſtquam è Perſide conditione ſeruus  
& eunuchus inter delitias muliebres nutritus in Regia, pretioſiori que de-  
mum gazæ fidelis cuſtos præpoſitus, è tanta ereptæ virilitatis calamitate  
vnicus prope cum virtute, tum Fortuna imperator extiterit. Nemo enim  
eo peracuti atque habilis ingenij vim ſolertius ad conſilium flexit, nemo  
grauiſſimarum rerum negotia certius explicauit, nemo denique vtriuſque  
Fortunæ impetum conſtantius atque felicius ſuſtinuit & auertit. Verùm  
quod admirationis humanæ modum excedere videtur, nullo literarum fre-  
tus præſidio, quod ſophiſtæ ad parandam dicendi artem nunquam ope-  
ram dediffer: eloquentia militari tantum valuit, vt quum opus foret, repen-  
te ſummus orator, animos quò vellet facile impelleret. Cunctas ſiquidem  
humanarum rerum actiones ad religionem reuocabat, ex qua non dubia  
preſenſio diuinatioq; rerum bellicarum, & longa infracti animi patientia &



cuncta denique iustitiæ temperamenta profluerent. Nec intenui corpusculo supra ingentis animi vigorem expetita magnis ducibus, equitandi & iaculandi peritia deerat, qua vires in hoste ad impetum validiores mirè contemneret & eluderet. Nobilissimum eius operum Romæ visitur marmoreus pons, quem Totilas disiecerat, Anieni Salaria via impositus, in quo tale Epigramma incorruptis adhuc literis legimus, dignum utique ut non in ponte tantum, sed toto orbe ad Narsetis gloriam celebretur.

*Quàm bene curvati directâ est semita pontis  
Atque interruptum continuatur iter,  
Calcamus rapidas subiecti fluminis undas  
Et libet irata cernere murmur aquæ,  
Ite igitur faciles per gaudia vestra Quirites  
Et Narsin resonans plausus ubique canat.  
Qui potuit rigidas Gothorum subdere mentes  
Hic docuit durum flumina ferre iugum.*

#### ANTONII FRANCISCI RAINERII.

*Non non hac tabula semivirum hunc fingere parvula  
Fas est, marmoribus quem decuit scalpier, arduo  
Aut Ossa, aut Rhodope, aut aerio Caucaseo in iugo,  
Si spectes animum belligeri, factâque fortia.  
Hic Narses, regio quem peperit Persidis inchyta  
Byzantiq; aluit, quem domus olim aurea Caesaris  
Eductum muliebri imperio & mollibus in iocis,  
Acuto fuerant secta cui pondera forcipe.  
Hic ille est valido consilio qui quatit agmina  
Gothorum, & madidum sanguine regem Totilam Italo,  
Francorumque acies, barbariæque Ausonia expulit.  
Salve, ô macte animo semivir & clarior omnibus  
Veris Marte viris. Nunc utinam magne resurges.*

## Carolus Magnus.



**S**ALVE Heros bellica virtute, illustri iustitia, & Christiana pietate supra omnes Augustos maxime indyete. Salve imperator inuicte non MAGNI modo, quod consensu nostri orbis cum incomparabili gloria tibi obuenit, sed T E R M A X. cognomento dignissime. Tu enim gentes immanitate barbaras, & in vestigio mori potius quam vinci solitas, quoniam infanis superstitionibus seruirent, ita iustis armis & diuina tua virtute domuisti, ut non opibus & libertate spoliatae vincas manus ad seruitium victori darent, sed conseruatae incolumes à clementia pietateque tui nominis insigne beneficium acciperent: quum ad veræ religionis cultum, te hortatore, magistroque ducerentur. His nempe longe optimis belli & pacis artibus, non indomitos modo Saxones & perui-

caces



peruicaces Cantabros perpetuis victorijs deuictos, verum quod ad perennio-  
riorem laudem nobilius fuit, Longobardos arroganter & impiè sacrosancto  
pontifici infestos, Deo ultore funditus excisos videmus. Salue itaque Chri-



stiani imperij propagator Augustissime, pontificie dignitatis assertor & vin-  
dex, aureæque ætatis conditor. Te siquidem auspice Italia in primis, quæ  
iam pridem à Gothis & Vandalis deformata prostrataque ferrei seculi in-  
iurias pertulerat, sese usque adeo felici rerum omnium prouentu erexit, vt  
pristinæ amplitudinis ornamenta reciperet, & religio ad firmiorem di-  
gnitatem ritè instaurata, clariore iam nominis sui autoritate potiretur,  
& singulæ prope vrbes tuæ eximie liberalitatis atque magnificentie mo-  
numenta mirarentur. Verum Etrusci nullo vnquam æuo tuas laudes file-  
bunt, quod Florentiam omnium vrbium longè pulcherrimam ad non du-  
bium, si admirabile ædificiorum decus spectetur, totius Italiæ ornamen-  
tum, in cineres à Gothis conuersam restitueris. Itaque magnanime Ca-  
role, nihil nobis ex tui decoris memoria maius aut luculentius relinqui-  
tur, quam vt hanc generosæ frontis & probi vereque augusti oris speciem



contemplando sanctissimè veneremur. Neque enim dubitare fas est, quin inter priscae ætatis Heroes mirifica pietate in cœlo beatas sedes meritos, æterna felicitate perfruare. Vel ob id te ipso in terris maior & venerabilior, quod plerique Romani imperij successores nequaquam æmulatione gloriæ tuæ ducti, & impiè & turpiter ad certum dedecus ac ignominiam neglectæ religionis imperarint. Aeream Caroli effigiem nobis dono dedit Alfonso, Magni Laurentij Medicis nurus.

IOANNIS BELLAI Cardinalis Parisiensis.

*Carole dum monstras aditus quibus Itala posset  
Externum virtus ferre subacta iugum,  
Lene tamen ferre illa iugum sub principe leni,  
(Quale fuisse tibi vidimus ingenium)  
Extincti penè vnus opes Latiasque, tuasque,  
Nec laus in lucro vt debuit esse, fuit:  
Regnandi neque enim est, vt regni exempla secutus  
Æmulus heu cæpti qui fuit ille tui,  
Æmulus ille quidem, cæptique & nominis hæres  
Sed tibi tam, victo quàm nocuus Latio,  
Nam Latio est vsus sic in tua viscera victo,  
Ut sit in authorem pœna retorta suum:  
Si nescis, procures cæsos animasque nepotum  
Errantes toto consule in Elysio.*

HONORATI Fasitelij.

*Audistine olim magni post Herculis arma  
Extremam paribus Calpen qui terruit ausis  
Inuictum virtute animi, dextrâque Rolandum?  
Audistin robusta senis tot pignora Amonis,  
Ac teneram roseo cum primis ore puellam  
Casside sub dura solitam se credere campo,  
Congressamque viris victricem excedere pugna?  
Atque alios, aliosque omnes fortissima bello  
Pectora, bis senos ex ordine Palatinos?  
Quos magnis longum spectatos Gallia rebus  
Euexit cœlo, & fulgentibus intulit astris,  
Insignes scilicet spolijs Heroas opimis  
Insignes raptis immani ex hoste trophæis?  
Hoc duce, quem multo trabeatum cernis in auro,  
Nunc etiam aspectu ipso, & maiestate verendum,  
Hoc meruere olli, & tantum exhaustere laborum.  
CAROLVS hic ille est, quem nec secla vlla, nec ætas  
Non canet eximio Magnum cognomine regem:  
Cuius ab auspicijs tum primum Gallica signa  
Bætis, & infractus victricia sensit Iberus.  
Intremuere Asia reges, iacuitque subacta*

*Punica*



*Punica terribili tellus concussa duello.  
Cetera ab angustæ spatij exclusa tabellæ  
Te magni diuina IOVI monumenta docebunt.*

PARTHENII PARAVICINI NOVOCOMEN.

*Hæc verò longè ante alias quæ fulget imago  
Quam circum densa mediam cinxere corona  
Egregij bello reges, tibi maximè regum  
Sacrat, priscum reparas qui Martis honorem.  
Nam vix Pipini imperio sceptrisque potitus  
Francorum iusta arma moues, atque hoste subactò  
Ducis Aquitana celebrem de gente triumphum.  
Nec mora quanquam ingens immani à Saxone bellum  
Ingrueret, patrios fines transgressus & Alpes  
Vixdum victrices aliquas angustaque signa  
Expandis, cecidere hostes rex captus, ab illo  
Italia amissos primum sperauit honores,  
Et caput erexere arces, collèsq; Latini,  
Religio, Petrique ratis iam fessa procellis  
Per te exoptatos subiit tutissima portus,  
Te ne adeo Ausonij pietas laudumque capido  
In lituos, aræ, Romanæque sacra trahebant?  
Quid Longobardum strages, & Batica dicam  
Agmina? perfractos Mauortia pectora Iberos  
Et totum auspicijs domitum felicibus orbem  
Post obitos, quem tot exantlatosque labores  
Iuppiter meritum cæli super arce locauit  
Heroes inter claros, sanctumque senatum.  
Ausonia infelix, ecquem nunc æmula virtus  
Excierit, quis iam pro religione tuenda  
Sollicitus, sacrisque Deum pia ceperit arma?  
Vos ò qui socias odijs civilibus vrbes  
Vertitis infandisque decus speratis ab ausis,  
Si famæ vos tangit amor, laudumque cupido,  
Hoc agite, hinc iustis quærenda est gloria bellis.*

Gotifredus Bolionius.



ACRO bello quod ante quadringentos annos indicente  
Vrbano pontifice, ab illustribus Europæ Regulis pro glo-  
ria Christiani nominis, incredibili pietate susceptum, inusi-  
tata gestum virtute ac admirabili felicitate confectum est,  
GOTHIFREDVS Bolionius supremum decus tulit. Is tum  
in Belgico Oceani litore vrbi Bononiæ dominabatur, præ-  
que se ferebat antiquissimam Lotharingæ stirpis nobilitatem, quum pon-



tifex ad Claromontem Aruernorum oppidum in Asiaticam expeditionem ad recuperandas Hierosolymas nomen dantibus, dextro humero rubra cruce religiose obsignato, coelestibus vitæ præmia promittebat. Om-



nium itaque princeps Gothifredus Christi se militem professus, eam crucem, & belli tesseram de manu sacrosancti pontificis accepit: Ea verò apud vniuersos erat, **DEI VOLUNTIS**. Inerat ei præcipuum naturæ donum proceri corporis & grauißimi oris eximia dignitas, quam excellens bellica virtus, & sancta promissi fides, incorruptique mores adornabant. Nauarat Cæsari in Italia bellum gerenti fortem fidelemque operam: vnde trium linguarum peritiã & singularis industrie famam bello & pace retulerat. Incredibile dictu est quo militum concursu, quo ardore procerum, quo diuitiarum, penatium, vxorum, & vitæ denique contemptu rubræ cruce peterentur. Diuino enim quodam furore concitatis animis, deuotisque corporibus generosissimi quique non caducum sed immortale decus quærebant, quum pia fortiaque pectora occupante religione, periculorum omnium metum, spes vna perennis inter cœlites gloriæ discuteret: propter quam



quam suscepto voto, cunctis domesticæ pacis delitijs, cunctisque opulenti  
ocij voluptatibus facile renuntiarent. Id verè pium, vereque decorum præ-  
sentium animorum decretum, non Gallos modò, sed Germanos, Anglos,  
Scotos, & Danos, & denique Hungaros æmulatione pietatis & gloriæ in id  
bellum traxit. Non defuere Itali principes externæ pietatis æmuli, qui expe-  
dita arma consociarent, mariaque trañcientes cupidissimè sequerentur. In  
his fuere è Transpadanis Gulielmus Longaspatha, & Otho Vicecomes, &  
ex Apulia Boemundus atque Tancredus illustres Reguli, qui supra trigin-  
ta milia armatorum peditum & equitum sub signis habuerunt. Iere diuer-  
sis itineribus, diuersisque classibus, quòd tantæ alendæ multitudini, neque  
expositæ passim, aut reconditæ fruges, neque contracta vndique nauigia  
ad trañciendum sufficerent. Petrus Eremita huius belli præcipuus adhorta-  
tor, ab Hungaris ex itinere multis affectus detrimentis, cum primo agmi-  
ne Byzantium peruenit. Hugo Magnus Francorum Regis frater, qui au-  
thoritate nominis cunctos anteibat, è Bario Dyrrhacium trañcit, & per  
Macedoniam in Thraciam iter habuit. A Brundusio autem atque Hidrun-  
te Boemundus cum Italicis copijs Ionium emensus Corinthum appulit,  
atque inde per Aetoliam & Phocidem atque Thessaliam, Byzantium est  
profectus: Alexio Græcorum Imperatore vsque adeo ad tantæ multitudi-  
nis conspectum metu consternato, vt postquam iusta petentibus, & inui-  
cta tenentibus arma, nihil negare poterat, dubio astutoque ingenio certa  
pactione cuncta concederet: scilicet vt graui ea periculosaque Thraciæ tot  
fortissimarum gentium multitudine exoneratus, belli ipse spectator omni  
prorsus timore atque incommodo leuaretur. Traiecerunt è Byzantio Chal-  
cedonem trecenta milia descriptorum peditum, & centum milia galeato-  
rum equitum: qua multitudine vadentium ad insolitum decus, nusquam ir-  
rito conatu tota penè Asia quateretur: Nam sicuti ab Europa terribiles tot  
nationum copię totque inuicti duces suscepto semel voto, aut honesta mor-  
te, aut insigni victoriâ satisfacere, perrumpereque omnino in Syriam ad  
Christi sepulchrum decreuerant: ita excitæ ad arma toto Oriente Mahome-  
tanę gentes, Asię possessionem ante trecentos annos bellica virtute partam  
pertinacissimè tuebantur. Sed ea nostrorum vis religiosique & indomiti co-  
natus felicitas fuit, vt quum centies varijs cruentisque successibus esset dimi-  
catum, nec ingentia flumina, nec inaccessæ Tauri, Amanique rupes, nec ob-  
lata passim immensę Barbarorum acies, nec sitis, nec dirę famis, incidentes-  
que viris & iumentis morbi properantia agmina retardarint. Scriptores  
nempe eius ætatis, & in primis Tyrius antistes, qui earum rerum historiam  
incorruptè condidit, varietate incredibilium casuum & magnitudine præ-  
liorum obruuntur. Hęc enim humanæ memorię captum exuperant, & o-  
mnem annalium fidem antecedunt. Nec mirum quum totius ferè commoti  
terrarum orbis, bellicosissimæ gentes non de fortunis modò ac imperijs:  
sed quod maximè animos excitat & incendit, de religione sacrorumque au-  
thoritate inter se manus contulerint. Ad Nicæam primo Solymanus Tur-  
carum Satrapes & clarissimus imperator ingenti prælio victus, & latè pro-  
fligatus est. Ad Antiochiam deinde in Syria Corbanam Parthorum Me-  
dorumque & Assyriorum innumerabiles ducentem copias, nostri heroes



incipiti prælio dimicantes, ad Orontem prostrauerunt. Aegyptius vero Rex Caliphas memorabili acie victus Christianæ virtuti succubuit: Hierosolymæque demum diu oppugnata, acerrimeque defensæ, magna cum cæde Barbarorum captæ sunt: quum ante omnes Gothifredus admota turri lignea, ex eaque in hostilem murum demisso ponte, ipse cristata galea conspicuus, & pedestri protectus scuto, trucidatis depulsisque Barbaris primus in urbem peruasisset. Eo celeberrimo facinore edito, tot Procerum consensu Hierosolymarum Rex est appellatus. Sed vir sanctitate pariter atque virtute singularis, decorum fortasse alijs, sibi verò superbum regis nomen, pio inuictoque aduersus fastum animo repudiauit: quod nefas esse diceret, ea in vrbe auream coronam ferre, in qua Christus spineam tulisset. Quo habitu delatum diadema renuentis, eius effigies iubente Leone pontifice, ex vero numismate excepta, in cœnaculo Vaticani picta est. At Gothifredus suscepto imperio nihil antiquius duxit, quàm sacrosanctæ vrbis delubra ritè expiare: quassata arietibus mœnia instaurare, ac ingenti cura Ioppem expugnare, vt Christianis classibus in proximo litore portus pararetur. Nam Veneti Liguresque, tam pia quàm decora contentione nouas semper copias, nouosque commeatus & bellica instrumenta nostris præclare vincentibus conuectabant: vigente & crescente ad victoriæ famam studio piorum fortiumque hominum, qui ad inuisendum Christi sepulchrum, urbemque antiquæ religionis claritate famosissimam, certatim transfretabant. Victores nanque proceres sacre militiæ, voto ad Christi sepulchrum ritè soluto, perfusi incredibili lætitia, tanquam victoriæ compotes, ad vxores & propinquos in Europam redibant, hortabanturque obuios, vt in supplementa gloriosæ militiæ defunctorum, arma atque animos expedirent, & reliquum integræ adhuc laudis decus, deletis ad internitionem impijs mererentur. Cæterum Gothifredus Ioppe Ascaloneque expugnatis, fusisque non vna acie passim hostibus, mediterraneisque aliquot oppidis in fidem receptis: quum integrum regnasset annum, pestilenti morbo surreptus excelsit è vita: tanto Christianorum, Syrorumque omnium luctu ac desiderio, vt qui viuens multos dignitate æquales, commendatione pietatis atque virtutis anteisset: post mortem quoque in terris felix haberetur, quod relicta posteris gloriosa hæreditate, Balduinus frater, qui ad Edessam Mesopotamiæ urbem Tetrarcha regnabat, fraternæ amplitudinis atque fortunæ æmulus, consensu Procerum regnum sit consecutus.

ANTONII FRANCISCI RAINERII.

*Gothifrede pijs Solymos dum subijcis armis,*

*Et renuis capiti regia ferta tuo:*

*Nil vnquam humano diuinius exijt ore*

*Regali quàm quod exijt ore tibi,*

*Laurea non hominem gestare, nec aurea regem*

*Fas, vbi rex Diuum spinea ferta tulit.*

*Macte heros tam voce hac quàm victricibus armis*

*Quæ Babylon, omnisque horruit Assyria.*

SALA



## Saladinus Sulthanus.



**S**ALADINVM Sarraconis Medi, qui nefario scelere summa-  
 que perfidia interfecto Califfa Memphitico Sulthano, cuius  
 mercenarius dux fuerat, Aegypti regnum occupauit, filium  
 fuisse authores tradunt: tantaque animi magnitudine & vir-  
 tute praeditum, vt inuicto spiritu, altitudineque solertis in-  
 genij, & vi eximia corporis, peritia & fortuna belli, maxi-  
 morum imperatorum gloriam aequasse censeretur. Is ab ineunte aetate cun-  
 ctis belli artibus instructus, vt erat praecipuus pecuniae contemptor, viros  
 fortes liberalitate vndique sibi asciscere, magno sumptu explorare hostium  
 facta dictaque, induciarum belliue gerendi occasiones presentire, iustitiam  
 fidemque religiose colere, victorijs modum imponere, fortuita incidentium  
 casuum praesenti semper ingenio ad consilium rationemque flectere, probe  
 didicerat. Vt non mirum videri possit, si Ioannes Boccacius in fabulis mi-



rus, vel in Barbaro virtutis æstimator, eum explorandis Christianorum opibus atque consilijs, mercatoris habitu Italiam & Galliam peragrasse tradiderit. Tum enim Aenobarbus imperator, & secundum eum Philippus Gallie & Ricardus Angliæ reges: Venetique item, Ligures, & Pisani ingentes copias & classes parabant, ut accisis Syriæ rebus opem ferrent. Verum tanti apparatus vel incredibilis conatus, æmulatione, inuidia, infamique dissidio nostrorum fractus, eum tulit exitum, ut Saladinus expugnatis Hierosolymis post octogesimum & septimum annum, ex quo eas Gothifredus manu cum insigni gloria ceperat, & Guidone demum Lusignano Hierosolymitano rege ad Tiberiadem acie superato captoque, in Syria & Iudæa Christianorum opes euerterit. Vfus est autem ea victoria magno ferociæ humanitatisque temperamento, quum Hierosolymis Christianos incolas sua in sedem linqueret, campanique tantum æris sonitum è sacris turribus tolleret, colendumque Christi sepulchrum, Gothifredi etiam tumulo admiratione virtutis inuiolato, pijs hominibus concederetur. Sed ea inuictæ virtutis videntem fortuna occasioneque, dissensionis & fœcordiæ nostræ cuncta ad Ioppen, Gazam, Ascalonem, Tolemaidem, Berytum, & Tripolim assiduis cladibus proterentem, fatalis hora non planè senem eripuit, quum sedecim regnasset annos, scilicet ut debellandis Christianorum reliquijs Saphandino filio nouæ parandæ laudis materia præberetur. Moriens uti humanæ conditionis atque miseriæ memor condito testamento, omnem funeris pompam abdicauit, iussitque tantum in lancea præferri atrii coloris obsoletam tunicam, præcinente ad populum sacrificulo huius sententiæ carmen, quod à Bocaccio memoriæ proditum est.

*VIXI diuitijs, regno, tumidusque trophæis*

*Sed pannum heu nigrum nil nisi morte tuli.*

Huic Saladino aut certe (quod potius crediderim) Saphandino filio de Ludouico Francorum rege capto, celsit victoria: quum ad Damiatam urbem Pelusiaco Nili ostio in Christiana castra effuso, miserabilem cladem accepisset. Ferunt Ludouicum, ut se redimeret, in pactionis fidem Christianam hostiam victori impio tradidisse: non minore accipientis quam tradentis gloria, quando barbarus pro sua superstitione inane externæ fidei pignus acciperet, in eam spem, ut ad perpetuum dedecus, si rex inclytus in exoluenda pecunia impiæ fidem falleret, inexpressibilis inuidia maximè pro regi conflaretur. Viuens Saladinus ex lintheo more gentis conuoluto cornutum capitis integumentum gestare erat solitus, ut totidem regna virtute parata nobili argumento spectantibus exprimeret: quod postea diadematis genus à successoribus Sulthanis vsurpatum fuisse videmus. In hanc autem habitus speciem Saladini formam nobis communicauit Donatus Lectius patritij ordinis Venetus, diu in Cipro, Syriaque gestis magistratibus, historiæ & omnis antiquitatis studio clarus.

MARVLLI TARCHANIOTAE Constantinop.

*Littore dum Phario prima Saladinus in alga*

*Barbara deuicta castra oriente locat,*

*Venit adulatrix regum comes unica turba*

*E quibus ut lingua promptior vnus erat,*

*Nunc*



Nunc domitum Aegyptum iactat, nunc littora rubra  
 Fractaque pugnaci Gallica sceptrum manu,  
 Ostentaque virum duris tot milia in armis  
 Et iubet hinc vires aestimet ipse suas,  
 Scilicet hinc ille, atque adeo ex hac inquit arena  
 Quae te semivivum littore Magne tenet.

I A N I Vitalis Panhormitani.

Accepit pignus victor Saladinus Iesu  
 Redderet ut regnis te Ludouice tuis,  
 Tu pignus redimis multo pretiosius auro,  
 Vtra fides maior, illa vel ista fuit?

## Fridericus primus Imp.



V L L I Cæsarum ex his qui Romani imperij dignitatem illustri rerum gestarum fama protulerit, nomen suum minus ad naturæ genium respondit quam FRIDERICO primo, qui à colore Aenobarbi cognomen adeptus est. Vetere siquidem Germanorum lingua Fridericus pacis diuitem exprimit: contrario scilicet euentu, quum ingenio ferox, armorum & belli cupidus, nihil magis oderit quam pacis nomen. Nam ab ineunte ætate in contubernio Conradi Cæsaris patrui, in Asia militarat. Vbi verò in defuncti locum Imperator est appellatus, eo animi decreto arma induit, ut ea non prius se exuturum iuraret, quam Romani imperij diademate ornaretur: cuius voti Conradus minimè compos factus, graui cum dolore animi excessisset è vita. Id verò vnum Fridericus præalto ingenio supra coronæ decus spectabat, ut quum ea potitus foret, cuncta iura imperatoriae maiestatis ad antiquam dominatus authoritatem reuocaret: quod superiorum Imperatorum beneficiariæ ciuitates perampla immunitatum priuilegia consecutæ, obsoletis iam tributis aut intermissis, ingratis & contumaces ad parendum viderentur. Excitabant autem mirum in modum ad extendendam famam virum integra ætate florentem Sueue gentis illustre & verè Martium nomen, antiqua maiorum decora, & recens vel infelicis patrui Cæsaris exemplum, sub quo varijs vtriusque fortunæ documentis probè obseruatam & exercitam militarium operum disciplinam hausisset. Itaque Fridericus coacto exercitu in Italiam descendit, expugnataque in limine, & deleta Derthona, ac Spoletum demum in Umbria ex itinere funditus exciso, Romam profectus tantum terrorem Hadriano pontifici intulit, ut ad mare se proriperet. Formidandis enim stipatus copijs aduentabat, minaci ingenio aliquam lenitatis speciem ferens, ita ut se pacato agmine pontificem veneraturum polliceretur. Clauserant Romani portas, Aelioque ponte erumpentes, cum Germanis ad Neroniana prata tendentibus, tumultuario cruentoque prælio dimicarunt.



Verum aduentu pontificis placatus Cæsar in Vaticano more maiorum Romani imperij insignia accepit. Nec multo post in Cisalpinam Galliam regressus, Mediolanensibus bellum indixit, quod finitimis superba sæuaque



arma intulissent, ut late imperarent, Laude Pompeia crudeliter euastata, Como graui obsidione subacta crematoque, & Papiæ omnibus belli detrimentis affecta, magnam sibi iniquæ atque intolerandæ potentia inuidiam conflauerant. Cæterum eo euentu inchoatum bellum, sæpeque renouatum Aenobarbus confecit, ut multis victor prælijs, semel victus ad Calcanum vicum iuxta lacum Eupilim, laboriosa difficilique obsidione perdomitos acerbissima lege imposita subegerit, Mediolanenses ad vnum omnes patrium solum verterent, vltraque centum stadiorum spatium ad vicina oppida migrantes, relegatique, corruentis superbæ patriæ excidium ex propinquo spectarent: tanta quidem victoris immanitate, ut vrbs totius Italiæ amplissima ac opulentissima, inexorabili diri Cæsaris edicto, vix seruatis ab iniuria templis, solo æquaretur: turritaque mœnia cum edificijs priuatis omnibus & publicis, Circo, Arena, Theatroque conciderent.

Acerbis-



Acerbissimo quidem luctu tanti populi penatibus excedere coacti: sed ingenti nec iniquo finitimorum solatio, qui suas iniurias conspecta hostium calamitate vindicassent. Id verò maximè crudele & contumeliosum fuit, quum vrbs euerfa funditus aratris proscinderetur in agri speciem, vt non frugis, sed ad ludibrium, salis semen acciperet. Pari propè clade etiam hostiliter incumbens Cæsar Cremenfes, Cremonenfes, Soncinates afflixerat: quibus excitandis incendijs, exortum schisma suas faces admouisse videbatur. Hadriano namque defuncto quum Alexander Senensis esset suffectus, nec Cæsari impotenter inusitata indignaque iusto pontifice postulanti quicquam concederet: vsqueadeo in eum iracundus & sæuus Cæsar concitatus est, vt vrbe Roma depelleret, & Victorem pseudopontificem crearet: conuentus Antistitum indiceret haberetque, vt Alexandro tanquam adulterino, sacrosancti iuris potestas abrogaretur. Ea dissensione diuina humanaque Fridericus impiè perturbauit: tantaque vi tueri suam causam adnixus est, vt moriente Victore, nihil imminuta pertinacia Paschalem sufficeret. & in huius defuncti tertius nomine Calistus, denumque Innocentius quarto loco subrogarentur: quum interim Alexander tantis iactatus fluctibus exul & inops, sed integra semper autoritate, ab Italia in Galliam, atque inde in Siciliam, & è Sicilia Venetias confugisset: imploratis passim auxilijs à prijs regibus, vt Reipublicæ Christianæ immaniter dilaceratæ, pereuntique maturè opem ferrent. Ea autem constantis & infracti pontificis felicitas fuit, vt Cæsariani pseudopontifices ab se legitimo iure execrati atque damnati, quanquam robusto integræ ætatis habitu valerent, Deo magno vindicante noxam, ægri senis fatum anteierint. Fauebant Alexandro duo reges Ludouicus Galliæ suo Pij cognomento dignus, & Gulielmus Siciliæ, ea Christianæ reipublicæ fœda labe commotus. Idem quoque pietatis studium inerat Venetis, quibus multo maxima Italiæ pars accesserat. isque demum detestandæ dissensionis finis fuit, vt Otho Cæsaris filius in Hadriatico aduersa nauali pugna à Venetis captus occasionem præberet parandæ pacis. Friderico namque multis defatigato bellis, filij desiderium, & ultoris Dei metus incesserat. Itaque pacificatore Ziano Venetorum principe, imperatorem ad pedes suppliciter proiectum, pontifex pro foribus Marciani templi ritè expiauit, in gratiamque recepit: ea conditione, vt sacro bello se deuoueret: quod tum Saladinus Aegypti Sulthanus Hierosolymitano regi graue bellum moliretur. Tradunt scriptores, pontificem anteactæ calamitatis suæ memorem, osculanti pedem, contracta fronte, hoc Dauidicum carmen protulisse: Super aspidem & basiliscum ambulabis, & conculcabis leonem & draconem: vt domitæ superbi animi ferociæ nequaquam humaniter illuderet: Ad quod Cæsar tam piè quàm grauius renidenti vultu responderit, Non tibi, sed Petro: tanquam hominem facile contemnere, personæ verò dignitatem probè venerari videretur. Ceterum Cæsar Venetjs summis affectus honoribus, quum in Germaniam redisset, pio generosoque animo, lectissimum ex veteranis copijs exercitum coegit, & quum Henricus filius consensu procerum Cæsar esset appellatus, & per Pannoniam & Triballos Byzantium contendit. Inde verò recreatis copijs, Emanuele Græcorum imperatore propinquo suo liberaliter com meatum



præbente, præter Mæandrum amnem profectus, cum Turcis acerrimè bel-  
lum gessit. Supremum verò eius operum fuit Philomela vrbs manu capta.  
Nam paulò post ad Iconium Lycaoniæ urbem, quum Ferrei amnis perspi-  
cuis vndis per æstum inuitatus lauandi gratia alueum intrasset, cæco ab-  
sorptus gurgite interiit: insigni quidem illudentium Parcarum iniuria,  
quum vir fortissimus, & supra reges omnes bello inclytus, quem mille a-  
cies strenuè dimicantem non absumpserant, natantem ignobilis torrentis  
vortex abstulerit. pergravi utique nostrorum luctu, iacturaque, & singu-  
lari Barbarorum commodo atque lætitia. Delatum in Syriam cadauer  
Guido rex apud Tyrum exquisito apparatu funeris, & marmoreo sepul-  
chro honestauit. Effigiem Aenobarbi Cæsaris Mediolanenses in euerfam  
patriam remigrantes, marmoreo in arcu supra Romanam portam sculps-  
runt dracone stantis cruribus inuoluto, vt virosi dirique hominis simula-  
crum perpetuò spectaretur. Ad eundem quoque oris & barbæ habitum  
altera ipsius effigies plurimum arridet, quæ in aurea bulla scitè expressa,  
appenlaque membranis priuilegiorum Pisanae ciuitatis conspicitur: ea fide  
collata, vt tertiam quoque eius statuam ad Volturri pontem proximo Lo-  
trechij bello base deiectam viderimus: quum sumptuosissimi operis turri-  
tus pons, à Friderico iuniore, huius Aenobarbi nepote, Sueuæ gentis re-  
gum imaginibus ornaretur.

#### ANTONII Vulpj.

*Excise Italia cupiens pensare ruinas  
Vel saltem in pulchra quærere morte decus,  
Aenobarbe, Asia fines irrumpis, & hosti  
Eripis auectas religionis opes.  
Inuidit captis Fortuna inimica secundis,  
Nam dum te in nitido proluis amne, cadis.  
Nacte animis ingens Asia dignissime campis  
In quibus illustres tot cecidere viri:  
Hinc vatum calamos & marmora & æra fatigas,  
Hinc meritò claris annumerare viris.*

#### GEORGII IODOCI Bergani.

*Sueuus eram mea me bellax audacia cælo  
Sustulit astrigero,  
Norica Pannonijs coniunxi saxa colentes  
Fœdere pacifico,  
Insuades domui, & Danum parere coegi  
Legibus Imperij,  
Europæ imposui frænos, Asiaque superbae,  
Africa me timuit.  
Ipse tamen cuius vires animosque feroces  
Sensit vterque Polus:  
Captiui tenero nati deuinctus amore  
( Ceperat hunc Venetus )*

Non



*Non assueta iugo submissi colla supremi  
Pontificis pedibus.  
Et tandem Armeniae mergentem flumine membra  
Me tulit vnda rapax.  
Indulgens nunc mater erat, nunc saeva nouerca  
Sors mihi non stabilis.  
Dic tu igitur felix, miser an, tibi iudicer hospes  
Qui mea gesta legis.*

PARTHENII Parauicini Nouocomensis.

*Te quoque bellorum decus, & noua gloria Martis,  
Armatus inter Proceres, & Numina belli  
Seruant venturis Musea palatia seclis,  
Et Iouius famae quae docta volumina mandat.  
Nam, licet egregias vrbes, & maxima regna  
Ceperis, & validum toties subieceris hostem,  
Atque etiam procul, inque orbem tua signa remotum  
Protuleris: tamen haec olim inuidiosa vetustas  
Presserat, & tecum rapidis immerserat vndis,  
Vt vix vlla tui superesset nominis umbra:  
Ni clarae Iouius donasset munere lucis.  
Sic visum est Superis iustos pensare labores:  
Tu patriae illius clades, ac diruta bello  
Mœnia, & euersas reparasti funditus arces:  
Ille tibi meritique memor, gratulusque laborum  
Extinctum decus, & lapsum instaurauit honorem,  
Digna quidem atque æquanda tuis haec præmia factis.*

## Farinata Vbertus.



**F**ARINATA ex antiquissima Vbertorum familia, inter Florentinos optimates equestri dignitate, eximiaque virtute generosi animi Florentiae illustris, ab insigni erga patriam pietate, æterno Dantis poetæ præconio celebratur. Is per omnem ætatem sese ciuilibus bellis exercuit, quum Florentiam, sicuti & cæteras ferè omnes Italiae ciuitates, idem pestilens factionum morbus inuasisset. Ab aduentu enim Aenobarbi Cæsaris, supra tot acceptas bellorum clades, inducta erant Gibellinorum & Guelphorum funesta nomina, quæ horribili & diuturno quodam terremotu, humana diuinaque omnia concusserunt. Diductæ siquidem in partes infana & crudeli dissensione ciuitates, Guelphi pro Pontificibus, Gibellini pro Cæsaribus, de potentia, dignitate, vitaque dimicabant: sed longè omnium pertinacissimè Florentini. Gibellinarum autem partium Vberti ante alios nobilitate, opibus, virisque præstabant. Inter Vbertos autem vnus ma-



ximè excellebat Farinata, militarium ciuiliūque artium peritus, grauitate consilij, & robore virium Guelphis metuendus. Pugnabatur in vrbe singulis in regionibus, tanta vtrique per mutuas cedes rabie, vt multæ ma-



gnificentissimæ turriteque Procerum domus, alternante vices Fortuna, miserabili sæuitia delerentur. In ea contentione Florentiæ in primis & singulis Italię vrbibus Gibellino celsit Guelphus. Nam ea tempestate Fridericus secundus imperator Aenobarbi nepos Guelpharum partium opes, impotentibus armis proterebat. Itaque Vberti egregiè vincentes, aduersarum partium principes Adimarios, Bondelmontes, & Pactios ciuitate expulerunt. Sed Friderico demum in Apulia mortuo, vigenteque rursus auctoritate Pontificis, Guelphi aucti viribus, post deuictos fugatosque hostes, Florentiam rediere, dignitati pristinæ restituti. Exulauit aliquandiu apud Senas Farinata, nihil sua spe deiectus, quin moliendo satagendoque hostibus quidem exitium, sibi verò maturum in patriam reditum pararet: longè intentiore infracti animi cura, quàm cæteri exules, quod audisset suas, totiusque Vbertę gentis magnificas ædes, non deformatas modo repenti-



na ciuili iracundia, sed publico decreto 'afundamentis excisas, translatis marmoribus ad publicum opus, quo vrbs trans Arnum ad meridiem nouis moenibus muniretur. In area porro æquatís ruinis, ædificatum est è subrufo marmore præcellenti structura, id quod adhuc admiramur insignè Palatium Octouiralis & summi Magistratus sedes. Infesti erant Senensibus Florentini Guelphi, quòd apud Senenses Cæsariani nominis studiosos, Gibellinis omnibus tutissimus esset receptus. Quamobrem Guelphi eorum agrum omnem, expugnatis aliquot Castellis, effusè impuneque populabantur, quòd exiguæ omninoque valido hosti impares Senensium essent copiae. Tum verò Farinata peracri vir ingenio, vt qui consilijs eorum admisceretur, graui eloquentia Decurionibus persuasit, vt à Manfredorege propulsandis hostibus & vindicandis iniurijs, Germanorum equitum auxilia postularent. Manfredus ex concubina genitus vt Conrado fratri legitimo adhuc impuberi Apuliæ regnum præriperet (vt authores tradunt) ægrotantem patrem Fridericum, puluino in os coniecto immaniter suffocarat: dabatque enixè operam vel per scelus, vt sese aduersus propinquos præmuniret. In legatione Senensium atque exulum eminebat Farinata, secundis ac aduersis rebus in Italia clarus. Postulatis autem ita annuebat Manfredus, vt se non plus quàm centum galeatorum equitum alam, sed eam inuictæ virtutis daturum polliceretur. Tum verò Senenses, quòd ea manus exigua & nihil omnino profutura videretur, id auxilium tanquam inane & sumptuosum repudiare cogitabant: indignati scilicet quòd rex nouus nequaquam paterni spiritus æmulus, partes suas adeo negligenter tuendas existimaret: nisi Farinata imperiti regis incuriam stomachatus, astutè & grauius nihil omnino opis quod rex offerret, spernendum censuisset: modò regium vexillum cum suo insigni furuæ aquilæ argenteo in campo alas extendentis, quòd esset amicitiae pignus ad terrendos Guelphos ab alæ signifero gestandum daret. Hac inquit Farinata viri Senenses parua manu si sapimus, Manfredus vel nolens in partes trahetur, si, vti bene ominari licet, à numerofo insolentique hoste, pauci atque præcípites Germani concidantur. Tunc enim negligentiae suæ agnosceret culpam, & pro sua dignitate causam tueri, iustique roboris auxilia mittere cogetur. Dedit non alacriter modò, sed cum fastu vexillum Manfredus: Germani autem vbi cum legatis Senas peruenerunt, Florentinos ad Petronellam habentes castra non semel adorti sunt: sed intra paucos dies, vti diuinabat Farinata, vsu euenit: vt quum Florentini ad Camoleam vsque portam excurrentes, Senensium iuuentutem ad erumpendum irritarent, canente tuba Germani ad arma exciti effusi que porta, hostes conuersos in fugam vsque ad castra persequerentur, in eaque vehementi impetu multis celis perumperent. Erant bene pransi meroque & victoria calentes Germani, ob idque adeo intemperanter terga vertentibus instabant, vt cruento grauique tumultu edito in mediâ castra ad Carrociûm vsque penetrarent: funesto quidem audaciæ exitu quum à circumfusijs vndique copijs reiecti primò, mox ad vnum omnes trucidati sint. Vexillum autem Florentiam cum magno plausu relatum populus victoriâ ferox, tanto ludibrio habuit, vt inuersa hasta per urbem euerrendis regionibus traheretur. Farinata itaque



voti compos, solerter egit, vt Decuriones Manfredo perscriberent, qua virtute Germani vel inconsultè erumpentes in hostium castra peruasent: quo terrore atque periculo & cede Guelphorum medijs in castris dimicarent: & quanto denique immoderate fortitudinis conatu vt Aquilam defenderent, circumfusa multitudine hostium non inulti occubuerint. Illud verò Gibellinis omnibus supra lectissimæ alæ iacturam, miserrimum fuisse, quod Aquilæ vexillum à Guelphis fœdissimo ludibrio habitum, suspensumque celebri in loco ad inuersi trophæi imaginem Florentiæ spectetur. Quod proculdubio si maiore Germanorum numero res gesta esset, ex pulcherrima victoria Florentino in foro eiectis Guelphis fuerit erigendum. Sensit acceptum vulnus contumelia atque dedecore cumulatam Manfredus, accensusque dolore & vindictæ cupidine Iordanem propinquum suum bellica virtute illustrem cum octingentis cataphractis equitibus in Etruriam misit: quorum aduentu cognito Guelphi Senensi agro protinus excesserunt: eamque vnam renouando bello occasionem expectabant, vt Senenses stipendiorum graui sumptu exhausti Germanos dimitterent, quibus cum propter eximiam virtutis opinionem manus minimè conferendas putarent.angebatur proinde animo Farinata, providebatque Germanos exacto iam bimestri stipendio Neapolim breui redituros, quum ad suas regressus artes, nouo astu viam inuenit, qua Florentini ad renouandum bellum elicerentur. Simulata enim perfidia suasit cucullato sacerdoti, vt rem longè gratissimam, ipsique magno futuram lucro Florentinis optimatibus suo nomine deferret: se diuturno exilijs tædio, amoreque & desiderio patriæ adductum, alieno esse animo à Senensibus, quod imperiti turbulentique homines Rempublicam peruersissimè regerent: propterea paratum esse cum exulum manu eam portam quæ Aretium duceret occupare, Florentinisque prodere, si coacto exercitu, instaurato bello in conspectum vrbs deuenirent. Nec mora Octouiri re ingenti silentio suppressa, vt cucullatus Farinatae nomine deposcebat, conscribendas copias, euocandaque sociorum auxilia, & Carroccium educendum decernunt. Tanta autem animorum ferocia cupiditateque arma parata sunt, vt nonnulli viri graues peritique militiæ, & in his Tegiaius, & Aldobrandus, tanquam nimio plus Germanorum impetum metuentes, ab audaculis vanissimisque popularium è consilio strepitu & vocibus exploderentur, quum differendum bellum in id tempus censerent, quo Germani ab hoste inopia pecuniæ grauiter oppresso, exclusi stipendijs dimissi forent, quod eorum vim Italicus equitatus non nisi magno cum discrimine laturus esse videretur. Arrisit Fortuna Farinate dolis vt Guelphorum insolentiam eluderet. Nam quum Florentini ad Montem apertum, quinto à Senis lapide supra flumen Arbiā castra posuissent, prodicionis euentum expectantes, in eos vel numero superiores eductis copijs Iordanes impetum fecit, consertaque longè omnium eius ætatis cruentissima pugna vsque adeo crudeliter lateque fusos hostes cecidit, vt Arbia innumerabilium cadauerum tinctas cruore vndas traheret. Steterant enim ea in acie à Florentinis triginta milia pedum & quinque equitum milia. Sed eius pugnae mala fors vehementer incidit Lucensium, Pratenſium, Orbitanorum, & Bononiensium auxilijs: quum



quum Germanis, qui cæsæ ad Petronellam alæ parentare cupiebant, vel in deditos & captos sæuiantibus, occurrissent. Pugnatum est propè ad internitionem Guelphi nominis, pridie Nonas Septembris anno à partu Virginis Sexagesimo supra mille & ducentos. Nulla omnino Florentiæ domus cladis & luctus expers fuit: corruisseque ciuitas videbatur, quum miserabili eiulatu planctuque omnis sexus, ætatis, atque ordinis cuncta complerentur. Optimates itaque & plebei Guelphæ factionis desperatis rebus ante victoris aduentum vrbe profugerunt: Iordanes verò intra paucos dies Farinatam cæterosque Gibellinos in patriam reduxit. Constituta autem Republica, Guidoneque Nouello Iordani suffecto, quod is reuocatus à Rege Neapolim redibat, Florentini Lucensibus bellum intulerunt, quod apud eos Guelphorum reliquiæ Tegiaio Aldobrando authore & duce arma resumerent. Cæterum Nouellus expugnatis aliquot castellis, cum Lucensium exulumque exercitu prosperè conflixit. Eo in prælio Bondelmino res cognomento Cicer Guelphorum princeps, crudeli casu interfectus est. Hunc ereptum è media cæde Farinata in equi clunes sustulerat, vt humaniter conseruaret, parcebantque ei vel efferi hostes dignitate Farinatae permoti: sed Petrus Farinatae germanus frater, cui Asinus cognomen fuit, vir atrox & sanguinarius captiuo non pepercit, vt qui eum clauæ ferreæ ictu in tergo fratris occiderit: detestante id scædum scelus Farinata & plurimum indignante, quod sibi clementiæ laus immanitate fratris eriperetur. Nec Guelphi vel duabus attriti cladibus animis se demiserunt: Commouebant enim se in Aemilia, & missis legationibus ad Conradum puerum in Germaniam, & in Galliam ad Carolum Andegauensem, vndique Gibellini & Manfredi bellum concitabant. Quibus cognitis rebus Gibellini ad Emporium oppidum Pisane viæ impositum, vt de summa sustinendi inferendique belli consultarent, concilium indixerunt. Conuenere Aretinorum, Senensium, Pisanorum & Pistoriensium legationes, itemque Vbaldini & Alberti in Apennino præpotentes, & sanctæ Floræ reguli Senensibus contributi. Præerat concilio Guido Nouellus Mutilianæ Comes, è Guidonum Comitum gente: disputabatur varijs sententijs de ratione confirmandæ potentiæ, quod magnæ rerum difficultates deliberantibus occurrerent: cum propter rumores Gallici apparatus & Germanos in Manfredum concitatos, tum propter Turrianos Principes in Cisalpina Gallia aliquot iam partis victorijs, Gibellinos acerrimè persequentes, Romanumque Pontificem ex professo Guelphos mirificè subleuantem. Verum supra hæc consultantium mentes grauiore metu perturbabant minores populi Florentini classes, qui ab insito studio Guelphum colerent nomen, & Gibellinum vel subactæ armis, pertinacissimè odissent. Iamque in id consilium dictu ignobile, conceptuque summè sæuum ac turpe sententiæ inclinabant, vt diruenda Florentiæ moenia, urbemque nudatam munimento in vicos diducendani censerent. Non tulit diræ sententiæ nomen vnus Farinata, profliensque in medium generosa pietate peracrique facundia contradixit: execratus degeneres, crudelesque eorum animos, qui nobilissimæ urbis scædo interitu lætaturi viderentur. Habeant, inquit, eam potius incolumen Guelphi atque in ea dominantur, si ita fuerit in fati vt victores euadant,



quàm vt scelesti consilij hoc immane decretum ferri patiar. Si veræ virtutis præmium incolumis patria, vti decet, ex æquo omnium parens, cui nemo nisi degener atque impius manus intulerit: quando ipse vnus ante alios vel exul, dum spiritus hos reget artus, acerrimè sim defensurus. Erat Farinata corpore atque animo ingens, elato supercilio, eloquentia adeò graui vehementique, vt pudorem fœderatis iniiceret: Florentinis verò ciuibus, quiaderant, præ gaudio lachrymas excuteret. Atque ita ciuitas aduersus inuidiam & rabiem execrabilis decreti, ab vno, vt decuit, optimo ciue seruata est. Sed Farinata ingruentibus demum Gallis, & Manfredo ad Beneuentum acie victo cæsoque, & Guelphis ex ea victoria Florentiæ restitutis: ab ingrata patria, quam seruarat, id præmium tulit, vt extorris Africani Scipionis exemplo in exilio moreretur: sua quidem virtute non modò non infelix, verum æstimata laude maximè gloriosus. Contra Asinus Frater ad Beneuentum cum Iordane captus, iussuque victoris Caroli ad Nicæam Prouinciæ in carcerem ductus, diu miser, necatusque demum meritas sæuitiæ suæ pœnas luit. Farinatae effigies in Porticu Pandulphing Villæ ad primum lapidem extra Fridianam portam, hoc cultu atque armatura, inter Florentinos antiquos procures Florentiæ eleganter depicta spectatur.

## HONORATI FASITELII.

*Seruata per te patria quod tum maxime,  
Sic quum misera casura fuerat maximè:  
Nunc optimo tu iure præter cæteros  
O belli, & idem pacis artibus inclyte  
VBERTE, patria viuus in superstitute,  
Viuesque, dum viuent sacri annales IOVI.*

ANTONII Francisci Rainerij.

*Tu præstans Vberte animo, tibi Dædala fandi  
Vis fuit, heroisque Ithaci sub pectore sensus.  
Nam seu dextra hostem quateres, seu fulmine linguae,  
Siue astus Marti misceres, fulmina fando  
Priscorumque artes & robora Romanorum.  
Aequiparas, vario dum nutat Etruria motu,  
Et patria insanis dum fluctibus icta labascit.  
At pietas laudumque cupido, & viuida virtus  
Reddidit æternum, celsoque euexit Olympo:  
Cum seruas lacerandam urbem, qua nil ab Eois  
Pulchrius Hesperias oriens Sol cernit ad vndas.  
Iure igitur Latiae Iouiis noua gloria linguae  
Dat laudes, poterit quas nulla abolere vetustas:  
Debet & ingenti Florentia Farinatae  
Qui miseram vultu patriam tutatus aperto est.*

ACTIO-



## Actiolinus Tyrannus.



**A**CTIOLINVS Patauinorum Tyrannus, portentum humani generis, hac obducta feralique fronte, hoc atroci pallore, hisque vipereis oculis, suam indomitæ naturæ toruitatem spirans, in Prætorio Patauî pictus spectatur: vnde nobis exempli tabula hæc in Musæum relata est. Fuit is Saxonici sanguinis à proauo Alberico auoque & patre Actiolinis, Italicæ stirpi ad horribilem sæculi pestem insertus, ea tempestate qua Otho tertius Cæsar in Italiam venit: eo susceptæ coronæ exitu, vt suburbanas Romanorum delitias barbaro more ferro & flammis excinderet. Nauabat operam incendiario Cæsari superior Actiolinus, magisterio equitum insignis: tuleratque ab eo militiæ donum in Euganeis oppidum nomine Romanum, vt inde nouus incola, hoc horrendum



immanequē monstrum progigneret : quod maximē funestam regioni cladem esset allaturum. Nihil enim hic diri nominis pronepos à progenie virulento sanguine infecta degenerauit, vt pote quem nulla humanioris vitæ consuetudo, nullus auiti maternique lactis affectus, nullaque benignioris eius cœli clementia ab ingenita rabie furentem mitigare potuerint. Quamquam ab adolescentia honestè ac liberaliter educatus, bonæ maturæque frugis spem præberet, virque deinde factus secunda virtutis fama militiæ versaretur. Adhæserat Friderico secundo Romani Pontificis opes oppugnanti, & Guelphorum nomen in Italia proterenti. Sed imperator à Parmensibus graui dignitatis incommodo fœdè fugatus, & castris exutus, ægrè Cremonam è manibus hostium se receperat : quum fortè in segni & longa obsidione munitis exiens castris intempestiuam ex Falconum aucupio ad Buxetum oppidum voluptatem quæsiuisset. Fuit Actiolinus ingenio peracuto, constanti, versutoque apprime validus, corpori autem quanquam mediocri, singulisque membris habilis inerat vigor, adeo firma explicataque neruorum compage, vt eques pariter & pedes armorum exercitatione, cunctos æquales anteiret, nec vnquam inedia, vigilijs, algore, aut æstu frangeretur. Id verò in eo homine peculiare maximeque mirum fuit, momento temporis diuersos commutati animi habitus quum vsus posceret, gestu, voce, oculis ementiri, alieni porro animi latebras sagacissimè perscrutari, incredibilique simulationis artificio, vel penitissimos astutorum hominum sensus explorare. Vir enim suspiciosus, vafer, inuidus, sæuus & semper ad imperium anhelans, modò hanc, modò illam personam induere histriionum more didicerat. Hos tradiderant mores auus & pater, vtpote qui antea graues inimicitias cum finitimis & potentibus Patauinorum optimatum familijs susceptas, per cædes, castellorumque incendia, aliquot annis exercuissent, simultate orta ex nuptijs adulterioque Cæciliæ Baoniæ, quam auus Actiolinus cognomento Balbus impudenti astu præreptam secundo Actiolino filio, cui Monacho cognomen fuit, in matrimonium dederat, quum Gerardo Camposampetrio Patauinæ iuuentutis Principi desponderetur. Trahebat enim secum dotali iure opulentam hæreditatem, qua Balbi animus auaritia repentè captus, turpiter adduci potuit, vt Gerardum contra ius artæ propinquitatis inexpressibili iniuria offendere minimè vereretur. Erat enim Gerardus ex sorore Balbi genitus, & de Cæciliæ sponsalibus (vti decebat) auunculum consuluerat. Itaque iuuenis inhumaniter perfidioseque deceptus, ab iusto dolore ad vindictam præceps, ita contumeliam vindicauit, vtsœdo facinore concepto patratoque, Cæciliam post celebratas cum Monacho nuptias fortè ad Aponenses aquas euntem interceperit, mediaque in via intentato ad iugulum pugione si reluctaretur, vi illata constuprarit, non ad libidinem, sed superbo ultoreque animo, ad perennem Actiolinorum ignominiam. Eius abhominabilis facti indignitas Actiolinos repentè armauit in Patauinos, quòd tanti flagitiij iniuriam impunito Gerardo neglexissent, deditque initium diuturnis inulitatisque cladibus : quibus præter nobilissimas totius Venetię vrbes, supra centum oppida castellaque diu vexata, & late vastata à stirpe prope interierunt. Ceterum Cæcilia quanquam incorrupta animo, vti tamen polluta corpore repudiij pœnam tulit, eaq; propinquis remissa,



missa. Monachus nouas nuptias fecit cum Aldeida Etruscæ nobilitatis ex Man-  
 gania domo in Alpibus illustri. Hoc ventre infausto, hocque diro semine e-  
 ditus est tertius eiusdem nominis Actiolinus de quo loquimur: ab aliquo (vt  
 credi par est) prodigioso malignorum syderum concursu, animi sæuitia ty-  
 rannus Phalari, Dionysijs, atque Neronibus antefendus. Balbo auo mor-  
 te erepto, & patre Monacho ad quietiorem vitam secedente: Actiolinus ex  
 ea cruenta similitudine armis vehementer exercitus, integrum bellum priore  
 acrius atque crudelius renouauit, tantaque vi quum in omnibus oppidis  
 atque vrbibus factiones excitaret atque aleret, vt Patauio, Vicentia, Ve-  
 rona, Taruisio, ex ciuili discordia potiretur. Erant ei copię equitum & pe-  
 ditum perpetuis inueteratæ bellis, & quod magno vsui fuit fide, studioque  
 partium sibi addictæ: quibus accesserant Saracenorum alæ formidabiles,  
 Germanorumque cohortes, & turmæ eximie virtutis quas Fridericus im-  
 perator ei attribuerat, tanquam Gibellinæ factionis Principi, atque im-  
 pigrè tuenti Cæsaris nomen. Has vt aleret vniuersas ciuitatum fortunas  
 in fiscum redigere: opulentos ciues damnare atque proscribere: sana do-  
 narijs spoliare: sacros templorum redditus intercipere: & neminem deni-  
 que qui pecunia, authoritate, clientelisque valeret incolumem pati erat so-  
 litus. Ingenio siquidem audaci, auaro, impenseque impio, & nunquam cæ-  
 dibus saturato, dum odium letale omnibus latè extenderet, ita euastarat flo-  
 rentissimas vrbes, vt quum aduersarum partium sibi suspectos sustulisset:  
 in Gibellinos demum amicorumque præcipuos ac intimos familiares im-  
 manissimè grassaretur. Aedificarat singulis in vrbibus atque oppidis carce-  
 res tenebris horribiles, in quos inuisorum agmina contruderet, vt inedia  
 miserabilique illuuiæ, tetro odore & lurido squalore enecti, in compedibus  
 & robore crudeliter interirent: putrescentiumque cadauerum immenso fe-  
 tore cæteris pallentibus exoptata mors contagione & metu accerferetur.  
 Nam ea truculentia erant custodes, vt nisi ex mensium interuallo carceres  
 stercore præalto, & multa putidorum cadauerum sanie redundantes, repur-  
 garent, & cumulata inter semianimes enectorum corpora, vncis extrahe-  
 rentur. Nusquam vel spatiosissimi carceres accumulatos etiam in strues ca-  
 ptiuos capiebant, non tortorum atque carnificum numerosæ manus e-  
 dendis cruciatibus, expediendisque laqueis atque securibus sufficiebant. Vi-  
 ui homines in frustra laniorum cultris secabantur. Cateruatim alij longa serie  
 deligati ad palos, circumuentique flamma torrebantur. Quod verò inaudite  
 crudelitatis fuit, capitale erat tortori atque carnifici maturasse supplicia, vt  
 vita per articulos, momentaque temporis, ad longos cruciatus extendere-  
 tur. In eos autem vel insontes, quos neci destinasset, tanquam minoris crimi-  
 nis delatos, ita ex summa sæuitia fictæ clementiæ laudem quærebat, vt mo-  
 noculos, vnipedes, & vnimanos dimitteret: postremo lugentibus suorum  
 funera vt lugere desinerent, oculos eruebat: ex pauore circumspectantibus  
 fugam, vt viæ labore liberaret, amputabat pedes: alienæ porro calamitati  
 libera voce indolentibus, ne diu vociferarentur linguam præcidebat. De-  
 latores quoque ipsos negligentia incuriæque damnatos, quum damnan-  
 dorum nomina deficerent, ductos in præaltam turrin vt certius spe-  
 cularentur, atroci ludibrio, sed merita pœna, in fossam præcipientes da-



bat. Immenſæ autem humanitatis arbitrabatur, damnatorum atque exulum vxoribus & liberis ea conditione vitam condonaſſe, vt ſceminis deciderentur mamme, mares verò ad non dubium inimicę ſobolis interitum caſtrarentur. Per hunc modum nuſquam remiſſa atrocis animi ſæuitia, ſed indies rediuiua feritate debacchantem, ſupra triginta millia omnis generis ſexus, ætatisque hominum, teterrimo ſupplicio ſuſtulſſe, eorum temporum ſcriptores tradunt. Iamque immanis bellua inſatiabili ingluuię vorax, humanique ſanguinis ſitibunda, Mantuæ, Brixia, Mediolano, & cunctis Italiae vrbibus inhiabat, deuoraſſetque proculdubio, niſi Romani pontificis legatus, Actiusque Ateſtinus, indomitam ferri monſtri rabiem vlttricibus armis infregiſſent. Innocentius enim Pontifex Actiolinum antea Friderico Cæſari, impie operam nauantem, ob idque ſacris interdictum, tanquam Dei diuorumque numina contemnentem, furijs infernalibus deuouerat. Itaque numeroſo coacto exercitu, & poſitis ad Patauium caſtris, vrbem munitiſſimam Anſeſio præfecto fruſtra propugnante fortiter atque feliciter expugnant, captiuosque innumerabiles effractis tot carceribus propinquæ neci ereptos, libertati, patriæque reſtituunt, incomparabili Patauinorum lætitia, acerbifſimoque dolore tyranni qui tum aberat, capiunde Brixia intentus: adeo pertinaciter hærens, vt Patauio tantis obſeſſo copijs vehementiſſimeque oppugnato nihil omnino timendum, nec ferendam opem decerneret: ne irritoincepto abſceſſiſſe videretur. Verum eo nuncio percuſus percitufque ira, motis caſtris incredibili celeritate Patauium aduolat, exultantem victoriâ imparatumque hoſtem oppreſſurus. Sed Actius peritus belli, & naturæ hoſtium gnarus, irruenti prouocantique ad prælium tyranno, obſtructas portas, munitaque defenſoribus mœnia obijciens, ſalubri patientia, furentis impetum fregit & eluſit. Deiectus itaque ſpe eliciendi ad pugnam hoſtis, gemens & fremens retro vertit iter ad Vicentiam atque Veronam, quibus in locis Patauinos omnes cuſtodia eductos, reliquum ſæuitiæ ſuæ venenum effundens, varijs tormentis excruciat & interficit. Nec multo poſt initis ſcederibus cum Vberto Pallauicino, Cremonenſium, & Placentinorum dominatu potente, iterum Brixia caſtra admouet: nec in eo terrore implorantibus opem Brixianis legatus deeſt. Verum Fortuna optimæ cauſæ ita inuidit, vt legatus ad Marcariam vicum circumuentus inſidijs & tumultuaria pugna proſtigatus à tyranno caperetur, & Brixiani ab ea clade metu conſternati portas aperirent, Guelphi que Pontificio nomini fauentes, aut ſupplicio aut exilio mulctarentur. Actiolinus tanto ſucceſſu elatus Vbertum victoriæ ſocium (vti in fatis erat) dominatu conſortem non diu tulit, eumque ſuperbus & inſolens contra ius in itæ pactiõis Brixia excedere coegit. Is contumelia incenſus cum Boſio à Douaria vetere inimico, quod opibus potens in vrbe Cremona principatus eſſet æmulus, ad Actiolini perniciem vires ſenſufque coniungit. Diſceſſerat enim ab amicicia tyranni Boſius paribus iniurijs iniquiſſime laceſſitus. Nec mora ſyncera fide coniuncti Actium Ateſtinum e Ferraria euocant Brixellum, & cum eo in Actiolinum coniurant: Martinumque Turrianum Mediolani regnantem admonent, vt diligenter ab Actiolino caueat, atque arma parat: ſe enim nulli occaſioni defuturos, vt communem hoſtem cunctis inſidias molientem, coniunctis copijs circumſtante



cunstant & opprimant. Actiolinus per eos dies conspirantibus secum Insubrum patitijs, quos Turrianus inducto popularium dominatu in exilium egerat, in id consilium totus incumbere, ut Mediolanum improviso adortus inuaderet: reductisque patitijs, & pulso Turriano Pontificij nominis studioso, debilitatas iam pridem iacentesque Cæsarianas partes erigeret. Oppugnabat tum Vrceos oppidum, & coniurati hostes de Vrceanorum salute solliciti coniunctis copijs à Soncino ad eum ferebantur. Turrianus quoque Carrocio cum legionibus vrbe educto, Abduam ponte constrauerat, ut mutua transeundi amnis facultate proposita, ad socios transire, aut eos (sicuti usus ferret) ad se recipere commodè posset. Quo hostium consilio cognito tyrannus inuitatus ab exulibus, & vadum in amne monstrantibus, nouum fataleque sibi consilium arripit transiendi amnis, ut improviso Turriani pontem inuadat & occupet. Adiuuat vim repentini impetus Fortuna, Turrianique præsidium prima irruptione deicitur, quod Insubres nihil hostile in sua ripa timendum putassent: ut pote qui vltioris ripæ propugnaculum ponti impositum, maiore cura & vigilantia tuerentur. Repentino itaque terrore perturbati à fronte primo & mox à tergo tumultuosissime profligantur, victorique pontem relinquunt. Is subitario aggere nouoque præsidio vtrunque pontis caput firmat, effususque per agrum ferro ac flammis cuncta peruastat: frustra que tentata Modoetia, ac incensis suburbanis tectis, ad Sextum usque vicum excurrit: præmissis Saracenis qui ab inusitato cultu genereque armorum & barbaro clamore terribiles Mediolani portis terrorem admouerent: eo quidem astu ut Martinum longius ab vrbe abstraheret, ipse autem diuerso itineris flexu Mediolanum aduolans, Cæsarianis introrsus prodendæ portæ ex suo aduentu occasionem aperiret. Sed Martinus nequaquam temerè progressus suspectansque insidias, & vim pugnacissimi furentisque hostis deuotans, militum suorum audaciam atque auiditatem conferendæ pugne grauissima obtestatione cohibebat: munitisque castris intentus hosti pariter atque vrbi cuncta circum explorando, cunctabatur. Nec oblatae occasione ad rem bene gerendam defunt Actius, Vbertus, & Bosius Mantuanorum auxilijs confirmati: extemplo enim conuolantes ad pontem, cum magna vi, & pari celeritatis successu quo amissus fuerat, trucidato Actiolini præsidio recuperant. De ea re fortiter atque feliciter patrata, per nuncios Martinum docent, hortanturque ut prælio tantisper abstineat, ne explorata de intercluso hoste victoria militum temeritate corrumpatur, quando tyrannus sine vulnere debellandus, offerri certo exitio videatur. At Actiolinus ad primum amissi pontis nuncium, vertentis se Fortunæ vultum agnoscens, nequaquam animum despondet, aduolatque ingenti cursu ad pontem, ut eadem vi celeritateque bis captum recuperet. Sed peritissimi rei bellicæ hostium duces lunatam munitionem, vbi singulari studio laboreque militum ad pontis caput erexerant. Eam vehementi cruentoque certamine edito, quum tyrannus acerrimè dimicans perrumpere conaretur, ei verutum scorpione adactum in imo crure pedem transfigit. Saraceni Germanique in primis & reliquæ copiae, multis acceptis vulneribus repelluntur. Nec tamen sese deserit tyrannus, nec dolore vulneris nec supremi discriminis metu superatur: indeque conuersis signis, ad vadum



quo transierat, instante iam tergis Turriano se proripit. Multi suorum profluentis vorticibus abrepti perierunt: ipse alto generosoque vectus equo, ita in ripam euasit, maefacto vulnere septuagenarius senex exorto intolerabili rigore quateretur, & quod indomiti spiritus virum peruincere poterat, hostium antecursores ad se opprimendum prouolantes conspiceret. Per hunc modum à tergo premente Turriano, & à fronte noui hostis occursum pulsus & latè profligatus, cum paucis se fugæ mandat Brixiana via. Sed euadentem Vbertus & Actius cum expedita equitum manu consequuntur & capiunt. Is Vberto non multum antea amico atque eiusdem factionis, quam Actio veteri & implacabili hosti se dedere maluit. Eo modo exutus armis, ignobilique equo impositus ad Bosij tabernaculum perducitur, à quo humaniter reputatione tantæ calamitatis susceptus est. Sed quum ferox animus obligandi vulneris fascias, & cuncta vitæ alimenta obstinata feritate repudiaret: nec vllas vt bene sperare vellet preces admitteret, dentibus infrendens contumaciq̃ ore defixis solo oculis spectabatur. Tantus autem erat militum concursus, vt magno ludibrio singulis prope incessentibus, latro impius, & tortor, & carnifex crebro appellatus, incondito circumfusæ ad tabernaculum turbæ, clamore & fremitu ad supplicium deposceretur. Itaque Duces vrgentis iam corone violentiam veriti, eum spectaculo repente subtrahunt, intempestaque nocte lecticæ inclusum sub custodia Soncinum deuehi iubent. Nec multo post in eodem pertinaci obdurantis animi decreto execrabilem animam exhalans, meritos cruciatus, quos feruida ira exululum struebat, indignabundus effugit. Verum Albericus Taruisinorum tyrannus nequaquam virtute bellica, sed naturæ immanitate Actiolino fratri comparandus, pro se fratreque cumulas scelorum pœnas persoluisse visus est, quum Taruisio pulsus & in Zenonis arce obsessus, & captus, vxores filiasque in oculis viuas comburi, filios membratim dissecari, sese demum diu tortum, attractumque pedibus equorum iugis, per salebras & vepreta, ad necem raptari, laniataque membra feris atque volucris destinari, omnium miserrimus spectarit.

ANTONII FRANCISCI RAINERII.

*Sylla, Nero, Caius, Marius, Mezentius: histu  
Azoline, ipso & seuior es Phalari.*

## Martinus Turrianus.



**TURRIANA**e familiæ nomen Belgicæ stirpis fuisse annales tradunt, quod Tacius Regulus opibus potens in Saxina valle quæ est supra Larium lacum, argentifodinis clara, geminos externos fratres sibi generos ascieuit: datis in matrimonium geminis filiabus, quibus totius patrimonij hæreditas nomine dotis obueniret. Erant Belgæ iuuenes bellica indole honestisque moribus & gentis profapia clari. Cæsarum enim sequentes castra, pro insigni gentilitio, Turrem in scutis depictam gestabant,

ex cu-



ex cuius fenestris hastæ geminæ singulis aureis lilijs ferreæ cuspidis modo præfixæ ad vexilli speciem protenduntur. Ab eo scutorum argumento Turriani sunt appellati. Hoc sanguine progenitum ferunt Martinum superiorem, quem ab inusitata corporis atque animi magnitudine, Gigantem appellabant. Huius eximia virtus Sacro bello sæpius spectata, eum habuit vite exitum, ut ad Antiochiam à Barbaris captus, omnibusque exercitatus tormentis beatorum martyrum exemplo, cælestis vitæ felicitatem sit consecutus, relicto Iacobo filio, qui numerosa prole præstantissimorum iuuenum felix, Paganum & hunc de quo scribimus MARTINVM gloriosi aui referentem nomen genuit. Paganum paulò antea virum excellenti virtute prudentiaque Mediolanenses ciuitate donauerant, honoreque præturæ auctum publicis consilijs præfecerant: quòd multa cum laude liberalitatis & pietatis ipsorum copias à Friderico secundo Cæsare cruenta acie profligatas ad se recepisset, singularique benignitate omni humana ope adiutas fouisset. Is autem ita gessit Magistratum, ut nemo temperantia, æquitate, atque industria potior videretur. Hoc tenore consilij moriens Paganus, Martino fratri ad summam potentiam iter munivit. Erat Martinus ingenio perspicaci erectoque ad laudem, & imperij maximè cupido, & (quæ erant ad id opportuna artes) multa ciuili prudentia & astuta lenitate temperato. Volebat enim existimari popularis, dum suscepto mediæ ciuium classis & infimæ plebis patrocínio, nobilitatis superbiam, specie liberalitatis atque superbiam contunderet. Paulum siquidem Sorecinam Optimatum principem, eiusque sectæ aliquot ciues opulentos, quòd immodici prægrauessque essent populo, vrbe eiecerat, bonisque multarat: & quod maximè potentium fregerat spiritus, Leoni Perego Mediolani Archiepiscopo, quòd is è Patritijs ad eum honorem esset euectus, alterum è Septaria familia commendatione plebis opposuerat: persequebaturque iam aperte nobilissimos quosque, & præsertim Gibellinos: verum id dissimulanter: nam eorum magnus erat concursus ad Othonem Vicecomitem, qui Pontificia authoritate creatus Archiepiscopus, aduersus duos pseudo Archipresules sacri imperij sui sedem & patriam armis repetebat, ea infracti animi perseverantia, ut sæpe acie victus tanquam optimæ confusus causæ bellum singulari alacritate renouaret. Cæterum Martinus eum occupata ad Verbanum Arona, copias promouentem, commissa pugna profligauit: magno quidem detrimento Patritijs exulibus illato. Hic est ille Otho qui ex sacerdotij contentione quinques à Turrianis repulsus, post viginti annos victis acie, captisque eius familiaribus principibus ad Decimum vicum, in Vicecomitum domo Mediolanensis imperij fundamenta iecit. Exinde Martinus prostrata, aut redacta in ordinem Insubrum nobilitate, ita principis munia usurpabat, ut prætoria potestas ad non obscurum tyranni nomen transiret. Idcirco vitandam sibi inuidiam ratus, egregie simulando patritiorum ordines æquioris & tranquillioris status spe sustentabat. Ne verò insensus optimatibus videri posset, vetustissimæ stirpis familias per connubia Turriano sanguini inseruit: Ex Castellionea scilicet gente, Biragaque, & Pusterlea delectis vxoribus. Callebat enim artes confirmandi principatus, & captandæ popularis auræ: Nam ad has opportunè quæsitæ affinitates accesserant faciles aditus, mi-



raque patientia in audiendis dissoluendisque improbae & semper ineptae  
 plebis querelis: & Turriana domus cuique expositis penuarijs copijs libe-  
 raliter adaperta. Quod verò tuendae popularitatis intererat, publicè etiam  
 epulum dare, & spectacula decurrentium equitum, honestaque exercendae  
 iuuentuti certamina propositis praemijs, & magnifico apparatu edere erat  
 solitus. Quibus etiam ludis per solemnes festos dies, ut populi mentes ad  
 religionem reuocaret, Christianae historiae actiones intermiscebat, diuo-  
 rumque Martyrum exempla personis Comico & Tragico more decentis-  
 simè representatis. Quo simulationis artificio collecta sensim gratia, confir-  
 mataque autoritate, non obscurè ad principatum euectus est: tanto om-  
 nium ordinum studio, ut Populi defensor, Pater patriae, Praetoriaeque po-  
 testatis Dictator perpetuus vocaretur. Sub id tempus nobilitas ferè omnis,  
 in primisque procures Gibellinae factionis extorres & profugi ad Actioli-  
 num confugerant, Caesarianarum partium principem, impotentemque exe-  
 crabilis saevitiæ tyrannum, ut eius ope reducti in patriam aduersarios Medio-  
 lano pellerent. Itaque Martinus exploratis hostium consilijs, socijs ad capien-  
 da arma excitatis, & populo multis concionibus ad tuendam libertatem  
 concitato, Carrocium & legiones, equitatumque omnem sub signis eduxit.  
 Actiolinus autem qui superato Abdua igne ferroque obuia vastabundus,  
 incenso Tritio, Vicomercatoque direpto ad Sextum oppidum excursions  
 fecerat, ubi Carrocium educi, secus ac putarat, nec longè abesse Martinum  
 didicist: retro vertit iter ad Cassianum. nam in tergo aduentare novos ho-  
 stes audiebat. In vnum enim coierant Actius Atestinus à Ferraria, Vbertus  
 Pallauicinus à Placentia, Bosiusque Douariensis à Cremona, qui praemisso  
 equitatu, pontem quo tyrannus transierat ad Ripaltam occuparant. Itaque  
 premente Martino, duplici terrore ancipiti que periculo circumuentus, su-  
 premum temeritatis suae consilium sumpsit tranandi amnis, ut in aduersam ri-  
 pam, quod vadum ibi reperiretur, cum equitatu se proriperet. Sed dum tran-  
 sit verutum scorpione adactum pedi incidit, grauatusque eo vulnere septuage-  
 narius senex ultro citroque Abduam trucidatis eius copijs, viuus in hostium  
 potestatem venit. Nec multo post truculenta obstinatione repudiatis reme-  
 dijs atque alimentis ferino cum gemitu accersita morte, meritos ad poenam  
 suae immanitatis cruciatus effugit. Ab hac victoria Martinus clarus mag-  
 nusque habitus, cuncta ad arbitrium Mediolani moderari, & Principem a-  
 gere coepit: Ita ut magnificentiae operum ad alendam plebem plurimum stu-  
 deret, aedificatis amplissimis aedibus in regione Nouae portae, & ad publi-  
 cam commoditatem excepta Ticini amnis parte, quae iuxta Abiatum oppi-  
 dum nauigia ad Ticinensem portam perducit. Id emissarium sumptu cum  
 antiquis operibus comparandum, ingentium lincium est capax: incredibi-  
 lemque importandorum ex agris fructuum facultatem, cum voluptate hi-  
 bernae ac aestiuae nauigationis, ad perennem Martini gloriam hodie prae-  
 bet. Sed Turrianas aedes laxitate, viridarijs, & praecellenti structura pulcher-  
 rimas, Otho victor, iusto (ut ille putabat) dolore compulsus solo aequauit:  
 tanta exacerbati animi rabie, ut in ruinis diuo Ioanni decollato templum  
 conderet, dicaretque ad ignominiam damnati soli, sepulturae ac inferijs no-  
 xiorum hominum, qui tetro affecti supplicio, è furcis ad id infame sepul-  
 chrum



chretum perpetuò deferrentur. Inexpiale siquidem odium sibi concitarant, dum superbè rerum potirentur Napus atque Franciscus fratres, quòd acie ad Angleriam victores, captis viginti duobus Patritijs, & in his Theobaldo Magni Matthæi patre, Othonis fratre genito, capita attracta crinibus, ad plaustrì temonem rustica secure crudelissimè detruncassent. Regnavit Mediolani Martinus annos quatuor post partam de Actiolino victoriam sua virtute, ac immenso populi fauore gloriosus. Obijt non planè senex, elatusque ciuium humeris ad Claræuallis Cœnobium, sepulchro maiorum illatus est. In quo eius effigies sub abside marmorei fornicis depicta, hodie etiam incolumis spectatur, in purpura & pileo armelinis pellibus suffulto, ut tum erant summi Magistratus insignia. Sed Martinum illustri prudentia insignem non multo post longe clarissimum fecere Philippus & Napus successores, quum ille fraternæ potentiae hæres, immodico principi tyrannoque, quàm prætori propior esse maluerit: hic verò bello acer paceque intolerandus & atrox, sese & familiæ fortunas omnes Decumana acie victus euerterit.

## ADAMI FVMANI.

*Ruebat Eccelinus acer Italus*

*Fretus tremenda militum ferocia*

*Tremendus ipse diritate barbara*

*Vrbem superbam, maximam, perlucidum*

*Sydu, togatæ vt perdomaret Gallie*

*Tyrannus Eccelinus ille pessimus,*

*Illud Deo atque hominibus infestum caput,*

*Quotquot fuere, quotque sunt, quòtque vnquam erunt*

*Longe tyrannus omnium teterrimus:*

*Ab corde cuius exularat funditus*

*Fas, ius, pium, rectum, pudorque, æquum, & bonum,*

*Qui tenera membra paruulorum ab vbere*

*Matrum reuulsa, dissecare per scelus*

*Mcrone duro, fuerat ipse durior.*

*Quin (proh nefas) & mulierum prænantium*

*Exenterare amabat (ò dirum nefas)*

*Exenterare amabat alios impius*

*Horrente scalpro: tenibil mater verens*

*Lucina, iustis quæ vocata partibus*

*Nitentium audis pia lacrymosas preces.*

*Quæ sæpe sæpiusque repetitæ, illius*

*Nunquam feroces spiritus, nunquam feri*

*Durissimum mollire pectus quiverunt.*

*Et hoc Pataui nouit alma ciuitas*

*Vicinæque illi fertilis Vicetia*

*Tuque vrbs frequens, vetusta, magna, nobilis,*

*Verona mater urbium pulcherrima*

*Nouisti, & ante tu beata Brixia,*



Tum facta ab illo vrbs omnium miserrima.  
 Ruebat Eccelinus acer Italus  
 Qualis sonantis vis corusca fulminis,  
 Cum Turrianus ecce vir fortissimus  
 Martinus, indignatus vt spumans aper  
 Lucanus, aut Sabellus, aut Libijs Leo  
 Getula pubes quem veruta perpulit  
 Exire notis saltuam recessibus  
 Clamosa pubes, & Numidicorum canum  
 Animosa vis latratibus sæuis ferit,  
 Cum colla & armos vestientibus iubis  
 Caudæ flagello identidem graues sibi  
 Villosa terga verberans iras ciet,  
 Secumque cæco murmure dubitat ferus,  
 Quæ prima mordens obterat venabula:  
 Sic ille, acerbæ vt seruitutis imminens  
 A ciuibus propelleret iugum suis,  
 Formidoloso & ipse cinctus agmine,  
 Virtute fretus exilit mirabili  
 Seni incitatus obuiam acerrimo,  
 Primæque pugna vulnerat, viuum capit,  
 Asportat, inque claustra cæci carceris  
 Contrudit, vbi post dirus is, diris modis  
 Squalloræque ac pedore tetro, pessimis  
 Suis sceleribus debitas pœnas luit.  
 Quo peruagante tam beato nuncio  
 Latè per agros Italum, pèrque oppida,  
 Passim puellæ virgines ductis choris  
 Lætæ canebant voce tinnula simul,  
 Martine Turrianè, Martine inclyte,  
 Tu liberator vrbium, tu Patriæ  
 Seruator extitisti, & omnes omnium  
 Laudes tulisti: nempe nostra tu omnibus  
 Nobis dedisti habenda, cum nefarios  
 Latronis ausus contudisti, & omnibus  
 Mentem addidisti ciuibus trepidis tuis:  
 Tibi & mariti coniuges, & coniuges  
 Debent maritos, atque vtrique liberos,  
 Debent parentes liberi tibi quoque,  
 Tibi nos pudicitiam, tibi decus, tibi  
 Nostram incolumitatem, tibi iam denique  
 Nos nostræque en debemus hæc tibi omnia.



## Sarra Columna.



**H**OC toruo subagrestique vultu SARRA Columna præclarum maxime generosi infractique animi specimen prætulisse videri posset, quum Bonifacium Pontificem probe vltus, peracris iniuriæ contumeliam, vel nefario ausu vindicauit: nisi merito secundoque euentu patrati tanti facinoris integra laus, spretæ ac immaniter violatæ religionis infamia premeretur. Quid enim æquo iure vel atrocius admitti, vel scelestius cogitari potuit, quam sacrorum principem diuinitatis opinione vniuersis gentibus religiosissimè venerandum insidiosis oppugnare armis, sacrilega manu capere, & dira crudelitate ad mortem adigere? Nulla siquidem dicta factæue in pontifice quantumlibet factioso, impotente, auaroque, diuini iuris authoritatem, & vim sacrosanctæ potestatis elidunt, & eleuant. Nam vbi semel consecratus, & nouo desumpto nomine lustratus est, pastoralēque lituum præfert, ac in eius derafo atque sacro capite gemmatus



apex refulget, tanquam exuta humanitate, augustus & planè diuinus efficitur. Inuaserat Pontificatum Bonifacius peruersa ambitione præceps, Cælestino miris usque adeò artibus infatigato deceptoque, ut vir ille ingenij captu simplicissimus, humanarumque imperitus rerum, & religioni impensè deditus, Pontificatu se abdicaret, priuatè (ut aiebat) tanquam sanctioris vitæ desiderio, postquam tanti principatus ferendo oneri se imparem fateretur: & resumpta cuculla ad sylvas & specus Gargani montis, ad contemplationem diuinorum operum contenderet. Itaque voto suo potitus Bonifacius intra paucissimos dies, prensando largiendoque in vacuam sedem irrepsit, renuntiatusque Neapoli Pontifex, Romam se contulit. Quum verò diadema triplicis thiaræ suscepisset, ante omnia atroci concilio operam dedit, ut Cælestinus sacro secessu eductus, in carcere Fumoniæ arcis necaretur. Integer enim vitæ, ac omnis sceleris impollutus, quod è tanto fastigio religionis amore in eremum se demisisset, admirantibus cunctis pijs animi decretum, tantam conceptæ diuinitatis opinionem fuerat consecutus, ut à vicinis primò, & à remotioribus demum populis inuiseretur, & plerique ab eo vel occursum & colloquia deuotè, delictorum expiationes, & rerum futurarum oracula deposcerent, & iam pro sancto gliscente diuinitatis fama coleretur, Vestinique nonnulli primores reducendum in suam sedem censerent, quam impudenti ambitu versutus impostor pro optimo atque innocentissimo damnatis artibus inuasisset. Emanarat enim in vulgus qua malignitate astutè simulationis, quo nefario ambitu, cum Carolo Rege & Senatoribus esset transactum, ut Cælestinus deceptus & proditus Pontificatu deiceretur. Per hunc modum Bonifacius acri cura & vehementi metu liberatus, usque adeò superbè sustulit animum, ut quum genere illustris, & erecto præstantique ingenio pollens, & diuini iuris intelligentia clarus haberetur: in administranda Republica imperioso & factioso principi, quàm æquo, & temperato Pontifici propior euaderet. Metui siquidem quàm amari, ac adorari potius quàm coli & suspici malebat. His moribus Pontificatum gerens, grauem primò similitatem, & mox asperrimum bellum cum Columnensibus Romanæ nobilitatis principibus contraxit, quod eius familiæ duo Cardinales Petrus atque Iacobus, Ioanne summo ciue geniti sæpe in senatu libero Romanoque ore loquentes ab eo grauissimis in rebus sententia dissentirent, ut priuati nominis sui decus, & totius familiæ clientelas tuerentur, aduersus eum Pontificem qui Christianæ equitatis oblitus, & Guelphi generis memor, quod ita firmando imperio expedire videretur, Gibellinorum acerbissimus hostis extitisset. Itaque Bonifacius dicto non audientes, secedentesque in paterna oppida ad Præneste, hostes iudicat: in eos anathematis tela contorquet: purpurei galeri honore spoliatur: cæterosque eius familiæ procures aqua & igni interdicat, & quod ea religionis arma tanquam ab iniurioso factiosoque Pontifice profecta, contemnerentur, conflato valido exercitu eos iusto bello persequitur. Cardinales maturè fuga se eripiunt, è duobus verò patruis Stephanus Petrarchæ carminibus celebratus, in Galliam ad Philippum Regem confugit: alter hic de quo loquimur SARRA in Ardeatinis syluis erepta spe fugæ se occultat. Oppida autem septem, Prænesteque in primis, & sub Algido Columna expugnantur, inexorabilique Pontificis rabie flammis abluuntur



muntur. Nec eadem iracundia Vrbani Columnensium domibus pepercit, quæ sunt sub Quirinali & in via Lata: sic vt eorum etiam Turres in Foro Romano perfossæ deformatæque sint. Errabat in nemore Sarra vestigia hominum deuitans, agrestibusq; pomis vefcebatur, quum magno casu à prædonibus Massiliensium qui biremes aquandi causa, ad Antiæ litus appulerant, interceptus est: catenatusque in transtro ad remum adigitur, & post durissimos maritimi cursus errores Massiliam est deuectus. Is inopinato oppressus infortunio, tanta infracti animi patientia, indignam ærumnosamque seruitutem aliquandiu pertulit, vt nomen suum non proderet, & se pascentium bubalorum gregi à Priuernate ciue præpositum mentiretur: Archipiratæ scilicet auaritiæ veritus, à quo ingenti precio Pontifici diuendi & ad supplicium tradi facile posset. Sub id quoque tempus Bonifacius Philippum Galliæ Regem profano iure inducto pontificiam estimationem in adiudicandis sacerdotijs insolenter offendentem, & impium & Regno indignum iudicarat: concitabatque in eum Albertum Cæsarem & Germanos & Belgas: ad id rerum discrimen magnopere tumultuantibus Galliæ populis. Vtebatur tum Philippus Stephani Columnæ consilio, viri prudentia authoritateque præstantissimi: iamque eò similtas processerat, vt Pontifex grauissimorum criminum infamia notatus, ad dicendam causam vocandus in concilium, exauthorandusque Christiana seueritate censeretur. Sed retundendæ superbix expeditiorem viam monstrantibus fatis Sarra vel exul adinuenit. Is enim quum è portu Massiliensi Stephanum fratrem de sua calamitate docuisset, extemplo redemptus ad Regiam contenderat, initisque cum fratre consilijs, & cum Rege communicatis, accurate persuaserat, vt ad paranda arma in Italiam mitteretur. Musfactus verò Francesius nobilis eques Florentinus, multis fidelis industriæ & bellicæ virtutis experimentis Regi carus in Etruriam præcederet, molienti que arma Sarra pecuniam qua abunde instructus aduenerat, opportunè suppeditaret. Conuenire igitur noctu in oppido Stagia quod erat ditionis Musfacti in Senensium finibus Romanæ viæ impositum, depromptaque pecunia conductus est Nogaretus Gallus vir impiger cum ala Gallorum equitum, ex his qui stipendia sub Carolo Valelio Philippi Regis fratre in Italia meruerant. Hac expedita manu veteranis suis & clientibus adiuncta, nocturnis ausisque vsus itineribus Sarra ad opprimendum Bonifacium Anagniam contendit. Aestiuabat libenter patrio in solo quotannis Bonifacius, & quod ei ad voluptatem iocundissimum erat, in ipsa etiam paterna domo, metu vacuus tenuique septus custodia, & tum rumores fatali fastu contemnens, qui nequaquam ex vano de exulibus afferebantur. Nec defuere neminem timent, domestici hostes, qui ex composito perfidiosè portam aperirent. Diluculo itaque Sarra urbem irrumpit, Galli equites sui regis nomen ingeminant, Columnij atrocem clamorem tollunt: Cardinales cum imbelli totius aulae comitatu repentino terrore perculsi vndique in fugam se proripiunt: terribilis tumultus tota vrbe excitatur: Pontificem hostilis turba domi obsidet, & pro Benedicto Maledictum, pro Bonifacio Malefacium appellat: & quod Cælestinum occiderit, truculentis



vocibus ad supplicium deposcit. At ille quanquam supremo metu doloreque perculsus, seipsum tamen praesenti animo non deserit, constantique vultu Pontificatus insignia deposcit, aurataque in sella irrupentes expectat, adeoque se cum sacro cultu, tum maiestate oris venerabilem praebet, ut mirabundus Sarra vel iusta ira turgidus, interneciuoque incensus odio, à contractu manus abstineret. Sed Nogaretus Gallicam effundens bilem insultanti similis, ita acerbè in eum est inuectus, ut se eum in catenis ad Lugdunense concilium perducturum minaretur, ut ibi arrogantiae poenas daret, qui Christianissimum Regem summa iniuria lacerasset. Ceterum direpta domo cum non multo post arctè custoditum Sarra Romam perduxit: ubi intra paucos dies ex dolore animi actus in furorem, inusitataque inflammatus rabie excessit è vita. Illatus autem est sepulchro marmoreo ab se condito iuxta portam Argenteam Basilicae Petri. Ingens enim ei viuo omnis honoris & gloriae cupido, & sumptuosa quidem fuerat ornatissimi sepulchri cura: in quo mitrata eius effigies supra aram sculpta marmore & tessellato opere picta spectatur. Benedictus autem eius nominis Vndecimus in defuncti locum successit, qui Sarram & Nogaretum tanquam detestandi facinoris nota conspersos exilio mulctavit. Sed Sarra vel iterum exul nominis fama clarus, & pulcherrimi facti conscientia felix fuit, quum multum antequam plane senex apud Praeneste fato concederet, Petrum & Iacobum Cardinales Senatorio ordini restitutos, & Caelestinum grauisimo atque aeterno Bonifacii probro inter diuos relatum viderit. Formam Sarrae in vetere tabula pictam exceptamque per manus à maioribus & religiosè custoditam, Martius Columna nobis ostendit, ut ex ea æmulante pictore, exemplum exactae similitudinis duceretur.

PARTHENII PARAVICINI.

*Hos ne animos pulsi Reges seuæque securis  
Gloria & imbuti natorum sanguine fasces,  
Aeternumque decus, Brutique ultoris honores  
Hunc acuere tuo tam cæcum in corde furorem?  
Ut dirum usque adeò in facinus crudeliæque orsa  
Irrueres præcebs? prob te non perculit horror  
Attonitum? non maiestas veneranda vel ipsis  
Cœlicolis, illa & triplici redimita corona  
Insula, tam fœdis tremefactum absterruit ausis?  
Si qua tamen scelere immani atque è crimine tanto  
Surgere fama potest, illud te forte lenabit  
Invidia, quod non Regni vesana cupido,  
Sed patriæ pietas, ad factum hoc impulit atrox,  
Pro re Romana, pro libertate tuorum.*



## Vguccio Fagiolanus.



**F**ORTUNA per se inconstans & sæpe ludibunda, in attollendo premendoque VGVCCIONE Fagiolano mirabiles ludos fecit. Is Massa Trebaria Togatæ Galliæ oriundus, in eo Apennini tractu qui ad Aretinas alpes extenditur, quum nobiles agrestesque familiæ ob factiones inter se contenderent, apud Gibellinos per totam ferè ætatem arma tractavit, insigni quidem cum laude, quod per cædes, incendia, vastationesque pagorum, vbique violentus & maximè pugnax enitisset. Nam robusto ingentique corpore firmissimus, validisque ideo & pregrandibus vtens armis, sicuti ingenio vigilantî acutoque maximè præstabat, ita ante alios aspera audacter aggredi, & pugnam impigrè ciere erat solitus: vsque adeo enim in omni discrimine & ferox & pertinax, vt qua-



dam in pugna ad Cæronium pagum à suis desertus, & ab hostibus prope circumuentus, quum sese fortiter reciperet, vulnerato altero crure, & collisā vehementer galea, in oblongo pedestri scuto quatuor tragulas, & tredecim veruta ex minoribus balistis infixā ad suos retulerit. Exinde multis facinoribus clarum Guelphisque terribilem Tarlati Aretij principes oppugnati à Florentinis liberali stipendio conduxerunt, cuius ductu secundis aliquot prælijs hostes ita repressi sunt, vt agro excedere cogerentur. Sub id verò tempus quo Henricus Cæsar frustra obsessā Florentia ad Bonconuentum fato celsit, Pisani Cæsare ciuitatis patrono defensoreque orbatī, quod Lucenses infesta arma intulissent, neminem Vguccione gerendo bello potiozem rati, eum qui copijs præfesset ab Aretinis impetrarunt. Eius aduentu Pisani quod veteranum militem, & Germanorum alas adduxerat, ita sunt confirmati, vt latè summotis hostibus, non modò amissā paulò antè oppida reciperent, sed expugnatis etiam aliquot castellis ad portas vsque Lucensium delitias popularentur. Itaque exultans victoriā Pisānus, nec studio suo modum imponens, ne parum gratus in referenda gratia videatur, Vguccionem ex duce dominum creat, honesto quidem merito, nisi vir immodicus ex moderato dominatu suam tyrannidem inuexisset. Cuncta enim sibi licere fortunisque omnium pro libidine sibi vtendum ratus, ante omnia Boncontem summæ nobilitatis patritium, nec immemorem pristinae libertatis, ideoque nefarijs decretis aduersari ausum interficit, alios spiritu opibusque valentes detrudit in carcerem, multoque plures exutos bonis proscribit. Hoc terrore ciuitati illato, auctisque viribus Lucenses intestino laborantes morbo repentinus aggreditur. Gerardum Lupidium Picentem militiæ peritum, qui Lucensibus copijs præerat, tumultuario prælio profligat, factiosorumque proditione adiutus in urbem irrumpit, cæde, luctu, terrore, cuncta complentur, nec sacrosanctis templorum thesauris Germanus miles parcat, pulsisque Guelphis, Gibellini qui diu exularant, patria potiuntur. In his eminebat Castruccijs animi magnitudine armorumque peritia, antiquis ducibus æquatus. Tanta re patrata Vguccio Lucæ princeps effectus Guelphis omnibus Florentinisque præsertim terrori esse cœpit, quod eo duce Gibellini ab Henrici morte deiectioni spe, debilitatique viribus animos rursus attollere viderentur. Itaque Florentini sociorum Robertique regis auxilia in vnum cogunt. Vguccionem occupandi Pistorij auidum & Montecatini oppidum magno apparatu oppugnantem, collatis castris adoriuntur. Ille belli peritus loci & temporis occasionem excipit, editoque memorabili prælio, victor hostium castris potitur. Eius diei cædem vsque adeo latam scriptores tradunt, vt Nebulam fluuium cadaueribus stratum longè cruento alueo decurrisse affirmant. Ea insigni victoriā Vguccio non multum lætatus est, nam in ea Franciscum ex filijs natu maiorem, summæ spei iuuenem amisit, & Luchinus Vicecomes qui Magni Matthæi patris auxilijs præerat, Castruccijsque grauius sauciati sunt. Dux verò hostium Petrus cognomento Tempesta, Roberti regis frater in flumine periit, & Carolus cui Robertus erat patruus, inter cadauera repertus est. Hęc est illa infausta Guelphis pugna, propter quam Florentiæ, Bononię, Senis, Perusię atq; Neapoli, ex luctu amissorum



amissorum ciuium populus vestem mutauit. Hac victoria subnixus Vguccio, vt Nerio filio Luce principatum confirmaret, suspicacis tyranni more, Castruccium gratia authoritateque pollentem tanquam Nerij æmulum tollere constituit: Ita compositis insidijs eum Nerius ad cœnam vocat, & nil tale veritum comprehendit, reumque mox homicidij factum capitis pœna condemnat. Nec tamen ad tanti viri supplicium descendere audet, indignantis & frementis populi tumultum timens. Ob id accitus Vguccio, maturandę necis auidus, cum militari præsidio Lucam aduolat. Tum verò Pisani tyranno discedente arma corripunt, Vguccionis familiam trucidant, domumque diripiunt, ac eo impetu vrbis portas occupant. Iam Lucam peruenerat tyrannus, & à filio maturè instructis mensis pransurus discubuerat, quum Pisis excitari ad arma populum nunciatur. At ille nihilo secius tanquam primo nuncio parum credens, nihil se commouet, & vti erat cibi capacissimus, & maximè vorax, per singulas tempestiui eius conuiuij dapes vsque ad bellaria conuesci pergit, eo quidem atrocis animi decreto, vt remotis demum mensis Castruccium securi percuti iuberet, atque inde Pisas ad seditiosos opprimendos properanti agmine reuerteretur. Sed quum à secundis mox tertijsque nuncijs increbescente fama, Pisis res perditas esse, ciuitatemque miro consensu rebellasse renunciaretur: Lucenses ad tanti exempli nomen, pari studio recuperandę libertatis, liberandique Castrucci ad arma concitantur. Carcerem refringunt: vinctum adhuc compedibus Castruccium educunt, & quod eius fato debebatur, principem ciuitatis salutant. Tum verò Vguccio, quanquam aliàs egregiè fortis duplici malo circumuentus animum despondet, & cum pretorianorum satellitum manu, incertus an Pisas contenderet, desperatis rebus vrbe profugit, nec vsquam ex ea fuge deformitate prius constitit, quàm à Spineta Malesspina Gibellino ad Fossas nouas, quæ Papirianæ olim fuerunt, supra Marcram amnem receptus est. Ibi labore fessus & dolore propè exanimatus paululum se recreauit, atque inde quum atrociora à persequentibus sibi timeret, ad Canem Scaligerum Veronam est profectus. Ea enim tempestate Scaligeri domus exulum omnium insigniumque virorum liberalis erat receptrix. Fuit apud Canem summo in honore Vguccio, spectabaturque procerus & ventricosus senex tyrannico vultu ferociam retinens, tanquam admirabile insolentis Fortunę documentum, quum paulò antè rerum bello gestarum fama illustris, semihorę momento geminati principatus fastigio præceps datus, & miserabilis & ridendus euasisset. Ad eam enim calamitatem Fortuna immitis id quoque adiecerat, vt contemptus, mordacibus dictis incesseretur: Vt tum accidit quum in conuiuium Canis de edacibus illato sermone loqueretur, & Vguccio se iuuenem quaternos altilis capos, & totidem perdices, assos item hædi clunes, & elixum vitulæ infarctum pectus, præter falsamenta, recta in cœna exedere solitum narraret, Petrus Nauus è conuiuium vir falsus: non est inquit, Vguccio cur hæc à te iuvene comesta multum admiremur, postquam senex, nec planè dentibus instructus, duas vrbes integras vno prandio absumpseris. Erat enim fama Vguccionem, si ab inchoato prandio temperasset, satis in tempore ad sedanda nascentis tumultus initia Pisas regredi, & vtranque urbem sibi incolumem seruare





potuisse. Sub id verò tempus quo Canis comparato exercitu Patavium obsidebat, quum Vguccio dux vetus eo bello mirificam operam navaret, ad paludes Medoaci amnis correptus morbo, Veronamque delatus, excessit è vita, non omnino miser, quòd vel Vicario nomine militari imperio honestatus, splendidissimam funeris & sepulchri pompam retulerit. Effigies eius equestris adstante ei Castruccio & falconem ad aucupium leua gestante, Pisis in sepulchro cui Camposancto nomen est, preciosis ex vero picta coloribus conspicitur.

ANGELI PEROTII Camertis.

*Quem latis humeris, quem lato pectore spectas,  
Quem Martem dicas ore referre truci:  
Ille olim emergens obscuro ac paupere tecto  
Militiæ primum munera dura tulit:  
Fortibus inde ausis Fortunæque auspice: summum  
Littoris Etrusci est vectus ad imperium.  
Illum eadem geminas vrbes ditione tenentem  
Precipitem subito Sors inopina dedit.  
Scilicet haud quenquam dubiæ fas fidere Sorti,  
Quando ea, Regna vno datque adimitque die.*

Castruccius Castracanis.

**P**OST conuulsas, secordia Græcorum Cæsarum, Romani imperij opes, quum Gothorum impotentes impetus nemo tulisset: egregiæque artes & literæ cum Vrbe rerum domina concidissent, disciplinam militarem interijssse constat, qua vna coaluerat imperium & sese ad omnes gentes perpetuis victorijs extenderat. Nam per mille ferme annos, quibus Italia externis gentibus seruiuit, multitudine potius, inconditisque viribus, quàm ingenio & ratione certabatur, quando omnia diuersis Barbarorum irruptionibus terribili motu quaterentur. Sed ita Populi Romani fortuna demum tulit, vt bellicæ artis decus non diu modò neglectum, sed planè sepultum, à nouo homine tanquam ab inferis excitaretur. Is fuit Castruccius Castracanis ex Antelminella nobili familia Lucensis ciuis, qui ex mercatoris institore miles, ex milite dux insignis factus, pertinaci virtute ad principatum contendit, nusquam eius vestigia vadentis ad præclarum decus fallente Fortuna. Adolescens cum Gerio patre & matre Puccia, ob Gibellinæ factionis nomen patria pulsus & breui apud Anconam parentibus orbatus, in Galliam vltiorem eo animi decreto transiuit, vt alieno sub cælo Fortunæ vim experiretur. Quum aliquandiu Lugduni apud negotiatorem Lucensem subsedisset, equo, veste, viatico, honeste adiutus in Britanniam ad Aldericum gentilem propinquum suum, Londini ex mercatura diuitijs affluentem, traiecit. Is iuuenem decore formæ,  
morum



morum elegantia. & corporis dignitate præstantem, non modò benigne complexus est, sed eum non multò post Odoardo regi, parvæ pilæ lusu oblectari solito insinuavit. Erat enim Castruccius in eo ludo vsque adeo



habilis & mirus, ut nemo iam ei ex regia aula conferretur, ac ideo regi iocundissimus euaderet. Sed id totum quod à benevolentissimo rege promereri posse sperabat, inopinatæ fortis casus eripuit. Quum enim in ludo ex altercatione, à superbo quodam Regulo alapam sustulisset, contineri non potuit, quin vel spectante rege contumeliam districto pugione, percussoreque traiecto vindicaret: Eo felici euentu, ut statim seminudus scapham insiliret, & per Tamesim amnem imminentium manus effugiens, in Belgicam oram adueheretur. Ardebat tum crudele bellum inter Gallos & Flandros quibus Britanni se confociarant: apud Philippum autem Galliarum regem secunda fama militabat Albertus Scotus nobilis Placentinus, qui ab Italia quingentorum equitum ornatissimam alam, & peditem veteranorum legionem adduxerat. Sub hoc Scoto Castruccius ordines duxit, tantæq; vigilantia, consilio, & vi corporis nomen optimi ducis promeruit, ut eo



bello consentientis famæ nomine esset clarissimus & à Gallis scriptoribus postea celebraretur. Verùm confectis bellis, à Philippo opimis excultus muneribus rediit in Italiam, armis & equis optimè instructus, destinatum sibi fato repetendæ patriæ occasionem quærens. Euaserat tum Pisis princeps Vguccio Fagiolanus, & cum Lucensibus bello contendebat. Huic igitur parante aditum Fortuna adhæsit, ab eoque post debellatos Lucenses, & fractas ciuitatis opes, patriæ restituitur: ea tamen sorte, vt qui virtute inter ciues princeps erat ad summum dignitatis gradum tacitè atque ægrè prorsus aspiraret. Nam Vguccio Nerium filium prætoris potestatis simulatione dictatorem Lucæ præfecerat: vt pote qui post cladem ad Montecatinum Guelphis illatam, & ferox & validus Pistorium & Volaterras, Pisis, Lucæque finitimas vrbes, occupandas animo agitaret: vt principatus in Etruria viribus potens contra Florentinos conderetur. Hoc innixus consilio Castruccium confirmata authoritate & populari gratia Lucæ præpotentem, ideoque formidatum, tollere constituit. Verùm Fortuna (vt in Vgucione diximus) alternis suo more lusibus iocabunda, ita Castruccium è summo turpissimæ necis periculo eripuit, vt miserum ex damnato & sæua securi propè percusso, ad vrbis dominatum admirabili sorte proueretur, & diri obiter infortunij grauis ictus ad Vgucionem verteretur. Suscepto in patria dominatu atque inde vrbe Pistorio in potestatem redacta, statim se Gibellinæ factionis principem professus, ideoque in omnem rerum occasionem aduersus Guelphos expedita arma conuertens, ita Fortunam innatæ crescentique virtuti suæ, bonis & malis artibus conciliauit: vt nemo eo domi consultior princeps, nemo dux in castris exactæ disciplinæ præceptis instructior in Italia censeretur. Inierat fœdus cum Guido Tarlato, Galeacio Vicecomite, Scaligero Veronense, Passarinoque Mantuano, qui Cæsarium partes in Italia tuebantur. Contra autem Florentini cum Romano pontifice Robertoque rege consociatis viribus, grauissima bella in Insubribus, in Liguria, in Bononiensi, & Togata Gallia gerebant. Sed cruentæ diuturnæque contentionis is exitus fuit, vt Guelphi ad Altopassum memorabili pugna vincerentur, victoresque inde Castruccius atque Actius Vicecomes, ad Florentiæ statim portas vsque, infesta populatione percurrerent. Fuit ea clades si cæsum numerum spectes. Montecatineni aliquanto minor, sed fortissimarum gentium externorumque ducum captiuitate nobilior. Inusitati enim spectaculi celeberrimum ab ea victoria triumphum Castruccius duxit, tanto rerum omnium ordine apparatuque, vt priscorum temporum, & Romanæ superbiæ felicitatem æmulatus, è tota Italia splendidissimi quique ad tantæ famæ spectaculum liberaliter inuitati Lucam confluerent. Inuectus est urbem quadriiugo curru in Trabea laureatus. antecedeabant agrestes gregarijque milites nudo capite nudisque pedibus incertam libertatis spem præferentes: sequebatur Carrocium hostilis prætorij insigne, bubalis prætextatis tractum, in quo antenna præalto in malo suspensa vexillum populi Florentini inuersum expandens, superstante campani æris tintinabulo maximè sonoro: sed cui ad ignominiam victores, vt mutum esset, ferream linguam detraxerant. Exinde verò Guelpharum partium vexilla Draco scilicet aquilæ vnguibus constrictus, lili-  
umque



umque ingens puniceum, aureaque item lilia cianeo in campo, & rubentia Roberti regis rastrella inuersis hastis solum, verrentia trahebantur. Succedebant ductores ordinum hostilium, praefectique equitum; sed hi sine calcaribus, illi sine gladijs discincti. His coniunctum erat nobile militarium equorum agmen, armigeris pueris cristatas casides, versicolorisque lacinias captorum aut occisorum hostium gestantibus. Sed ante alios tres grauisissimi viri Florentinorum Legati & secundum eos traducti duces supraque caeteros maxime conspicui Gulielmus Narsei Gallorum, Vrlimbacæ Sueuus Germanorum, atque ipse demum cum adolescente filio Raimondus Cardonius imperator captiuam Hispanorum procerum turmam calamitatis consortem trahens, ita pompam tristi aspectu, & suis insignibus nobilitabant; vt multis ex eo praecipitis Fortunæ ludo lachrymae manarent. Dum eo modo Castruccius virtutis & gloriae suae meritum fructum ferret, Florentini sociique eorum Pontifex & Robertus, nihil vel a tanta clade demissis animis vel attritis opibus, bellum priore vehementius repararunt, vsque adeo ardenti vel insano Florentinorum studio, vt pro tuenda libertate externum sibi dominum Roberti regis filium recipere minimè recusarint. Huius aduentus quod amplissimum equitatum in Etruriam adduxerat, ita afflictas spes Florentiae erexit, Gibellinosque conterruit, vt Castruccio & Galeacio Insubrum principe praecipuis authoribus, Ludouicus Bauarus Caesar designatus in Italiam accerferetur: qui insigni authoritate potentiaque partium opes confirmaret. Sed vir rapaci ferroque ingenio nullo pudore inita consilia preuertens, vbi peramplis excultus muneribus Mediolani ferreo diademate coronatus est; ex defensore patronoque crudelis oppugnator, & truculentus hostis euasit; quum Galeacium fratresque eius tantæ dignitatis principes, & nihil tale meritos, in carcerem detruderet. Inde vero expilata ciuitate, quam liberam reliquisse videri volebat, Lucam profectus Pisanos obsedit, quod portas ingressuro clausissent, & ab vrbe auari saeuique hominis pestem auerterent. Sed Pisanæ consternationis is exitus fuit, vt Castruccio copias, pecuniam, com meatus ad id bellum conferente, & diuersis castris citra Auferim amnem positis, Pisani multis exuti oppidis Caesari portas aperirent, & praegrandi pecunia mulctarentur. Ab hoc insigni studio apprimeque forti & fideli opera Castruccius à Caesare Lucensium & Lunensium dux est appellatus; praetulitque demum decora insignia & ornamenta nouæ dignitatis, atque inde Pisanos recenti factionum aestu iactatos, nec idem in Republica sentientes varijs occultæ largitionis artificijs aggressus, ita eorum decuriones circumegit, vt fauente Caesare nec abnuente populo ciuitatis princeps saluaretur. Ludouico autem Romam contendenti, ad id solenne officium suscipiendi diadematis inuitatus, cum delecto equitatu & sagittariorum cohortibus comes fuit. Eo autem in urbem nonis Ianuarijs recepto, insignique demum studio Sarræ Columnæ, Iacobiq; Sabelli ad Vaticani templum coronato, creatus est Pseudopontifex Petrus Corbarius, vt Diadema Romani imperij saluis auspicijs traditum atq; susceptum videri posset. Id enim vnum Caesar contendebat, vt Ioannis legitimi Pontificis autho-



ritas, tanquam omni iure existimationeq; spoliati, in vrbe aboleretur, imperatq; & exacto vndiq; auro aduersus Robertum regem Guelphorum tuentem partes, graue bellum pararet. His comparandis rebus intentum Gibellini proceres Sabellus, & Sarra, ipseque ante alios Castruccius vehementer orabant, vt Vicecomites Regulos importunè principatu fortunisq; deiectos custodia educere vellet, neq; diutius Guelphos eorum calamitate lætari pateretur. Verum Cæsar dum in explicando consilio, vt rerum imperitis plerunq; accidit, & durus & pertinax, neq; id concedit, neq; omnino negat; vt inanis constantiæ nomen paret, amicorum omnium animos grauitè offendit. Interea Castruccium tot accumulatis honoribus clarum & cuncta prope apud Cæsarem præstanti ingenio administrantem, atrox ab Etruria nuncius magnopere perturbauit. Is mari delatus afferebat Pistorium Guelphorum proditione in Florētinorum potestatem deuenisse; deletum fuisse præsidium, sed adolescentes filios magno ausu euasisse incolumes, quum à præsidio acerrimè repugnanti, vsq; ad lucem nocturno prælio certaretur. Itaq; subiratus Cæsari qui maiore Guelphorum quàm Gibellinorum emolumento in Italiam venisset, commeatu vix impetrato Pisas per Aureliam viam magnis itineribus contendit; tanta celeritate, vt Vmbone fluuiò fortè à pluuià prætumido transitū morante, dum male fidum alueum properè tentaret, penè mergeretur, & cum paucissimis equitibus inexpectatus portas intraret. Ea celeritate Pisanos quòd essent ambigua voluntate repentè oppressos, & præsentis principis vim, & subsequētis præsidij robora timentes in fide continuit, confirmatoq; dominatu, ac imperata pecunia, quantas potuit copias, accitis vndique auxilijs coegit, & ad obsidendum Pistorium est profectus. Florentini Simonem Tosam militaris industriæ ciuem, præsidio vrbiq; præfecerant, nouas munitiones veteribus adiecerant, singulariq; diligentia ædificatis ligneis propugnaculis, murum omni telorum genere compleuerant. At Castruccius priusquam succidi frumenta possent, inclusos obsidere constituit, quòd non magnam commeatus copiam vix per duos menses suffecturam intus paratam esse didicerat. Itaq; inusitata eo seculo belli ratione, duplici vallo dupliciq; fossa urbem circumuallare pergit, vt omnē vel erumpendi vel importandi commeatus hosti spem præcideret. Erexerat in vtraq; munitione ligneas turres maioribus balistis & catapultis instructas; suburbanī agri arbores succiderat, vt aduentantibus Florentinis ad opem ferendam inaccessa pediti atq; equiti munimenta obijcerentur. Venerat Mediolano Galeacius Vicecomes, à Cæsare post Castrucci discessum certa cōditione carcere emissus. Is ingentium præliorum victor peritissimi ducis nomen affecutus amicissimo principi, & præclaro suæ libertatis authori eo bello operam præstabat, quū interiores munitiones defendendas suscepisset, Castruccius in exterioribus versabatur. Nam fama erat Florentinos ad soluendam obsidionem aduentare, ingenti coacto exercitu ex Pontificijs copijs, quæ è Bononia submittente Legato in Etruriam descenderant, cæterisq; foederatis ciuitatibus quæ publicæ Guelphorum causæ nunquam antea defuissent. Præerat omnibus Philippus Sanguinettus Gallus, cuius opera Pistorium noctu captum fuerat. Censebantur autem sub eius signis ad tria millia galeatorum equitum, & ad



triginta millia peditum. Sed Philippo in conspectum se dante, nec tamen subire aggeres auso, Castruccius nihil se commouit, & per Galeacium erumpentes hostes multis illatis vulneribus retro in urbem compulit. Itaque Philippus tantos aggeres, tantique artificij, & nouæ disciplinæ munitiones admiratus, frustra ad pugnam Castruccium magnis tubarum clangoribus compellans, alio quam statuerat suscepto consilio, castra inde mouit in Pisanum & Lucensem agrum populabundus ire pergens, ut hostis rerum suarum calamitate & villarum incendijs permotus, incepto abscedere, sua tueri, & viribus inferior prælio decertare cogeretur. Sed ille tot detrimenta, quanquam suis luctuosa contemnens, in obsidione constantissimè permansit. Nec multo post Simon Tosa desperatis auxilijs, uti erat ad extremam com meatu inopiam redactus, ea conditione post tres menses deditiōem fecit, ut cum præsidio incolumis emitteretur; magna quidē cum ignominia tanti exercitus, & singulari Castrucci gloria, qui eo bello priscorum Romanorum magnitudinem, & bellicæ rationis ingenia diligenter æmulatus, tantarum virium impetum elusisset. Sed quum supremo inusitate virtutis opere edito, ac ob id incredibili affectus lætitia, ad triumphum Lucam reuerteretur, pestilens eum inuasit morbus, & paucissimis diebus eripuit, pari fato præeunte Galeacio, qui eadem autumnalis cœli inclementia correptus, ad Pisciam oppidum à vita migrarat. Itatorum enim omnium duo maximi duces, ætate, forma & magnitudine animi pares, ita corpora atque animos in hisdem castris longo & pertinaci labore defatigarant, ut in magnis Augusti mensis feruoribus, cuncta ad accersendam valetudinē incommoda perpessi, victoriæ decus ante salutem posuisse censerentur. Moriens Henricum filium testamento imperij reliquit hæredem, quod nequaquam paternis artibus postea tutatus est. Pater enim admirabili naturæ munere ferreum corpus, inuictum animum, expeditamque præsentis ingenij vim, & certum infinitæ prudentiæ robur, ad condendum principatum attulerat. Quarum virtutum imbecillus adolescens vertente se Fortuna æmulus esse non potuit. Pater quoque; (quod difficillimum fuit) vitia insolentis auaritiæ & efferae crudelitatis, aut congenita tyrannis, aut necessitate inducta, usque adeo liberalitate, magnificentia operum, eloquentia, & multa religionis simulatione temperabat, ut optimo principi quam impotenti domino propior atque similior haberetur. Castrucci effigies (ut in Vguccione diximus) Pisis elegantissimè picta conspicitur. cui similem ex candido marmore nobis ostendit Nicolaus Tegrinius Lucensis patritius, à quo Castrucci vita Latine atque integerrimè scripta, ac impressa extat; ut hinc quoque; liuorem & petulantiam Nicolai Machiaueli magnopere detestemur; qui dum commenticiam Castrucci tanquam patriæ suæ hostis, extra rerum fidem impudenti libidine vitam describeret; reliquæ quoque historiæ dignitatem improbè defœdauit.

GABRIELIS FAERNI CREMONENSIS.

*Qui iam obsoletam bellicæ artis gloriam  
Castruccius Lucensium dux, Italis  
Restituit, & pro factione Caesarum  
Etruriam quatesecit armorum sono:  
Nunc hic quiescit paruus è tanto duce  
Puluis, cinisque, & nudula umbra mortui.*



## Canis Scaliger.



**I**NTER Scaligeros Veronæ dominos, qui fuere oriundi è Vindelicia CANIS superior bellica virtute clarissimus constanti merito Grandis cognomen tulit; non à proceri quidem corporis statura, quæ vix in eo erat mediocris, sed à magnitudine inuicti liberalisque animi, & perpetuo illustri vitæ splendore, quo vel opulentissimos eius ætatis principes antecessit. Canis autem nomine non latratu insigne animal, sed Tartarorum lingua Imperator exprimitur. Ea siquidem tempestate Sacro bello spectatæ virtutis proceres Barbarorum captorum, aut ab se occisorum nomina ad testimonium honestissimæ laudis desumebant; quippe qui Gothifredum Bolionium, aut maximos postea Europe Reges æmulatione gloriæ in Syriam transfretantes secuti sunt, nullum omnino opimius & speciosius trophæum referri domum posse arbitrabantur, quàm ut impiorum hostium nomina, ad perenne decus familijs suis infererēt; sicuti in Vilecomitum



cecomitum & Turrianorum domo vsurpatum videmus, quum sapius Sulthani, Mustæ, Cassoni, Amurathis, & in sceminis quoque Antiochiæ nomina repetantur. Canis acceptum ab Alberto patre dominatum, tanta animi moderatione, iustitia, humanitate, tantoque exactæ disciplinæ ordine, cum domi, tum militiæ exercuit; ut gratia, authoritatē, clientelis & apparatu armorum pollens, suo prorsus nomine & maiore imperio dignus haberetur; utpote qui admirabili iudicio clementiam & seueritatem procul ab inuidia atque odio commiscere, sine fūco pietatem colere, comitatem sine dedecore, sine fastu dignitatem tueri consueisset. Eum enim recti constantisque animi habitum ad expeditam commutationem uti oporteret, ita paratam & habilem præferebat, ut domi remisso ad lenitatem ingenio semper placatus, in castris autem elato, feroci, acerbo in puniendis præsertim militum delictis, inexorabilis & ferè sæuus euaderet. Quibus institutis & moribus, neque domi coniurationes intestinaque mala, neque in castris seditiones militum, aut aduersos nomini suo rumores sensit. Sæpissimè prælio victor, semel tantum aduersæ pugnæ euentum expertus est; quum graui & diuturna obsidione Patauinos premeret, & insègnem eius stationem Illyrij & Norici equites, qui Patauinis auxilio venerāt, subita eruptione facta, oppressis & fugatis custodibus in castra penetrassent. In ea rerum perturbatione Canis acerrimè resistens atque dimicans, vulneratus & equo deturbatus, maximum vitæ adiit discrimen; sic ut eum prætorianæ turmæ magna vi depulsis hostibus vix seruarent. Tanto accepto incommodo custodiæ cohortem, quæ irruente hoste trepidè locum deseruerat, exutam armis ignominiaque notatam præfecto capitali pœna damnato, integram dimisit. Nec multo post renouato bello Patauini magnis affecti detrimentis, pertinacissimeque machinis oppugnati, ad clementiæ famam victori se dederunt. Tanta vrbe in potestatem redacta, & Vicentinis ditioni suæ adiectis, ad opulentius & maius imperium aspirans, in spem venit occupandæ Brixiae, quod ea vrbs cruentis factionibus laboraret; potiundique inde Mediolanensis imperij, quum Ludouicus Bauarus Cæsar, tum fortè Galeacium Vicecomitem nihil tale veritum custodiæ tradidisset. Erat enim Cæsar auri cupidissimus, ideoque paratus ad omne venialis ingenij facinus ob-eundum. Hunc Canis, officij atque honoris causa Mediolani ferrei diadematis insignia suscipientem, cum nobilissima ala equitum fuerat comitatus, consiliariosque eius opulentis muneribus & presenti pecunia sibi conciliarat. Sed utrobique conatus successu caruit, Cæsare scilicet in Etruriam profecto, & Brixianis prospero ad Benacum nauali & terrestri prælio, libertatem suam egregiè tuentibus. Mutato itaque consilio Canis ad expugnandum Taruisium se conuertit, cupiditate proferendi imperij Actiolinum æmulatus; nisi diuersissima progressus via pro immanitate atque perfidia, pietatem & fidem; pro sæuitia lenitatem, ac in omni re cum publica, tum priuata, honestissimi decoris nomen pro turpissima & execrabili fama tot scelerum ostendisset. At Taruisini asperrimo fatigati bello quum auxilia desperarent, affecte eneruatæque libertati, quam difficillimè tueri poterant, potentem armis & consilio clementique laude illustrem dominum præ-tulerunt. Sed Canis victor accessione opportunæ vrbs diu latari non po-



tuit;concepto enim supremo morbo,quod armatus & æstuantis ex frigidissimo fonte auidius bibisset,Iulio mense non planè senex excessit è vita,celebranteq; funus toto exercitu è Taruisio Veronam delatus est,quem postmodum Mastinus fratris filius ac imperij heres,marmoreo sepulchro quod visitur honestauit. Regiam Canis cunctis hospitibus qui ingenio valerent,hisque præsertim qui domo pulsi ab infesta Fortuna iactarentur,liberale atque illustre domicilium fuisse scriptores tradunt:& ante alios Gazadius è Regiolepidi,qui vtri erat eius familiaris adeò distinctè totius hospitalis disciplinæ rationes,diuersorumque cœnaculorum & cubilium sumptus institutaque ornamenta descripsit,vt peculiarem dispensatorum cultum,& variorum ministrorum officia,titulosque singulis ianuis præscriptos,& argumenta vtriusque Fortunæ,auleis & picturis expressa persequeretur. Diuersæ siquidem ædium partes conditione dispari oblatos hospites sic accipiebant,vt magnanimos & victores triumphis;exules bonæ spei;profugos securæ confidentiæ;Poetas musarum vmbraculis;præcellentes artifices Mercurio;sacratos verò concionatores terrestri Paradiso assignaret. Hæc autem tanta diligentia,iocunditate,nitoreque administrabantur;vt cuncta aptissimè ad genium hospitum responderent. Nam præter Musicos concentus,festiui etiam sanniones,& plani,& non insulsi moriones,alterna varietate cœnacula circuibant. Ipse quoque interdum quos committere volebat,graui iocundoque delectu mensæ suæ adhibere erat solitus,in quæ sæpius erat Danthes exul,eruditi quidem,sed nimis aculeati sermonis libertate admirabilis potius quàm iocundus,& Vguccio Fagiolanus ex tanta principatus fortuna deiectus,quem summo in honore habebat;quanquam ingentis onerariæ nauis fluctibus in litus eiectæ admirandum cadauer præ se ferret. Nihil enim Canis in hac vita nobilius atque beatius esse prædicabat,quàm inuicto animo suæ pariter atque alienæ fortunæ obuiam ire,perpetuisque beneficentiæ & liberalitatis operibus,insitæ virtutis famam extendisse. Eius imaginem in tabula egregiè pictam,Achillinus Bononiensis rerum antiquarum studiosus,viris elegantibus ostendit.

#### A D A M I F V M A N I.

*Scaliger,anne tua isthæc Canis inclyte imago est?*

*O cari capitis,cara mihi effigies.*

*Illene tu profugis quondam qui vatibus vnus*

*Portus eras,arx,spes,præsidium,columen?*

*Gaude Heros rediuiue,heros bellique,domique*

*Illustris,iuncto viribus ingenio.*

*Ecce tibi vt veteres Iouius renouauit honores,*

*En te vt honoratis iunxit imaginibus,*

*Maeste tuum terfa nitidum rubigine nomen*

*Factum,iam poterit nulla abolere dies.*



# PAVLIO VII EPI SCOPI NV CERINI IN SECVNDVM

LIBRVM ELOGIORVM SVORVM

P R A E F A T I O

Ad COSMVM MEDICEM Florent. Ducem.



*ECVNDVS* hic liber Elogiorum meorum nominatuo di-  
catus Magnanime COSME, vt instituti ordinis series postu-  
labat, rectè & appositè initium cepit à Roberto Neapolitano  
rege. Eius namque optimi Regis memoria grata multis, tibi  
verò præcipuè iocundissima esse debet. Nam amore quodam  
mirifico, & partium studio incredibili Florentino nomini con-  
iunctissimus fuit; vtpote qui ciuitatem aduersus imminentes ty-  
rannos inuictis armis defenderit, pulcherrimisque belli & pacis  
artibus exornarit; tanta gratissimi populi propensione, vt abdicato libertatis nomine, ei  
& Carolo filio dominatum Etruriæ deferret; quoniam ea clementia, moderatione, at-  
que iustitia summi imperij potestate vsurus existimabatur, vt minimè dispuderet, eum in  
libera patria dominum appellare venerarique; sub quo vera libertas reiecto inani titu-  
lo, ad tranquillitatem atque opulentiam ciuium pararetur. Hæc eadem benigni &  
longè æquissimi principatus iura, in te hodie ciues agnoscunt; eoque præclarius atque feli-  
cius, quod pro externæ stirpis Rege, te eundem & perhumanum ciuem, & sanctissimum  
principem intuentur. Sed hunc profectò Regem, quem dissimulanter æmularis, ita o-  
mnibus numeris absolutè refers & effingis, vt augustius etiam exuperes: quando id totum  
optimarum literarum atque artium decus, quod in eo Rege præclarum spe-  
tabatur, tot editis eruditæ liberalitatis monumentis, ad vberio-  
rem laudem complectaris. Vale.

f 4



## ELOGIORVM LI

M V C B E R S E C V N D V S .

Robertus Neap. rex.



**I**N ROBERTO Neapolitano Rege bellici spiritus infessa vis, quæ in Carolo auo summa fuisse traditur, plurimum enituit. Sed Carolum inimicorum cædibus gaudentem, sæpeque sæuum & inexorabilem, moderatione, clementia, lenitateque animi, Robertus omnino superauit; quum ille enormi rubenteque naso terribilis, bello captis vel supplicibus nunquam parcere didicisset, essetque adeo in exercenda crudelitate inhumanus & peruiçax, vt non modo Manfredi regi ad Beneuentum acie interfecto, supremum funeris & sepulchri honorem, tanquam Pontificis hosti denegarit; sed Conradinum duorum imperato-

rum



rum sanguine progenitum, dum is regnum, quod suum iure putat, armis repetit; ex aduersa pugna captum, cum regulo Austriæ, in foro securi percussit. Patrem quoque Carolum Robertus pari virtutum temperamento, cum magnitudine animi, tum munificentia & splendore vitæ antecessit; quando & eum continentia, grauitate, & regij cultus ornatu, maiestatemque oris supergrederetur. Pater enim per omnem ætatem intemperanter mulierosus, corpore deformi distortoque, cultu adeo breui subductoque vti solebat, vt vix pudenda natesque contegeret, indeque spectantibus moueret risum; quum alioqui magnis virtutibus esset admirabilis. Cæterum Robertus auo patreque illustrior extitit, cum nobilitate ingenij, studio literarum, singularique memoria; tum incomparabili Christianæ pietatis præconio; in hoc Ludouicum Galliarum regem maiorem patrum æmulatus, qui in Africa in obsidione Tuneti quum morbo absumptus interisset, inter diuos referri spectatæ sanctitatis ergo promeruit. Hoc certè de Roberto dici potest, neminem ex his qui antea Neapoli regnarint, aut postea per ducentos annos regnauerunt, maiora præclarioraue exactæ religionis monumenta reliquisse. Non petebat enim ex templis magnificè ab se conditis inanem famam, sed Christianæ virtutis exempla imitanda posteris relinquebat; quanquam ex publicis operibus quæ ciuitatis commoditatem decusque respicerent, laudem non respueret. Vtpote qui munimenta mœnium & turres educere; curare portum, molemque eius proferre; instaurare aquæ ductus; annonæ liberaliter studere; tollere latrocinia; & iustissimi atque sanctissimi regis munia obire esset solitus. Benigni namque amantisque patriæ, quam pecuniosi, populoque prægrauis, & imperiosi regis nomen malebat. Nec enim laudem aut gratiam alicunde expectandam arbitrabatur, nisi in ea pietatis atque iustitiæ studium emineret. Gessit perpetuò bellum aduersus Gibellinos, quum authoritatem Romani Pontificis contra infestos Cæsares tueretur, Florentinorumque libertatem enixè defenderet. Ab hoc suscepto studio dum in Etruria prostratas Guelphorum opes erigere conaretur, cruento Montecatinensi prælio Petrum fratrem, duosque item fratrum filios summæ spei iuuenes amisit. In Gallia porro Cisalpina quum Vicecomites Mediolani principes validis vrgeret armis, duplex insigne vulnus accepit; alterum ad Alexandriam, vbi Vgo Baucius equitum magister fusus atque interfectus est; alterum ad Abduam non longè à Mediolano, vbi fractis aduersa acie partium copijs, vexilla regia ducesque cum magno numero insignium equitum in potestatem Galeacij victoris deueniunt. In Liguria verò Genuam acerrimè defendit, quam Marcus Vicecomes obsidendo atque oppugnando propè ad rerum desperationem adduxerat. Eo enim bello quum hostis mœnia perfregisset, vnus ante alios Robertus egregiè dimicans, ita locum tutatus est, vt magno suo periculo & multa cum cæde hostes repulerit. Ludouicum verò Bauarum Cæsarem, qui Nicolaum Pseudopontificem in Iohannis contumeliam Romæ creauerat, terrore præmissi ab Aquila exercitus & vrbi per Latium admoti, Roma excedere coegit. His rebus gestis, Iohannem Pontificem apud Auinionem adiit; initisque fœderibus, tantam consecutus est nominis authoritatem, vt Florentini ab eo



Carolus filium in dominum postulant, & acciperent. Ea enim tempestate Florentini acerrimi hostis Castrucci armis vexabantur. Itaque Carolus optima stipendia accepit, suscepitque liberæ ciuitatis dominatum; tanto Guelphorum studio, ut omnes magistratus ærarijque opes, cunctaque copię ad eius authoritatem decreto publico conferrentur. Sed iuuenis eo inito principatu, nihil quidem memorabile in Etruria gessit. Illud tantum cum magna nominis sui inuidia admisit, quod Ciccum Asculanum acutissimum philosophum, eundemque Etrusco carmine Empedoclis æmulum; quum magicę artis peritia famosus, coniuratione cuculorum hæreseos accusaretur, damnari, & in foro comburi iusserit. Exinde regressus Neapolim morbo surreptus Robertum patrem orbitatis dolore perculsum perpetuis in lacrymis reliquit. Quanquam is mira animi firmitate vnici filij casum ferret, consolatus seipsum numerosa nepotum sobole, & optimarum literarum præsidij; in quibus tantus euasit, ut sibi literas regni possessione cariores esse prædicaret. Fauebat ardentissimè optimorum studiorum professoribus, oblectabaturque amcenioribus Musis, adeo liberaliter, ut Franciscum Petrarcham multis ab se ornatum muneribus, quod Africam nobile (ut ætas illa ferebat) poema, regio iudicio subiecisset; laurea ornare cupiuerit, quam ille postea Romæ in Capitolio accipere maluit. Obijt Robertus planè senex, quum regnasset annos XXXIII. Visitur eius sepulchrum cum effigie marmorea in templo Diuæ Claræ ab se dicato, cum hoc titulo: *Aspice Robertum multa virtute refertum.*

ANTONII FRANCISCI RAINERII.

*Adsisit teneræ Parthenopes decus*

*Syrenes, sacer & Pieridum chorus,*

*Et Tusca Charites, &*

*Flauū numina Tybridis.*

*Dum Regem tunica tectum adamantina*

*Robertum canimus, Caesaris impij*

*Pellentem agmina, ut alto*

*Nimbos exiliens Notus.*

*Ille ille horrissono barbarus impetu*

*Terrarum dominam hanc & superū domum*

*Ferro perdere, & igni*

*Tentabat (facinus ferum)*

*Ast illum impauido Rex pius agmine*

*Sistens indomitæ frena licentiæ*

*Iniecit, trepidam urbem, &*

*Seruans purpureos patres.*

*Quin & præcipiti plenum opus aleæ*

*Ciuilesque acies, scissaque Hetruria*

*Sedans pectora, dictus*

*Dux est, & Patriæ pater.*

*Vnde his pro meritis impatiens iugi*

*Queque*



*Quæque alte innumeris iura dat vrbibus  
 Gens Etrusca, secures  
 Nato, atque imperium dedit.  
 Salve ô bellipotens, progenies Deûm  
 Templâ immania qui marmoribus sacris  
 Condis thuricrema, alti  
 Aequent quæ iuga Caucaſi.  
 Tu Pindi auricomum è vertice Apollinem  
 Sebethi irrigua ad murmura vitrei  
 Ducis Parthenope alma vt  
 Discat Pierium melos.  
 Cùm vatem cythara nobilem eburnea  
 Petrarcham, thalamo ſuſcipis aureo,  
 Quem mox Delphica laurus  
 Cinxit Romuleo in foro.  
 Hæc illi, auſpice te, munera contulit  
 Roma altrix ſtudiorum, & Latium ferox  
 Vnde Arnus vaga claro  
 Lambit ſydera vertice.*

**C**VM hoc Roberto rege, Vicecomites Mediolani principes continen-  
 ter bella geſſerunt, quum ij pro Gibellinæ factionis dignitate, ille de  
 Guelphorum ſalute atque potentia dimicarent. Horum itaque principum  
 veras imagines ſuo ordine libuit collocare, vt tot formarum varietas ſub  
 vnum aſpectum expoſita, iucundiorẽ ſpectantibus afferat voluptatem.  
 Nullis alijs ex ipſa temporum ſerie permiſtis, ſcilicet vt æſtimatione inge-  
 niorum, rerumque à ſingulis geſtarum quid Phyſiognomus ex lineamen-  
 tis indicet atque promittat, viri elegantes ex tanta vultuum diuerſitate  
 coniectando deprehendant. Ob id verò imagines breuiſſimis elogijs de-  
 monſtrabuntur: quoniam ſingulorum vitæ peculiari volumine iam pri-  
 dem à nobis perſcriptæ editæque ſunt. Ab Othone, ſiquidem qui huius  
 imperij fundamenta iecit, vſque ad Philippum, in quo familiæ legitima  
 progenies defecit, enarratis rebus geſtis expreſſis moribus, nihil inter-  
 cifo temporum tractu, accuratè descendimus.

## Otho Archiepiſcopus.

**H**IC vir præalto ingenio & incredibili conſtantia ad nullas  
 aduerſæ inſeſtæque fortunæ contumelias infracti animi  
 vigorem vnquam dimiſit; quum inimicorum atque ho-  
 ſtium inſolentiam longa patientia ſuperaret; ſæpeque bel-  
 lo victus, & diu exul & inops, vna indomiti animi ma-  
 gnitudine ſpes ſuas vel maximè proſtratas erigeret. Poſt  
 ſummas autem ærurnas victoriæ compos factus felix videri potuit, quum



aduersarum partium duces bello captos in potestatem redegerit ; & condito atque egregie confirmato in nobilissima ciuitate principatu , Matthæum ab insigni virtute Magni cognomen meritum , numerosa milita-



rium iuuenum prole florentem , successorem reliquerit. Visitur eius imago sumptuose depicta in magno conclau Anglerianæ arcis, vbi Decumana victoria de Turrianis parta , picturis adhuc incorruptis expressa hodie spectatur.

#### IANI VITALIS.

*Magnanimi Heroes Latij armipotentis Othonem  
 Illustre sydus Insubrum  
 Accipite inter vos cristisque comantibus vmbret  
 Augusta cassis tempora ,  
 Et dextram diuis operatam armate superbi  
 Ensis corrusco fulmine.*

*Fortibus*



*Fortibus vt Fabijs mixtus, magnisque Camillis  
Stet inter alta sydera.  
Ille quidem summis decorauit honoribus orbem  
Dux fortium fortissimus.*

## Matthæus Magnus.



**M**ATTHÆVS cognomento Magnus, summam ingenij grauitatem, indomitum præstantis animi vigorem, & prudentiam in explicandis cum ciuiliū tum bellicarum rerum difficultatibus incomparabilem prætulit, per omnem ætatem Othonis maioris patruī virtutes æmulatus. Hic multo plura consilio quā vi aut armis feliciter gessit. Sed qui inuictus erat aduersus omnes auaritiæ & voluptatis morbos, vni inuidiæ vir fortissimus ita succubuit, vt occultorum inimicorum dolos & propinquorum insidias non effugerit. Eiectus enim patria & principatu ad Benacum lacum egestate quidem miser, sed rediuiua spe & recte factorum conscientia beatus, expectauit Henrici Cæsaris aduentum, à quo reductus in patriam, eiectis Turrianis, dolo an casu incertum, pristinam principatus atque potentiae fortunam recuperauit. Cæterum prolatis imperij finibus, partoque spectata virtute Magni cognomento, in extremo vitæ actu senex, oppressus ingenti cura atque periculo, eiurauit imperium, idque liberorum virtuti regendum reliquit. Ingruebant enim tum arma Roberti Regis, Iohannisque Pontificis maxime metuenda. Inde secessit in suburbanum dolore contumeliæ, quod eum Pontifex sacris interdixisset, quum alioqui Christianæ pietatis obseruantissimus haberetur. Decessit ibi integris sensibus, claudentibus illi oculis quinque liberis, quod migranti è vita incomparabili solatio fuit. Caruit tamen honore funeris & sepulchri; quia nefas esset damnatum à Pontifice palam sacro in loco tumulare. Eius effigies Modoetiæ in templo maximo spectatur, habitu porrigentis templi imaginem, quod Diuo Ioanni Baptistæ vouerat.

### IANI VITALIS.

*Tu iure optaris fortissime uiuere felix  
Nostris venenis pharmacum,  
Cur Matthæe negant te fata ingrata renasci  
Coruscus ensis Insubrum?  
Consilijs fudisti hostes victorque sedendo  
Finiisti dura prælia.  
Te Mediolani turres te mœnia macte  
Virtute, te Respublica  
Cum desiderio memorant, qui ferrea fuluo  
Mutaris auro secula,*



*Fortunæ cedens mox tempestatibus atris  
 Grauis senectæ pondere.  
 Imperium natis liquisti, atque otia nactus*



*Et Tempe amœna fontibus;  
 Scipiade longos superasti inuictus honores,  
 Syllanam & abstinentiam.  
 Ergo te meritò Magni cognomen adeptum  
 Magnus celebrat Iouius.*

Galeacius



LIBER III  
Galeacius Primus.

69



**G**ALEACIVS Magni Matthæi filius hoc roseo & corusco ore spectabilis, staturæ dignitate, illustri facundia, liberaliq; vitæ splendore, suæ ætatis principum famam obscuravit; militariq; laude haud vsque adeo floruit, vt post egregias victorias, profligatis sæpe hostibus, dux bello strenuus & fortunatus haberetur. Ab hoc Placentiam, Cremonam atque Vercellas paterno regno adiectas constat. Quum verò Roberti regis, atque Pontificis & Florentinorum copias, captis eorum ducibus & signis ad Abdum, deleuisset; magno consilio ita victoriæ modum imposuit, vt pacem æquissimam, singulari artificio à potentissimis hostibus expresserit. Verum partæ pacis fructu diu non est lætatus: nam Marci fratris & Leodrisii propinqui sui malignitate atque perfidia Ludouico Bauaro delatus, grauissimisque oneratus calumnijs, extremum propè subiit infortu-



nium. Ab ingrato siquidem auaroque Cæsare inter hospitales mensas inopinata fraude captus, & cum filio reliquisque fratribus, qui Marci scelus detestabantur, in Modoetianum carcerem coniectus est. Verum tantam eius iniuriam deprecante Castruccio, è custodia post nonum mensem ea conditione eductus est, ut Actius filius fidei obses ad authoritatem Cæsaris Pisas se conferret. Cæterum eo beneficio diu uti non potuit, nam paulo post quum operam Castruccio libertatis & salutis auctori enixissime nauaret, in circumuallando expugnandoque Pistorio pestilenti correptus febre apud Pisciam exul, tantoque exutus principatu fato celsit; non plane miser, quum vir ad arma natus in ipsa lætitia insignis partæ victoriæ è vita migrauerit. Eius effigies in sepulchro Actij filij egregiè sculpta; depicta autem in templo ad Viboldonum Romana via dextrorsum ad septimum lapidem conspicitur.

## I A N I V I T A L I S.

*Ductorem ecce Itali nostrorum bellipotentem,  
Lectissimorum principem.*

*Cui fortuna minor post facta ingentia tandem  
Inuidit inuictissimo.*

*At tu cui struis insidias, Bauare improbe tectas?  
Cui tecta tendis retia?*

*Abscelus arreptum ex epulis nil tale timentem  
Ligas tenaci compede.*

*Armatus poteras medio concurrere campo,  
Serens aperta praelia;*

*Sed timor & pietas non hærent, fraude ligatum  
Pedore vincis carceris.*

*Vincere quem reges, quem non potuere tyranni,  
Magnis coactis viribus.*

*Nunc te pro tali scelere atque immanibus ausis  
Eviscerande Barbare,*

*Infamem ejciunt Furia sub manibus imis  
Inter Sinones perfidos.*

*Hic aliquis Galeacy vltor Polyphemus & Antheus  
Vel alter ex gigantibus*

*Appetit assiduis tormentis, & tua crebris  
Contundit ora calcibus.*

*Interea Elysus gaudet in saltibus ille  
Inter piorum maximos.*

ACTIVS.



## Actius.



**A**CTIVS Galeacio genitus à prima iuventute gemina victoria nobilitatus, quum egregij ducis atque optimi principis indolem præferret, paternæ calamitatis consors fuit. Sed eam demum iniuriam Cæsar magna vi pecuniæ expugnatus, ingenti beneficio ita rependit, vt Actius Gibel-  
linorum principum amicitia atque auxilijs confirmatus, conuulsiæ domus, ac euerſi principatus fortunam restituerit. Is primus suæ gentis à magnificencia nobilium operum laudem quæsiuit. Mediola-  
no turrulis & lateritijs mœnibus circumdato; extructaque amplissima cu-  
ria cum templo & sacra turri ad fastigium coronata marmoreo peristyllo  
summæ pulchritudinis, iuxta arenam antiquorum spectaculis dicatam.  
Verum Actius omnibus insignium virtutum, numeris felix videri potuit,  
nisi Marcum patrum, qui immani vecordia Galeacium cum vniuersa fa-



milia in extremas calamitates præcipitem dederat, vi illata necauisset. Receptum enim in gratiam, & mox pari insania atque perfidia res novas mouentem, Luchinus & Ioannes patrui, tanquam ipsis totique familiæ pestilentem omnino opprimendum censuerant. Leodrisius quoque eodem liuore atque odio quo patrem auumque Matthæum fuerat persecutus, Actium conductis Barbarorum auxilijs in magnum discrimen amittendi principatus adduxit. Verum ille cruento prælio fusus ad Neruium diuturno carcere cum liberis malignitatis suæ pœnas dedit. Sed Actium, quem nulla aduersæ fortunæ vis vnquam fregit, articularis morbi dolores iuuenem ætate florentem miserabili cruciatu ita fregerunt, vt singulis captus membris, ante quadagesimum annum vita excedere cogeretur. Visitur eius effigies elegantissimè depicta ad leuam diui Gothardi templum intrantibus.

P T O L O M E I G A L L I I C O M E N S I S .

*Vna hic podagra victus in pace occidit  
Qui victor omnium Actius bello fuit.*

## Luchinus.

**A**CTIO successere duo patrui, Luchinus atque Iohannes, ea conditione, vt hic quod esset Mediolanensis Archiepiscopus, sacra procuraret; ille vetò integris belli & pacis muneribus vteretur. Cæterum qui antea omnibus bellis pugnacissimus imperator extiterat, principatum adeptus per legatos bella semper gessit, insigni prudentia fortunæ alcam deuitans, quum septem maximè cruentis prælijs, vel parta victoria grauissimè vulneratus discessisset. Sed qui iustissimi indulgentis, & nusquam factiosi principis laudem ferens à populo Pater patriæ & Pacis conditor appellabatur (vti maioribus acciderat) propinquorum ac inimicorum coniuratione summum vitæ discrimen adiit. Detectis autem insidijs, coniuratos meritis affecit pœnis, fratrisque filios Galeacium & Barnabam eius concepti sceleris conscios, in vrbes Belgici Oceani relegauit; tanta indignantis animi acerbitate, vt eorum nomen per epistolas euulgata conspiratione, apud principes Christianos perfidiæ nota suggillarit. Parmam auro coemptam imperio adiecit. Regnavit annos octo, corpore æger, atque animo maximè seuerus & tristis, quandoquidem amicis necatis, relegatisque propinquis, & vxore adulterijs atque incestu suspecta, inter podagræ cruciatu vitam sibi tædio atque oneri esse fateretur. Sed impudica vxor pœnam flagitij verita, non matura adhuc fata, misto poculis veneno, facile præcipitavit. Effigies eius in Actij sepulchro marmore sculpta prospicitur.



IULII FEROLDI CREMONENSIS.

*Te ciues fleuere tui Luchine peremptum,  
Quod tecum extincta est iustitia & pietas.*



*Talibus exequijs, partisq; tot ante trophæis  
Visus eras felix, quum morerere, mori;  
Si non crudeli miscente aconita Megæra  
Mæstam exhalasses (heu miserande) animam.*

## Ioannes Archiepiscop.



VCHINO erepto Ioannes Sacri & Profani iuris potestatem cōplexus, incomparabili magnitudine animi principem egit, pietate, iustitia, splendore vitæ, & clementia, antiquis Heroibus comparandum. Ore probo semperque hilari cum maiestate grauitatis, sinceri animi candorem, iustæ liberalitatis spem, & facilitatem cunctis adeuntibus



pollicebatur. Inimicorum voluntates beneficijs ac humanitate flexit; hostium vero spiritus summa virtute contriuit. Fratrum filijs quos Luchinus relegarat humaniter pepercit, totiusque imperij designauit hæredes. Ge-



nueses cum vniuersa Liguria huius imperio paruerunt, is quoque Florentinos quum ipsorum vrbi immisis per Apenninum ingentibus copijs, magnum terrorem admouisset, pacem ea lege petere coegit, vt Lucensibus, Pisanis & Senensibus bellum inferre desinerent. Actianæ vero magnificentiae studium æmulatus, luculentissimam domum contra templum maximum iuxta Accij curiam condidit, & Abduam annem, qua desinente Lario ad Leucum coarctato exitu emittitur, sumptuosissimi operis lapideo ponte iunxit. Singularem demum animi moderationem tum maximè ostendit, quum apud Pisas à Iacobo Corbario Pseudopontifice Senatorio galero honestatus totum id purpuræ decus, vel cohortante Cæsare, vt beneficio vti vellet, constantissimè renuit; ne his susceptis insignibus, legitimi Pontificis maiestas lædi videretur. Obijt scalarî anno, natus annos LXIII. Effigies eius nullo vitata situ, in superiore conclauî Pontificiæ domus, in cyanea



cyanea chlamyde egregiè picta conspicitur; ante Deiparæ Virginis imaginem habitu supplicantis.

ANTONII FRANCISCI  
RAINERII

Cærulea chlamyde insignem, niueisque nitentem  
Pellibus, & Scythico maculis subtegmine fuis,  
Stellanti Regum ornatu, Heroûmque, Deûmque  
Insubrum venerare ducem, Ligurumque potentem.  
Hic vir hic est, viden' vt generoso effulgeat ore  
Maiestas? viden' aethereas elapsa per auras  
Pulsa Astrea olim, fronti vt confederit altae,  
Diuinósque oculis Venus alma afflarit honores?  
Olli qua tenero nimbo sa per aua lapsu  
Serpit humi Eridanus, quaque altior exit, & auctus  
Centum fluminibus, gemino sternit sata cornu.  
Quaque assueta malo, veterumque exercita bellis  
Romulidum, gens dura, animisque elata superbis  
Auro inbians Tyrrhena agili verrit vada puppe,  
Olli alacres cessere omnes; quaque arduus aliam  
Principio Ausoniam secut' Apeninus, vtrunque  
Cum mare prospectat, subiectisque intonat undis.  
Ille ille imperij fortunarumque suarum  
Consortes mira amplexus pietate nepotes  
Constituit pulsos, solisque locavit auitis,  
Marmoreasque aedes, Phrygiisque innixa columnis  
Atria, regalemque aulam laquearibus aureis  
Condidit, & patriæ æternum decus addidit vrbi.  
Iunctus & ante tuos operoso est Abdua ponte  
Maxime Lari oculos, violenta vt flumina discant  
Ferre iugum, fremitu neu quisquam assurgat iniquo.  
Purpureum ille etiam decus, atque insignia dona  
Coralio è fragili, trabeam, fascisque superbos  
Respuir, & quæ quisque ambit, pede reppulit alto.  
Ergo iterum venerare, ducemque patremque sacrorum  
Et gladio, & lituo, sceptrisque, animisque potentem.



## Galeacius Secundus.



**H**IC est ille Galeacius Stephano Matthæi magni liberorum vltimo genitus, qui decore formæ cunctos suæ ætatis mortales antecessit. Is defuncto Ioanne patruo, sicuti in testamenti tabulis erat præscriptum, Mediolanum, & vniuersas principatus vrbes, cum Barnaba Matthæoque fratribus trifariam diuisit. Sublato autem Matthæo mira concordia cum Barnaba duos & viginti regnavit annos, sic vt per omnem ætatem communibus copijs atque consilijs imperij fines tuerentur. Magnificientia autem operum cum fratre certabat; quo nobilissimo ædificandi studio, quum maximos Europæ Reges constitutis admirandis ædificijs æquasset; authore Petrarcha, seipsum condita Ticinensi arce facile superauit, quod Ticino vrbis mœnia præter luenti lapideum pontem imposuisset, perpetua protectum contignatione, munitumque



tumque propugnaculis ad vtrunque caput excitatis. Quo opere ornantibus peristylijs nullum præstantius aut iocundius in Italia videmus. Ad nobilitandam quoque urbem cæli clementia, vbertate agri, duorumque annuum omnis generis fructus admirabilem copiam inuehentium, opportunitate clarissimam, quæ Longobardorum Regum sedes olim fuerat, Gymnasium condidit, ex autoritate Caroli IIII Imperatoris, accitis vberissimo stipendio disciplinarum omnium professoribus, cui permagno eruditioque munere accessit bibliotheca adhortante Petrarcha, quam nos nobilissimis codicibus refertam, & demum ingruente bello, immaniter spoliatam in arce vidimus; pari militum externorum licentia euastatis viridarijs, quæ septa ferarum à parcendo Parcos vulgus appellat. Ea lateritijs mœnibus cincta viginti miliarium spacium complectuntur; paratis semper ad principum voluptates omnis generis venationibus & aucupijs. Ab hac opulentia, ambitiosa sumptuosaque libidine, cum magnis regibus affinitates quæ fuit, regis Gallia filia Ioanni Galeacio filio nuptui data, & Leonato Britannia regis filio in generum adscito. Summis autem podagrae cruciatibus affectus, quinquagesimo nono ætatis anno excessit è vita. Effigies eius pluribus in locis in arce elegantissimè depicta; hoc verò habitu conspicitur in inferiore porticu, quæ ad leuam intrantibus occurrit.

## I V L I I F E R O L D I.

*Musis hic Galeacius beatis*

*Augusta atria, nobilemque sedem*

*Ticini ad liquidum dicauit amnem,*

*Illic vt coalesceret iuuentus,*

*Bonisque imbueretur artibus, quas*

*Mox diffunderet vsquequaque in orbem.*

*Musis & Iouius senex beatis*

*Ticini ad liquidum institutus amnem,*

*Augusta atria, nobilemque sedem*

*Vdo in margine Larij dicauit.*

*Hic armis Galeacium nitentem,*

*Virtutis memor in chylæ locauit,*

*Vt fortissimus, optimusque princeps*

*Formosissimus omnium virorum*

*In Heroibus emicet, virósque*

*Inter fulgeat ille bellicosos.*



## Barnabas.



**M**ARTII spiritus vis ingens, & ea semper indomita, crudelis, maximeque superba, in hoc principe usque adeo viguit, ut innata immodico eius animo, proferendi imperij libido, neque secundis, neque aduersis praelijs frangeretur. Is enim natura pugnax & intrepidus, dum Fortunæ alea plurimum gauderet, nec vectigalia bellicis sumptibus sufficerent, populos imperio subditos in cogenda pecunia acerbissimè vexare expilareque erat solitus. Quanquam per idem tempus insano prope studio ædificandi teneretur, imperatisque operis apprimè iniuriosus, & supra quàm dici potest, aduersus agricolas immitis euaderet. Venationi siquidem perditissimè deditus, totum eius voluptatis instrumentum, quod duobus insignium canum milibus constabat, custodiendum alendumque per familias vicatim distribue-

rat;



rat; graui miserorum agrestium detrimento, metusque sollicitudine, quum poenas atrociter exigeret vel minimæ negligentiae; integramque aliquando familiam quæ aprum occisum sale conditum comedisset, suspendio punire non vereretur. Ab hoc fastu foedè prodigus & rapax, eo maxime auaritiā ostendit, quod decem filiabus per omnem Europam nobilissimis regulis nuptui datis, innumerabiles pecunias in earum dotes contulisset. Ab vltima enim Britannia & è Cypro regiae stirpis generos ambitiose sibi ascuerat. Sed in dies magis ac magis ararium exhauriebant, septem liberorum ætate florentium inconditus luxus, & paterno exemplo nihil intermissæ voluptates. Hinc Barnabas prolem suam modico imperio, si per partes diuideretur minimè contentam fore existimans, circumspicere fortunæ suæ modum qui erat exiguus si in singulos diuidendus foret, & fratris filio tantæ opulentiae dominatum inuidere cœpit. Ioannes enim Galeacius sopito atque inertī ingenio putabatur, quod literis potius quam armis vacaret, deditusque religioni, nulla prope contra ac illa ætas ferret, voluptatum intemperie caperetur. Idcirco patruelibus luxu diffluentibus facile erat contemptui atque odio; sic vt de eo intemperanter obloquerentur, atque ei vitam inuiderent, nefarii consilij cogitationes cum patre miscerent; vsque adeo atrociter, vt eum quoquomodo tollendum decernerent. At Ioannes Galeacius explorata per speculatores propinquorum malignitate, anteuertere vitæ discrimen statuit, magnaque simulatione contento consilio, quum profiteretur se iturum religionis causa ad Deiparæ Virginis templum quod in montanis est; exeuntem sibi obuiam extra Ticinensem portam Barnabam patrum nihil tale timentem comprehendit, statimque cum globo armatorum urbem irrumpens patru domum atque arcem populo diripiendam præbuit; sic vt puncto temporis, & principatus, & tantæ opes conciderent, nec quisquam capto opem ferre auderet. Paucos verò post dies eum in carcerem Tritianæ arcis cōiecit, vbi vir omnium miserrimus, qui armis totam prope Italiam concusserat, acerbitateque morum magnum sibi vndique odium concuerat, sexagesimo sexto ætatis anno Fato celsit, paremque propè exitus sortem tulerunt eius liberi, magnis exilij & egestatis iactati fluctibus. Effigies Barnabæ in Concano templo picta spectatur, quum adhuc extet marmorea statua equestris, qua sepulchro eius superposita Ioannes Galeacius, vt tanti admissi facinoris atrocitatem leniret, eundem & patrum & socerum honestauit.

FRANCISCI MANFRE-

di Cremonensis.

*Quenam te in medio grauis senectæ  
Vexauit mala Barnabas libido?  
Quis dirus furor, aut cruenta Erymnis  
Egit præcipitem, seroque corde  
Tantas protinus excitauit vndas?  
At non hæc eadem Deis, deūmque  
Reçtori placuere; concidisque*



*Tuis consilijs miselle, quòdque  
 Infanti scelus extruis nepoti,  
 Fatales tibi destinant sorores.  
 Felix heu nimis ac nimis beatus  
 Si tam turpia, tam nefanda nunquam  
 Aegro pectore facta cogitasses,  
 Ac diram ingluuiem rapacis auri  
 Expellens, niueum integrumque semper  
 Usque ad funeris ultimas fauillas  
 Seruasses animi tui nitorem.*

## Ioannes Galeacius.

**P**AREM ut spectare licet, tanto imperio grauissimi oris maiestatem tulit Ioannes Galeacius, idem in Italia tot in vnum dominatum coactis vrbibus longè maximus; & vi prudentis ingenij, & belli Fortuna omnium qui in Italia regnarint, post Theodoricum Gothorum regem præstantissimus. Nemo eo neque ærarij facultatibus firmior, neque validior copijs, neque fide atque virtute ducum suorum felicius fuit. Alebat enim lectissimas copias, & quosque nominis fama inclytos duces, magnis præmijs sibi adsciuerat, per quos bella gerebat. Opulentissimæ vrbes stipendia suppeditabant, ratio & disciplina expeditaque liberalitas cuncta regebant. Domi siquidem intentus consilijs assidue vigilare, quàm foris arma exercere malebat; quòd patre viuo non semel belli Fortunam expertus, multa ei aduersa obuenerant; adeò ut ab Aucutho Britanno Florentinorum duce tumultuaria pugna in Brixiano agro profligatus, vix circumfusorum hostium manus effugerit. Serendo bello contentionis causas quærebat, serpendoque & vrgendo, Scaligeros Verona, Carrarios Patauio expulerat, Gonzagis penè Mantua pulsas. Quo rerum successu Bononiam Pontificijs copijs ad Casalecium magno prælio superatis receperat. Lucensibus demum, Pisanis, atque Senensibus in ditionem acceptis, Perusia, & Alsizio in Vmbria potitus, graue bellum Florentinis intulerat, eo quidem acerbius quòd insignes iniurias ultum ire properabat. Nam Florentini præpotentis ac immodici hostis Etruriæ iugum superbè comminantis, nequaquam insulse reformidantes, in eum bellicosissimam Gallorum gentem, & Germanorum Cæsarem, grandi pecunia concitabant. Sed virtute ducum & Galeacij fortuna, Galli cum Armeniaco duce ad Alexandriam cæsi deletique sunt, & Brixiano in agro Germanorum alæ aliquot equestribus prælijs superatæ, in Germaniam sunt repulsæ. Parabat itaq; victor supremam cladem Etruriæ, proculdubio totius Italiæ regnum inuasurus, nisi Fata id supremum ei decus inuidissent; estiuanti enim ad Lambrum amnem pestilenti morbo an veneno incertum properantia Fata tanti consilij spem eliserunt, anno græci quinquagesimo quinto quum



quum paulò antè è Ladislao Cæsare Mediolanensis imperij susceptis insignibus, primus suæ gentis dux & princeps fuisset appellatus. Nemo regum ornatiore aut sumptuosiore exequiarum pompa elatus est, quum sin-



gulorum oppidorum legati, & tota ferè vrbana nobilitas, atra veste ex ærario donati sint, & in producendis sacerdotum ordinibus, illustrandaque pyra supra viginti millia cærea funalia eo die arserint. Effigies eius Carthusiano in templo prope vrbem Ticinum marmore sculpta multis in locis, præcellenti autem habitu depicta ad Cœnobium Castellatij iuxta Mediolanum spectatur.

## IVLII FEROLDI.

*Huic primò nomen ducis atque insignia Cæsar  
Detulit Insubrum, eximio dignatus honore.  
Hic ille est bello fortunatissimus heros,  
Barbaricis populis & formidatus Etruscis.*



*Cui Verona potens, diuēque Bononia cēsit,  
Atque Antenorida, atque Alphææ ab origine Pisæ,  
Imumeræque vrbes aliæ, populique feroces.  
Ille etiam Gallos, Germanorūque phalanges  
Reppulit, haud passus nostris confidere in oris,  
Et Florentinos obsedit milite colles.  
Armipotens illum donec mors abstulit atra  
Et regnum Italiæ inuidit Fortuna potenti.*

## Ioannes Maria.



PERTO defuncti patris testamento duo filij impuberes Ioannes & Philippus, quibus Mariæ cognomentum fuit, ea conditione hæreditatem adiuerunt, vt Ioannes Mediolani ducis nomen obtineret, Philippus Ticini Comes appellaretur; quibus bifariam diuisæ imperij vrbes accederent, Gabrieli verò ex nobili concubina suscepto, qui his natu maior erat, Crema & Pisæ in dominatum obuenerent. Cæterum euulgata Galeacij morte, copiarum duces, nullo pudore perfidiæ, opportunas ipsis vrbes inuaserunt; sic, vt immensa moles opulentissimi principatus, quum ab imbecillo adolescente regi non posset, inusitata ducum proditio- ne vndiq; concussa & dilacerata corrueret, & cuncta passim singulis in vr- bibus atroci factionum malo & cruentis dissensionibus quaterentur. Nam Pandulphus Malatesta à fide impudenter discedens, Brixia & Bergamo po- titus fuerat: Cabrinus Fondulius Cremonæ: Ioannes Vineatus Laudi Pom- peiæ: Otho Bontertius Parmæ, Placentiæ, Arcelli: Tornielli, Nouariæ: Fran- chinus Rusca, Comi: & Facinus Canis Papiæ atque Alexandriæ, armis & fa- ctiosi populi studio, dominatum arripuerant; eoque grummarum imbellis adolescens deuenerat, vt diuersos gubernatores, qui armis autoritateque Mediolani seditiones pacarent, accersere cogeretur, saepeque eos fremente populo tanquam factiosos exauthoraret. & postremo Buccicaldus vir Gal- lus, qui nomine regio Genue præfecturam gerebat, vt cuncta ad arbitrium regeret, Mediolanum euocaretur. Is corpore atque animo vastus, quum am- bitiosè atque superbè ad Principatum Cisalpinæ Galliæ palam aspiraret, graui Gibellinorum impetu Mediolano exturbatus est. Seuius autem prin- ceps in ciues, post multos ex amicis paternis securi percussos, inaudite cru- delitatis carnificinam exercuit: prægrandes enim & voracissimos molos- fos, noxiorum primò, & mox innocentum carne nutritos, magister eorum Cui amicus fera immanitate ita alebat, vt eis quos odisset princeps discerpen- dos obijceret, incredibili horrore gemituque pauentis populi. Hæc effece- re vt nobilium ciuium vtriusque factionis generosa cohors, duce Paulo Baucio, hanc immanem belluam in ipsa curia adoriendam, mactandam- que inita coniuratione susciperet. Atque ita abominandus princeps dum in templum Gothardi sacrorum causa descendit, trucidatus est, media fron- te ad oculos vsque discissa, & altero crure detruncato. Nec quisquam ca- denti



denti opem tulit. Deserto autem ab omnibus, & maximè cruento cadaueri, vna omnium humanitatis non oblita ignobilis meretrix, supremum officium piè exoluit, quum iacentem ad tegendam vulnerum foeditatem, re-



centium rosarum aceruo cooperuit. Effigies Ioannis vno in loco quòd viderim, viperijs oculis venenum spirans, patre viuo picta, in altaris tabula, quæ est contra aram templi maximi, ad extremum testudinis posita, Mediolani spectatur.

IOAN. PAULI Amani Crementis.

*Quæ nam torua leæna, quæ vel vrsa  
Duro in vertice Caucaſi creauit  
Tam duro ingenio virum, impiòque  
Humanum in genus, ac deos in ipsos?  
Ille vt ſcilicet Inſubres coercens  
Infando imperio (neſas) iuberet*



*Immanissimus omnium tyrannus  
Impastis canibus feris vorandos  
Insontesque dari simulque fontes?  
Illum at quam misere reor vicissim  
Aequis ut crucietur usque poenis;  
Nunc discerpere Cerberum furentem,  
Ultorem sceleris malique tanti?*

## Philippus Vicecomes.



O ipso die quo Ioannes Maria Mediolani trucidatus est, nuntio cædis accepto Facinius Canis Ticini podagra oppressus excessit è vita; eo spiritu ut duces suos suprema obtestatione cohortaretur ad vindicandam coniuratorum perfidiam, attollendumque Philippum ut paterno imperio potiretur. Erat tum Philippus in arce Papiæ, morientique astiterat captiuo similis, imperij viriumque experts, & auri valde inops. Nam Facinius prodente Castellino Becaria urbem suis copijs occuparat. Adiuuat Philippi Fortuna Beatrix Tenda Facinij vxor, quæ in ipso mariti funere cum Philippo adolescente nuptias appetebat. Ea muliebri ambitione atque libidine incensa, quanquam dignitate impar, annis autem superior, opportuna tamen dotalibus thesauris Philippo videbatur. Itaque raptim inauspicatæ sunt nuptiæ, conciliantibus ducibus, qui Faciniano auro oculos adiecerant. Nec mora instructis copijs numerataque pecunia Philippus Mediolani reducitur, pulsisque Sacramoro & Carolo Barnabæ filijs, qui regnum arripuerant, vehementi populi studio dux acclamatur. Plerique ex coniuratis per tumultum capti supplicio afficiuntur. Venit & in potestatem noui principis Modoetiana arx Sacramoro tormenti ictu interfecto. Fuit illi in recuperando regno persequendisq; hostibus mira felicitas; utpote qui singularum prope urbium tyrannos cepit & occiderit, reliquos exturbarit. Sed videri potuit & seuus & ingratus erga vxorem, quæ thesauris suis desertum ab omnibus & egentem ad imperium euexerat. Circumuentam enim dubijs indicibus, damnatamque adulterij, vel nihil tale in tormentis confitentem refellentemq; iudices pudica fronte securi percussit, ut Allobrogum principis filiam duceret. Gessit varia fortuna, variaque morum fama bellum cum Venetis & Florentinis, eo exitu, ut Bergomum, Brixiam, & Veronam amitteret, moriensque Franciscum Sfortiam cui Blancam filiam ex nobili susceptam concubina in matrimonium collocarat, ex testamento totius imperij reliquit hæredem. Fuit Philippus adeo hebetibus oculis, ut factus senex, obuersantium ante se vultus non plane discerneret, assiduo secretoque monitore vteretur in responsis dandis, ne pupillæ vitium detegeret. Sed magnitudine generosi animi, maximos suæ ætatis Reges facile superasse censetur, vel reparando bello inexhaustis opibus, vel in paranda laude præstantissimæ virtutis.

Solutus



Solus enim incomparabile veræ clementiæ decus tulit, cum Alfonso regem cum fratribus, & Navarrae item regem bello nâuali ad Pontiam captos, & ad se Mediolanum perductos, non cunctis modo humanitatis of-



ficijs, sed amplissimis muneribus & copijs instructos liberaliter dimiserit, ad recuperandum Neapolitanum regnum, de quo cum Iohanna & Andegauensibus armis contendebat; ut non receptæ modo libertatis, sed partii regni beneficio commutata repente fortuna latarentur. Quanquam hæc tantæ clementiæ, magna quidem, sed intempestiuè quæsitæ laus, singulari ei cesserit detrimento. Non tulere enim contumeliam Ligures, qui regem coeperant, quod inimicæ gentis rex aliena gratia liberatus, implacabile erga se odium seruaturus crederetur, ipsique propterea interfecto Opicino Genuæ Philippi præfecto continuo rebellarint. Philippi effigies Mediolani multis in locis picta, sed longè elegantissimè in domo Francisci Taberni Epistolarum magistri in frontispicio inferioris magni conclave ex arte plastices efficta spectatur.



*Clementissimus atque liberalis  
 Insubrūm dominus Philippus hic est,  
 Victis regibus vnico duobus,  
 Qui bello, manicāsque compedesque,  
 Leuari iubet, in suāsque abire  
 Donatos opibus Lucullianis  
 Sedes, & sua regna, liberatos  
 Tetro carcere. Discite hinc tyranni  
 Sunt hæc munera principum, superbos  
 Debellare, pios & esse victis.*

## Ioannes Vitellius Cornetanus

P A T R I A R C H A E T C A R D I N A L I S.



MAGNUM & memorabile insolentis fortunæ exemplum inusitato sacratis viris exitu præbuit IOANNES Vitellius, Corneti in ora Tuscorum nobili genere natus. Is ab adolescentia mediocribus instructus literis: sed eis ab excellenti memoria expeditaque facundia in omnem casum serij sermonis adeo promptis, vt magnæ doctrinæ speciem præberet: vir factus, cum hac ingenij indole contulit se ad finitimum Tuscanellensium tyrannum, cui ob hæsitantiam linguæ, Tartaliæ cognomen tum fuit. Hic ea tempestate inter claros duces, validas equitum copias ductabat, utebaturque Vitellio in perscribendis epistolis, obeundisque apud diuersos principes & duces legationibus. Quibus in rebus suam adeo efficacis industriæ exactique iudicij operam probauit, vt secretioribus negotijs tanquam consilio optimus adhiberetur. In eo quippe vis ingenij mirifica eminebat, & natura erat aduersus laborem & somnum indomitus, periculorum despector, imperij & militaris laudis audus. Itaque arma sæpe induere, & bellicis discriminibus audacter misceri, sæpeque inter milites, fretus quibusdam iuris ciuilibus flosculis, controuersias minuere, magnoque vsui in asperis rebus Tartaliæ esse. Sed postquam Martini iussu, iudicioque Sfortiæ Tartalia commutati studij accusatus, tanquam ad Braccium aduersarum partium ducem transiturus, Auersano in foro detruncata ceruice conceptæ perfidiæ pœnas dedit: Vitellius Romam se contulit; breuique vir solers, & aulæ moribus idoneus Martino innotuit, à quo Protonotarius est factus. Creato autem Eugenio Vitellij studium, vti erat vehemens, expeditum, & comprobante fortuna rerum euentibus felix, in senatu adeo miris laudibus extollebatur, vt in eo vno Reipublicæ salus & dignitas niti videretur. Itaque quum fortem fidelemque operam difficillimis Reipublicæ temporibus nauaret, tanto Pontificis studio singulos honorum gradus adeptus est, vt legati quoque potestate copijs



p̄s Pontificis sit pr̄fectus. Ab hac enim secunda rerum gestarum fama eum Pontifex maturata liberalitate è Protonotario Recanatensem Episcopum, nec multo post Patriarcham Alexandrinum, & mox Florentinum



Archiepiscopum, demumque ad nuntium exoptatæ victoriæ Cardinalem creavit. Tanta itaque Vitellius Pontificis gratia insignis & potens, inimicos & inuidos gloriæ suæ obtrectantes facile contemnebat. Erant enim magna quæ ad insignem Reipublicæ commodum gesserat, quum tyrannos pontificij imperij ditionem impudentissimè lacerantes, ad vnum propè omnes deleuisset. Nec si quid paulò acerbius & violentius gerendo bello patrasset, quod sacro viro indignum foret, vllas earum rerum querelas, tanquam ab inuidis malignè delatas, ad aures Pontifex admittebat, quum responderet, hunc esse morem factiosorum imperitorumque hominum, vt seueritatis atque iustitiæ nomen odio haberent, publicasque iniurias extrema pœna minimè vindicandas arbitrarentur. Principem quidem Salernitanum Martini Pontificis fratris filium, cæterosque Columniæ familiæ procures, qui armati antea in Urbem occupata Capena



porta irruerant, persecutus armis, omnibus auitis paternisque oppidis cuncta populatus exuerat; Iacobumque item Vicanum vrbis præfectum multis circa Vetrallam oppidis imperantem redactum in potestatem, & cum eo Trincium Fulginatium tyrannum in arce Suriana securi percusserrat. Antoniumque deinde Pisanum ab Etruriæ oppido Pontaderam appellatum, virum militia clarum, & multis literarum ornamentis insignem, quod Priuernum in Volscis occupauisset, tumultuario prælio fufum captumque, indigno miserabilique supplicio ad oleam suspenderat. Qua necis atrocitate vel ob id magnam inuidiam subiit, quod Antonio id mortis genus tanquam honestissimo viro, & diu cum laude militiæ versato, indignum, deprehensusque tantum latronibus meritum, suppliciter deprecanti non modo non indulserit, verum crudeli vsus ironia in carnificem versus dixerit, Lege ergo age, & æqua postulanti, viro forti præclaroque geminum innecte laqueum, altioremq; ramum delige, vt honestius ac splendidius pendeat; atque ita miserabiliter duplici capistro, vir alioqui tam fœdo supplicio indignus, in arbore strangulatus pependit. Eandem etiam Etrusco bello supplici sortem tulerat Armalerius Asculanus, egregij nominis Centurio, quum ad hostes ex leui coniectura transiturus putaretur. Romæ autem acerbè conquisitis & raptis ad supplicium, qui excitato tumultu Pontificem in fugam per Tyberim coniecissent, Lateranensisque templi sacraria direptis quibusdam donarijs impiè violassent, carnificinam in campo Flore exercuerat, horrentibus trementibusque Romanis eius viri aspectum, properataque & nimis sæua iudicia, quæ vel summæ dignitatis deprecatores omni misericordia atque humanitate semper vacua reperissent. Verum non multo post Vitellius opinione gratiaque Pontificis decedit, quum aduersus Alfonsum regem missus pro Renato Andegauenſe ad Neapolim eo euentu bellum gessisset, vt post profligatum captumque Vrsinum principem Tarentinum, & mox dimissum, parta victoria vti noluisse parum fideli aut importuna cunctatione crederetur; sicuti antea Picenum agrum occupanti Francisco Sfortiæ, nec tum viribus aut incolarum studijs præualido, repente petita mari fuga, simulatoque salutis suæ periculo, concessisset. Onerauit demum immani nefarioque ausu cum suam tum Pontificis famam, quum inita coniuratione Alfonsum regem sub fide induciarum opprimere cogitasset. Ab eo siquidem rege ad Salernum obsessus, vt instantis periculi casum effugeret, vir æquè fallax & vaſer, cum rege inducias in tres menses pepigerat, quo spatio turpissimè fidem abruptens, coniunctis cum Iacobo Caudala censibus & copijs, ad regem tum fortè hyemantem ad Iulianum vicum Auerſani agri improuisus aduolauit. Nec regem alia res seruauit, quàm religiosè ex cultum eo die numen; solenni enim tum fortè festo die Christi natalis, paulo post auroram triplici sacro intentus, ante aram prociderat, quum Vitelliani improuisi inexpectatiq; hostes adesse nuntiati sunt. Tanta autem fuit irrumpentium celeritas; vt ferè capto regi breue spatium ad elabendum non planè peractis sacris relinqueretur; & impius hostis omnem sacrorum apparatus, & expositam ad celebre epulum regij Abaci supellectilem auide diriperet. Id facinus ingratum Pontifici, odiosumque sacro ordini, & cunctis ex-



crabile, vehementer Vitellij existimationem labefecit, quum in eius industria, quanquam singulari atque mirifica fluxa, fides & atrox violentia damnarentur. Eius autem improbi atque audacis animi notam Patriarcha falso dictorio diluebat, quum diceret, se, vti rex expetisset, quod pollicitus fuerat, bona fide præstare voluisse. Paulo enim antè Alfonso per præconem Patriarchæ cum iactantia nunciarat, se Marte iudice illum indecenter arma tractantem, eò redacturum, vt tanquam infimi ordinis sacrificulus, missarum sacra vno denario sibi perageret. Ad quod insolens dictum Vitellius sua vsus ironia responderat, non abnuere conditionem, vt magni regis capellanus efficeretur. Verum se non prius quam inchoante anno ipso Christi natali die munus hoc suscepturum, vt auspiciatò & gratuito quidem ei sacra solennia celebraret. Sic vt postea rex periculo ereptus in magna suorum frequentia acutissimi sacerdotis ironiam agnoscens, se eo scommate probè elusum fateretur. Sed is non multo post malo genio animi eius vastum & insatiabilem impellente, maximum imperium & summum denique pontificatum affectare cœpit, aut viuo Eugenio, si ille sub censura concilij exauthoratus concideret, aut certè mortuo, quando iam difficilem morbum animi languore concepisset, ab aduersi Basiliensis concilij decretis. In eam spem adipiscendi pontificatus venerat, quod validissimis copijs subnixus, singulas pontificiæ ditionis arces, per fidos sibi atque obnoxios clientes in potestate haberet. Nec defutura sibi Patrum studia atque suffragia, vel primo comitiorum die arbitraretur, quoniam sibi opulento pecuniosoque ad opportunas largitiones expedita facultas foret. Oderat Florentinos tanquam ingratos, quod eorum Rempublicam ciuili seditione perturbatam se sua autoritate compositis rebus conseruasse prædicabat. Illi tamen in ipsius contumeliam Rainaldum Albitium primum ciuem ab se vehementer commendatum exilio multauissent. Venetis autem indignabatur, quod per legatos apud Eugenium omnem suam gratiam & dignitatem conuellere contendissent. Noua itaque consilia cum Nicolao Picinnino suscepit. Is tum clarissimus bello dux Philippi Mediolanensis exercitibus præerat, defendebatque acerrimè eius ditionem aduersus Venetos Florentinis fœdere consociatos. Summa consilij erat, vt Picinninus in Etruriam accerferetur, ipse è Latio promotis copijs cum eo se coniungeret. Id consilium interceptis ad montem Politianum literis, planè detectum est. Scribebat enim Vitellius ad Picinninum notis arbitrarijs, quæ fieri volebat, quæ tametsi ab interprete explicari non poterant, magnam tamen commutatæ fidei suspensionem afferebant. Erat apud Eugenium omnium consiliorum arbiter Ludouicus Patauinus Patriarcha Aquileiensis, ex Medico Cardinalis factus, vir astuto peracrique ingenio Vitellij potentiæ vehementer infensus. Is quum graui facundia in Vitellij mores atque consilia criminose inuectus differuisset, Eugenium nunquam integra Pontificij imperij potestate Vitellio viuo potiturum, illius opprimendi consilium obtulit atque perfecit. Præerat arcis molis Hadriani Antonius Rido, vir militaris, & ad omne patrandum facinus paratus, quod commendatione Ludouici ad eam præfecturam peruisset. Hunc quæ Pontifex peragi imperet, atque ipse cupiat, secreto edo-



cet, & quæ in negotio opus forent sedulo constituit. Igitur ad Calendas Aprilis moturus castra Vitellius Antonio significat, ut sibi Hadriani pontem transeunti adesse velit, ut de custodia munitioneque arcis & profectio-  
 ne sua quædam cum eo communicet. Eam occasionem excipit Antonius tendendis insidijs idoneam. Præmittitur prima luce à Vitellio Comes Auer-  
 sus Anguillarius cum quatuor millibus equitum duobusque millibus peditum; ipse postremus cum familiaribus agmen claudit. Tum verò Antonius porta arcis egressus præteruectum totius pontis longitudinem, inermis & composito vultu salutat; accedensque propius simulatione secretioris colloquij procedentem comitatur, pedes equitem, habenas molliter tractans, tam diu de annonæ supplemento, de instaurando tormentorum & telorum apparatu verba producit, quo ad contra arcis portam peruentum est. At Vitellius sematurè curaturum pollicetur, ut nihil earum rerum indigeret, se Reipublicæ causa in Etruriam ducturum, tantisperque Cornetum ex itinere diuersurum, ut ædificatam ab se magno sumptu domum inspiciat. Eodem verò puncto temporis Antonius equi frenum arripit, signum dat, cataracta demittitur, quæ extremum pontis caput excludit; erumpunt satellites, perturbatumque inopinato malo Vitellium circumstant. Ille nihil se deferit, calcaribus equum sed frustra incitat, atque incuruum gladium, quo militari more cinctus erat, ferociter educit. Sed obstantem satelles falcato hastilis vnco, quod hodie Roncham vocant, per cervicem corripit: alter dextrum brachium, quo districto gladio in Antonij caput ictum minabatur, grauiter vulnerat, atque ita cruentus intra portam arcis pertrahitur. Hunc supremæ calamitatis malo perturbatum, & se ingratè proditum, profundo suspirio conquerentem, ornatissimo in thoro collocant, obliganturque ei vulnera, & Antonius ut bene speret cohortatur, quod in posterum Eugenius non militari, sed senatoria eius opera uti vellet. Ad id Vitellius anxie æstuans, se non esse adeo rerum imperitum respondit, ut temerè crederet, summæ dignitatis viros vel iniquo iure captos dimitti solere. A summa autem arce per præconem Vitellianis pronuntiatur, ut timere, tumultuarique desinant, quando iussu Pontificis graui de causa Cardinalis esset interceptus; Atque ita Comes Auerus sub signis iter extendens, opulenta Vitellij impedimenta in arcem Roncilioni suæ ditionis tanquam suam prædam abduxit. Nec multo post, ut nonnulli tradunt, siue acerbitate vulnerum, siue indito veneno, fato functus est, caruitque honore funeris & tumuli, quanquam ei postea propinqui Corneti marmoreum cenotaphium extruxerint, quod hodie cum rudî elogio visitur. Sed munificentissimæ domus structuram atque amplitudinem, Pontificum hospitio dicatæ admiramur. Antonius autem Rido tanti patrati facinoris præmium vel in morte tulit, marmoream equestrem statuam, quæ in vestibulo templi Diuæ Mariæ nouæ ad arcem Titi conspicitur. Ludouicus verò in demortui Vitellij locum, ut copijs præesset, suffectus est. Vera Vitellij effigies depicta in magno con-claui eius domus Corneti spectatur.

F A E R.



Quis tua facta potis, laudēsque æquare canendo  
 Purpuream succincte togam, generose Vitelli?  
 Maiestas tibi Romani pastoris, honorque  
 Debet, & antiquum tibi disciplina vigorem  
 Acceptum seruata refert. tu fontibus aqua  
 Supplicia & meritis tribuis iustissime pœnas.  
 Dispersos tu sylvarum per lustra latrones,  
 Non secus ac venator apros, indagine cingis.  
 Tu diros Latio dominos, tu triste repellis  
 Seruitium, seuosque sua quēque vrbe tyrannos  
 Exigis, & iusta populos ditione coherces.  
 Infandæ plebis tu seditione fugatum  
 Pontificem sacrum, iustis vlciſceris armis;  
 Stringis & horrendas in noxia colla secures.  
 Salue purpurei decus & tutela senatus,  
 Priscarum virtutum imitator, & æmule laudum;  
 Imperio quod seruaras dignissime, ni te  
 Præpropera ambitio tentasset inanibus auris,  
 Lactassetque auidam transuerso turbine mentem.


## Iulianus Cæsarinus. Cardin.



CÆSARINÆ familia inter illustres Romanorum proce-  
 rum ætate nostra, honoratis viris atque opibus florens,  
 summam, vt aliqui volunt, claritatem cepit, à I V L I A N O  
 sancti Angeli Cardinale, cuius hoc loco vera effigies specta-  
 tur. Verustatem eius originis nequaquam altè repetunt,  
 vel qui Cæsarinorum nomini fauent, quum fateantur ex  
 gentilitijs insignibus, eos Columnijs & Vrsinis fuisse recentiores, quod ex  
 alienis argumentis sua insignia condiderint. Scutum enim gestant, in quo  
 vrsus ad columnam cathena deligatus pingitur, superstante tamen aquila  
 nigra, quæ a Cæsaribus præclara nobilitatis testificatione studiosis par-  
 tium suarum & clientibus dono dari consuevit. Narrant autem superiore  
 seculo cruentis factionibus infami, cum Vrsini cum Columnijs de digni-  
 tate armis contenderent, Cæsarinos tanquam Gibellini nominis adhæsisse  
 Columnijs, insignique edito facinore vicisse Vrsinos hostes; ideoque Cæ-  
 sarinos tanquam præclaræ eius victoriæ authores, vincrum & columnæ  
 catenatum vrsus ad memoriam clarissimi facti in scutis expressisse. Sed  
 hæc ex fama potius tradita per manus, quàm ex annalium fide referuntur;  
 quum per quadringentos annos res Romana ciuilibus discordijs & Ger-  
 manorum Cæsarum sæuitia à stirpe propè excisa, certo historiarum lumi-  
 ne caru-erit. Verum Cæsarinæ familiæ dignitatem facile demonstrat præ-



rogatiua insignis, qua præclaro populi Romani munere à Paulo tertio amplissimis codicillis confirmato, eius familiæ princeps inueterata consuetudine maximum vexillum gestat, cum bello (si incidat) tum pace in spe-



traculis Agonalium ludorum, quæ ad normam veteris disciplinæ Luper-  
calibus edi solent, vt armata iuuentus in equis simulachra præliorum re-  
præsentet, & legiones per singulas tribus composito ordine decurrant.  
Fuit Iulianus honesta facie, statura insigni, ingenio excelso, eloquentia sin-  
gulari, & moribus candidissimis, in gymnasiis accuratè versatus, ciuilibus &  
diuini iuris scientissimus euaserat. Qua facultate ad parandam sibi senato-  
riam dignitatem opportunè gradum fecit. Nam ea tempestate eius scien-  
tiæ professores præcipuo erant in honore, propter grauissimas de Ponti-  
ficia dignitate disceptationes, quum dira diuisione tres vno tempore sum-  
mi pontifices scædissimo exemplo Christianis præessent sacris. Fuerat ad-  
scriptus in numerum eorum iudicum, qui in confesso Pontificis de suppli-  
cibus libellis referunt, & sententiam dicunt. Quo in obeundo munere Iu-  
lianus longè omnium subtilissimè atque rectissimè referebat. His itaque  
instru-



instructus literis à Martino lectus est in senatum, tanto omnium fauore, ut paulò post in Bohemiam legatus sit missus, ad sanandos eius gentis animos Hulsitana superstitione laborantes, obstinatissimeque etiam tum in infania peruicaces, quanquam nuper Hieronymus à Praga eius hæresis crimine damnatus Constantiæ, & combustus, in ipsorum contumeliam concidisset. Ea enim erat de Iuliani virtute constans opinio, ut uni illi ea prouincia demandanda censeretur. In omni siquidem senatorio munere apud eum vigeant dignitas sine fastu, doctrina sine ostentatione, sine furo probitas, & studium sine factione. Qui mores non modò factiosa in vrbe, aulaque maxime superba, sed apud omnes, quibuscunque serio acturus congregaretur, gratiam conciliabant. In Germaniam autem profectus Bohemos opinione sua repperit duriores, & mortem cum cruciatu potius pati paratos, quam ut à sententia susceptæ semel, quanquam nondum inueteratæ superstitionis discedere vellent; sic ut nequaquam adhortationibus sacrarum concionum, sed planè validis perdomandi armis essent; quod victis pariter atque victoribus maxime calamitosum foret. Aditis itaque Germanorum proceribus, & pertentatis eorum animis, quum arduum atque difficile, maximeque sumptuosum esse prospiceret conflare exercitum, qui ex diuersis auxilijs par esset bellicosæ munitæque syluis atque fluminibus genti subigendæ, Basileam se recipit, ad obeundum secundi muneris officium, scilicet ut indicto inchoatoque Concilio legatus præesset. Sancita enim lex fuerat Constantiæ, ut post quinquennium renouata sacrosancta Synodo, antistites, sacratique viri totius Europæ conuenirent, ut controuersia de Diuinis placitis morumque censura suprema disputatione finirentur. Eam autem promulgatam legem mortuo Martino, Eugenius ei suffectus ita probauerat, ut Iulianus continuato legationis honore, toti Basiliensi negotio præficeretur. Cœptum itaque excitatumque Concilium concursu sacerdotum eum habuit euentum, ut Eugenius ad id celebrandum vocaretur inuidia principum & quorundam antistitum, qui ei specie religionis parti Pontificatus felicitatem inuidebant. Erant in eo Concilio multæ grauissimæ res commodo Reipublicæ à pijs hominibus peragenda; quod Bohemorum infania magnis artificijs sananda videretur; quod Turcæ Mysorum & Hungarorum fines vastarent; quodque explicanda essent veræ fidei dogmata, in quæ Reipublicæ Christianæ Episcopi sublata discordia consentirent. Quæ omnia ut ritè discuti, rectèque decerni possent, præsentis Pontificis personam efflagitare videbantur. In hac re deprecanda adeò multus fuit Iulianus, ut appareret, nimio pietatis studio aduersa & planè aliena Pontifici postulare. Ponebat enim decus suam quod probitate Christiana niteretur, ante commodum salutemque Pontificis, qui in seuerissima Synodo dignitatis, & totius fortunæ suæ periculum esset aditurus. Extant duæ à Iuliano scriptæ epistolæ ad Pontificem, quibus eum graui cum obiurgatione reprehendit, quod citatus laboranti Reipublicæ non subueniat, & contra iusiurandum indicto concilio non intersit; usque adeò intemperanter, ut senî & articulari morbo laboranti, lecticam ad iter non defuturam scribat. Nec excusandus censetur, si parum pia, parumque generosa tergiuersatione hominum probatis-



simorum opinionem falleret. In ea expostulatione Iulianus planè impudens & ambitiosus quibusdam videri poterat, nisi in eo mirum communis concordiae studium, & cura religionis praeclara extitisset. Cæterum Eugenius vti alias profunda prudentia vetus senator, & Pontifex quanquam nouus, sui muneris & personæ nusquam oblitus, eam contumeliam lenissimè dissimulauit. Synodum enim tanquam immanem & multorum capitum belluam ad exitium maximorum pontificum cæca rabie concitatam esse differebat; ratus, his adimi libertatem & vitam, qui in externis terris ei belluæ se committerent. Non reformidabat tamen Concilium, sed eius locum deuotabat, Balthasaris Cossæ exitum perhorrescens. Igitur Eugenius commonefacto Iuliano, vbi sensit insidias sibi parari, Concilij locum damnat, tanquam Hispanis, Gallis atque Italis antistitibus incommodum; earum actionum decretis fidem abrogat, solenneque Concilium in vrbe Ferraria futurum edicit, accersiturque è Constantinopoli Iohannes Græcorum Imperator, vt ex eius authoritate Græcæ gentis controuersiae cum Latinis componantur. Nec multo post pecunia Pontificis conductæ aliquot triremium classe Imperator cum lectissimis suæ gentis Episcopis atque proceribus emensus Hadriaticum Ferrariam aduehitur, comitante ipsò Iuliano Cardinale legato. Is enim Basileæ malignitatem quorundam detestatus, qui non studio instaurandæ religionis, sed circumueniendi Pontificis inaudita libidine ducebantur, ad Eugenij voluntatem se contulerat. In Concilio namque Eugenio, quod citatus non venisset, confestim exauthorato, creatus fuerat Pseudopontifex Amideus Allobrogum princeps, qui filijs natus iam grandibus senex, Eremitarum more in abdita & nemorosa loca tædio publicarum rerum secesserat, Felixque appellatus, magna celebritate Basileæ fuerat coronatus. Sed aduentu Græcorum quum Synodus metu pestilentiae è Ferraria Florentiam translata maximè floreret, actiones Basilienses magnoperè refrixerunt. Felix autem eam intempestiuæ dignitatis tulit sortem, vt exutus pontificatu Cardinalis à legitimo Pontifice crearetur, quod seni venerando atque innocentissimo, honos purpuræ ad solatium relinquendus esse videbatur. In his grauissimi negocij disceptationibus Iulianus eximiam cum præclari studij & generosæ industriæ, tum multiplicis doctrinæ laudem tulit, quum malè sanam de processione Spiritus sancti Græcorum opinionem Romano dogmati conciliasset. Interea compositis apud Florentiam Græcorum & Latinorum controuersiis, peractoque conuentu, Ladislaus Polonorum & Hungarorum rex, prosperè cum Turcis ad Hemum montem conflixit, Carambeio Amurathis primario duce capto. Verum Ladislaus suarum & hostilium virium æquus æstimator, ab ea victoria prudenti consilio non iniquam pacem quæsiuit, concedente eam Amurathe, qui explicare se Hungarico bello, & aduersus Ciliciæ regem sibi ad iniuriam opportunum, maturè proficisci cupiebat. Ea pax Pontifici & Christianis principibus post insignis victoriæ prouentum nunciata, tanquam intempestiua, inutilis, atque indecora displicuit. Iampridem enim Christiani ferè omnes, collatis viribus, ingens bellum in Amurathem decreuerant, orante & vehementer expetente Græcorum Imperatore, vt sibi à ferocissima gente circumuen-



cum tunc o o p m ferre maturarent. Georgius quoque Castriotus, cui Scanderbego cognomen fuit, qui in Epiro Amurathem eiusque praefectos magnis detrimentis affecerat, se cum validis copijs Regi Hungaro Thraciam inuadenti affuturum pollicebatur. Eo modo Rex iuuenis secundae victoriae spe incitatus, adhortatione principum pacem violat, bellumque suscipit, maiore quam antea apparatu conatuque. In ea rerum occasione Eugenius Iulianum, quo nemo potior videbatur, legatum ad regem misit, qui eum eiusque gentes ad sacrum bellum concionibus incitaret. Retardabat tamen regem pudor ingenitus aduersus imminentem violandae pacis infamiam. Sed vnus religionis respectus verecundiam discutiebat, pronunciante legato, fidem infidelibus Mahometanis nequaquam esse seruandam; quando ipse eius conceptae fallaciae inane piaculum autoritate pontificia continuo esset deleturus. Iurabant pacem solenni cerimonia, hinc Ladislaus & illinc Sannocetus Amurathis legatus, ea stipulatione, vt vtriusque legis instrumenta proferrentur; hinc scilicet Euangeliorum liber consecratus; illinc Alcorani religiosum volumen, quo Mahometis dogmata continentur. Ladislaus per hunc modum a fide data (nequaquam regio more) discedens, inauspicato motis signis ad Varnam Pontici littoris urbem infesto exercitu penetrauit, vt in ora Christianam classem expectaret. Quibus cognitis rebus Amurathes, Christianorum leuitatem atque perfidiam grauissimis verbis detestatus, e Cilicia rediens, magnis itineribus ad Hellepontum traductis copijs, septimis castris peruenit ad Varnam. Eius aduentus nostrorum opinione celerior regem inprimis & Iohannem Hunniadem Turcico assuetum bello vehementer perterrituit. His autem animis vtrinque in aciem est descensum, vt primo congressu Amurathes de victoria desperasse tradatur; nisi noua & recentissima Turcarum ala nostris imperite laxantibus aciem victoriae occasionem ademisset. Ladislaus enim acerrime pugnans, stratis nobilioris alae equitibus ad Ianizarios praetorianos pedites penetrarat; sed sinu facto in medium receptus, suffraginibus equi succisis, Rex corruit atque ita trucidatus est, Hunniade frustra interfecti cadauer e manibus hostium eripere conante. Rege interfecto, caput eius Barbari lanceae praefixum circumferentes, sublato clamore, nostrorum fugientium tergis institerunt. Hunniades intactus effugit. Iulianus vero legatus, qui praelata cruce hortabundus regia signa sequebatur, quum ad lacunam sitienti equo habenas laxasset, superuentu hostium, aut, vt plerique existimarunt, Hungarorum leuitia trucidatus interit, multa eum contumelia onerantibus Barbaris, quod sacerdos contra ius Gentium fidem violandam abrupta pace foede censuisset. Vir certe tam tristi vitae exitu indignus, nisi eo Fati genere aditum sibi ad coelum perenni cum gloria muniuisset. Praeclarum autem viuidae gloriae lumen, quod aeternum luceret, hoc verè pio atque honestissimo vitae exitu posteris suis reliquit. Nam post multos annos ab hac optimi senatoris memoria, qui pro salute Christianae Reipublicae se deuouisset, Alexander sextus Iulianum Caesarinum huius nomen referentem, generosis ornatum moribus, & Leo decimus Alexandrum eruditi ingenij, virtute insignem, ad instau-



randam familiæ de Republica bene meritæ dignitatem, in Senatum legerunt. Eius effigiem eleganter (vrilla ferebat ætas) in tabula pictam Iulianus Cæsarinus abnepos, qui hodie familiæ nomen cum dignitate sustinet, exscribendam tradidit. Vixit annos quadraginta sex. Obijt anno à partu Virginis quadragesimo quarto supra millesimum & quadringentesimum.

ANTONII FRANCISCI Rainerij.

*Te decorant magni cognomina Cæsaris, vnde*

*Ducis auos, atavosque, & prisca exordia gentis;*

*Quisque lacertosus vexilla patrūque Quiritūque*

*Extollit sinuosa auro, atque asperrima signis*

*Vestrorum decus heroum, columenque nepotum.*

*Te decorant ostro insignes duo lumina, patres*

*Conati euerso pariter succurrere seculo*

*Qui tecum æthereis potiuntur nectare mensis.*

*Te decorat tua te pietas immensa labantem*

*Quæ ruit (heu pietas miseranda) vt fulciat orbem.*

## Tamerlanes Scythar. Imp.

**T**AMERLANES Schytharum Imperator, qui propter inauditam animi feritatem atque sæuitiam portentosasque vires, orbis **TERROR**, & **CLADES** Orientis appellatus est; ex humili militiæ loco per omnes honorum gradus ad eximiam bellicæ virtutis opinionem, & denique ad summum imperium ascendit; insigni præsertim applauditum militum studio, quum adulatione quadam Temir Cuthlus vocaretur, quæ vox Tartaricè fortunatum ferrum significat. Eum Samarcandæ vrbs, quæ est ad Iaxartem amnem Sogdianæ regioni finitimum, infimæ classis ciuem fuisse tradunt. Quam vrbem vsque ab Alexandri Magni temporibus Quinto Curtio notam videmus: restanturque Persæ, homines historiæ non ignari, quibus cum nos collocti sumus, Samarcandam à Tamerlane tanquam patriam suam totius subacti à se Orientis opibus & spolijs mirè auctam atque exornatam fuisse. Erat Tamerlanes ore truculento recedentibusque oculis semper minaci; corpore autem ingenti, validisque neruis adeo firmo lacertosoque, vt Scythici ingentis arcus chordam, quod paucissimis præstare licebat, ultra aurem extenderet, cupreumque mortarium pro scopo sagittarijs in ludo propositum, emissæ harundinis spiculo perfoderet. Sed eum nonnulli auctores altero crure debilitatum, ideoque deformiter incedentem scribunt. Cæterum acclamatus imperator vna præsertim nominis autoritate, ex innumeris gentibus belli prædæque auidis, tot copias contraxit, vt proficiscen-  
tibus



tibus alimenta viris, & herbida pascua iumentis defutura crederentur. In eius exercitum coiungere Sogdiani, Aracossi, Bactriani, Hircanique, qui hodie vno nomine a Barbaris Zagatai appellantur. Præterea Scytharum etiam



Hordæ, quæ à Iaxarte ad Volgam amnem, & ultra id flumen vsq; ad Moscam sedes habent. Hordas enim agmina Tartarorum vocant, quæ incertis semper sedibus per immensas solitudines vsque ad Imaum montem euagantur, Amaxobij ab antiquis vocati, quod in curribus centone protectis aduersus frigora vitam degant. Harum Hordarum maximè potentes & bellicosæ Cassania, Sciabania, Nogaique Moscouitis commercio familiares Tamerlani paruerunt. Nam reliquæ remotiores à magno Cane Cathaino, qui in ora Oceani regioneque Sinarum potentissimus regnat, imperia accipiunt. Sublatis itaque signis Tamerlanes, eam multitudinem transgrosso Volgam traduxit, cursus rapiditate & multitudine aquarum post Nilum & Istrum fluuiorum amplissimū. Sed is diductus in septem cornua quibus in mare Caspium turbidus & lenior erumpit, commodiorem transiit.



tum præbet. Itaque humilioribus repertis vadis infra Cithracam celebre Emporium omnis multitudo tutissimè transuecta est. Fuere in ea tot gentium colluuiæ centum myriades peditum & equitum, ingensque maioris & minoris pecoris numerus, quod partim ceruicibus tranantium equorum, partim subitarijs ratibus sustinente atque excipiente in medio profluentis amnis equitatu traductum est. Singuli porro equites peditem in equiclunes sublatum transportarunt. A Volga demum qui Rha antiquitus appellatus est, Tamerlanes per Hiberorum, Albanorumque nemorosas conualles, ad Derbenthi oppidi angustias peruenit, quæ ferreis portis, & lapideis antiqui operis propugnaculis præcluduntur. Nec satis constat an metu tanti hostis præsidarij Persæ loci custodiam deseruerint; an vi depulsi fuga salutem quæsierint. Tum verò effusa multitudo omnem Armeniam inundauit, eodem itinere quo Hyelon & Absaga Christianis de Hierosolymitano regno cum Ægyptijs certantibus centum fermè annis ante aduentum Tamerlanis in Syriam penetrarunt, incertum socij an hostes forent, quum religiones Idolatrarum sequuti, neque harum neque illarum partium viderentur. Verum illi frustra muneribus Balduini regis inuitati, repudiatis Christianorum sacris ad Mahometis superstitionem declinarunt. At Tamerlanes aliquot maioris Armeniæ vrbibus captis, & Sulthania Persarum olim regia, direpta atque incensa, dextrorsum iter flexit, Eufraateque ad Arsengam superato, in Cappadociam sese effudit; quo Baiazetem Turcarum regem soluta obsidione Bizantijs magnis instructum copijs, vt fines tueretur, aduentare didicerat. Peruenere itaque duo maximi orbis imperatores duobus longè maximis subnixi exercitibus ad Stellam montem, memorabili Pompeij Magni victoria & Mythridatis calamitate celebratum. Huic ab Antitauri radicibus exporrecto vasta planities subiacet, campis vndique ad conferendas manus latè patentibus, qui hodie Turcarum lingua Cassouas, id est campi Anserum appellantur, quod id volucrum genus statis anni temporibus eò conueniat, vt in Europam agminibus atque imperio ducum prouolet. Congressuris itaque summis ducibus & in vnius prosperæ vel aduersæ pugnæ euentum, de vita atque Asiæ imperio certaturis, suæ artes vtrique non defuerunt. Tamerlanes enim peculiari- bus gentis suæ confusus armis edixit, vt vnus sagittis ineundum prælium, idque indefessè instaurandum, & denique conficiendum esse existimarent. Se enim daturum operam, vt ab aurora ad occasum Solis strenuè rem gerentibus sagittæ non deficerent. Instituerat siquidem plures camelos qui per agmina circumducti sagittarum fascēs, pediti atque equiti suppeditarent. Ex aduerso Baiazetes Scythicæ non imperitus pugnæ, quod vnum ratione prouideri poterat, cohortatus milites, pronunciari iusserat, vt equites elatis supra capita scutis, primum sagittarum imbrem constanter exciperent, inclinatisque repente hastis, in hostes procurrerent; quod fœda inermis- que hostium multitudo, hastarum cuspidibus transfodi, & gladijs concidi facillè posse videretur. Imperata igitur fecere fortissimæ Turcarum alæ, contemptis- que intrepidè sagittis, ingenti procur- su grauique impetu in confertos irruere, tanta vi, vt magna loricis & galeis carentium strage edita, vix hosti ad expediendos abiectis arcubus acinaces spatium relin-



relinquerent. Sed tanta erat sagittariorum circumfusa vndique multitudo, ut posteriora Turcarum agmina, densissima atque perpetua cadentium sagittarum grandine sternerentur. Tartari enim more suo in cœlum sagittas emittunt, ut grauiore casu decedentes, ceruices equorum & terga perforant. Neque enim oblongæ & inflexæ Europeorum peltæ, neque rotundi Asiaticorum clypei, infixas perforantesque sagittas sustinebant. Nusquam ab vlla annalium memoria, numerosiores copiæ, tumultuosius & acrius vel efferatis in mutuum cruorem animis, obstinatus inter se manus contulerunt; reciprocante siquidem magno æstu vrgentium propellentiumque agminum victoria incerta per multas horas instar pelagi aduersis agitati ventis modo hac, modo illac iactata est. Sed ea demum inclinante Sole quanquam multo parca cruore penes Tartaros stetit. Baiazetes equo pluribus sagittis confixo, cadenteque quum strata suorum vexilla conspexisset, captus est, seruatusque ad ludibrium satietatemque alienæ superbæ, immani scilicet Tamerlanis animo nullis in miserum, & tantî modò nominis regem accumulatis contumelijs vnquam exaturato. Victori namque victus, ut gradum faceret ascendenti equum, dorsum præbere cogebatur: Exemplo vti credi par est, Saporis Parthorum regis, qui Valerianum Romanum imperatorem indignis huiusmodi iniurijs insolenter oneratum ad mortem adegit. Sed eadem fati vis nequaquam maturè Baiazetem suis ærumnis eripuit, quum prius in cauea ferrea per Asiam circumductus diu fortunæ suæ miserabile spectaculum præbuerit. Sed ab hoc inexorabili barbaroque Tamerlanis ingenio, singulare iustæ sæueritatis exemplum prodijt. Quum enim homo Ligur gemmarum insignis mango, ob idque Tamerlani qui magnopere gemmis oblectabatur, familiaris, inducto sermone de Baiazetis miseria, illum humanitatis atque clementiæ blandè admonuisset, & ut meminisse vellet Baiazetem inter Mahometanos reges victorijs & opibus fuisse clarissimum. Tamerlanes obducta fronte, contortisque in illum oculis, verbum redargutus respondit: se non regem nobilitate atque potentia superbum, sed hominem improbum, impieque nefarium digna pœna plectere, qui maiorem natu fratrem inhumaniter occidisset. Cæterum Tamerlanes ea victor acie qua supra centum & quadraginta millia hominum cæsa feruntur: spolia legit, exercituique æquisimè distribuit. Victores porro largiter ac opiparè per triduum epulati sunt: nam equi propè innumerabiles aut ceciderant, aut ita vulneribus debilitati fuerunt, ut quum vsui esse non possent, passim ad instruenda conuiuia mactarentur. Tartaris enim mos est equina carne populariter vesci, & quum cætera alimenta defecerint, incisa sub aure equorum vena, epotoque inde sanguine inediam tolerare. Transgressus autem Taurum montem Tamerlanes, in Mesopotamiam irrupit, tanto armorum strepitu terroremque hominum, ut passim omnibus vrbibus reciperetur: tendi enim prætorium sibi iubebat primo die in quo conspectum vrbium se dabat, colore candido, ut intelligerent homines clementiam & salutem se statim dedentibus sincera fide promitti. Secundo die rubro tentorio utebatur, quo denunciabat in cunctabundos gladium esse districturum. Tertio porro die atrii coloris papilione extenso, indicabat se cuncta ferro & flamma absumpturum.



Enimuerò truculenta voce profitebatur, se Dei maximi iram esse, quæ de-  
 prauati seculi mortales vlcisceretur. Nulla fuit nec in Mesopotamia, nec  
 in Comagena, nec demum in Syria ciuitas, quæ portas non aperuerit.  
 Nam superato Eufrate vsque ad maris Syriaci oram signa promouerat. He-  
 sit tantummodò aliquandiu ad Damascum, in expugnanda arce, quum  
 ea in nostrum morem à Florentino architecto munitissimè ædificata, tan-  
 ti victoris impetum retardaret. Sed cæsa in Libano monte materia, arcem  
 erecta munitione circumuallauit; ea altitudine, vt Scythæ sagittarij mœ-  
 nium coronam superantes ad vnum custodes omnes interfecerint. Ex-  
 inde quum Sulthani Memphitici copias per Duces non longè à Pelusio  
 profligasset, Ægypti regnum & Memphis immensæ vrbis opes insatia-  
 bili animo meditantem, vna sitis auertit, quæ per arenosas solitudines a-  
 quæ indigas, timebatur. Itaque victorijs suis modum imponens, quum &  
 exercitum eius atrox pestilentia popularetur: spolijs onustus Samarkan-  
 dam rediit, vbi fato functus est, anno à partu Virginis quadringentesimo  
 secundo supra millesimum. Antecessit autem eius mortem ingens & luri-  
 dus Cometes, quo portendi mors tanti regis visa est, quanquam & Ioan-  
 nem Galeacium Vicecomitem Mediolani potentissimum principem, eo-  
 dem defunctum anno, respexisse multi crediderunt. Fatali quoque sorte  
 euenisse constat, vt vtriusque principis bini hæredes filij parem fortunam  
 tulerint, quum vtriusque proles, à paterna virtute sic degenerarit, vt impe-  
 rium tueri nequierit, breuique curriculo duo maxima imperia, si modò  
 conferenda sunt, collapsa defecerint.

## F A E R N I.

*Ille nouus Xerxes, Orientis victor, & ingens  
 Quacunque permearet, horror gentium,  
 Compleuit totos Scythico qui milite campos,  
 Hoc se ferebat ore trux Tamerlanes:  
 Cuius in aduentum tutæ altis mœnibus vrbes  
 Ipsumque terræ contremiscebat solum;  
 Ipsi adeò montes, ipse per deuia valles  
 Vim Barbarorum non ferebant agminum.  
 Quare ab Caucasæis Asiam conuallibus omnem  
 Ad vsque Nili flumina armis subdidit;  
 Euphratem & Tigrim, & rapidum tranauit Orontem  
 Vi, vastitate, cæde, cuncta proterens;  
 Vtque olim fæda cum tempestate coorta  
 Erumpit atra nube fulmen igneum:  
 Obuia quæque cadens perrumpit, & alta sonanti  
 Templâ atque solidas strage turres disijcit.  
 Subsidit vasto tellus labefacta fragori,  
 Humilisque mentes sternit humanas pauor:  
 Haud secus ille viam ferro molitus, & igni,  
 Euertit arces, oppida æquauit solo.*

Regem



*Regem Asiae horribili captum impete Baiazetem  
 Caueaque clausum ferrea circumtulit.  
 Hec agitantem illum, & spirantem immania iussa  
 Quae cunctus undique orbis expauesceret,  
 Exiguo caeca domitum molimine febris,  
 Fatalis vno soluit hora triduo.  
 Deque tot insanis opibus, de tot modo regnis  
 Reliqua vna paruo gleba texit pulvere.*

## Biazaetes i. Turcarum rex.

**B**IAZETES eius nominis primus Othomannorum principum ordine quartus, hoc austeri oris Scythico rictu, hirtisque cirris discriminata prolixè barba terribilis, à singulari celeritate repentinoque & vehementi bellicarum actionum impetu HILDRIM est appellatus, quæ vox apud Tartaros cum tonitru terrificum fulmen significat. Ne quis autem miretur, vnde ad nos antiquorum præsertim Turcarum regum veræ imagines peruenerint, operæ precium erit enarrare, quo pacto curiositati nostræ fortuna arriserit. Hariadenus Barbarussa Othomannicæ classis præfectus, quum ardente bello inter Carolum Cæsarem & Franciscum regem in auxilium à Gallis euocatus Massiliam peruenisset, amicitiam inijt cum Virginio Vrsino Anguillariæ Comite, Gallicarum aliquot trirēmium præfecto, certatumq; est inter eos magnis muneribus, ea tamen conditione, vt aliquanto preciosiora Barbarus acciperet dona quàm rependeret. Nam illum Virginus Romana liberalitate nostrarum rerum copiam auidè expetentem, cælato argento & multa serica veste donauit, ille Virginium arcu Scythico cum pharetra nobilissimæ operis, & Persico acinace gemmata vagina insigni, qui Hismaelis Sophi fuisse dicebatur, atq; item talari toga auro & purpura intertexta, addens arculam ex ebano & ebore fabricatam, in qua vndecim Othomannorum regum vera simulachra, pro captu barbarorum artificum preciosis coloribus in leuigatæ chartæ tabellis depicta visebantur; quæ Virginus elegantiae studiosus omni alio munere pluris estimauit. Neq; Barbarussa commentitijs imaginibus Virginium de cepisse existimandus est; nam quum inferiorum Othomannorum tabellæ pictæ & numismata ærea, quæ apud nos visuntur, cum illis mirè conueniant, superiorum etiam regum veras esse formas censendum est. Has omnes Virginus magnis exoratus precibus Alexandro Farnesio Cardinali & mihi, latioribus in tabulis ad delectationem elegantium virorum pingendas communicauit. Primus igitur qui regis nomen tulit, tantiq; imperij fundator extitit à tenui Galaciæ oppido, quod Othomanzicum hodie vocatur, Othomannus est appellatus, quod nomen postea in familiam transiisse perspicimus. Tanta autem virtute atque fortuna Othomannus fuit, vt inter nobiliores Scythici sanguinis familias, vetustatis dignitate sibi pares, ma-



ximè illustris emineret, summumque ei decus Eurenesh, Thuracambi, Michalogli, atque Malcocci æquis animis concederent. Pugnaci siquidem ingenio atque imperij auido finitimos, vel etiam suæ gentis feliciter ad-



ortus, clarissimas Asiæ vrbes Sebastam, Synopen & Ancyram audaci consilio & inuictis armis ditioni suæ adiecerat. Imaginem eius quæ maximè ardentes oculos repræsentat, habitu acinacem distringentis expresserunt, quod intelligi volebant Othomandorum imperium armis quæsitum, armis defendi proferrique debere. Proinde vetus atque perpetuum Turcarum institutum est, vt intranti templum supplicandi causa imperatori Talismanus ædituus sacerdos occurrat, claraque voce pronunciet, vt meminisse velit imperium quod iustitia & virtute bellica partum sit, non alijs quàm hisdem artibus conseruari propagarique oportere. Constat autem Othomannicæ domus imperium cepisse anno à partu Virginis trecentesimo supra millesimum, quanquam quingentis ante annis Turcas ex Scythia profectos in Asia sedes occupasse compertum est: qui tamen regem, aut summum imperatorem initio non habuerunt, vtpote qui diuisi per Tetrarchas &



& regulos cum imbellibus Asiæ populis Constantipolitanisque Cæsari-  
bus suo arbitrio bella gerere consueissent, quamuis eos aliquando in vnum  
consentire coegerit communis metus à Gothifredo Bolionio vniuersæ A-  
siæ illatus. Tum enim coactis viribus, & Solymano tumultuario duce crea-  
to, ad Nicæam cum eo collatis signis haud prosperè conflixerunt. Cæte-  
rùm Othomannus quum viginti octo annis regnasset, fato functus est, Or-  
cane filio imperij hærede relicto. Hic magnitudine animi, vi corporis, &  
cupidine proferendæ ditionis patrem æquauit: bellicis autem æquè bo-  
nis & malis artibus, vir dolosus & solers, profusaque in primis & peren-  
ni erga milites liberalitate superauit. Per hunc modum veterano instructus  
exercitu, quum amicitiam & fœdus cum Ciliciæ rege ducta in matrimo-  
nium eius filia iniuisset, Michaeli Paleologo Constantinopolitano impe-  
ratori graue bellum intulit; adortusque demum Prusiam Bythiniae caput,  
eam urbem obsidione & admirandis machinis expugnauit. Sed non diu  
ea victoria lætatus est: nam in ea oppugnatione sagitta ictus, quum spicu-  
lum humeri ossibus infixum sine vitæ discrimine reuelli nequiuisset, ob-  
ducta plaga, febrem & saniem mortiferam aliquot post menses accersuit,  
anno eius imperij vigesimo secundo. Orcani successit Amurathes filius, vir  
nequaquam maiorum exemplo manu promptus, sed bello & pace simula-  
tor egregius, quippe qui astu & vigilantia singulari, occasiones proferendi  
imperij opportunissimè captaret, nusquam firma fide aut incolumi iureiu-  
rando: pacem tamen cum Paleologo religiosè tuebatur. Magno autem  
Amurathis commodo bellum intestinum inter Græcos sub id tempus ex-  
arsit. Nam Græci procures ab imperatore rebellarant, subnixi societate  
Marci Craiouicij Bulgarorum principis. Itaque enata est occasio Græciæ  
& penè toti Europæ exitialis, qua Paleologus viribus impar subigendis  
rebellibus auxilia ab Amurathe iure fœderis postulare coactus est. Dedit  
hoc amicitiae liberaliter & astute vicinus Amurathes, traiecereque in Græ-  
ciam duodecim millia delectorum Turcarum, quibus mature Græcorum  
& Bulgarorum audaciam Paleologus repressit. Eo euentu vt confecto  
bello remissis septem millibus Turcarum in Asiam, reliquos præsidij sui  
causa, qui in Thracia remanerent, ab Amurathe facile impetrarit. Nec mul-  
to post Amurathes non obscure à suis inuitatus, qui vbertatem Thraciæ &  
Græciæ agrorum extollebant, tanquam socius vel inuiti Cæsaris, cum se-  
xaginta millibus Turcarum per Hellepontum in Græciam traiecit, simu-  
latione persequendorum Græcorum, qui à nomine Paleologo antea de-  
fecissent. Præstitere officium in traiectu duæ Ligurum onerariæ naues,  
quæ eius portorij pretium insigni avaritiæ Christianæ probro, aureum  
nummum in singula militum capita tulerunt. His copiis Callipolim ex-  
pugnauit, peruagatusque latè Græciam & Thraciam, vel gemente impe-  
ratore. Philippopolim, & quæ est supra Hebrum Hadrianopolim occupa-  
uit; consternatosque ad arma, resistereque demum æquo campo ausos La-  
zarum Seruiæ Despothum, & Marcum Craiouicium acie superauit. La-  
zarus eo prælio captus in carcere mori coactus est, cuius indignam necem  
seruus natione Triballus, eius olim cliens vindicare constituit, certissi-  
mæque morti se deuouens, Amurathem pugione iugulauit, quum regnas-





set annis viginti tribus. Hoc Amurathe genitus est Baiazetes, de quo scribimus, qui à cæde Solymani fratris imperium est auspicatus, Dijs non obscure id execrabile scelus damnantibus, cuius postea præclarus vindex Scythæ Tamerlanes extiterit. Itaque Baiazetes æmuli fratris solutus metu, in vrbe Hadrianopoli imperij sedem fixit, quod ad proferendas vires Asiatica Prussia opportunior censeretur, infenso scilicet animo atque arma expediendi in Triballos & Myforum gentes, quæ rectà secundum Istrum ad mare Ponticum extenduntur. Propterea Marcus summo discrimini obuiam armis eundem ratus, quum in aciem descendisset, cum vniuersa Bulgarorum & Myforum nobilitate trucidatus, imperium cum vita amisit. Ab ea victoria Baiazetes extremam Illyrici regionem, quæ hodie Bosna est, & interiorem Macedoniæ atque Epiri partem, quam Albaniam dicunt, adeo infesta populatione inuasit, vt nemine resistere auso, innumerabilem captiuorum multitudinem in Thraciam adduceret. Nec multo post euastata Thessalia, Thraciaque vsq; ad Bosphorum, & deletis Bizantium suburbanis delitijs, Bizantio castra admouit, tanto Græcorum metu, vt Ioannes Imperator diffusus viribus suis, ad imploranda auxilia in Galliam vsq; nauigare cogeretur. Agnouit periculum iustasque preces rex Carolus, vti maximè pium & Christianorum opulentissimum regem decebat, & Ioannem fratris filium, qui postea Burgundiæ principatum adeptus est, cum nobilissimo equitatu in Pannoniam misit, vt Sigismundo Bohemiæ atque Hungariæ regi, in communes hostes arma paranti iungeretur. Hic est ille Sigismundus, Henrico Cæsare proauo, qui ad Bonconuentum in Erruria obiit, & Ioanne Bohemiæ rege auo, qui in Gallia eo prælio cecidit, quo Ioannes Galliarum rex à Britannis captus est: patre verò Carolo quarto Cæsare inclytus. Is tum validas copias ex regnis suis finitimisque Germanis coegerat, atque ita suscepto itinere ad Nicopolim Mysiæ urbem penetratum est. Sed ea vrbs improspere tentata, Baiazeti spatium dedit ad cogendas copias, qui sua vsus celeritate, cum sexaginta millibus equitum ad tertium calendas Octobres nostris in conspectum se dedit. Pugnatum est summa nostrorum temeritate, Gallorumque præsertim, qui primi agminis decus deposcebant. Neque enim retineri potuerunt, quin vel inuitis ducibus & frustra retentantibus in primos hostium antecursores impetum facerent, antequam peditum Germanorum phalanges, & Hungari Bohemique equites appropinquarent: Frementes enim dicebant à Sigismundo exploratæ victoriæ gloriam sibi inuideri. Eo modo Baiazetes temere effusus, nec confertos seruantes ordines, lunata acie circumuenit, atque omnes in medio Gallos trucidauit. Quorum infelici exitu, nostri repente territi in fugam se dederunt: tanta trepidatione, vt Sigismundus ægre è manibus hostium elaberetur: Ioannes autem cum paucis ducibus pretioso cultu conspicuis in potestatem Baiazetis deueniret. Baiazetes proiecto ad pedes, & salutem suppliciter deprecanti respondit, se vitam, vel mortem merenti concessurum, ob id quod iuuenis & regio sanguine editus esset; in conspectuque eius captiuos omnes præter quinque procures, quos ad solatium carceris comites dabat, ad vnum trucidari iussit. Horum nomina à nobis memoriæ tradita sunt, in eo libello, quo Italica lingua ad Carolum Quintum



tum Othomannorum origines & res gestas perscripsimus. Hac nostrorum clade, suaque insigni victoria elatior factus Baiazetes, nihil sibi moræ attulit, quin ad oppugnandum Bizantium conuolaret, defatigatisque iam & attritis Græcorum viribus, eò deuentum erat, vt ferocissimo hosti resisti non posset, nisi Tamerlanes Scytharum imperator centum miriades equitum & peditum trahens in Asiam torrentis more sese effudisset. Is hostis vel inuitum Baiazetem interpellata victoria in Asiam auocauit; ausumque collatis signis acie congregi, toto penè eius exercitu cæso, ad Stellam montem viuum cepit; ea feritate, vt eius procumbentis tergo, quum equum inscenderet ad ludibrium vteretur; ferreaque demum cauea curruli in morem feræ bestiae, vsque ad vitæ miseriarumque exitum circumtulit.

## A V G V S T I Cocceiani.

*Tunc credideris fortè, nefas, hic tibi maximi  
Spectari superum fulmineam regis imaginem  
Quod depicta Iouis tela vides, egregia manu  
Præclari artificis, quod tabula conspicias in breui  
Magnum terrifico orbem tonitru, atque æthera concutis  
Nuncque atris Acherontis tenebris omnia contegi,  
Nunc tingi liquidis sulphurei fulguris ignibus.  
Non non ad Semelen auricomam Iupiter amplius  
Fraudes coniugio commeditans ventitat improbus.  
Nec tu Thesalicum fortè putes cernere Apollinem  
Arcus letiferos quod videas, & quod harundines  
Conspectes celebres, tela Dei insignia Delphici.  
Hic mortalis erat, non Deus, hic Barbarus, impius.  
Germani trepido sparsit atrox sanguine limina  
Ne Europæ atque Asiæ regna sibi præriperet ferox;  
Hic ceu flamma rapax lauricomos per tumulos furit  
Quum latè Boreas præcipitat flamina Thracius.  
Sic flagrans rapidos in miseros Danubij Incolas  
Ignes, sic celeres intulit in Pannonias faces,  
Inuoluitque furens excidio robora Belgica,  
Vnde illi meritò nomina sunt indita FULGVRIS:  
Sed non longa manet pœna tuam iusta superbiam,  
Maior namque tuis è Scythia nascitur ignibus  
Torrens, horribili diluue qui rabiem tibi  
Restinguat, furiasque impediatur fortior asperas:  
Ecce ecce ab Tanai gens properat seu Tamerlanis  
Infandi auspicijs, lataque iam regna Bithyniæ  
Pernadunt, acies iam Scythicæ prælia conferunt  
Tecum, iam caueas, aurea iam vincula comparant,  
Inclusumque Asiæ te rapiunt cuncta per oppida.  
Nunc ite, atque animos Imperijs tollite principes,  
Fortunæ, immemores quàm rota sit prona, volubilis.*



## Celebinus Turcarum Imp.



**C**ELEBINVS quem alij Cyrum; nonnulli, Turcæque præsertim Mahometem à lustrico die appellatum tradunt. id nomen ideo tulisse videtur, quòd impuberes regum procerumque filios Turcæ Celebinos vocant. Is Othomannorum principum, vt ex hac eius imagine gladium vibrantis cernitur, formosissimus idem fuit atq; fortissimus; decore siquidem frontis honos, & candidi oris modicè diffusus pallor, constantèsq; sine tristitia oculi, compositi animi indices, quum imperium adiit, pubescentem mirè commendabant; in tanto præsertim publicæ cladis luctu, paternæque miseriæ dolore, in quo animum non demississe maxima laus videri potuit. Constat Baiazetem duos quos habebat filios Mustapham & Celebinum in Asiam ductos, secum in castris habuisse, singulari tamen pruden-



tia quum pugnae tempus immineret, paululum eos ab eo periculo summo-  
uisse, ne cum tota prole incertae fortunae aleam subiret. Sed iuuenes ex lu-  
gubri prelio intenta fuga ad mare descendentes, ut in Thraciam ad Bospho-  
rum transirent, Bizantiorum mioparones interceperunt: ea quidem sorte,  
ut Mustaphas à Paleologo Caesare usque ad mortem in carcere sit asserua-  
tus. Celebinus autem struente ei imperium fortuna, aut suo usus astu, aut  
certè (ut credi par est) nautarum Graecorum auaritia adiutus, feliciter est  
elapsus. Hunc Hadrianopolim obliquis itineribus venientem, praefectus  
cum veteranorum manu à Baiazete Thraciae praesidio relictus, militesque  
omnes, tanquam postliminio redditum, laetis pro praesenti fortuna animis  
exceperunt. Iam enim quo euentu ad Stellam montem dimicatum esset ex  
fuga elapsis didicerant. Turcae siquidem qui Scytharum manus effugerant  
cateruatim ad Propontidem, Hellepontumque praecipiti fuga fereban-  
tur. Nam ibi propter Castella ad Abydum & Sestum utrique littori im-  
posita Turcae ditionis, despectis naualibus Graecorum custodijs, tutissi-  
mus erat traiectus. Conuenerant plures veterani ex praesidijs deducti, & ita  
frequentes iam ex Asia redierant, ut Celebinus iusto confirmatus exercitu,  
Graecorum copias tumultuario progressu sibi imminentes facile repelle-  
ret, & veteres fines fortiter tueretur: quanquam enim rex nouus & iuuenis  
ac orbatus patre acerrimo imperatore, & magna parte inuictorum antea  
milium importunè exutus, vigilantis tamen & imperterriti nomen tue-  
batur. Quod si Paleologo terra marique certa praesidia & parandi exer-  
citus expeditae facultates suppetissent, Christianique reges occasionem coe-  
lo propè demissam agnouissent, quam victoria Scytharum aperuerat, pro-  
fectò non in Europa modo, sed in Asia Othomannicum nomen, vndique  
pulsus atque deletum foret. Itaque Celebinus beneficio Tamerlanis & Pa-  
leologi qui patre fratreque sublati, integra atque legitima iura parando  
imperio sibi pepererant, nostrorum ignauia confirmatus, Bulgaros, Tribal-  
los, & Macedonas diu afflixit, usque ad Sigismundi Caesaris aduentum. Is  
enim propter eximiam pietatem generosique animi laudem, Augusti no-  
men meritis valida potius quam felicia arma in Turcas iterum suscepit,  
excitauitque Hungaros & Boemos, ut studio tuendae & propagandae re-  
ligionis aduersus Barbaros, tam pia quam necessaria arma induerent. Agi-  
tabat enim animo, inuictos maiorum suorum spiritus gerens, quo pacto  
cladem ad Nicopolim acceptam vlcisceretur. Nam Celebinus iuuenis fra-  
ctas à Tartaris copias trahens, reputatione Baiazetis acerrimi & antea in-  
uicti ducis omnino contemnendus esse videbatur. Sed eadem fortuna que  
strenuè audentem Sigismundum tredecim ante annos ad Nicopolim elu-  
serat, pari libidine ad Columbatium infesta persequebatur. Id est oppi-  
dum Seruianorum Triballis finitimum, iuxta Samandriam, non longè à  
Danubio positum. Eò paribus animis & viribus instructi Celebinus &  
Sigismundus peruenerant. Christiana acies equitatu impar, sed peditatu  
in media acie constituto superior, iniquissima ratione cum Barbaris con-  
currit. Equestris enim ferme totus hostium exercitus latè cornua extendit,  
adortusque equites Hungaros & Bohemos qui in cornibus erant, cruen-  
ta edita pugna, loco depulit, breuique circumuentum vniuersum pedita-



tum sagittis confixit. Neque enim pedites magna parte corporis inermes sagittarum multitudinem sustinere poterant, quum ordines dissoluerent, & cominus congredi properantes ab hastatis demum, gladijs & clavis ferreis rem gerentibus, undique sternerentur. Sigismundus qui in ea exercitus perturbatione præstantis & strenui ducis, acerrimi que bellatoris officio nullo in loco defuerat, desperata victoria, non minore periculo quam ad Nicopolim insequentium Barbarorum manus effugit. Cæterum Celebinus ab ea victoria quum paucissimis annis imperasset, morbo absumptus, Amurathi filio imperium reliquit, quum Christianis sacris Alexander quintus præesset.

FRANCISCI MANFREDI  
Cremonensis.

*Maeste animo puer, & magna puerilibus annis  
Virtute exuperans, fractisque audentior armis  
Qui medias inter classes, tela inter & hostes  
Effugiens, præda crudelem eludis inani  
Victorem; & patriam subito (mirabile dictu)  
Fortunam immutans, rursus palantia cogis  
Agmina, confirmasque animos, reficisque labantis  
Imperij vires, sceptroque potiris adempto.  
Quin & quantum armis posses, quo turbine telum  
Conjunceres Celebine, & stricto comminus ense  
Hostiles rueres turmas, densasque phalanges  
Teutonicæ norunt gentes, nouere feroces  
Sauromatæ, norunt infracta binominis Istri  
Cornua, Treijcyque duces, & pallida nouit  
Græcia, desertique agri, populatæque rura.  
At tibi purpureæ primæuo flore iuuentæ  
Inuidit fortuna, & ineluctabile fatum:  
Dumque animo maiora agitas, nec sufficit amplum  
Imperium patris, & totum spe concipis orbem  
Stamina disrumpunt Parcæ, victusque superba  
Tandem morte cadis, lucosque inuisis Auerni.*

IOAN.



## Ioan. Aucuthus Britannus.



**I**OANNIS Aucuthi ex vltima Britannia indyti bello ducis, vera effigies, in templo maximo Florentiae colosseae magnitudine spectatur, quum propter insigne meritum à grauiissimo senatu equestris statuæ, & tumuli honorem ad eximiae fidei bellicæque virtutis testimonium honestatus fuisset. Is Anglico sanguine progenitus fuit, ex stirpe Frisiorum Germanorum, qui in Insulam transgressi, pulsos veteribus indigenis, sedes beatiores, & denique regnum & imperium ante mille annos occuparunt. Venit autem in Italiam Aucuthus bello Belgico, æquè apud Gallos hostes, ac suos virtutis nomine clarus, cum Lionetto Clarentiæ regulo, qui Odoardi regis filius à Galeacio secundo Vicecomite in generum ascitus fuerat. Sed his nuptiis incredibili conuiuiorum sumptu atque apparatu ludorum Mediolani celebratis, conceptus est Lionetto morbus ex



mutatione cœli, luxuque epularum, & nouæ nuptæ complexibus, qui non multò post ad Albam Pompeiam initæ affinitati & vitæ finem attulit. Barnabas nouæ nuptæ patruus, qui tum graue bellum in agro Mantuano gerebat, facile à Lionetto impetrauit, vt Aucuthus Britannorum dux atque eius comitatus princeps, in castra auxiliij nomine duceretur. Barnabas enim vir pugnacissimus Anglicæ disciplinæ atque virtutis, periculum facere cupiebat. Pluribus itaque tumultuarijs prælijs Aucutho summa vi summaque prudentia, occasiones parandæ victoriæ feliciter excipiente, & Anglis egregiè sagittis rem gerentibus, eò admirationis Barnabas est adductus, vt probaret gentis disciplinam, & Aucuthi vim ac ingenium magnoperè suspiceret, nec multò post crescente mutuis officijs beniuolentia, Aucuthus in generum ascisceretur. Collocata enim est ei in matrimonium filia, quam ex Porra nobili concubina susceperat. Ea affinitas virtutis nomine parta Aucutho stipendia auxit, & famam Anglicæ virtutis per Italiam extendit, quod bellicosissimus princeps tale de externi viri virtute non temerè iudicium fecisset, proptereaque à principibus liberisque ciuitatibus Aucuthus expeteretur. Nam ea tempestate externis copijs & ducibus apud Italos bella gerebantur. Accidit autem certis offensionibus, vt Angli, qui erant apud Albam mortuo Lionetto relictæ obliquisque eius affinitatis, ab amicitia Galeacij & Barnabæ repente discederent, hostibusque eorum iungerentur. Qua voluntatum commutatione multa Cisalpinae Galliæ oppida, crudeli Anglorum rabie vastata sunt. Exinde Aucuthus copijs & stipendijs auctus, nouas spes, aliamque fortunam sibi quærendam existimauit: Gregorio namque Pontifici operam nauauit, receptisque singulari cum laude togatæ Galliæ vrbibus, quæ defecerant, quinque oppidorum ditionem virtutis ergò promeruit. A Pontifice demum ad Florentinos vberiora stipendia pollicentes, & ab his non multò post ad Pisanos, atque inde rursus ad Florentinos transgressus est; eo crescentis laudis, accumulatiue honoris successu, vt facile nemo Aucutho dux melior putaretur. Longo enim bellorum vsu peritus, graui simul ac expedito ingenio occasiones præsentire, terminare consilia, atque arma celeriter expedire didicerat: idem quum oporteret acerrimus bellator, & cunctator egregius. Idcirco ab eius schola tanquam ab exacto militiæ magistro multi qui postea inclaruere, summi duces prodierunt, quum ea quæ ille prospere gessisset apud hostes & socios pro documentis & disciplinæ præceptis haberentur. In his fuere Albericus Balbianus, Sfortia, Braccius, Carolus Malatesta, Paulus Vrsinus, & qui ab hoc interfectus est, Mostarda. Sed super innumerabiles pugnas feliciter depugnatas incomparabile decus tulit, quum profligatis ad Alexandriam Gallis, signa Florentinorum ad Abdiam vsque promouisset, vt descendentibus Gallis ad Mediolanum iungeretur. Ab aduerso enim Gallorum exitu deiectus consilio, vique adeo constanti imperterritoque animo se recepit, vt nequicquam incumbentibus Iohannis Galeacij victricibus copijs, Ollium, Mincium, Athesim, vado traiceret, disruptisque ab hoste fluminum aggeribus, per continentes paludes incolumis in Patauinum agrum se reciperet, quum duces omnes à nemine præterquam ab Aucutho superari locorum iniquitates, & validissimorum hostium



hostium interdū noctuque acriter incumbentium impetus sustineri posse faterentur. Obijt Florentiæ planè senex, funeratusque est splendidissimè in templo maximo, anno Christianæ salutis M CCC LXX XXIII.

I V L I I Feroldi.

*Aucuthe Anglorum decus, & decus addite genti  
Italica, Italico præsidiumque solo.  
Vt tumuli quondam Florentia, sic simulacri  
Virtutem Iouius donat honore tuam.*

## Albericus Balbianus.



ALBERICVS Balbianus exiguo eius nominis, togatæ Galliæ oppido ortus, inter Italicos duces primum illustris famæ locum obtinuit, Aucutho scientiæ militaris existimatione planè par, sed honoribus & genere copiarum multo superior. Nam magister equitum proprio cognomento appellatus est, qui supremus militiæ honos apud Neapolitanos reges, Comesstabilis nuncupatur. Sub signis autem quatuor millia cataphractorum, & totidem levis armaturæ equitum voluntarij nominis habuisse traditur, quibus externarum gentium vaga arma, ea tempestate per Italiam ad omnem prædandi licentiam circumferentium, frenauit, non vnoque in loco feliciter profligauit, vsque adeo egregiè, vt pristinum Italicæ dignitatis decus, quod corrupta sensim disciplina perierat, insigni cum laude restitueret. Nam fortissimus & generosissimus quisque spe laudis ad eius signa coibat; atque ita effecto ingenti veteranorum equitum agmine, cui diui Georgij nomen & tesseram dederat, cuncta obuia sternebantur. Is tum in eum quem hodie magna ex parte intermissum videmus, armaturæ morem equites instruxerat, adinuenta atque addita cassidi buccula, quæ est ad prospectum subductilis, & transuersam tantum rimam quum deducitur, ad oculorum vsum relinquit: Cui etiam ferreum gutturale quo iugulum munitur adiecit, quod lorikulam à casside dependentem, nequaquam satis gulam tueri aduersus validos mucrones existimaret. Bardis quoque maioribus recocto corio inauratis & pictis, equos vndique vsque ad genua protexit, & capita frontalibus ferreis stylo prominente armauit, quo incitatis equis hostis in congressu feriretur. Sed hodie hæc maxime decora, tutaque Bardarum tegumenta tanquam nihil profutura aduersus sclopëtorum glandes, Italus pariter & Gallus abiecit. Quum per multos annos Ioanni Galeacio Vicecomiti, aut alæ præfectus, aut summus Imperator operam nauasset, ab eo discedens aduersus Ladislaum regem in Apuliam descendit, Ludouici Andegauensis auspicia secutus. Quo bello insidijs circumuentus in potestatem hostium deuenit, qui eum durissimo peruigilio diu torserunt. Sed non multo post liberali beneficio Iohannis Galeacij redemptus est: Nam gratissimus princeps Albe-



rici ductu Bononiensium & Florentinorum copias Barnardone Aquitano acerrimo duce fuso captoque insignem victoriam se adeptum esse meminerat: unde vrbs Bononia interfecto Iohanne Bentiuolo in eius ditio-



nem deuenisset. Verum Iohanne Galeacio repentina morte surrepto, Albericus suo commodo alieni exempli spectator, oblitus datæ fidei acceptique beneficij, in eius liberos ingrato animo arma conuertit, quod cæteri duces nefario scelere singulas occupantes vrbes passim rebellassent; qui demum valescente Philippi filij potentia, varijs intercepti casibus fermè omnes iustas perfidiæ poenas dederunt, quum Albericus nusquam tyrannus, plenus gloria apud paternos lares, ante sexagesimum ætatis annum, renum dolore vexatus, vita excessisset. Hoc vitæ exitu Iohanne germano fratre felicior, quem diu militiæ eximia cum laude versatum, Bononienses ab eo detrimentis affecti securi percusserant. Huius sanguinis apud Infubres insiti Ludouicus Balbianus fuit, qui nuper armorum studio & multis fortibus factis clarus, cum pro Carolo Gæsare Franciscum Sfortiam oppugnaret, ad Alberici progenitoris gloriam aspirabat, nisi inuidia virtutis comes



comes in medio vitæ cursu veneno epulis indito, nihil tale veritum sustulisset. Alberici effigies Ticini in arce ad sinistram porticum picta, habitu triumphum comitantis, conspicitur.

GEORGII Iodoci Bergani.

Oenotria priscam fugant gloriam  
 Rerum, adfluentes copiae  
 Et sola virtus credita est tum bellica  
 Externum habere militem,  
 At Balbianus dedecus turpissimum  
 Non sufferens, & patriæ  
 Virtutis & prudentiæ non immemor  
 Procul fugatis exteris  
 Domesticum per militem vi reddidit  
 Fines quietos Italos.  
 Huius fide atque armis Ladislaus suam  
 Campaniam cum portubus  
 Recepit, & Neapolim pulcherrimam  
 Arcesque regni & oppida.  
 Hic militari hac profuit solertia  
 Arti decusque hoc addidit,  
 Ut quæ bouillo nuper essent tergore  
 Compacta, mox hæc ferrea  
 Gestaret arma miles, atque vulnere  
 Tutum calybs defenderet.  
 Tantum Camillo debuit vix vindici  
 Erepta Roma Barbaris,  
 Quantum tenetur Alberico nobili  
 Duci ferax Oenotria.

## Sfortia & Braccius.

**I** duo heroes, duoque eius ætatis belli fulgura S F O R T I A & B R A C C I V S, ex Alberici contubernio disciplinæque prodierunt, qui ab initio fraterna charitate inter se coniuncti, pari spe, parique industria, & paribus insignium laciniarumque coloribus militantes, usque adeo inclaruere, ut fatali demum ambitione atque superbia ducti, diuersas militiæ sectas de nomine conderent, ac æmulatione gloriæ atque potentiæ ex amicis hostes facti, ex aduerso semper arma tractarent; qua dissensione potius quam simultate opimis stipendijs summisque honoribus clari atque opulenti euadebant; quum sese infami astu promercalique militia principibus Italiæ & liberis ciuitatibus venditarent, bellicaque alere quam finire mallerent; quod vterque de fortuna sua immodice



sperandum putaret, & nihil imperium viuidæ virtuti, generosè & fortiter agentibus arbitrarentur. Erant ætate & genere ferme pares; sed Braccius nobilissimis Perusiæ familijs propinquitate coniunctus, ipso Sfortia



apud Cotignolam togatæ Galliæ oppidum honesta familia orto, originis vetustate nobilior putabatur. In Braccio astuti & efficacis ingenij vis ardens eminebat; in Sfortia autem naturæ simplicitas, nullo fuco, nulloque literarum subsidio subnixa; apertique animi constans, & indomitus vigor laudabantur, in robusto præsertim corpore ad ferendos labores gestandæque arma præualido. Braccius habitu corporis proximus delicato, splendore vitæ rerumque omnium apparatu sumptuoso mirè gaudebat, utpote qui vel cum iniuriâ alienæ pecuniæ appetens & profusus esset. Ex aduerso Sfortia ad delitias rudis & agrestis, frugi disciplina, conuictu subitario & planè militari, contemptuque prorsus omnis luxuriæ lætabatur; utpote qui valida potius quàm decora arma, proceros & peracres generosæ sobolis equos, vir equitandi peritissimus, vera imperatoriæ dignitatis instrumenta esse putaret, nec quicquam ad inanem speciem exquisiti ornatus ostentare



## Braccius.



ostentare consueffet. His diuerfis moribus & pari conatu ad magna imperia atque opulentos principatus, & postremo non dissimili vitæ exitu in sua fata properantes, pari militum studio colebantur; & eo quidem ita pertinaci, vt ad alteram factionem transiuisse maximè turpe & flagitiosum existimarent. Accidit autem eo tempore, quo Alfonso rex & Ioanna regina inter se de imperio & regnandi conditione armis contendebant, vt vtrîque summi duces Sfortia & Braccius ex aduerso copijs præessent, factisque demum inducijs ex veteris amicitiae memoria, ad Saccomanniam Campaniæ syluam coirent, deterfisq; variarum offensionum odijs, per plures horas familiarissimè colloquerentur; exactè & grauiter de militari disciplina, de successibus vtriusque fortunæ, occultisque multorum euentuum causis disputantes; detecta obiter nonnullorum malignitate atque perfidia, vt melioribus consilijs in mutuos vsus viam aperirent. Verum



non multo post eam renouatae amicitiae speciem nouum bellum facile dispulit atque extinxit. Nam Braccio urbem Aquilam acerrime oppugnante atque obsidente, Sfortia Martini Pontificis & Ioannae reginae auspicijs, ingentibus copijs praefectus, delectusque est ad liberandos obsidione Aquilanos, quod nemo ducum aduersus Braccianam vim, eo validior & promptior censeretur. Itaque Sfortia quum ex Apulia profectus, & signis Ortano eductis, copias flumen Aternum traduceret, solus ipse imperator e tanto exercitu subsidentibus equi cruribus limoso in vortice, grauantibus armis absorptus interiit, praesenti gaudio in morte durissima felix, quod dudum Braccianas alas amnis tuentes ripam, & frustra Sfortianos transitu prohibere ausas, edita pugna a Francisco filio profligatas conspexisset. Ferunt Braccium audito tanti hostis casu, nullum laetitiae signum dedisse, quod ab Ariolis accepisset, se quidem Sfortiae superstitem futurum, sed non multo post repentina morte hostis fata secuturum. Nec his vati- bus fides defuit; nam Franciscus paterno imperio praefectorum omnium & militum hortatu suscepto, Aquilam ire pergens Pontificijs copijs se coniunxit, editoque memorabili praelio in subiectis Aquilae campis, Braccius superbo fastu hostium contemptor fusus atque interfectus est, dum supremos indomitae virtutis conatus ederet. Cadaveri exequiarum & sepulchri honos defuit; quum a Pontifice tanquam impius sacris esset interdictus; sic vt tanti nominis duo imperatores pari & fatali quadam sorte sepultura caruerint: nam Sfortia nusquam apparuit, & Braccij cadaver Romam delatum, profano in agro extra portam Nauiam defossus est. Variarum omnis aetatis eorum imagines multis in locis spectantur.

ANTONII Francisci Rainerij.

*Belligeri graue Martis opus dum Sfortia tractat  
Sfortia magnanimum gloria prima ducum,  
Fert & opem rapidis mersso generosus ab undis  
Dum puero, ingentem liquit in amne animam.  
Hec memorant. At vera magis Polyhymnia magni  
Facta ducis famae tradidit, atque obitum.  
Scilicet undosum dum sanguine tingit Aternum  
Hasta atque armifono conspiciendus equo,  
Commotum fluuij numen, voluisse nitentem  
Pollutis illum mergere vorticibus.  
Vt fama & rapti Herois tumefactus honore  
Aeternus tanto funere Aeternus eat.*

I V L I I Feroldi.

*Braccius dux ille fortis atque pugnacissimus,  
Hostium qui saepe fregit arma felicissime  
Atque summum persecutus est sacrorum principem,  
Quippe multis imperauit vi potitus oppidis  
Ac potissimum occupauit ciuitatem Romuli  
Quique regibus, tyrannis, urbibusque liberis*



*Italum fuit pauro maximo, & formidini  
Hac representatur hospes, qua vides imagine.*

LEONARDI Aretini.

*Transui intrepidus per mille pericula victor  
Non acies ferri, non iustis mœnia fossis  
Conatus tenuere meos, domat omnia virtus.*

## Carmagnola.



**F**RANCISCVM Buffonium, cui à Subalpinæ Liguriæ oppido Carmagnolæ cognomen fuit, agrestis villici filium, eumque subulcum fuisse ferunt: verum in puero contumacis ingenij & tetrici oris ea inerat indoles, vt à prætereunte milite, pro armigero puero sit abductus. Exinde varijs insuefactus bellis, vti valde patiens laboris, & ad ardua quæque militiæ munera capessenda promptus & audax, facile turmæ præfectus euasit, illudenteque demum fortuna quum sub Facinio Canè quatuor turmarum ductor aliquandiu fuisset, post illius mortem imperator est effectus, scilicet vt vtriusque humanæ sortis graue exemplum posteris præberet. Creuerat honoribus, gratia, diuitijs, sub Philippo Vicecomite vsque adeo secundis rerum successibus, quum viuidae eius virtuti nihil esset imperuium; vt eum in familiam suam adoptaret, propinquamque nobilissimam sanguinis ei in matrimonium collocaret, eumque ædificantem luculentissimam domum collata pecunia liberaliter adiuuaret; quæ domus etiam nunc reliquas omnes Mediolani laxitate, magnificentia, & sumptu antecellit. Iamque ad summum fortunæ suæ fastigium peruenerat, vt quum ibi consistere non posset, æmulatorum obtrectatione præceps daretur. Philippus enim mutabilis ingenij sui naturam secutus, Carmagnola penè contempto, Guidonem Taurellum nauali de rege Alfonso victoria clarum, attollendum susceperat. Huic mirè studebat, ex aduerso Carmagnolæ insensus Oldradus Lamponianus, Philippo intimus, vtpote qui à prima vsque adolescentiâ summæ gratiæ locum parasset. Non tulit contumelias vir notissimus meritis & nomine suo indignas, Carmagnolamque natale oppidum à Philippo discedens se contulit, vbi piè inuisit patrem exactæ ætatis, & quem iampridem pristinæ fortunæ sordibus eduxerat coemptis prædijs, & multo auro ditauit. Indeque superatis Alpibus per Germaniæ fines ad Venetos profectus est, vt Francisco Sfortiæ adipiscendo principatu iter viamque simul fatis suis aperiret. Nam aliquanto post suscepto apud Venetos militari imperio, eoque fortiter gesto, Veronaque & Brixia Philippo adeptis, in cursu gerendarum rerum oborto liuore Venetos offendit, periniquè, vt credi par est, perfidiosæ cunctationis accusatus, quod profligatam à Philippo Veneram classem: ad Cremonam ter-



reſtri auxilio minimè iuuiſſet, occupandæque eius vrbiſ enatam occaſionem malignè prætermiſſiſſe diceretur. Quas ob reſ ſimulatione conſultandi euocatuſ Venetiaſ, cuſtodix tradituſ eſt. Nec diu poſt quum apud ſu-



picioſoſ, & vbi de Repub. quæritur ſæpiuſ inclementeſ Patricioſ, infeſta ſuffragia valent, de diu torto vel inſonte capitale ſuppliciuſ eſt deſumptuſ; ea fama, vt nonnulli eum indigniſſimè damnatuſ dicerent, quòd auaritia præcipitiq; malignitate maturatuſ ei exitiuſ arbitrantur. Nam ex damnati opibuſ ſupra ducenta millia aureoruſ nummũ ad ſiſcuſ reſdibant. Ego verò de ſummæ æquitatiſ ſenatu nihiſ dubitauerim, niſi apud eoſ non occupatę Cremonæ dolor iuſticiæ neruoſ eliſerit. Auxit autem inuidiam atrociſ inexpectatiq; ſuppliciũ ſpectaculuſ interdiu populo edituſ, cum indignè tantuſ imperator ad Columnaſ rubraſ, vbi noxiũ plecti ſolent, inſerto in oſ ligneo lupato, ne vociferari poſſet, traheretur; multuſ aut inſontis calamitatem, aut æquo ſeueriuſ ingrati Senatuſ decretuſ deſreſtantibuſ; cum egregiè fortiterq; reruſ bello geſtaruſ recenſ memoria ſpectantiuſ animoſ, excituſ ferè lacrymiſ, ad miſericordiã permoueret.

Adam;



*Sedula apis veluti maturis aduolat vuis  
Vt liquido vacuas distendat nectare cellas,  
Ad te sic mea se celeri tulit impete Musa  
Bellica quem ad magnos virtus euexit honores  
Francisce, æternum pietas per secula nomen  
Cui peperit, cuncto procerum cum astante Senatu  
Ac magnis vnà tecum de rebus agente.  
Ad Scabrum haud veritus confestim exire parentum es  
Fortiâque infirmo circumdare brachia collo  
Illicet hoc vnum malit, quàm mille referre  
Gesta tua præclara, & deuicto ex hoste trophæa.  
Magnorum decus Insubrum, dux inclyte, tandem  
Orta licet subito, fractum te attriuerit ingens  
Tempestas, Caurique, importunæque procellæ,  
Ne dubita tua te pietas, tua maxima virtus  
Venturo meritis cumulabit honoribus æuo.*

## Gattamelata.



**ERASMVS** Narniæ natus, cui ab astuta dissimulatione tanquam ad bellicos dolos longè promptissimo **GATTAMELATÆ** cognomen fuit, ignobili patre, vtpote qui Funariam exerceret, genitus fertur. Is è Braccij schola per omnes militiæ gradus nauiter ascendens, clarissimus bello dux euasit. Eum à Braccio vnice adamatum fuisse, pro-uectumque in lucem miro studio ferunt, quum ei nobilitatis insignia, laciniaque suos colores honoris causa concessisset, quibus demum, vel exercitus Veneti creatus imperator semper est vsus; quando tanti ducis insignia promeruisse sibi maximè decorum existimaret. Post mortem Braccij, cui præfectus equitum aderat, quum ad Aquilam profligatus interisset, atque ipse eodem prælio captus, in potestatem hostium venisset, vbi redemptus remissusque est, ad Nicolaum Piccininum se contulit, ad quem post cladem acceptam Bracciani nominis milites vndique coibant, vt factionis nomen eo duce, cui Braccius erat auunculus, tuerentur aduersus Franciscum Sfortiam, qui paterni exercitus & nominis hæres contrarias Braccianæ factioni partes extollebat. Exinde varia vagaque stipendia apud diuersos principes merens, egregiam, sed cauti potius quàm pugna- cis ducis famam adeptus est, quo nomine Venetis mirè commendatus expeditusque est; quibus maximè placebant qui prudentius, quàm auda- cius arma tractarent, quando summi discriminis aleam vitare mora & cun- ctatione pecuniosi homines proficere, properantiumque congregi ho- stium impetu ludificari consueissent. His conciliatus moribus Gattamelata



imperij militaris decus tulit, quum vigilantissimi optimique ducis operam Reipublicæ nauasset. Nec quisquam ducum post Carmagnolam securi percussus, gentilemque Leonissanum sagittæ ictu Brixiano amissum



bello maiore studio, propensioreque voluntate à Venetis obseruatus, & grauioribus testimonijs excultus est. Omnibus siquidem his bellis, quibus varia & diuturna contentione Bergomum, Brixiam, Veronam, & Cre-  
mam Philippo Vicecomiti ademerunt, & in Etruriam vsque auxiliaaria arma promouerunt, multus vbique, & valde conspicuus summa fide felici-  
que prudentia bellum administrauit. Postremo quum iuxta Benacum  
lacum in Brixiano agro Alpibus subiecto niuosæ durissimæ hyemis frigo-  
ra obstinatissimè pertulisset, in Paralysii incidit morbum, quo non plane se-  
nex post multos dies è vita sublatus est. Veneti cum decreto publico, pro-  
pter egregiam fidem cum summa virtute coniunctam, ænea equestri sta-  
tua honestandum censuerunt, curaruntque faciendam ingenio præstantis-  
simi eius ætatis statuarij, cui Donatello Florentino nomen fuit. Hic anti-  
quorum artem decenter æmulatus, absolute pulchritudinis statuam armati  
equitsi



equitis militare tenentis sceptrum, elegantissimè perfecit, quam hodie eruditi artifices admirantur, Patauij collocatam in ea area, quæ Antoniani templi frontem aspicit. Tumulatus est celeberrima funeris pompa in templo quod diximus Antoniano, vbi hoc rudis sæculi carmen marmori inscriptum legitur.

## INCERTI AVTHORIS.

*Dux bello insignis, dux & victricibus armis  
Inclutus, atque animis Gattamelata fui.  
Narnia me genuit media de gente, meoque  
Imperio, Venetum sceptrum superba tuli.  
Munere me digno, & statua decoravit equestri  
Ordo Senatorum, nostraque pura fides.*

## Nicolaus Piccininus.



FORTEBRACCIO RVM familiam honestam potius, quàm antiquam Perusiæ floruisse constat, quam Nicolaus qui ab exigua humilique statura Piccinini cognomentum ferebat, è sorore Braccij inclyti ducis genitus clarissimam fecit. Nam ex eadem domo bellica laude insignes aliqui, & ex his præcipuè Fortebraccius, cui Stellæ cognomen erat, prodierunt. Hunc multi Braccio & Piccinino propè parem euasurum credidere, nisi in Vmbria à Sfortianis Bracciano nomini infensis, tumultuario prælio victus, acceptoque per oculum mucrone interfectus fuisset. Is Romani Pontificis perpetuus hostis, propter nefariam audaciam execrante Pontifice aquæ & igni interdictus, sicuti Braccio acciderat, sepultura caruit. Mors eius permagnum dolorem Piccinino propinquo suo attulit, de quo hæc ad illustrandam eius imaginem dicenda videntur. Nemo siquidem ea tempestate Piccinino prosperis pariter ac aduersis clarior fuit, utpote qui tanta nominis fama frueretur, ut eum plerique quas pararet victorias, vera ipsius virtute adipisci: quum verò hosti confertis prælijs succumberet, nequaquam imperitia aut ignauia, sed malignitate fortunæ extortam ei è manibus victoriam fuisse prædicaretur; quod nunquam vel in externis difficultatibus animum dimitteret; nec vsquam amissa ratione etiam in subitis ac inopinatis casibus frangeretur: quandoquidem integra semper spe insultanti victori hosti fortiter repugnare, postremusque omnium præliando, nec terga vsquam obuertens, sese explicare, atque recipere consueffet. Erat enim natura ingenio præditus apprime pugnaci & feruido, mirabiliterque solerti ad præcauendos hostium dolos, tendendasque insidias: sed qui in omni rerum vsu iustitia, moderatione atque prudentia à Francisco Sfortia æmulo (vti multis apparuit prælijs & bellis) liquido superaretur. Piccinino namque viro peracri, concitatoque bellatori, & aspera quæque tentare auso, fortuna sæpius illudebat, uti tum accidit, quum Brac-



cuius vrbe Roma potitus Sfortiæ armis pelleretur, nouissimo præfesset agmini, nec se (vti præceperat Braccius) celeriter ad conficiendum iter explicaret, pugnaeque audus passim obuerteretur à persequentibus Sfortianis at-



que Romanis, quorum pecus abigebat, ad aquæductum fusus captusque est. Aquilano autem prælio calamitatem aduersi casus cædemque Braccii & Piccinini intemperantiam multi referebant, quod custodiæ stationem, in qua aduersus obsessorum eruptiones ab auunculo imperatore fuerat constitutus, auiditate conferendæ pugnae deseruisset. Brixiano quoque bello ad Tennam oppidum supra Benacum vsque adeo audacter temereque in confragosa montium loca sese intulit, vt à copijs suis intercluderetur, necesseque ei foret baiuli Theutonici validi procerique humeris exportari, vt per media hostium castra simulatione vulnerati gregarij militis ad suos referretur, tam insano quam necessario, sed felici admodum periculo, quum Philippi principis imperium totiusque exercitus salus Barbari agasonis fidei commissa videretur. In ea quoque pugna quæ ad Binam antiquitus Bibriacum commissa est, vsque adeo feruide ac insolenter imperatorij muneris



neris oblitus hostibus se immiscuit, ut quum pro calside aperta tegetetur galea, in occipitio graue vulnus acciperet, quo affectis neruorum initijs sinistro crure perpetuo claudicaret. Ceterum perpetua exercenti arma, & Philippo, Venetis & Florentinis, Pontificique Eugenio uti diuersa tempora tulerunt, integra fide summaque virtute operam nauanti, insignis ei, & propè singularis gloria obuenerit, vna præsertim Luca vrbe, aduersus oppugnantium Florentinorum vim fortissime defensa conseruataque. Cuius beneficij equestris statuæ monumentum ei decreuerunt, cuius quod ex ære poni non potuit, simulacrum hodie etiam incolumi pictura in foro spectatur. Postremo quum iam senex diuturnoque nunquam intermissæ militiæ labore confectus, Picenoque in agro apud Laureum montem à Francisco Sfortia profligatus, ex inducijs ad Philippum accersentem peruenisset, in Paralisis morbum incidit, maturanteque eius mortem acerbissimo animi dolore excessit è vita septuagenario proximus. Nam per eos fortè dies nunciatum ei fuerat, Franciscum eius filium in Piceno ad Vlmeum montem à Francisco Sfortia, deletis eius copijs captum fuisse. Philippus qui eum insigni virtutis merito fideique nomine mirificè amabat, omni funeris honore prosecutus est, sic ut in templo maximo tumularetur. Sed eius viri memorabilis, cuncta insignia monumentaque Franciscus Sfortia victor & imperij compos, postea deleuit; non boni quidem mortui, sed filiorum eius odio, quando illum semper probum fidelemque amicum extra belli controuersiam fuisset expertus: ij verò Franciscus & Iacobus in ipsum capitalis odij inimicitias perfidiosæ simulationis semper exercuissent. Tantum enim poterat lior ex contrariæ factionis æmulatione conceptus, ut non prius Iacobus, vel ascitus gener, odium ponere desierit, quam ab Aragonio Ferdinando rege simulatione redintegratæ amicitiae Neapolim accersitus, & in carcere ab Æthiope seruo securi mactatus fuerit, vir profecto virtute bellica Piccinino patri par, spirituque Braccio æquandus, nisi iam ingenti ferocia successuque rerum, cunctis propè formidandus, turbandæque pacis semper author, in perniciem suam consumptis omnibus amicitijs, immitia fata prouocasset.

## P A V L I I O V I I Iunioris.

*Hæc tibi mansuras æterna in secula laudes,  
Hæc spolia, & victo celebres ex hoste triumphos,  
Robur, & astutæ præstanti in corpore vires,  
Et populis defensæ vrbes: tuâque inclyta virtus  
Sanguineo peperere solo, fortissime ductor  
Ausonidum; quisquam an tanto tibi certet honore  
Armorum, ac titulis clari Mauortis, & almæ  
Militiæ? Nōne hos oculos atque ora ferebas?  
Nōne sub hoc quondam gladio cecidere volantes  
Turma equitum, peditumque simul, pulsique tremore  
Oenotrij obstupere duces, atque Itala signa?  
At nos exigui miramur corporis artus*



*Sufficere hoc oneri, & tantos perferre labores?  
 Scimus, & Ismenias bello fregisse cohortes  
 Sæpius in paruis victorem Tydea membris.  
 Ipsa equidem, longè terris Atlante relicto  
 Caucasæisq; iugis, & cincto nubibus Ossa,  
 Laurigerum redimita caput, petit ardua cæli,  
 Inde alacris sese tollit super æthera virtus.*

FINIS SECVNDI  
 LIBRI

PAVLI IOVII EPI-  
 SCOPI NVCKERINI PRAEFATIO IN  
 TERTIVM LIBRVM ELOGIORVM  
 SVORVM AD COSMVM MEDICVM  
 FLOREN DVCEM



*MAGINES insignium Heroum, quæ subscriptis Elogijs  
 admirabilem numerosi populi speciem in Musæo spectantibus red-  
 dunt; magnanime COSME, eo à nobis ordine collocatæ sunt,  
 vt qui primi cesserunt è vita, nullo dignitatis seruato discrimine,  
 reliquos antecendant; scilicet vt quos properantis fati cæca libido  
 æquales fecit, varia demum, atq; inclita virtus ad animi delecta-  
 tionem, cum ipsarum actionum, tum formarum, & vultuum io-  
 cundissima diuersitate discriminet. Quo fit, vt hic tertius liber  
 parinuncupatione nomini tuo dicatus, non aliunde, & iure quidem optimo, initium suum  
 expostulet, quàm ab ipso nomine magni COSMI progenitoris tui; cuius illustris fama (vti  
 reor) nullo æuo consenescet. Quanquam idem in te repetitum nomen diffusiore augustiorè-  
 que prorsus lumine corruscum, id totum superius familiæ vestræ iubar plurimum offuscet  
 facileque præstringat. Hoc siquidem, si rectè proloqui diuinareque licet, radioso lumine  
 viam tibi sternis in cælum, quum virtute animi, vitæ innocentia, æquitatèque im-  
 perij cunctos huius sæculi principes fortuna pares aut superiores,  
 merita consensu omnium gloria plenus antecedas.*



## ELOGIORVM

## LIBER III.

## Cosmus Medices.



**H**OC vultu inter sæueritatem atque lætitiã egregiè temperato COSMVS Medices ingentem, qua maximè valuit exactæ prudentiæ vim præferebat, quum Florentiam patriam ab se regio sumptu admirandis ædificiorum lectissimarumque artium monumentis decoratam multò florentiorem fecit. Is à lustrico statim die Christiani baptismatis id Græcum nomen diuinante patre tulisse videri potest, quod ciuium omnium absoluta virtute ornatissimus esset euasurus. Quippe qui postea illustri apud omnes sapientiæ opinione, non in patria modo, sed in omni



Italia cuncta propè belli & pacis consilia togatus & inermis felicissimè rexerit, idque vnum semper, quod securæ atque optimæ pacis intererat, contenderit, vt Italiæ principes exæquata potentia suis contenti finibus pacem tuerentur, & ciuitas optimè constituta Republica aduersus intestinas discordias quibus antea plurimum laborasset, permunita, atque opulento ocio tranquilla redderetur. hac in re Ioannis patris moderata consilia grauiter æmulatus. Is enim inter ciues idem clarissimus ac opulentissimus facto concedens, exquisita totius ciuiliſ disciplinæ præcepta reliquerat, quibus filij virtus enitescere posset. Sed Cosmum ingenti prouectum cursu, & collecta gratia paternæ authoritatis nomen superantem, atrocis inuidiæ inuasit morbus excelsæ virtuti fato quodam comes datus. Nam præpotentes patritij liuore inducti, in caput eius conspirarunt, vsque adeo infestis corrupti Senatus suffragijs, vt tanquam affectati in libera ciuitate principatus reus, qui neminem offenderat, & studiosè multos suis opibus ab egestate subleuarat, citatus in curiam custodiæ traderetur: eo euentu, vt ab inusitata inimicorum acerbitate, qui tum erant in Magistratu, crudelissimum senatus decretum, atque ipsum carnificem expectaret; venenique insidias veritus, ab omni ferè cibo totum quadriduum abstineret. Hoc decuriones sibi maximè inuidiosum fore censentes, si ciuis clarissimus paucorum tantum suspitione reus factus, nec adhuc publico iudicio damnatus interiret, per Federicum Malauoltam, quem carceris custodiæ præfecerant, Cosmum crebro singultu, plenisque lachrymis innocentiam suam superis commendantem, cohortati sunt, vt de veneno quicquam suspicari desinere, bonaque spe confirmare animum vellet, postquam & in curia & in vrbe amicissimi ciues, quibus eius salus cordi foret, non deessent. Post eam quoque consolationem Federicus, vt totam veneni suspitionem auerteret cum Cosmo cœnauit delibatis singulis dapibus, accersuitque intro ad detergendam inestitiam multarum facetiarum urbanæque dicacitatis hominem non insulsum cognomento Farganacciam, qui Bernardo Guadanio Vexillifero erat familiaris. Cum hoc vt Cosmus secreto colloqui posset, Federicus dissimulanter spatium præbuit, facileque à scurra impetratum est, vt pretio accepto, oneratusque promissis, eum Vexillifero commendaret. Dedit enim ei tesseram Cosmus, vt pecuniam à diuæ Mariæ nouæ Xenodochij præfecto præsentem acciperet; atque ita acutus scurra ad salutem summi viri propitius, pecuniam cubitum eunti Vexillifero postridie detulit; milleque aureis & centenis ea occulta largitio stetit, qua Cosmus haud dubiè seruatus est. Nam Guadanus maiorum præmiorum spe allectus, reuocatusque ab atrocitate ad lenitatem, non multo post ita moderatus est suffragia, vt inimicorum Cosmi caput eius deposcentium vota, relegationis ac exilij decreto eluderet: & quo enixius studium certiolemque operam præstaret, Cosmum curia atque vrbe eduxit. Nam vbi è turriculæ carcere productus est, Decurionibus impetratæ salutis gratias egerat, & se Reipublicæ causa exilium æquo obtemperantique animo laturum, fuerat testatus, tanta eius ordinis ad gratiam proclinatione, vt exeunti curia stipatores ex prætoria cohorte darentur, qui eum aduersus inimicorum gladios protegerent, inuiolatumque deducerent. Quo miticris decreti euentu



tu valde consternati perturbatique aduersæ factionis principes, qui eum præcipiti damnatione, maturatoque supplicio tolli, quàm exilio multari malebant, correptis armis forum compleuerunt, turbulentissimeque excitato ad armatum concilium populo, deponendos præsentēs Magistratus, nouosque his subrogandos esse postularunt. Cæterum Cosmus ita excessit patria, exulatumque Venetias abiit, vt in ciuitate optimo & beneficentissimo ciue orbata magnum sui desiderium relinqueret: Venetijs verò ab omnibus Patritiorum ordinibus non tanquam exul, sed præclarus de ingrata deprauataque patria triumphator exciperetur. Exinde Venetijs, & in Senatu, & in corona, domique sæpius auditus, quum de rebus publicis grauissimè differeret, summæ virtutis atque prudentiæ præconium tulit. Nec totum in exilio transegit annum; satagentibus namque in eius reditum veteribus amicis, creatus est Vexilifer Nicolaus Coccus, & cum eo Octouiri supremæ potestatis decuriones, à quibus de reducendo Cosmo in Senatu studiosè relatum est, secundissimisque ferè omnium suffragijs decretum emanauit, quo exhilarata ciuitas redeuntem summis gratulationibus excepit; tanto quidem plebis & populi studio, vt non secus ac olim Cicero reuocante Senatu Romano, Cosmus à Florentia libera Pater patriæ sit appellatus. Nec multo post capitalis iniuriæ memor, creatis è factione summa solertia Magistratibus, offensiones quas ore, sermoneque dissimularat, ita ad animum reuocauit, vt non eas vlisci, sed in posterum ab insidijs acerbissimorum hominum salutem & dignitatem suam vindicare velle videretur. Itaque aduersarum partium principes perturbatæ armis Reipublicæ, excitatique tumultus accusatos, nec comparentes, in exilium egit. Ante alios Rainaldum Albicium, Rodulphum Perutium, Nicolaum Barbadoram & Pallantem Strozam, qui ciuium potentissimi atque inquietissimi censebantur. Exinde ciuitas ingenio Cosmi turbulentis ciuibus eiectionis, domi & foris feliciore seculi incrementa sensit. Tanta namque erat morum temperie facilitateque naturæ, vt non eloquio, non cultu, non ipso denique conuictu & comitatu fastum vllum ostenderet; modestia tantum, humanitate & studio honestæ virtutis supra cæteros eniteretur: singulari tamen quæ sibi & patriæ vrbis ornamento esset, magnitudine atque elegantia ædificiorum, perpetuaque benignitate hospitalis domus cunctos superare contenderet, quum natura frugis, priuata in mensa nihil ad exuperantem copiam, sed ad nitorem cuncta, ciuilemque Etruscæ disciplinæ temperantiam, alioqui liberalis, & maximè sumptuosus in hospites dignitate doctrinæ claros reuocaret. Erat enim sicuti maximè pius in egenos, officiosus in afflictos, & longè omnium omnis virtutis largissimus æstimator, qua vna re superabat ciues, æquabat reges, & sibi certum iter ad perennem laudis famam sternebat. Nunquam eum institutæ liberalitatis poenituit. Nullus vnquam ædificandi sumptus eum deterruit. Nullus vnquam vel aduersus fortunis eius casus, popularis beneficentiæ consuetudinem interrupit. Quarum rerum admiratione ducti nonnulli ciues, vt incomparabiles magnificentiæ laudes verbis eleuarent, sæpe dictitabant, tantam vim inexhaustæ pecuniæ, nequaquam ex argentariorum negociatione, quæ in omnibus Europæ emporijs à Cosmi institoribus exerceretur, sed ex Bal-



thassarîs Cossæ thesauris prouenisse, quos uti vir eximie probus & pius condendis templis atque Cœnobijs profudisset, ut delegantis mortui amici secreta vota impleret, & fidem suam sine piaculo tueretur. Constat ex aduersarijs rationum codicibus, quos ipsi vidimus, Cosmum supra quadraginta myriades aureorum nummum, in priuata & publica ædificia contulisse. Piæ verò aut occulte largitionis sumptum myriadum decem summam excessisse. Verum eam suspicionem facile apud rerum peritos auertebant paternæ opes, quæ signata pecunia, & quæstuosissima mensariorum negociatione immensæ propè constiterant, quum nullum vnquam alienæ decoctionis, aut suæ conturbationis detrimentum per multos annos accepisset. Prædiorum verò redditus astrictaque priuati sumptus frugalitas quotidianam modicæ familiæ impensam facile superarent. Duxit uxorem nomine Contessinam è Bardorum antiquissima gente, quæ Aluerniæ oppido iuxta Pratum dominatur. Ex ea Ioannem qui fato iuuenis est ereptus, & Petrum suscepit, ex quo nepotes vidit Laurentium & Iulianum, qui postea admirabili sorte geminos Pontifices Leonem & Clementem genuerunt. Sic ut Cosmus excessisse è vita beatus existimari possit, quam Petrum distortis articulari morbo totis artubus miserabiliter affectum, sed virili ingenio planè fortem, ad Reipublicæ gubernacula relinqueret. Concessit fato Cosmus septuaginta amplius natus annos, tumulatusque est Laurentiano in templo ab se condito, ut tota sacra æde instar amplissimi sepulchri vir incomparabilis & ciuium maximus, nequaquam angusto loculo tegeretur, cum hoc breui titulo, sed longè omnium qui inscribi possint honestissimo:

COSMVS MEDICES HIC SITVS EST DECRETO  
PVBLCO PATER PATRIÆ.

PAVLI IOVII Iunioris.

*Quid de Sidonio bis tinctam murice vestem?  
Quidue manus similem doctas formare figuram?  
Artificisque decus tantum admiramur, & artem?  
Suspice grandæui cælestes oris honores,  
Effigiem quicumque vides, & fixus in illis  
Tranquillum Heroa, & mixta gravitate verendum  
Sume oculis, dulci que nota pia lumina vultu.  
Non hic insigni gladio per tela, per hostes  
Egit equum, aut largo fœdauit sanguine dextram.  
Non illi Mars durus erat, nec classica cordi,  
Verùm consilij fecundum pectus, & alto  
Ingenio virtus: qua toto cognitus orbe  
Ipse sui columenque fori, sanctique senatus  
Etruscum decus & nomen super æthera vexit.  
Sed qui honor? aut ulli laus maior contigit vnquam?  
Ingrata quàm de patria duxisse triumphum  
Hadriacis exul veniens reuocatus ab oris?*



*Quæ poterant potiora peti? quàm qui modò se uam,  
 Mortem expectabat, diràmque in colla securim,  
 Audiret populi tollentem ad sidera vocem,  
 Expectate veni PATRIÆ PATER inclyte nostræ.*

## Alfonfus Neapolitan. rex.

**I**N hoc Alfonso Neapolis Rege, qui primus Hispanici sanguinis stirpem, ut in ea diu regnaret, Italiae inseruit, nulla ciuilis bellicaeque virtutis, aut literarum ornamenta defuerunt. Erat enim ore militari & toto corporis habitu inter armatos valde formosus atque conspicuus, & uti nunquam expers urbane moris ab erudita facundia, inter togatos admirabilis. Quibus aridentis naturae excultique ingenij dotibus cumulate instructus, ad magnum imperium, nouumque regnum vel spes eius recte conceptas fallente saepe fortuna, vehementissime contendebat; postquam ipsum naturae ius ad Ioannem fratrem maiorem natu, paterni Tarraconensis imperij haereditatem detulisset. Eius autem votis, uti semper bono ingenio ad illustre decus reuocatis, tum primum fortuna benignè sese aperuit, quum is in Corsicam aduersus Genuenses, ad oppugnandam urbem Bonifacium ab Hispania traiecisset. Sub id namque belli tempus Ioanna, quae Neapolitano in regno post Ladislaum fratrem praecipiti fato ereptum successerat, Andegauensium Gallorum armis pulsabatur, querendaque ei erant ad tutelam imperij externa praesidia; postquam Romani Pontifices contra se pro Gallis stare putarentur. Itaque fortissimo aequè ac nobilissimo defensore sibi opus esse rata, accersiu it Alfonso Corsicanis rebus diu haerentem, & cum valida classe susceptum confestim adoptauit in filium, communicatoque Regij diadematis honore imperij consortem fecit. Caeterum post aliquantum tempus Regina, uti parum pudica, & ob id saepe inconstans & leuis, perditaeque amatoribus semper obnoxia, enatis inde peracerbis offensionibus, causas quaesiu it, quibus adoptionis pacta rescinderet, Alfonsoque ingratum appellaret, quod eius probra iniquiore animo pateretur; usque adeo alienato infestoque animo, ut Regina mater Alfonso filium declararet hostem, atque in eum arma conuerteret. Itaque Alfonso insolens contumeliae, nihil abdicata spe regni, cepto ductoque per varios successus bello, eum militiae fructum cepit, ut maximè peritus Italicarum artium, inter inclytos eius ætatis imperatores praestantissimus euaderet, & saepe victor & quandoque victus ab indomita virtute se ipso maior semper & clarior haberetur. Caeterum quum fortuna multos atque mirabiles in eo rege iactando ludos edidisset, ad extremum pudore victa, eum promeriti regni compotem fecit. Extrema namque obrutum clade, captumque nauali praelio ad Pontias insulas, ita benignè complexa est, ut ex ea calamitate properè ereptum, non modò liberum, sed inexpectato etiam munere amplissimum Regem ex captiuo redderet. Siquidem per-



ductus Mediolanum tantum abfuit, vt in triumphum ad inanem pompam duceretur, vt Philippus Vicecomes, vti generosum victorem decebat, cum ingenti clementiae gloria eum summo cum honore suscepit, in ami-



citiaeque foedus receptum, & liberalissimè instructum pecunia, validisque auctum copijs, ad repetendum Apuliae Regnum ab se dimiserit. Eo namque tempore Renatum Andegauensium partium ducem, ipsumque provinciae Narbonensis regem, Ioanna nouo adoptionis iure ad Alfonsi contumeliam in regnum euocarat. Verum renouati belli is exitus fuit, vt Alfonsus vrbe Neapoli per aquaeductum capta, Renatum amissis copijs in arcem compulsum regno expelleret, & consensu procerum, quod Ioanna suo fato concessisset, speciosissimum ducens triumphum, rex appellaretur: secundoque demum bello Senensibus in ditionem acceptis, & attritis Florentinorum opibus, ad Etruscum imperium aspiraret. Vir enim animo ingens, subnixus virtute, nondum fortunae suae terminos statuerat, multoque aggere sua aptè munienda rebatur, vt maximè diuturna parti imperij fundamenta iacerentur. Vigebat in hoc rege perpetuum ac illustre studium



dium parandæ laudis, quod perenni in omnes beneficentia, totiusque aula splendore incomparabili conſequebatur. Nam Federicum Cæſarem ex Luſitana vxore propinquum ſuum, ideoque Neapoli nuptias celebrantem, tanta rerum omnium liberalitate ſibi deuinxit, vt Germanorum comitatus omnis, qui Cæſari ampliſſimus aderat, veſte ſerica, aureis torquibus, equis conſpicuis, elaborato argento, ſignataque aurea moneta donaretur, & nunquam ſatis celebrata benignitate magnificentiſſimi Regis in Germaniam rediret. Itaque Alſonſus opulentiſſimum regnum egregia virtute partum, cunctis his artibus, quæ victori atque optimo regi verum decus adſtruerent, Neapolitanorumque procerum animos conciliarent, ſapientiſſimè confirmabat; tanta prudentia, vt noui imperij opes, exquiſitis ſemper amicitijs, certiſque ſœderibus apud principes ſtabiliret. Ante omnia vrbs muros vetuſtate collabentes reſtituit, additis ad portas lapideis turribus, & portum amplificata mole capaciorem, ſecurioremque reddiderat, quum in conſtruenda noua arce, quæ portui immineret, inuſitatae admirabilisque ſtructuræ laudem quaſiuiſſet. In tota porro vita, quæ ei continuatis ſerè bellis laborioſiſſima ſemper fuit, nullam ſe vel maiorem vel iocundiorem voluptatem capere prædicabat, quàm ex cœtu virorum inſignium, qui cæteris vna præcipuè eruditionis commendatione præcellerent. Cum his ſiquidem honeſtiſſimos ſermones, adminiſtrandoque regno vtiliſſimos ex hiſtorijs aſiduè ſerebat. Apud eum namque omnis doctrinæ percupidum illa tempeſtate florentiſſima ingenia ſpectabantur, inter quos erant Laurentius Valla, Bartholomæus Facius, Antonius Panhormita, & qui bellorum eius hiſtoriam non illepidè perſcripſit, Bracelliſ Ligur. Ab his namque ſcribendorum annalium diligentem operam exigebat, qui ingenij grauitate vſuque rerum præditi viderentur. In hos etiam vſus, condita ſumptuoſiſſimæ ſupellectilis Bibliotheca, Græcis authoribus in Latinum verſis, rem literariam, quæ erat intermortua, ſuſcitare ab inferis, enixèque locupletare contendebat; vtpote qui Caſtrenſibus vigilijs ſummum decus bello adeptus, in ocio demum, & per interualla incertæ pacis vberrimam ex literis laudem lætando atque audiendo ſemper appeteret. In celibatu ſingularem, eamque paucis incompertam liberi tranquillique animi felicitatem repoſuit, ſic vt eum nunquam poenituerit connubia reieciſſe, quum filium Ferdinandum regiæ indolis ex nobili concubina in ſpem regni ſuſcepſſet, quem ſatis legitimum regem fore prædicabat, ſi pertinaci virtute fortunam, quæ non ſemper cuncta daret & eriperet, conciliandam arbitraretur. Fato conceſſit non planè ſenex, concepta febre ab aſidujs falconum aucupijs apud Nolanos campos, Sarnenſium paludum inſalubri auræ ſubiectos, quum regnaſſet annos vigintiduos, triennio poſt quàm Mahometes Othomannus Bizantium expugnaret.

## F A B I I Beneuolenti Senenſis.

*Poma quot autumnus, quot verno tempore flores  
Terra ferat gremio narret; quot littus arenas,*



Spargat, & immenso discurrant aequore pisces,  
 Qui cupit Alphonsi meritas percurrere laudes.  
 Hic & inaccessas Lybia penetrauit ad oras,  
 Lethophagum gentem domuit, retulitque superbum  
 Urbibus euersis, & victo rege triumphum.  
 Sensit & ipse ferox Gallus quid dextera posset  
 Illius, Ausonia iussus decedere terra.  
 Hic quanquam bello clarissimus extitit Heros,  
 Non minus excoluit Phœbum, Musasque sorores.  
 Ergo iam duplici præcingi tempora fronde  
 Qui meruit, clari diuino carmine vates  
 Pieridumque Chorus, meritis celebrate choreis,  
 Atque recurrentes laudetis semper in annos.

## Franciscus Sfortia.



HIC est ille incomparabilis fortunæ atque virtutis Heros  
 Franciscus Sfortia, qui abdicato Attendulæ familiæ no-  
 mine, paterni cognominis titulum gentilitium fecit, supra  
 id etiam cuncta disciplinæ militaris munera fortiter atque  
 feliciter æmulatus. Is post patris interitum effectus impe-  
 rator, diu vaga & mercennaria arma vario euentu circum-  
 tulit, ægrè aliquando supra aduersæ fortunæ difficultates ita eluctatus, vt  
 viuido spiritu sese ad ingentem famam omnibus bellis efferret, & deuicta  
 passim fortuna, proculcatæque inuidia, & perdomitis Braccianarum par-  
 tium reliquijs, aut certè bello gestarum rerum felicitate superatis, inusitata  
 virtus eum opulentissimi imperij compotem fecerit. A Philippo siquidem  
 Mediolanensium principe ascitus gener, eius imperij euasit hæres; sed qui  
 nonnunquam spretus & ex usu belli rursus expetitus, exiguam spem obti-  
 nendi eius principatus aliquando retineret: & inimica demum Veneto-  
 rum arma ægrè reprimeret. Egit principem annos sexdecim, tanta imperij  
 æquitate, moderatione, clementia, popularique humanitate, vt qui armorum  
 fulgore hostibus terribilis erat, & inuictus aduersus omnem vitiorum intem-  
 periem, publico iudicio eius seculi principem longe optimus censeretur. In  
 hunc siquidem hominem præter inuictum corporis atque animi robur,  
 summa etiam dona, quæ tribui poterant, natura contulerat, personæ scili-  
 cet dignitatem eximiam, os probum, & in omni congressu aspectum sine  
 superbia suis pariter atque hostibus venerabilem, sic vt cuncti in eo sæpius  
 concionante facundiam absoluto oratore parem admirarentur, eoque ple-  
 nius quod nullas attigisset literas; & nihilo secius in omni ciuili militari-  
 que negotio, efficacis prudentiæ, diuiniq; iudicij vim expeditam & incre-  
 dibilem afferret. Sed literarum decus quum sese eius expertem ingenuo pu-  
 dore sæpe dolens liberalissimè tuebatur. Iustæ siquidem & veræ laudis, quæ  
 viuenti ornamento esset, & transiret ad posteros, erat audivissimus. A Ioanne  
 Simoneta



Simoneta namq; insigni historico, & à Philelpho poeta per celebri res suas bello paceque gestas perscribi celebrarique iubebat, sicuti etiam patris vitam Leodorix Cribellus eius iussu antea perscripserat. Obijt senex intercu-



te morbo sublatus, absoluta iam Mediolani arce, quæ ad imperij munimentum incomparabilis structuræ existimatur; quum numerosam prolem ad cumulum felicitatis reliquisse videri posset, si liberi, nepotesque paternæ & auitæ virtutis, quàm nominis æmuli esse maluissent; quanquam ea fuerit sequentis seculi iniquitas, in quam fato quodam inciderunt, ut eam vel robustissima cuiusque magni principis virtus, neque ferre, neque superare potuisse videri queat. Fuere qui ei inexorabilis odij notam inurerent, quod persequendæ Braccianæ factionis nunquam oblitus, Iacobum Piccinini filium summæ spei ducem, sub quo Bracciana arma reflorescere posse viderentur, nequaquam sincera fide in generum asciverit; scilicet ut eo vinculo pignoreque deceptum, ad teterrimam necem Ferdinando Neapolitano regi proderet. Ab eo enim rege contra fidem, refricata veterum offensionum memoria, vir impiger in carcere per Æthiopem servum averfa-



securi mactatus est, singulari quidem cum infamia tantorum principum, qui vindictæ libidinem sacrosanctæ fidei & hospitalis mensæ religioni prætulissent.

P B T R I Angelij Bargæi.

*Si quisquam Eridani ad ripas, camposque iacentes  
 Insu-  
 Irrigat, excultæ fœcundans vbera terræ,  
 Venerit, & magnæ molem suspexerit arcis  
 Quæ sese latè ostentans septemplice muro  
 Aequatur cælo, & vastæ latus obsidet vrbis:  
 Nec rerum, ne tanta operum monumenta tuorum  
 (Quamquam illa æternum multum celebranda per orbem)  
 Supremo admirans dignetur munere laudum:  
 Sed tibi facunda tribuat præconia lingua  
 Tum demum insigni cum te pietate paternum  
 Illustrasse decus, clarumque in secula nomen  
 Nouerit, vnde tui cognomina tanta Nepotes  
 Regibus eximijs nunquam aspernanda sequantur.  
 Et meritò, nam quis maius maiore parauit  
 Virtute imperium? nam quis melioribus vnquam  
 Auspicijs, almæ percussit fœdera pacis?  
 Quis demum optatam felicior vsque senectam  
 Attigit? & vitæ cepit meliora beatæ  
 Præmia? nunquam hostes tete videre pauentem  
 Cedere perculsum turpi formidine pectus.  
 Nunquam illi audaci tua castra laceßere ferro  
 Aggressi, euentus belli sensere secundos.  
 Martia quin seuam fugerunt agmina dextram,  
 Confertas quoties placuit concurrere vires,  
 Consilijs quoties voluisti ostendere quantum  
 Cederet inferior fortuna ingrata labori.  
 Sed quid ego hæc? lætis cum iam non vlla trophæis  
 Ora tuis careat multo sudore paratis,  
 Cum iam nulla sacros tellus oblita triumphos  
 Præferas insignes titulos, quos nescia vinci  
 Obtulit exuperans non vna pericula virtus.  
 Salue igitur ô fama ingens, ingentior armis,  
 Magnanimum quondam heroum certissimus auctor  
 Sfortia; deuicti cuius virtute potentes  
 Aspexere suo manantes sanguine riuos,  
 Cuius & egregias laudes, præclaræque facta,  
 Testati misera gnatorum in morte parentes  
 Aequarunt cæli tandem fulgentibus astris.*

Amura.



## Amurathes II. Turcar. Imp.



MURATHES eius nominis secundus Turcarum princeps imperium Mahometis Celebini patris insigni de Sigismundo Cæsare victoria confirmatum excipiens, nihil antiquius habuit, quàm fines proferre, lateque finitimos Christianorum regulos vrgendo armis summouere, penitusque delere: & vt id certius atque validius efficeret, primus Othomannorum phalangem peditum instituit, quam disciplina ab antiquis Macedonia regibus repetita incumbenti hostium equitatu in prælijs opponeret, & per eam audentius oppidorum oppugnationes aggredieretur: multo namque vsu compererat, equites in eo obeundo tali munere parum idoneos, hostiumque item Mysorum Triballorumque & Illiriorum equites armorum genere atque animorum constantia Asiaticis & Thracibus sæpius superiores euadere didicerat. Fuere ab initio in ea phalange non plus



quàm octo milia delectæ iuuentutis, sed eam postea successores duplicatis ferè supplementis, adeo auxerunt, vt animaduersa vi atque industria perditum, sæpe ex ea parte virium incomparabiles victorias de hostibus retulerint, quòd inueterati multis stipendijs milites, & in vnum densati corpus insuperabile robur ostenderent. Hoc militum genus parentibus Christianis ereptum ex delectibus cogebatur, imbuebaturque his sacrorum legibus & belli artibus, quibus Turcæ ab ipsa statim pueritia erudiri mos est. Ianizaros Amurathes, hoc est nouæ gentis milites appellabat, educatosque in aula prætoriæ cohortis perpetuos corporis sui custodes & stipatores effecerat. Ianizaris omnibus peculiare erat album pro galea capitis integumentum (id Exarcolam vocant) ex coacta crassiore lana densatum, quod erat gladijs impenetrabile, & demissa à tergo latiore cauda, ceruices egregiè permuniret, à fronte autem ornaretur aureo aut argenteo cono, quo cristas induerent. Sagittis atque hastis, atque item paruis securibus rem gerebant; sed ætate nostra reliquis ferè omnibus hastis & arcibus abiectis, nostrorum imitatione sclopettarij præcellentes euaserunt. His fretus Amurathes, Lazarum Seruiæ Despothum, qui Mysis & Tribalis imperabat, continenti attritum bello, & pluribus fustum prælijs, regno expulit, Scopia, Nouomonte, & Sophia vrbibus ei ademptis, captisque duobus eius filijs, quos barbara crudelitate, admota oculis candenti aëre pelui, lumine orbauit, horumque sororem, vt tantæ iniuriæ dolorem lenire videretur, quòd esset egregiè formosa, in matrimonium duxit. Exinde in Illyricum, Pannoniam, Epìrum, Macedoniam, incursiones incolis maximè funestas fecit: adortusque demum Græciam, vastabundus in Peloponnesum excurrit; perruptoque ad Isthmum Corynthiacum Examili muro Constantinopolitani Imperatoris fratrem repentina belli clade obruit: victriciaque arma statim in Venetos conuertens, Thessalonicam magna vi tormentorum adortus expugnauit & incendit. Sed longè maximum operum eius fuit Ladislaus Poloniæ & Hungariæ rex in Varnensibus campis trucidatus, quum iuuenis incertæ belli gloriæ quàm securæ pacis audior ex primo felicitis belli prouentu, Carambo Amurathis duce profligato captoque, nouam optimioris victoriæ spem induens, recentia pacis fœdera violare religionis causa minimè dubitasset. Cæterum Amurathes fastidita proferendi imperij cura, aliquando simulata in immensum pietate, ita regno se abdicauit, vt rerum gubernaculo Hali purpurato Mahometis filij nutricio relinqueret, & in nemorosum Bythinia specum cum paucis sacerdotibus ad contemplationem rerum cœlestium abderetur. Sed vir apprimè grauis & astutus, cum de Ladislai aduentu Christianorumque principum consilijs, qui terra marique bellum parabant, certius didicisset, è sacro eo luco, reiecta superstitione, ad tuendum illico regnum profiliit. Verum aliquanto post non eadē fortuna Hungaros adortus, frustra oppugnato Belgrado, ad Sauum atque Danubium confluentes, graue detrimentum cruentissimè repulsus accepit. Simili quoque supremo eius conatu infelicitèr oppugnauit urbem Croiam, quam ei insigni dolo Scanderbechus alumnus abstulerat; dum iuuenis longè fortissimus paternum imperium inuictis armis recepisset, & Turcas frequentib. fusos prælijs tota penè Epiro depulisset



depulisset. Ab hoc irritò incepto rex barbarus vsque adeò acerbum ex animi dolore morbum concepit, vt quum senex è castris Hadrianopolim referri se iussisset, paucissimis diebus deliranti vefanoque similis, vitam relinqueret, quum alterum atque trigessimum regnasset annum, & Mahometem filium ea lege, vt perpetuus Christiani nominis hostis foret, imperij & sæuitiæ in nos suæ atrocissimum Othomannorum principum hæredem reliquisset.

## A V G V S T I Cocceiani.

*Quæ tibi, quæ leua incescit mens optime patrum  
Ioui, nouus qui pectore errat spiritus ?  
Vt tanta Scythicos reges tibi pinxeris arte  
Quos turba nostrum suspicit Quiritium,  
An ne inuat Latij truculentos nominis hostes,  
Ferasque nostro sæpe pastas sanguine  
Spectare? vt rediuiua iterum præcordia pulset  
Virtus, & altè exurgat Italum decus.  
Hæc vtinam. Interea votis Roma annue nostris,  
Et excitare hæc intuens spectacula.  
Europæ atque Asiæ, hi si nescis regna superbi  
Tua tenent ignauia, nec te pudet.  
Ergo purpureas traxerunt sanguine lymphas  
Et Ister & Panyssus altis alueis;  
Et nostræ albescunt etiamnum cædis acerui  
Deserta latè Mysiæ per æquora,  
Pannoniæ regem quum defleuere peremptum  
Manu impotentis Amurathis effera.  
Et positum aëria est monumentum insigne columna  
Aeternus horror vt loco insit, & metus.  
Scilicet vt geminæ hæc cælo capita alta ferentes  
Cedant columnæ Cæsarum vni Barbaræ,  
Et gladij, & galeæ, & clypei, Romanaque pila  
Scytharum acinaci, & pharêtris impijs.  
En quo degenerum cecidit spes tanta nepotum  
Et Christiani nominis regum decus,  
Quorum dum glicit furor & discordia demens,  
Absumpta in auras prisca cessit gloria.*



## Georgius Castriotus Scan-

DERBECHVS EPIRI PRINCEPS.



**N**EMO Christiani nominis princeps aut imperator Georgio Castrioto vehementius atque felicius arma Turcarum exercuit: nemo frequentius acie victor extitit. Is à Barbaris Scanderbechus est appellatus. Nam pater eius Iohannes quum in Epiro, eaque parte Macedoniae, quæ ad Adriaticum vergit, regnaret, nec finitima Turcarum arma sustineret, his legibus ab Amurathe pacem impetrauit, ut ei obsides filios daret, in quibus virtute animi formaque corporis Georgius plurimum eminebat. Itaque regia in aula liberaliter educatus est, instructusque diligenter non modo Barbarorum literis & moribus ad Mahometanæ superstitionis disciplinam, sed in omnem armorum eius gentis exercitationem, tanto successu, ut ante pubertatis annos Sanzachus efficeretur; qui honos magnæ equitum



equitum alæ signiferum exprimit. Erat autem Amurathi longè omnium gratissimus; utpote qui indolem regij oris præ se ferret, & non obscura summi futuri ducis indicia præbere videretur. Nam quotidie cum summa Amurathis oblectatione simulachra præliorum in hortis regijs edere cum æqualibus erat solitus, in quibus ipse expediti consilij vigore, & mira vi corporis, omnes ætate grandiores superabat, eunique idcirco Amurathes, quod supra militari ætatis tempus procerae staturæ præstantisque ingenij indomitum robur ostenderet, in Asiam misit aduersus Ciliciæ regem, quo bello summam laudem rebus fortiter gestis est consecutus, ob idque plenior, quod singulari certamine Scytham multarum palmarum gladiatorum superbè ostentantem vires & prouocantem consecisset: persimiliq; ausu insignis dux Persa equestribus armis pugnam ciens, paremque sibi bellatorem ex hostili acie ad certamen inuitans, hasta transfixus prostratusque fuisset. Dum eo modo bellica laude & singulari Amurathis gratia floret, patrem amisit, Othomannicaque arma eius ditionis vrbes atque oppida impotenter occupant; ita ut Amurathes ploranti Scanderbecho spem daret, se maturè paterni imperij ditionem ei concessurum. Sed nihil astutis Barbari regis promissis credens, insigni calliditate solertiaque vsus, in Epirum euadens, per adulterinas literas arce paterni imperij potitus est, excitisque Epiri & Macedoniæ populis legitimi principis prolem agnoscantibus, princeps est acclamatus: tantaque animorum propensione liberatæ gentis est vsus, ut per multos annos, & Amurathis, & Mahometis filij inuictos antea regum exercitus frequentissimè profligarit, atque retuderit. His autem bellis hoc ei præcipuum militiæ decus obuenit, quod quum Amurathes frustra cum ingentibus copijs miroque tormentorum apparatu Croiam urbem oppugnasset, dolore irriti conatus, non multo post ad mortem sit adactus; septemque Othomannici nominis clarissimos duces è purpuratorum Bassarum ordine acie deuicerit & castris exuerit. Quarum rerum memoriam successusque admirandos Marinus Scodrensis, ea qua potuit facundia celebrato Scanderbecho, peculiari volumine edito, mandauit ad posteros. Cæterum Georgius aliquanto post cum Mahomete inducias pepigit, quum ille Græciæ excidium moliretur, ipse verò Ferdinandum Neapolitanum regem Andegauenium arma ægrè sustinentem Epiroticis armis se duce defendendum statueret. Itaque maturam opem imploranti regi prospere tulit. Nam Georgij aduentu qui ex Epiro in Apuliam traiecerat, Gallorum copiae ita profligatae sunt, ut rex præcipua Georgij virtute se conseruatum fateretur. Verum exactis inducijs Mahometes, qui Byzantium interfecto Græcorum imperatore manu cœperat, Trapezuntium euerterat imperium, Ciliciæ, Mysiæ, Illyricique reges occupatis regnis occiderat, non secus ac antè pater Amurathes Croiam expugnare non potuit, propugnante Georgio & non vnam cladem obsidentibus inferente. Quamobrem Pius Pontifex excitatis ad capienda arma Christianis regibus, belloque indicto aduersus Mahometem, existimauit neminem frenandis debellandisque Barbaris Georgio priorem ducem esse deligendum; tanto quidem studio, ut Georgium non totius Epiri modo, sed Macedo-



niæ regem destinaret. Cæterum in eo consilij decreto, conatuque Pius Anconæ fato est interceptus. Nec his demum honestissimis belli cogitationibus Paulus secundus successor incubuit, quanquam Georgius, ut præfenti facundia eum minus decoris occupationibus implicitum permoueret, admoneretque publicæ salutis Cardinalium senatum, graui suo incommodo Romam petiisset, quod immoderatæ Barbarorum cupiditati atque audaciæ, nisi consentientis totius Europæ viribus, resisti non posse, apud imperitos & desides testaretur. Nec quicquam postea pristina sua laude dignum gessit, ea scilicet vniuersæ concordiæ spe destitutus. Atque ita cum Lissi esset, ad Dryllum amnem, & de bellicis rebus cum præfecto Veneto consultaret, lætalis eum febris inuasit. Lacescente autem ea in die sæuius, ubi fatalem horam adesse sensit, impuberem filium Iohannem, totiusque regni opes & copias Veneto senatui commendauit. Nec multo post è vita sublati est, anno ætatis sexagesimo tertio, à partu verò Virginis sexagesimoseptimo supra quadringentesimum atque millesimum. Fuit Georgius vi corporis & virtute animi, militarique felicitate (viti reor) nemini secundus. Habuit in conuictu quum perpetuas aleret copias, lectissimorum hominum amplius duo milia, nec vnquam auctis copijs maius militiæ robur quàm sena equitum, ternaque peditum expeditorum milia hostibus opposuit. Delectu enim veterani militis non numero victorias parari prædicabat. Horum nomina factaque memoriter tenere consueuerat, summusque illi erat honos, cui ipse discumbens de patera sua propinasset. Qua comitate coniuncta cunctis in rebus summæ liberalitati, suos sibi maxime conciliabat, quando etiam in eo, quod maxime accendendis studijs intererat, summa pietas emineret. Vbi verò armatus prodibat, tanta oculorum alacritate, tantaque hilari facundia milites ad cuncta ardua aggredienda accendebat, ut non eximie modo pugnaces, sed ferocissimos, contemptoresque impiorum hostium efficeret. Erat autem vsque adeo excelsa statura, torosoque habitu & robustis artubus, ac naso prominente decenterque incuruo, ut magni proculdubio herois effigiem repræsentaret. Qua formæ speciei eius familiæ regulos qui Apuliæ insiti sunt, præditos fuisse conspeximus, uti ex collatione eius imaginis, quæ in Musæo spectatur, videre licuit, præsertim in Ferdinando pronepote Sancti Angeli ad Garganum Marchione, qui Ticinensi prælio regia manu confossus occubuit. Narrabant gentiles eius, quod etiam à scriptoribus memoriæ proditum est, Georgium nunquam detrectasse pugnam, nunquam hosti vertisse terga, nullo vnquam in discrimine metu occupatum, nunquam vulneratum, nisi leui semel sagitta in crure fuisse; supraque duo hominum milia, barbarorumque præsertim, diuersis in prælijs sua manu interfecisse, quando singulis tantum ictibus, singulos qui congressi essent conficere esset solitus; quod prægrandi ponderosoque acinace tam valide quàm perite vteretur, quo medios hostes ad vmbilicum proscindere, transuersos diuidere sole-  
ret, & sæpe per ceruices integros cum humeris brachiorum artus facile detruncaret. Quarum immanium vulnerum truculentiam, hostes qui ex prælijs euasissent, cum Byzanti in aula admirantibus cunctis enarrarent, Ma-  
homeres



hometes ipse illum potentis dextræ inusitatæque violentiæ gladium videre concupiuit, impetrauitque facile à Georgio, ut sibi Byzantium mitteretur: talem namque eius esse temperaturam prædicabant, ut eius ictum nulla vel ferrea corporum munimenta sustinerent. Tanta autem inusitatæ virtutis eius viri fama erat, ut Turcæ post mortem eius potiti tota ferè Epiro, sepulchrum Scanderbechi apud Lissum quærirarent, admirabundique usque adeo piè venerarentur, ut superstitiosi homines eruta demum sepulchro, tanti Herois ossa religiosè diriperent, quum quisque se bello inuictum, tutumque fore crederet, si frustulum ex ossibus reliquisque inuictissimi imperatoris, in Amuleto ceruicibus suspensum, iturus in prælium gestaret.

## F A E R N I.

*Turcarum clades, Othomanni nominis horror,  
Epiri tutela, illo iacuere sepulchro  
Quo quondam inuicti cubuerunt ossa Georgi.  
Nunc & membra viri, & dissectum in frusta sepulchrum  
Interijt, sparsi manes, concisa vagantur  
Ossa, nec in gelida nunc saltem morte quiescunt:  
Namque ut is assertum toties cum laude paternum  
Imperium, exacta moriens ætate reliquit  
Illicet immanes tenuerunt omnia Turcæ.  
Tum clari Herois venerati nobile bustum  
Ossaque, marmoræque, inuictum condentia corpus  
Abstulerant, sibi quisque in partes secta minutas,  
Tanquam ipsa bellica vis, & Martius ardor inesset,  
Et genium præstare bonum, sortemque valerent.  
Si quæ alijs tumultum virtus parat, abstulit illi  
Atque eadem diro venerandum præbuit hosti.*

## Bartholomæus Coleonus.



**B**artholomæus Coleo Bergomas, verum genere atque opibus aliquanto superior. Is Sfortianæ simul & Braccianæ disciplinæ diligentissimus observator, multis fortibus factis, constantis atque impigri ducis famam est consecutus, eoque præsertim prælio, quo Gallorum sanguinaria manu bella gerentium, feritatem atque sæuitiam pari crudelitate vindicauit. Mortuo namque Philippo, quum Mediolanenses sese in libertatem asseruissent, Raynaldus Gallorum dux ab Asta vrbe suæ ditionis Alexandrinum agrum hostiliter inuaserat, nec quem ei opponerent Insuabres habebant, Francisco Sfortia ipsorum imperatore aduersus Venetos bellum ge-



rente, qui sine certa perniciē inde reuocari non poterat. Erat tum Coleo custodia traditus Philippi iussu, propter inanem concepti transfugij suspicionem. Itaque hunc maximē idoneum qui Gallis resistere posset, rati, cu-



stodia educunt, adiunctoque ei Astore Faentino, cum parte copiarum contra Gallos proficisci iubent. Conserta est ad primum hostis conspectum pugna maximē atrox & cruenta apud oppidum Boschum. Nam Galli pro genti insita sauitia contra Italicum morem captos & deditos Coleonis cataphractos, diffibulata casside iugulabant. quod ubi Coleoni nunciatum est, clamore edito suis edixit, ut Italicæ consuetudinis obliuiscerentur, & nemini Gallo parcerent: atque ita graui ira succensus conglobatis alis in hostes irrupit, fusosque prostrauit, sic ut magna eorum pars interficeretur, & Raynaldus captus, vix supplex salutem impetrarit. Primis stipendijs diu vagatus turmae equitum praefecturam à Braccio promeruit: nam planè puer pecuniæ inops, Paulo patre popinquorum insidijs interfecto, miser & errans domo exierat; matre etiam in carcerem à mariti percussoribus



ribus immaniter coniecta; sic ut paternis opibus nulla in parte iuuaretur. Sed Iacobus Caudola non multo post ei turmam duplicauit, iustæque demum alæ vexillum detulit Braccius. Rex autem Alfonsus vberiore auxit stipendio; & ipse quoque Sfortia honoratiore militia nobilitauit. adhæsit tandem Philippo, sub quo bella multis annis viguerunt. Caterum Coleo Veneti imperij fortunam agnoscens, eius auspicia opportuno tempore secutus est, viginti que amplius annis eorum copijs cum imperio præfuit. Eo autem bello quod aduersus Medicæ familiæ principatum à Florentinis exulibus in Gallia togata excitatum est, Coleo dux primus omnium instituisse dicitur, ut tormenta aduersus hostium aciem emitterentur, quum antea in expugnanidis tantum defendendis que urbibus vsui esse solerent. Spingardas enim ita vocabant minora tormenta tricubitalis longitudinis, quæ glandem pruni maioris magnitudine violenter effunderent. Hæc paruis curribus inserta post acies auehi, & signo tuba dato, quo sua agmina relicto interuallo hinc atque illinc panderentur, in oppositos, hostes dirigi iubebat. Quo inuento ad Ricardinam Bononiensis agri, hostilem aciem ita perterruit, ut quum Spingardæ pila Herculi Ferrariæ principi calcaneum deterfisset, malignè & barbaro more Coleo fecisse diceretur; qui viros fortes gladio atque hasta pro virtute & gloria dimicantes, inusitata atque horribili pilarum procella sternendos curaret. Ea enim humanitate milites ducesque extra cruorem per id tempus in Italia depugnabant, ut eo prælio funalibus accensis, quum nox ingrueret, amplius quatuor milia cataphractorum equitum admirabili ridendaque hodie spectaculi contentione concurrerint. Fuit Coleo corporis statura erecta atque habili, adeoque formosus & agilis, ut regina Ioanna ingenio procaci mulier, auidaque virorum fortium, Coleonis amore caperetur, quum ea spectante cunctos in palæstra iactuque ferrei vectis, & saltu cursuque certantes, cum magno spectantium plausu superaret. Deerant ei Latinæ literæ, sed his præditos suspicere, & per eos historiæ veteris noticiam consequi erat solitus. Nec ingenium eius ab urbanis facetijs alienum fuit, ut ex eo ioco apparuit, quo Galeacium Sfortiam acutissimè perstrinxit. Nam quum ei Galeacius iuuenili petulantia dono misisset vulpem cauea inclusam, ut exactæ ætatis duci nec semper astuto illuderet, Coleo eum statim pari dono remuneratus est, mittens Tinungulum compeditum loro, & binis de more accipitrum argenteis tintinnabulis exornatum, qui à pueris pro accipitre gestari solet, quasi tantæ fortunæ principi ingenij leuitatem exprimeret, qui nihil præter ornamenta & inanem effigiem, grauis & strenui ducis præferre censetur. Oderat nebulones; fures autem & delatores seuerè puniebat, quum exactè extra bellum pietatem coleret. Familiæ dignitatem cultu & conuictu admodum liberali tuebatur, magnificentiaque deditus tribus templis suo sumptu ædificatis patriam honestauit. Condidit autem peramœno in situ castellum structuræ elegantis, quod Malpagam appellauit. Ea in arce quum vixisset annos septuaginta sex, excessit è vita condito testamento, in quo senatum Venetum ex quadrante scripserat hæredem, ut congestarum opum inuidiam ea liberalitate redimeret. Statuit & sibi viuens sepulchrum ad aram maximam, apud quam marmorea eius effigies, & in tabula etiam



scitissimè depicta Bergomi conspicitur. Senatus autem ei meritò statuam equestrem æneam ad templum Ioannis & Pauli cum marmorea basi erexit, Petauina quidem magnitudine grandiore & luculentam, sed nequaquam pari Verroci artificis felicitate fabrefactam.

A V G V S T I Cocceiani.

Non sic *Aeacidem* *Græcia* *Thessalum*  
 Non sic *Annibalem* aut *Asdrubalem* *fera*  
*Carthago*, meritis tollet honoribus,  
 Non sic *Scipiadas* *graues*  
*Pænorum* *urbibus*, *vrbs* *inclita* *Romuli*  
*Quauis* *imperij* *trans* *mare* *terminos*  
*Longe* *protulerint*, *regnæque* *Punica*  
*Latè* *sub* *iuga* *miserint*.  
 Et contra *madidos* *impius* *Annibal*  
*Campos* *Roma* *tuo* *sanguine* *fecerit*  
*Cum* *præceps* *animi* *consul* *ad* *Aufidum*  
*Infauista* *agmina* *perdidit*.  
 Et *quamuis* *rapidus* *fortis* *Achillei*  
*Currus* *magnanimum* *traxerit* *Hectorem*  
*Vnde* *omnis* *Phrygi* *concidit* *imperi*  
*Spes*, & *præsidium*, *ac* *Deus*,  
 Vt te *Cenomani* *maxime* *Coleo*  
*Certant* *perpetuis* *tollere* *laudibus*  
*Alpinæque* *caput* *gentis*, & *hospitum*  
*Cultrix* *Brixia* *nobilis*,  
 Et *montana* *tuis* *clara* *crepundijs*  
*Natalique* *solo* *mœnia* *Bergomi*  
*Et* *patres* *Veneti*, *qui* *iuga* *nesciunt*  
*Soli* *barbara* *perpeti*.  
 Nam *cum* *consilijs* *bella* *sagacibus*  
*Et* *gladio* *forti* *Martia* *gesseris*  
*Gallorûmque* *graues* *fregeris* *impetus*  
*Miscens* *effera* *prælia*,  
 Nunc *ardentis* *equi* *viuidus* & *ferox*  
*Stans* *dorso* *statua* *atærnus* *in* *ænea*  
*Pro* *templo*, *meritis* *par* *vt* *erat* *tuis*  
*Gestare* *benepublica*.

GALEA.



## Galeacius Sfortia.



**H**X hoc Galeacio Sfortia qui decore formæ ingenij præstantia & perampla stabiliq̃ue existimatione paterni imperij, principum maximè fortunatus, & ipso tantum vitæ exitu miser apparuit, non absurdè suspicari licet, aliquam omnino inesse vim occultioris fati in genitura hominum, omni humana prudentia potentiorē, quando hic nullo insigni maleficio, nulla impotentis, noxiæque superbix acerbitate, nulla regendo imperio iniqua libidine, certum vel graue odium promeritus, immani paucorum familiarium perfidia, ex leuissimis offensionum concepta causis, improuiso occiderit; scilicet vt ex felicissimo florentis ætatis ac imperij statu præceps datus, seruituræ mox Italiæ, multo nostro cum luctu viam aperiret. Posuerat militiæ rudimentum in transalpina Gallia, eò missus à patre



cum veteranis copijs, vt Ludouico Regi inopinata præpotentum Galliæ procerum defectione circumuento, opem ferret. Sed vix tum expugnatis quibusdam oppidis in Aruernos penetrarat, quum nunciata patris morte, per infestas Allobrogum gentes mutato sæpe habitu, Mediolanum redire coactus est. Præstitere fidem nouo principi, quam Francisco patris initis antea foederibus dederant, Veneti, Ligures, Florentini, ipseque Ferdinandus rex Neapolitanus: quorum amicitia fretus, fauoreque item Blance matris, cuius humanitas ad gratiam amoremque parandum apud Insubres multum valebat, imperium domi & foris firmissimè stabiliiuit. Itaque splendidissimo rerum omnium apparatu vsque ad regalem fastum, principem egit integros decem annos, & vti ditissimi imperij opes sapientia patris amplificata constitutæque tolerabant, magnificentiæ & liberalitatis studium, magnanimi Regis instar per omnes numeros extendit. Nam præter veteranorum peditum cohortes, alas equitum ex omni Italiæ nobilitate lectissimas, & perpetuis cum suis tum paternis stipendijs inueteratas, ea consuetudine in hibernis continebat, vt adulto Vere in campos produceret, solenni que lustratione inspectas, ad equestres ludos committeret, propositis quidem opimis præmijs, quibus concurrentium præstantissimi honoris causa ornarentur. Hoc equitatu qui duorum millium cataphractorum numerum superabat, nihil splendidius & comptius videri poterat, quum quisque lacinijs acu pictis & præaltis cristis, & equo vndique auratis bardis protecto esset conspicuus. Hippagiorum verò puerorum versicolore lacinia militares principis equos producentium atque incitantium, ea erat species, vt eius ostentationis admirabilis pompa, omnem vel externorum etiam principum apparatus magno interuallo superare crederetur. Par quoque apud eum erat totius aucupij & venationis instrumentum. Nam præter insignium canum multitudinem supra centena falconum paria in remotissimis ad Oceanum Borealem conquisita, tanto alebat studio sumptuque, vt in magnis porticibus eæ volucres canterijs & perticis insidentes, mirum cum voluptate spectarentur, quum ex his sedibus ad ornatum tela serica picta acu, squamosoque opere inaurati argenti refulgens dependeret, & volucres argenteis sonantibus pedicis vincirentur, & pileolos gestarent, quorum apices & gemmæ & vniones adornabant. Tota porro familia, quæ ex delectu nobilis iuuentutis per singulas ditionis vrbes accuratè habito, constabat, vt fides obses foret, pretioso amictu, elegantibusque munitijs exulta spectabatur. Nemo enim erat, qui laciniam purpurei serici, & phrygio opere ad argumentum principis depictam singulis annis non bis à principe dono acciperet; alerenturque omnes opiparè: hospites autem longè omnium luculentissimè. Ipse præter venatorias equestriumque armorum exercitationes, pilæ ludo tanta cum voluptate tenebatur, vt ingentis structuræ ædificia Mediolani & Ticini, cæterisque in arcibus ad vsum eius certaminis conderet. Erat id genus pilæ inflatus follis capitali magnitudine, qui armatis plumbea lamina pugnis longissimè iactabatur; sic vt inde palmæ decus iurgiosa contentione, & multo cum sudore peteretur. Ceterum in serijs, recti & honesti amans, iustitiæ vsque ad seueritatem erat tenax, dabatque enixè operam, vt nihil in iudicijs esset venale, aut ad



ad gratiam corruptum, quando pœna inexorabili certissimoque præmio cuncta constarent, & vna præsertim annonæ vilitate, tanquam parato ad id populari plausu maximè letaretur. Sublatis verò vndiq; latrocinij, castigataque licentia militari, & propagata apud cunctos ordines commerciorum securitate, ita amari simul & metui cupiebat, ut nonnunquam sordidi mercatoris simulato habitu discurrens per ditionis regiones, oblatos in via aut in diuersorijs hospitalibus simplicissimos homines, ad ferenda de principe colloquia pertraheret, eruendoque certissimos de se rumores, vtraque nominis sui fama frueretur; paratus vtrique ad præmium exoluendum, aut infligendam pœnam. Nam in Pado, Abdua, Ticinoque, custodes ad tractum lintribus præpositos, qui ab se precibus atque pecunia tentati essent, ut sine tessera properantem transueherent, ex merito aut supplicij extremis, aut peramplis præmijs afficere consueuerat. Audiebat autem cum voluptate literarum & sapientiæ studijs præstantes viros, & benignè quidem attollebat; contendebatque graui sumptu, ut Ticinense Gymnasium professorum celebritate, & studiosæ iuuentutis frequentia cæteris omnibus præcelleret. His artibus quum boni, splendidissimi que principis nomen tueretur, premebant eius famam intemperantis vagæque libidines. Nam ea tum erat ex multo ocio luxuriantis seculi conditio, in ipsis præcipue nobilioribus matronis, ut totum pudicitiae decus ab humanitate aula alienum prorsus & subagreste putaretur, ideoque princeps ad licentiam libidinis proclinator, & iuuentæ vigore venustateque oris supra omnes spectatu dignissimus, procacibus fœminarum oculis & desiderijs cupidissime deseruiret. Erat enim tum vulgatum inter fœminas, nullam ex principis concubitu fieri impudicam, earumque maritos, qui ineptis hirci videri possent, ita excellere aureis cornibus, ut dignitate cunctos anteirent. Per hunc modum Galeacius quum vndique beatus, arridentis fortunæ fastigium teneret, Allobrogico bello victor, è castris durissima hyeme Mediolanum redijt, ut Natalis Christi diem solenni hilaritate cum vxore & liberis atque amicis celebraret, coniuratisque simul in necem suam limen aperiret. Coniurauere diuerso animorum habitu Andreas Lamponianus, Carolus Vicecomes, & Hieronymus Olgatus cubiculo principis adscripti. Andreas consumpto magna ex parte patrimonio propter rei domesticæ inopiam, superbiam ipsius atque luxuriæ aduersam, turbido ferocique ingenio, res novas moliri, quas ex cæde principis certo sibi commodo cessuras, & coniurare omnino statuerat: ad audendum verò immane vsque adeo & periculosum facinus vehementer incitabat, illata sibi iniuria à Castellioneo Comensium antistite, à quo sacri latifundij possessione contra ius interrupta locatione, se periniquè spoliatum querebatur. Totum autem eius iniuriæ odijque venenum vertebat in principem, qui à se suppliciter deprecante eam contumeliam sæpe rogatus, aduersarium in extrahenda lite præpotentem, neque auertere, neque mollire voluisset. Carolus gentilium suorum totius principatus fortunam ad Sfortianos delatam agrè ferens, germanæ sororis probro quam Galeacius adamaret, atque subigeret, permouebatur, tantò indignantius, quod eam decoro adulescenti, qui ætatis florem principi fruendum dedisset, conciliaffe & commu-



nicasse suspicaretur. Principem enim in amore improbum, atque adeo impudentem plerique vel falso existimabant, ut alienae libidini lenocinii obsequium lubens præbere crederetur. Olgiatum verò penè imberbem, leuissimumque adolescentem inani spe parandæ gloriæ inflauerat Cola Montanus literarum ludi magister; si occiso tyranno patriam in libertatem affereret; sæpe Cæsios & Brutos in schola magnis extollens laudibus, qui gloria ducti pulcherrimi facti consilium olim suscepissent. Hic Cola quondam Galeacii pædagogus, dirum in principem odium conceperat impotenti eius contumelia percitus, quod ille puerilium verberum nimis memor, postquam adoleuit, imperiumque suscepit, ipsi Colæ tanquam inimici subagrestiq; præceptor, acceptas olim plagas nudatis clunibus loro palam rependi iussisset. Huius Colæ diris cohortationibus coniurationem inchoatam ad exitumq; perductam fuisse, Olgiatus ipse ex quæstione perscripsit. Igitur obstinatis efferatisque animis ad id patrandum scelus confirmati, principem inter frequentem custodiam corporis diui Stephani templum intrantem, ut sacris solennibus interesset, circumsteterunt, abditis sub sinistri brachii manica pugionibus. Primus à fronte Lamponianus in speciem turbam dimouentis, porrigentisque literas sese insinuans, nihil à familiari metuentem ad infimam ventris partem perfodit; repetitoque ictu læuum percussit tempus. Carolus autem & Olgiatus à tergo inermem lethali plagis consauciarunt, sic ut vndique petitus à Deipara virgine frustra opem implorans repente concideret, & expiraret; iuxta quem traiecto pectore prostratus occubuit Ripeus ex custodibus promptissimus, quum in percussores gladium strinxisset. Per hunc modum cadente principe, exortoque inde terribili tumultu, quum quisque ad fugam metu percussus se expediret, tanta conflictatione procursum est, ut multi è turba in templi foribus eliderentur; desertoque ab omnibus templo sacerdotes è sacrario prodeuntes, tria tantum cadauera foedato multo cruore pavimento iacentia reperirent. Nam procul à principe, Ripeoque, ipsius Lamponiani cadauer solum lingua & dentibus commordens iacebat. Eum enim per mediam mulierum turbam incuruo passu euadere conantem, satelles æthiops, cui Gallo fuit cognomen, adacto per imam sedem lato hastilis ferro confecerat. Caterum sacrificuli principem ut abluerent, in sacrarium calentibus adhuc membris retulerunt. Lamponianus insultantis plebis & puerorum turbæ ad ludibrium concessus, iniecto laqueo per cunctas urbis regiones raptatus est. At Carolus & Olgiatus quum immixti effugientium turbæ, elapsique varias latebras quæsiuissent, biduo post diuersis in locis, quod tanquam execrabiles parricidæ à nemine vel propinquo reciperentur, ad teterrimum supplicium rapti sunt. Olgiatus ipse, mirum visu audituque, vesana constantia obstinatum animum in conspectu carnificis gerens, seseque in ipsa morte confirmans, hæc contumaci ore protulit verba; Collige te Hieronyme, stabit vetus memoria facti; mors quidem erit acerba, sed tormentum breue, atque eius fama perpetua. Hæc quidem digna viro forti videri poterant, nisi impium facinus intempestiua atque inhumana crudelitas eleuaret, quod pro tyranno, æquum bonumque principem, nec ab ipso quicquam hostile meritum occiderit, scilicet ut diuturnum ciuibus suis



fuis luctum ex infelicitate ad externos prolapsi principatus pararet. Hos etiam quod miremur in carcere versus pangere potuit, quos ad argumentum imperterritæ mentis quanquam rudes, huius Tragædiæ elogio subiiciendos existimauimus.

HIERONYMI OLGEATI PER-  
cussoris Galeazij Sfortiæ ducis Mediolanensis.

*Quem non mille acies, quem non potuere phalanges  
Sternere, priuata Galeaz dux Sfortia dextra  
Concidit, atque illum minimè iuuere cadentem  
Astantes famuli, nec opes, nec regna, nec vrbes.  
Hinc patet humanis quæ sit fiducia rebus,  
Et patet hinc sæuo tutum nil esse tyranno.*

Cola quoque Montanus aliquanto post in alpibus Bononiensium comprehensus, quod dira malignitate in principem percussores ad coniurandum concitasset, meritas sceleris pœnas dedit, quando eum Laurentius Medices inusitatæ immanitatis ultor egregius, latronum more laqueo necari iusserit.

IOVI Iunioris.

*Quis te dira cohors furor? & quæ insania tanta  
Impulit, horribili stimulata  
Eumenidum rabie, & sæuis agitata colubris,  
Ut domini nil tale merentis  
Corpus in egregium, crudam conuertere dextram  
Auderes, scelerisque nefandi  
Pro laqueo, & meritis pœnis, tibi præmia certa  
Sperares, noménque perenne  
Te non eximij iuuenis deterruit alto  
Insignis reuerentia vultu,  
Impia; sed nec te tenuerunt templa, nec aræ  
Nec superùm solennia sacra  
Non (ut rere) ferum crudeli morte tyrannum  
Conficis; at iustum innocuumque  
Rectorem Insubri imperij, cunctisque colendum  
Quo simul vna concidit omnis  
Spes Italùm, longos semper lugenda per annos,  
Scilicet ut nostros populatus  
Vrbibus euersis fines in viscera nostra  
Cum Gallo sæuaret Iberus.  
Vos vos ô Scylle, formæque tricoloris umbræ  
Harpyæque, & vos Gorgones atræ  
Ardenti fontes animas immergite Auerno  
Et stygio exercete flagello.*



## Carolus Burgundiæ dux.



**H**IC qui seuera minaciq̃e fronte districto gladio, & coruscantibus armis conferere manum cupere, Martioq̃e spiritu fulgurare videtur, Carolus est Sequanorum & Belgarum princeps, qui vi bellica, castrensi apparatu, magnitudineq; animi, non suæ modò, verum superioribus etiam ætatis duces, sic antecessit, vt summæ gloriæ fastigium assecuturus crederetur, nisi eum arduis & audacibus innixum consilijs, immoderataq̃e fortitudine quæquæ aspera aggredientem, turbulenta & insolens fortuna perculisset. Nam Philippo è Gallorum regia stirpe, cui Optimo cognomentum fuit, patre genitus, consanguineorum arma vsque adeò vehemens & ferox exercuit, vt Ludouicum X I apud Luteciam Parisiorum acerrimo circumuentum bello ad pudendam pacem redegerit, quum



quum ad montem Alerium ingenti edito prælio quanquam vulneratus, victor euasisset. Exinde Ludouicus dissimulata potius quam confessa pacis necessitate, quod conspirationem multorum Galliae procerum timeret, cum armato fœdus iecit, pudendum herclè, sed demum sibi & Galliae utilissimum. Nam coniuratorum animi atque eorum arma repente conciderunt. Eo modo Carolus reconciliatus propinquo Regi, debellatis Eburonibus, Leodioque ipsorum vrbe ferocibus armis expugnata delataque, in Heluetios inauspicata arma conuertit, eo euentu, vt fatali sua peruicacia experiretur, quantum interesset inter nobiles Gallos pro gloria pugnare, moderateq; vti victoria solitos; & agrestes qui ab insita animis Barbarie, cruoris auidi de vna tantum vita cum hostibus dimicarent. Neque enim fas erat, qui Gallicam nobilitatem armorum strepitu, & nominis fama contudisset, ab vllis omnino quam ab efferis egentibusque rerum omnium populis, quibus animorum peruicacia indomitum robur efficeret, frangi atque opprimi posse. Heluetij namque iure fœderis pro Renato socio Lotaringiae regulo, quem Carolus oppugnaret, arma ceperant: quo bello vnam atque alteram ad Gransonem & Amioratum victoriam secundis prælijs consecuti, ita Carolum superarunt, vt ille in primo exutus castris, impedimenta, totiusque exercitus opes, suamque in primis pretiosam suppellectilem amiserit; in secundo supra quatuordecim millia lectissimorum militum interfecta desiderarit. Ab his duobus detrimentis iratus & fremens, tertij certaminis aleam subire non dubitauit. Nam eum Nanseum oppidum oppugnantem pertinaciusq; herentem, Heluetij per niues ad soluendam obsidionem progressi adortique, quum ille incepto absistere indecorum putaret, inito prælio fuderunt, circumuentumque, nec agnitum trucidarunt, quum desertus esset à suis insigni perfidia Campobalsi Neapolitani, qui quum aliquando colaphum a Carolo insolenter accepisset, in id tempus vindictę, patrandique sceleris occasionem distulerat. Fuere qui eum effugisse, & Mosæ pontem transiuisse affirmarent: quod diu in Burgundia creditum est. Verum puer è Columnia Romana familia cubiculo eius affuetus inter cadauera repertum à næuo lateris, enormique vngue dextri pedis, confirmante eius medico certius agnouit. Tumulatus est apud templum diui Nicolai in Lotaringia, finibusque Mediomatricum. Reliquit filiam ex Lusitana vxore natam, quæ nupta est Maximiliano Federici Cæsaris filio, ex qua Philippus susceptus est, qui huius Caroli quinti Imperatoris inuictissimi pater fuit. Cæterum in Carolo id vnum ad summæ perillustriisque virtutis cumulum defuisse videtur, quod Genij sui captum sensumque quam alienæ prudentiæ placita sequi maluerit, quasi arrogantis & elati supra æquum ingenij esset amicorum bene consulta contemnere, & contra, peculiari sententiæ semper adulari. Quæ res plerosque perdidit: Nam qui sua intemperantius amant obliuioni rationis, citissime præcipites dantur, vt reliqua sua omnia quum fata vrgent penitus euertant. Carolus enim nimio fortasse gloriæ studio adductus, virtutes quas in eo maximæ erant atque admirabiles, splendoris, munificentiae, facilitatis, exactæque bello disciplinæ, & in pace pietatis, vna obstinatione animi, dum sibi irato acriter indulget, corrupisse videtur.



*Vidistine vt Pyrrhi effigies armata sariſſam  
 Vibret, & à ſummo ſpargantur funera ferro?  
 Vtque ſerus Lybicam contorqueat Annibal haſtam?  
 Huc ſimulac conuerte oculos, fulgentiâque arma  
 Egregij ducis, & latè mucrone coruſco,  
 Inſpice turbatos vultus, ſpirantiâque ora  
 Martis adhuc triſtes pugnas, atque horrida bella:  
 Hos olim inſignes habitus, atque ora gerebat  
 Illum ſanguineis quum formidauit in vndis  
 Et Liger, & trepidi ſpectator Sequana belli,  
 Infractæ Gallorum acies, & Belgica paſſim  
 Agmina letiferæ ſenſerunt fulmina dextræ.  
 Heu miſer, heu nimium pugnandi dira cupido,  
 Heu laudis veſanus amor, quem Gallia diues,  
 Belgarumque omnes procerum tremuere cohortes  
 Contempſere rudes populi, gens Barbara victrix  
 Funeribus ſtatuit medijs, victumque trophæis  
 Expoliat cunctis, nudumque relinquit arena:  
 Vix tandem inuentus parua requieſcit in vrna.*

## Iulianus Medices



Æ C vera eſt imago Iuliani Medicis, qui magni Coſmi ex  
 Petro filio nepos, & Clementis maximi Pontificis pater  
 fuit, à celebri pictore, ita ſcitè expreſſa, ſicuti ſeniores teſtan-  
 tur, qui viuentem viderunt, vt Clementem Pontificem to-  
 to oris habitu reſpondiſſe ad patris lineamenta viderimus.  
 Euaſerat Iulianus, quum adhuc viueret pater æqua gloria  
 editis equeſtrium ludorum ſpectaculis, paribuſque omnis elegantia, comi-  
 tatis, atque munificentia muneribus, Laurentio fratri propè par; & quod  
 natu minor eſſet, populari fauore princeps iuuentutis fuerat acclamatus.  
 Capenſis verò Reipublicæ munia, ea morum actionumque moderatione  
 fratrem ſummis nitentem virtutibus æmulabatur, vt cunctis ciuium ordi-  
 nibus eſſet cariſſimus, ſupraque cæteros ciues ipſi duo fratres mirè concor-  
 des emerent, & Rempublicam paternis auiſque artibus feliciter admi-  
 niſtrarent; vtpote qui veteres opes, maiorumque perpetuam inter ciues e-  
 xiſtimationem validis affinitatibus, numeroſis clientelis, & noua denique  
 virtute corroborarent; diſtributis vſque adeò appoſitè ac ſapienter Reipu-  
 blicæ officijs, & collatis ad æquitatem honoribus, vt nullo cultu, nulla emi-  
 nentiore nominis appellatione, ſupra ciuilem, nulloque deducendum co-  
 mitatu à cæteris ciuibus differrent: ſola tamen authoritate cæteris omni-  
 bus præſtare, & præclara virtute atque potentia ciuitatis principes cenſe-  
 bantur



bantur; ideoque fiebat ut studiosè colerentur ab his qui publicum bonum & ciuitatis tranquillitatem, omni veteri odio, aut nouæ obrectationi anteponendum iudicabant. Hunc in Mediceis fratribus non obscurum in ci-



uitate principatum, vna gens Pactia ferre non poterat; satis quidem cum viris & cognationibus, tum etiam fortunis abundans; sed quæ esset moribus admodum superba & insolens, multumque auida pecuniæ simul & tenax, ideoque apud populum minimè gratiosa, ac ob id in necem fratrum conspiraret: quoniam vigentibus stabili authoritate Mediceis, nullum sibi satis honestum in Republica locum relinqui arbitraretur. Erat familiæ princeps Iacobus equestri ordinis, qui quum nulla virtute emereret, perpetuò aleæ studio perditus, iraque præcipiti & contemptu superûm putabatur infamis. Hunc impulerat Franciscus fratris filius ore pallens, ingenio liuidus, & perpetuus honesti moris irrisor. Is Romæ nummariæ negotiationi assuetus Xysto Pontifici erat familiaris, à quo si fas sit de homine sacrosancto non iniquè suspicari, nefarij consilij ratio omnis emanasse creditur; scilicet ut Hieronymo Riario, cui erat auunculus, maiores opes adstrueret, quæ ei obuenturæ putabantur, si Florentinæ ciuitatis statum sublati-



Mediceis commutasset. Franciscus quoque Saluiatus Archiepiscopus Pisanus, nullam vel mediocrem ex literis probatisque moribus laudem meritus, utpote qui ambitu adulationeque, & prauis omnino artibus ad eum honorem contendisset, ex contentione sacerdotij acere odium in Mediceos conceperat, & ad Riarium, Pactiosque ipsos se totum contulerat, ratus pulcherrimum fore, patriam in libertatem vindicare, & purpurei galeri decus à Pontifice, vel execrabili nauata opera promereri. Quibus autem iniurijs, quoque exitu susceptum, patratumque sit id immane scelus, Angelus Politianus, summæ doctrinæ vir, ut qui cunctos atrocis eius Tragœdiæ actus spectaret, peculiari Commentario, qui impressus extat, luculentissimè perscripsit. Nos atrocissimi eius editi facinoris summam tantum attingemus, ut bonis mortalibus præclare constet, superos impiorum vindices solere esse certissimos. Igitur coniuratione diu antea Romæ secretis deliberationibus agitata, & Florentiæ demum in Montughio Iacobi Pactij suburbano instructa, Raphael Riarius Cardinalis è Gymnasio Pisano Florentiam vocatur. Specie quidem inuisendæ pulcherrimæ atque ornatissimæ urbis, verum ut coniuratorum animos præsentis personæ autoritate confirmaret, quanquam uti planè iuuenis, captusque ingenij parum grauis, tantæ rei constitutæ ignarus esse putaretur. Egere Pactij multo astu, ut is à Mediceis fratribus in Fesulanam ipsorum villam honoris & iocundæ voluptatis causa ad conuiuium vocaretur, ut ibi ambos fratres inter hospitalis mensas trucidarent. Sed quum Iulianus ex molesta pituita impeditus interesse nollet, deiecti ea spe, rem ad sacra, quæ ex festo Solis imminabant, in ipsumque templum maximum reiecerunt; in quod ambos fratres tum religionis, tum honoris causa erga Cardinalem omnino conuenturos iudicabant. Conficiendi autem negotij munia inter se eo ordine dispartiti sunt, ut Franciscus Pactius, & Bernardus Bandinus obtruncandi Iuliani partes desumerent; Antonius Volaterranus cum Stephano Pactiorum pedagogo Laurentium aggrediretur, accepta tum ex condito ad distringendos gladios tessera, quum medijs in sacris seruatoris Christi hostia sacerdotis manibus attolleretur. Antistes verò ipse Pisanus cum Iacobo Poggio, & Saluiatis propinquis suis, fidaque clientium occulta armatorum manu in speciem salutandi vexilliferi curiam occuparet. Iacobus autem cum equestri dignitatis, tum ætatis honore conspicuus, ubi patrata fratrum cædes esset, equum conscenderet, & armatis clientibus septus per forum discurrens, populum vocaret ad libertatem, & Saluiatis curiam occupantibus vires adiungeret. Iam cœpta erant sacra concinente sacerdotum choro, & tesserae tempus instabat, quum Pactius atque Bandinus deambulante Laurentio, Iulianum oculis frustra requirerent. Quapropter ad Mediceam domum conuolarunt, ut in Iuliano omnem prodeundi moram, iocundis adhortationibus abscinderent, nunciantes quasdam formosas, adamatique nominis matronas in templum peruenisse. Itaque viri efferatæ mentis, quod mirum est, hilari vultu aptè compressa perfidia, Iulianum retardante fato segnius se expedientem, medium honoris causa, & insertis iuuenili comitate subter humeros brachijs in templum deducunt, pauloque post vnâ deambulantem ad tesseram/repentè districtis sicis circumstant. Bandinus medium sub papilla transfodit, cadentique illico incumbit



cumbit Pactius, & ferro in ventrem & iugulum adacto conficit, usque ad eò atroci & feruida manu, vt crebrò repetens ictus seipsum in genu præalto vulnere confauciaret. Bandinus quoque furiosa mente Norium Iuliani familiarem obtruncat. Sub idem temporis punctum Laurentij percussores incondito impetu illum adorti, vnam tantum, neq; lethalem ad iugulum plagam inflixerunt, quod is præsentī animo educto statim gladiolo, & reiecta, intortaque ad leuam chlamyde, constantissimè se defenderet, & ab amicis in proximum sacrarium duceretur, vbi obseratis foribus ab imminente Bandino seruatus est; atque inde obligato vulnere, stipante armorum amicorum caterua domum deductus est; sæpe sciscitans, an frater esset incolumis, & ne Cardinalis violaretur edicens, quem, lintheati sacerdotes in eo tumultu custodiebant. Dum hæc fierent, perculsaque metu omnis turba diffugeret, & terribili strepitu tanti tumultus, templum corrue-re videretur, Pisanus Antistes cum suis, Curiae scalas ascendit, postulatque à ianitoribus, vt ad vexilliferum, ad quem haberet mandata Pontificis, admittatur. Is erat Cæsar Petruccius, & tum fortè cum Decurionibus, vt festo die sæpe accidit, tempestiuè prandebat, admirantibus conuiuiis importunum hominis aduentum, quod ea hora serijs colloquijs aliena prorsus, atque inepta videretur. Sese tamen Cæsar è mensa celeriter expedit, eumque exceptum in suam deducit cellam. Vix cœpto colloquio Cæsar in Antistite perplexa & malè cohærentia verba, obliquo item obtutu oculos inconstantes, & vultum magni euentus expectatione suspensum animaduertit, atque inde insidias spectat, relictoque in cella Antistite, ad Decuriones foras se proripit, & sublata voce, ministros Curiae assuetos aduocat, atque item apparitores cum argenteis clauis, priscorum lictorum more summum Magistratum præeuntes, & vt erat egregiè forti atque expedito consilio, Poggium arreptum crinibus solo deturbat, & in superiorem turriculam cum Decurionibus properè se subducit, arreptoque veru è proxima culina, scalæ aditum tuetur. Magno autem miraculo accidit, vt consurgentibus vndique ad opem ferendam ministris, coniurati & Perusinorum exulum manus Antistitem secuta, diuersis in cœnaculis Curiae includerentur, obserantibus sese vltro valuarum seris, quæ sine peculiari claue aperi-ri non poterant. Quo casu quum diducti, nec consensu valerent, nec collatas in vnum vires ad conandum haberent, cuncti per partes ad vnum omnes præeunte Poggio clarissimi Oratoris filio, iniectis laqueis è fenestris præcípites dati sunt, usque adeò iratis & furentibus omnium animis, vt præcis primorum capistris ad singulas columnellas, secundis & tertijs suspendio locus pararetur, & præcipitata cadauera plebs cruoris & prædæ auida dispoliaret, & in frustra concideret. Iam enim populi fremitus arcam occupantis, vulgata Iuliani cæde, ad Curiam peruenerat, magnoque studio plebs Mediceis fauens, proditores, occupatoresque Curiae, ad supplicium deijci deposcebat. Interim Franciscus ipse Pactius, è domo Iacobi patruī nudus extractus, delatusque in Curiam, quum neque hisceret: neque contumaces oculos attolleret, iniecto laqueo è fenestra suspenditur. Nec multò post eum Pisanus ipse Antistes, totius inauspicatæ coniurationis seriem perscribere iussus in eadem linthea stola sacerdotali, ita longiore capistro præceps datur, vt Pactiano cadaueri cohærens, papillam rabidis dentibus appetere.



ret, in eoq; atroci indignantis & fugientis animę habitu, rıgentibus oculis, meritas concepti sceleris pœnas daret. Eandem quoq; fœdę necis sortem tulere duo Iacobi Saluiati, quorum alter erat frater germanus, alter patrueus. Iacobus verò ipse Pactius, qui armatus in equo ad aream Curiaę procurrebat, vt populum ad libertatem vocaret, quum ab optimis ciuibus irrideretur, & e summa Curiaę corona lapides in eum iacerentur, incitato equo Cruciana porta sese eiecit, biduoque post à Montanis agrestibus in fuga captus est, Florentiamque perductus, vbi de scripto expressis coniuratorum nominibus fœdissimæ necis supplicium tulit, vsque adeò in eum concitata plebe, vt sepulturæ honore indignus putaretur; bisque tumulatus, semel in templo, iterum in pomerio, indeque erutus, quod supremas Christianæ pietatis cohortationes, sese itidem Cacodæmoni impiè deuouens, reiecisset; diu à pueris per urbem raptatus, in Arnum traheretur. De Renato quoque Pactio, qui ad armandos agrestes in Mugellanam villam præcesserat, par supplicium est desumptum; retractusque etiam est ex fuga Monteficcus, qui Hieronymi Riarij familiaris, militiaęque peritus, totius coniurationis erat conscius. Is ab initio interficiendi Laurentij partes suscepit, sed eius postea hominis virtute atque admirabili humanitate ex multis colloquijs delinitus, eam cædem vti in villa promississet, in templo se patrum pernegarat; scilicet ne homicidio detestabile sacrilegi scelus adderetur, proptereaque vnus omnium honestiore dignus supplicio, securi percussus est. Laurentij quoque percussores, qui triduum in Coenobio latuerant, nec à cucullatis prodebantur, latebra extracti, detruncatis naso atque auribus, eandem latronum more laquei pœnam tulerunt. Reliqui Pactianæ familię in carcerem coniecti sunt; vnusque omnium Guliermus, qui Laurentij sororem in matrimonio habebat, in villam impetrante vxore, relegari meruit; & Raphael Cardinalis ab omni iniuria & contumelia in honorem Pontificis seruatus est. Hanc in vindicanda atrocissimi sceleris audacia, senatus seueritatem vel ipse Barbarus & nostræ religionis hostis, Baiazetes Turcarum imperator insigni religione probitateque comprobauit, quum Bandinum ex fuga elapsum Constantinopolim, deposcenti Laurentio, tanquam parricidam, & impium templi violatorem ad supplicium tradidisset. Atque ita ille cunctis damnatus gentibus ab eadem fenestra laqueo suspensus, iustum ciuibus vindictæ feritatis suæ spectaculum præbuit. Neque Hieronymus Riarius coniurationis author, ultores Deos diu fefellit, quum apud Foroliuium, oppidanorum conspiratione, in mensa trucidatus, & per fenestram in forum præcipitatus, vel seras nefariæ malignitatis suæ pœnas expenderit.

P E T R I A N G E L I I Bargæi.

*At, ô Deorum quisquis in cælo soles  
Nefanda sepe facta vindex persequi,  
Nec ferre inulta perfidi num Pactij  
Dedere sat superque pœnarum tibi?  
Cum Iulianum patriæ nouum decus  
Quiuere templo in ipso adorti occidere  
Nil suspicantem tale; cum fœdissimè*

*Turpata*



Turpata fuso permaderent sanguine  
 Sola ipsa Fani, limina, atque altaria.  
 Nanque haud furentis hercle senos impetus  
 Fugere Plebis, haud latèbris abditi  
 Cauere dexterarum piorum vindices.  
 Non & paratam Thracij regis fidem  
 Sensere; nam cum Barbarus tantam luem  
 Perhorruisset, execratus patriæ  
 Remisit vsque ab vltima Propontide.  
 Inserta quare plurimis cadauera  
 Collum capistris ciuitas letissima  
 Spectauit; illa nec miserta fontium.  
 Quin insepultus horridus, nudus, lacer,  
 Canesque, auesque paut, & pisces, datus  
 Præceps in amnem, manibus Iuli tuis,  
 Bandinus ille, perditus sicarius,  
 Bandinus ille, Thracius quem Bosphorus  
 Vti piaculum, & scelus teterrimum,  
 Existimauit impium & nefarium,  
 Suisque longe deferendum à fluctibus.  
 Sic, ó rubentis Iupiter vindex, tua  
 Vt iura discant colere, discant legibus  
 Parere certis, temnere & quid sit Deos,  
 Puni cruenta perfidos vi dextera.

## B E N E D I C T I Varchij.

Nam quis te liuor? quæ te tam dira furentem  
 Patrandi sceleris rabies, regniue parandi  
 Ambitio, patrios tecum euersura penates,  
 Impulit effera gens furis vlticibus olim?  
 Vt iuuenem florentem opibus, virtute decorum,  
 Conspicuum forma, dulci grauitate verendum,  
 Præstanti insignem eloquio, nil tale merentem  
 Incantum, ante aras, & Dijs spectantibus ipsis,  
 Aggrissa (infandum) media testudine templi  
 Allectum blande, prætentatumque dolose  
 Conficeres, ferro toties per pectus adacto?  
 Et clarum obscuro fœdares sanguine fratrem,  
 Totius Italiæ simul absumptura salutem?  
 Heu facinus nullo delendum tempore, nulli  
 Aequandum, non vlla vnquam sat cæde piandum.  
 Impia corda, immani secta, immitia fata,  
 Fata malis hominum gaudentia, quid mage sæuim;  
 Damnosumue magis vidit sol? Castore lesa  
 Occidit Ausoniæ Pollux, columenque, decusque,  
 Et si non aliud, Mediæ spes altera gentis,  
 Clementisque pater, totus cui paruit orbis.



## Mahometes secundus

TVRCARVM IMPERATOR.



**H**OC atroci, vereque Tartarico recedentium oculorum obtutu, malignoq; pallore buxei vultus, & enormi contingentium labra, narium curuitate, Mahometes fuit, quem Turcæ, non modò cæteris Othomannis superiorem, sed exæquatis vitijs atque virtutibus, Alexandro Magno parem volunt. Nam rerum gestarum gloria, & magnitudine animi cum progenitores, tum cunctos qui eo seculo maximè florerent, cogniti orbis reges, vel qui postea his sexaginta annis regnarunt, proculdubio superauit. Natus erat ex Despoti Seruiæ filia, quæ puerum Christianis præceptis & moribus imbuerat: quorum mox oblitus adolescendo ita ad Mahometis sacra se contulit; vt neq; hos, neq; illos ritus teneret, & in arcano



cano prorsus Atheos haberetur; vtpote qui vnum tantum bonæ Fortunæ numen coleret, quod præclare conciliari viuida efficacique animi virtute prædicabat. Itaque nulli addictus religioni, cunctorum hominum accuratas de dijs, tanquam humana nihil curantibus, cogitationes irridebat; eo animi decreto, vt nullum vnquam ius amicitiae aut foederis, nisi ex commodo, exceptaque ad proferendum imperium occasione, colendum atque seruandum arbitraretur, & rem bellicam vsque adeo enixe & liberaliter curaret, vt cuncta munia, vetere Græcorum lege ad poenam & præmium reuocaret. Præcepta autem maiorum ex disciplina militiæ constituta, quibus illi tantum imperium peperissent, pleraque emendando, augendoque, vti opus foret, nouis artificijs, ac ampliore omnis generis armorum apparatu exaggerabat. Primus Othomannorum naualia instituit, quod maximum apud antiquos in classe ad omnes res gerendas momentum, positum esse intelligebat. Qua vna re Venetorum vim mari ab antiqua laude insuperabilem, postea contempsit. Sed primum eius, & nobilissimum bellicorum operum fuit, Constantinopolis terra marique fortiter expugnata, caeloque Constantino supremo Græcorum imperatore, antiquissimum Græciæ imperium funditus euersum. Exinde Peloponnesum ingressus, Græcorum & Venetorum copias secundis prælijs deleuit, hexamylisque murum à Venetis in Isthmo magno sumptu & longo labore restitutum, ex vsu victoriæ totum diruit. Nec multo post Eubœam insulam expugnata Chalcide Venetis ademit, atque item Lesbum deleta propè Mytilene vrbe. Tanto verò apparatu Illyricum adortus est, vt Stephanum Bosnæ regem, Iaiza vrbe, totoque regno expelleret, & occideret. Eodem quoque terrifico impetu in Epirum descendens, Croiam urbem, quam pater Amurathes frustra oppugnarat, atque item Scodram expugnauit; Homaremque & Malcoccium duces per Dalmatiam ad Euganeos vsque penetrare iussit. Quibus irruptionibus graue vulnus Venetis est inflictum, caeso à Barbaris ad Soncium amnem Nouello eorum imperatore. Easdem quoque immanium cædium & incendiorum clades Stiriae & Carinthiae gentes, ad quas Barbari deflexerant, senserunt. Pannonijs quoque arma interre ausus, Belgradum inprosperè tentauit. Mox ad septentrionem conuersus, in ipsa Taurica Chersoneso, Theodosiam quæ Capha dicitur, Bosphorani regni caput, Genuensium coloniam occupauit, & Trapezuntium imperium ad Euxinum euertit; Caloianne & Dauide fratribus è regio sanguine captis & interfectis. Exinde tot partis victorijs, ad Orientem est conuersus. Pyrametoque Ciliciæ rege debellato, & regno eius in prouinciam redacto, aduersus Persas, offensus Vssumcassanis noui regis felicitate & gloria, ad Euphratem Othomannica signa promouit: eo belli euentu, vt ipsum Vssumcassanem multis inclytum victorijs, vno præsertim tormentorum apparatu ad Arsengam superarit. Erant utique ea quæ gesserat per amplatimendaque finitimis, quum insatiabili gloriæ cupiditate concitatus Rhodum inuadere, ac simul Italiam rerum quondam dominam adoriri: atque item coacto ingenti tertio exercitu, in vltiores Persas penetrare constituit. Itaque missus est ad oppugnandum Rhodum cum valida classe Mesithes purpuratus, è gente Paleologa: In Italiam autem Acomathes, cui



ab exciso anteriore dente Gendico cognomen fuit. Hic ab Aulone in Salentinis traſciens, Hydruntem expugnauit, ſummumque inde terrorem toti Italiae intulit: ſed diſpari euentu Meſithes Chriſtianae militiae vim, cum Rhodi moenia tentaffet, infeliciter expertus eſt: quum interim Mahometes aduerſus Perſas ire pergens, apud Nicomedie lacum repentino inteſtini dolore correptus, extremum vitae ſuae diem, tridui cruciatu feſtinata morte abſoluit, anno ætatis quinquageſimo tertio, imperij autem trigefimo ſecundo, magno quidem Chriſtianorum commodo. Nam Acomathes, qui amplius ſeſquiannum circumfuſa Chriſtiana arma contempſerat, cognita imperatoris morte, cum ſupplementa nouarum copiarum præſidio in Italia expectaret, interrupta ſpe ingentis victoriæ, mœrens & gemens exceſſit. Cæterum Mahometes, qui impietatis apud ſuos, apud noſtros vero perfidiæ & inhumanæ crudelitatis notam ſubiit, hanc ſaltem conſeſſione omnium certam laudem à Barbaris repudiatam, non infulſe tuliffe exiſtimatur, quod ei literarum, & præcellentium artium decus cordi fuerit: quando cunctas clariffimarum gentium hiftorias ſibi verti in Turcicam linguam iuberet: vt inde hauſtis militiæ præceptis, actionum ſuarum diſciplinam, exemplorum varietate confirmaret, & præclaros artifices pictoresque præſertim inſigni liberalitate complecteretur. Nam & commentaria rerum ab ipſo geſtarum à Liberto eius Vicentino conſcripta legimus, veraque eius imagine ſumus potiti, quam Gentilis Bellinus è Venetijs Byzantium euocatus pinxerat, quum ibi regiam multis tabulis rerum nouarum ad oblectationem iocundiſſimam referſiſſet.

LEONARDI Griffij (vt fertur.)

Qui vici innumeros populos, tot regna, tot vrbes  
 Solus & immenſi qui timor orbis eram:  
 Me rapuit quæcunque rapit mors improba: ſed ſum  
 Virtute excelsa ductus ad aſtra tamen.  
 Maior Alexander non me fuit, Annibal & non,  
 Fuderit Auſonios tot licet ille duces.  
 Vici victores Danaos, domuique feroces  
 Caoniae populos, Sauromatasque truces.  
 Pannonius ſenſit quantum ſurgebat in armis  
 Vis mea, quæ Latio cognita nuper erat.  
 Arſacida ſenſere manus has, ſenſit Arabsque,  
 Et mea ſunt Perſæ cognita tela duci.  
 Mens fuerat bellare Rhodum, ſuperare ſuperbam  
 Italiam: ſed non fata dedere modum.  
 Hei mihi, nam rapuit mors aſpera quæque ſub alto  
 Pectore condideram, vertit & hora breuis.  
 Sic hominum faſtus pereunt, ſic ſtemmata, ſicque  
 Imperium, atque aurum, quicquid & orbis habet.

Federicus



## Federicus Feltrius dux Urbini.



**H**ic est ille FEDERICVS Feltrius Urbinatium princeps, qui in spectaculis equestrib. ab ictu lanceæ dextro orbatus oculo, iniquam honestissimo ore deformitatem præfert. s ab adolescentia datus in contubernium Francisco Sfortiæ, totam Sfortianæ militiæ disciplinam ita hausit, ut quum in eo certissima magni futuri ducis indoles excelleret, ab inuicto Imperatore ex fratris filia gener ascisceretur. Hunc militari & demum Imperatoria florentem laude, usque adeo patrum nostrorum ætas admirata est, ut eum priscis illis ducibus, qui ab eodem orbitatis incommodo summæ virtutis opinionem & famam sunt consecuti, non temerè compararet, quod singulorum peculiare quasdam virtutes æmulari, argutissimoque ingenio decerpere videretur. Nam quæ propria



Philippi Macedonis laus fuit, multo consilio bella suscipere, multoque maxima celeritatis vehementia conficere; oborientes rerum casus ad rationem flectere; nouas semper occasiones ad alendum bellum aperire; frustrari longa mora hostes, eorumque praefectos pecunia saepe tentare, & commentitij literis suspectos & inutiles reddere, probè didicerat. Astutij porro, planeque Punicis artibus Annibalem aequabat, quo nemo unquam callidius insidias tetendisse; nemo peritius instruxisse aciem; nemo arma promptius atque ferocius expedisse traditur; quando etiam in toto rei bellicae negotio subitae inexpectataeque prudentiae mira laus effulgeret, ei profecto persimilis, quae in Romano Sertorio viguisset. Nam praecipere imminentium hostium consilia; munitiora loca castris antecapere; hostes imagine committendae pugnae distingere, diuque ludificari, ac fatigatos demum longi laboris atque vigiliae mora, ideoque vinci paratos, peracri repentinoque impetu inuadere consueuerat; sic ut non omnino sit mirum si qui octies collatis signis conflixisse traditur, bis tantum aequo Marte pugnauerit, quum sexies victor profligato atque exuto castris hoste triumphalem lauream retulerit. Caeterum bello & pace enitebat in eo ingenium graue admodum, sed sine vlla seueritate, quando in omnes lenem mitemque esset, sine mollicie, & nusquam ad contumeliam iracundum. Facundia valuit efficaci, atque apprimè temperata, qua neminem offendens cunctos modestiae & probitatis admonebat, potius quam acerba increpatione castigabat; utpote qui milites ingenuosque praesertim, pudore, certius quam poena metu in officio contineri praedicaret. Eum porro militiae morem tenebat, ut Tirones equites, quos ex nobilissima iuuentute instituebat, ad parandum decus semper accenderet. Ab his autem quos alacres & gloriae auidos fore prouidebat, hoc sibi vnum praestari postulare erat solitus, ut quum in conspectum hostium deuenirent, non prius eorum aciem reformidarent, quam in eam audacter & fortiter primas hastas confringerent; quo impigre facto, si ita videretur ut secunda pericula vitarent, tum demum equos reflecterent. Nihil enim ipsos ex eo receptu vel pudoris, vel ignominiae subituros. Dux namque praeliorum & eius saeculi morum eximie peritus, existimabat ad primos impetus plerunque parari victoriam, qui longè vehementissimi ab effreni, & aetatis vigore concitato milite quum à veterano decurione inducitur prouenire consueissent. Multis siquidem militiae exemplis compertum habebat, Tirones uti nondum duri Martis pericula expertos, ab incōsulta ineundi praelij cupiditate, quod hostem elatis animis facile contemnunt, vehementem & plerumque insuperabilem vim afferre; sic ut eam perturbata primo impetu aduersariorum acie, quae non facile reparari atque restitui queat, coeptae semel victoriae secundissimus euentus continuo subsequatur. Hanc in eo perpetuam bellicae laudis existimationem splendidissime cumulabant literarum honos & magnificentiae studium. Nam qui Praetorium laxitate & structurae elegantia Urbini aedificarat, in eo etiam Bibliothecam condidit, codicibus disciplinarum omnium refertissimam; existimabatque nihil esse alienius & turpius in bono principe, quam nescire literas, cuius incommodi focerum, eundem atque nutricium maxime poenitere memoria teneret. Raptus est

fato



fato suo, quum Herculem Atestinum aduersus Venetos formidiosa Ferrariensibus arma inferentes, oppositis ad Stellatam oppidum copijs tueretur. Ex his enim locis à Padana aura insalubribus, & palustri solo damnatis, letalem concepit morbum, quem iam planè senex diu ferre non potuit: eo fortè die moriens, quo Robertus Malatesta post relatum ad Xystum Pontificem de Alfonso Aragonio ad Velitras profligato triumpho lauream in Vrbe vita excessit.

PETRI ANGELII Bargæi.

Artes si docuit Punica gens suas  
 Captantem insidijs Annibalem duces;  
 Si præstante Philippus  
 Fudit consilio hostium  
 Inuictas acies: si sapientia  
 Sertori potuit bellica cædibus  
 Non vnus legiones  
 Affecisse Quiricum:  
 Ingenti quoque te Sfortia gens suo  
 Astu, consilioque & sapientia  
 Instructum bone Feltri  
 Bellis præficere horridis  
 Quinuit. sic similes quos Dea præpotens  
 Orbatos oculo fecerat altero,  
 Virtus ipsa coegit  
 Inuitos tibi cedere.  
 Cui præter decora hæc maxima, maximas  
 Reddunt Aonidum numina gratias,  
 Culti & ripa Metauri  
 Et fluxu Tiberis rapax.  
 Dum terga igitur conteget vndique  
 Cælum, cum Latio Græcia nobili,  
 Quod viuit tibi semper  
 Se debere fatebitur.



# Magnus Caythbeius Mem-

## PHITICVS SVLTHANVS.



**H**AC peracri atque retorrída fronte magnus Caythbeius apud Memphim pictus vísebatur, quum Selymus gemina potitus víctória Mamalucchorum regnum interfectis duobus supremis regibus euerteret, opulentissimæque regiæ ornamenta reuelleret, vt se nequicquam præpedientibus arenis inuicta arma Memphim vsque protulisse discessisse, que inde victorem testaretur. Fuit Caythbeius natione Circassius, condicione seruus; verum ab admirabili virtute, atque fortuna dignus eo imperio, quod per duos & viginti annos singulari cum gloria rexit & auxit. Nam more gentis ex venalicio seruorum ordine Mahometanæ legis beneficio liberfactus, sed perpetuus Manceps regis, vt primum è literario, militari-  
rique



rique ludo adolescens prodijt, incredibili prosperoque semper cursu, singulorum ordinum honores percurrit atque promeruit; creatusque demum Diadarius, qui est summæ præfecturæ honos, cum multis fortibus factis, tum varijs in aulæ primates obsequijs, latè gratiam eo euentu adeptus est, vt in comitijs inter multos vel egregiè fortes & gratiosos frustra ambientes, suffragijs victor, & rex, & Sulthanus acclamaretur; neque de se rectè conceptam efficacissimæ virtutis opinionem vsq; fefellit: in hoc vnum semper intentus, vt instaurata militia, quæ longo æuo emarcuisse videbatur, veteres equitum alas lectissimis supplementis corroboraret, & in expeditionem educeret. Legebantur autem ex ipso præcipuè Circassiorum genere, iuuenes acerrimi & robustissimi. Eius enim gentis homines toto habitu maximè lacertosi, validos artus, imperterritas mentes, & tolerantia omnis laboris corpora ad militiam afferebant. Circassij nanque squalida in regione, rerum propè omnium inopes, luxuriæque propterea prorsus ignari, & Aquilonis flatibus obiecti, perpetuoque rigentes gelu, ita prædatoribus Scythijs expositi sunt, vt mortalium miserrimi existimentur, & captiuitatis iniuriam non magnopere doleant, nec parentes perpetua damnati inopia, interceptos liberos diu lugeant, quando etiam filios & propinquos ab ipsa statim infantia paruo pretio mercatoribus diuendant, à quibus pueros ideo expetì persuasum habent, vt honestos milites, præclaros duces, & si ita fati fors vehat, maximos reges efficiant. Circassij populi eum Euxini maris tractum incolunt, qui à Colchis atq; Mengrellis ad Bosphorum contra Tauricam Chersonesum extenditur: ea porro lege atq; his cerimonijs Christum Deum adorant, quibus Moschi & Roxolani Græcorum ritus sequentes vti solent. Cæterum Caythbeius è sordidissimo loco à prima pueritia Memphim perductus, atque institutus his moribus atque artibus, quibus Mamalucchi equitès certatim incumbunt, ad summum rerum fastigium peruenit. Vbi verò primis comitijs sine vlla repulsæ suspitione rex extitit, & per Caliphum sacrorum principem desumpto Sulthani titulo, more gentis consecratus est, nihil omnino antiquius habuit quàm proferre fines, imperij limites armis tueri, Arabumque præsertim infestas manus repellere, debellare contumaces, & neminem aduersum se inolescere pati. Magnanimo nanque & potentissimo finitimorum Arabum impudentis audaciæ latrocinia validis armis vindicanda videbantur, & Persæ qui sæpe repentinas in Comagenem & Syriam irruptiones fecerant, Euphratis transitu deterrendi; reprimendaque item Othomannorum arma, quæ formidolosa erant Syrijs ad Ificum sinum finitimis, quòd Turcæ præsidēs Ciliciæ, nuper sublato rege Pirameto in Prouinciā redactæ, veteres fines transire, alienaque inuadere arroganter auderent. Itaque tribus bellis ingenti animo susceptis, parique fortuna confectis, Arabes nequicquam se longa fuga eripientes, iustis affecit cladibus, antiquisque eorum domicilijs & sedibus latè expulit; eo rerum euentu, vt ad vnum omnes reguli Arabes, atque his pemixti Mauri & Aegyptij, qui regiones inter & Nilum, dextrum Rubri maris littus incolunt, sese conferre ad authoritatem Memphitici regis & tributa pendere cogerentur. Persæ quoque duobus tumultuarijs prælijs fusi, vltra Euphratem in Mesopotamiā pellerentur, & in Cilicia Mamalucchi ad Tarsum castrametantes Turcas adorti, capto Cher-



seogle purpurato, qui Baiazetis erat gener, clarissimam, de inuicta gente victoriam retulerint. His secundis successibus, quum Memphitici imperij fines ad occasum per Africam usque ad Cyrenem extendisset, in repentinum atque inexpectatum, ideoque grauissimum bellum incidit, conspirantibus scilicet subseruis Æthiopibus in Mamaluchorum cædem, planeque rebellantibus: quibus magna multitudo Arabum, & Aegyptiorum, tædio præduræ seruitutis se coniunxerat. Sed Caythbeius expedito equitatu turbam nequaquam militaribus armis, sed oblati tantum casu atque his inualidis armatam telis, quanquam contumaci spiritu sese in libertatem vendicantem, per partes aggressus multo labore disiecit, atque perdomuit. Ab eo diuersorum præliorum cruento exitu, magnus Æthiopum numerus, communicatæ perfidiæ poenas dedit. Pars verò eorum ferme tertia compedibus est reuincta, ut qui nusquam ipsum verè libertatis bonum experti, emptique pretio fortibus dominis seruire condiscerent. His rebus gestis Caythbeius plenus gloria, & apud nostras gentes pari virtutis atque fortunæ illustri fama, Sulthanorum clarissimus euasit. Nam is est qui externæ amicitiae appetens ad proferendum nomen Laurentio Medici Camelopardalim dono misit. Id animal præaltis anterioribus cruribus, cum humiliora terga, breuesque suffragines haberet, ceruinumque caput ab erecta rigidaque ceruice, duobus insigne corniculis dorsum eius candidis in orbem maculis in ruffo colore dispersis, mirè variegatum spectaretur, vti prorsus innoxium, non Etruriæ modo, sed toti Italiæ diu mirabili spectaculo fuit, utpote quod ab ipsis usque Romanis temporibus Italia non viderat, quum in extremis Æthiopiarum regionibus ad Nili fontes difficillimè capiatur. Simili quoque munificentiae studio paulò antè ad Galeacium Sfortiam Elephantem perdomitum, & Tigridem oblongis atris virgulis maculosam, ab insita feritate terribilem dono miserat: quas belluas pictura eleganter expressas in arce Mediolani hodie etiam spectamus. Cæterum senescentem Caythbeium Dultibes vxor Arabici generis, ideoque ambitiosi spiritus mulier, perpetuis adhortationibus perpulit, ut Mahometem filium imperij hæredem relinqueret, antiquata scilicet ea lege, qua filius patri successor esse vetabatur, quum Aegyptios reges vetere maiorum instituto nequaquam obseruata successione liberorum, sed communibus equitum suffragiis creari mos sit; eadem penè iuris formula, qua Romæ summos Pontifices à Senatoribus in Comitio creari constat. Nec defuere Proceres, qui ab impudenti adulatione Reginae consilijs assentirent, multa utique corrupti largitione, quum essent ex eo numero, qui nullam gratiæ spem pro se in comitijs habituri viderentur, extraque sortem petitionis positi melioribus, ut sæpe fit, tanti principatus fortunam inuiderent. Itaque primarum classium principes abrogata comitali lege, nouum decretum intulerunt, ad nutum imperiosæ & saragentis Reginae promulgatum, quod non inepta æquitatis & exempli ratione, cunctis ferè probaretur. Id non erat omnino absurdum, quoniam fortissimo principi, atque optimè de Republica merito, & ægrè conceptum ex senectæ vitijs morbum sustinenti, adiutorem dandum censebant, qui ingentia curarum pondera in patre, recentibus viribus subleuaret; sicuti antea maiores suos Saladino Sulthanici imperij conditori ad honestissimum posteritatis exemplum tribuisse meminerant. Nec multo



multo post Mahometem viginti quatuor annos natum ab eximia pietate, patris adiutorem, & consortem imperij nouis appellationibus salutarunt. Sed ab excessu demum Caythbei, qui damnatae quorundam procerum rumoribus adoptioni, non diu superfuit, Mahometes non multum ea inauspicata haereditate laetatus est. Nam Mamalucchos dolore ereptae suae sortis, interruptaeque praerogativae iniuria perculsos, dira intestini belli rabies ita inuasit, ut Mahomete interfecto, quatuor secundum eum principes creati, paucorum mensium spatio turbulentissimis comitibus trucidarentur: eo anno, qui fuit à partu virginis supra millesimum & quadringentesimum, nonagesimus sextus.

## PAULI IOVII Iunioris.

*Si quondam Hesperio quos misit Bætis ab orbe  
Dalmatæ, aut Lybies Mauris circumsona tellus  
Aeneadum fascēs, Capitoliæque alta tenentes  
Ostupuit populus Latialis, & incluta Roma  
(Externos quauis dominos) æquauit olympo,  
Insueta admirans alienæ nomina terræ,  
Nōne erit hic etiam toto admirabilis orbe?  
Qui genere ex humili Riphæis natus in oris  
Aduersi fines mundi, rigidamque relinquens,  
Arcton, Cimerias ubi Bosphorus asperat undas,  
Venerit ad magni septemflua flumina Nili?  
Atque ibi seruales habitus exutus, & ora,  
Consensuque ducum magno praelatus honore  
Tum demum Aegyptum, & Pharias compefcat habenas?  
Et Syriam quacunque rapax procurrit Orontes  
Sceptra tenens latè magna ditione gubernet?  
Scilicet hæc tantæ virtuti, ingenuoque labori  
Conueniunt, nanque ille diu in sua damna ruentes  
Victor Erythræi depellit littore Ponti  
Prædones Arabum, simul & felicibus ausis  
Trans fluuium Euphratem, trans pictæ Persidis arua  
Cogit Ithyræo gaudentes vulnere Parthos.  
An memorem quod Coryciæ propè mœnia Tarsi  
Rettulit infesto ex Turca sublime Trophæum,  
An subito oppressa Aethiopum seruilia bella?  
Sed nec adhuc tanto famæ contentus honore  
Muneribus placet Italiam penetrare, suæque  
Laude frui; magno sic vecta per æquora sumptu  
Bellua, quam prisci coniuncta voce Camelo-  
Pardalim appellant, geminum cui vertice cornu  
Fulget, & insigni distinctum tegmine corpus,  
Felix ille quidem cunctis qui cognitus oris  
Non vitam ferro amisit, sed morte quieta  
Et natus lacrymans posuit sua membra sepulchro.*



# Matthias Coruinus rex

PANNONIÆ.



**N**ON inuictis modò armis, sed magnitudine animi, admirabiliq̃ue virtutum omnium concursu Matthias Coruinus Pannoniæ rex, cunctorum suæ ætatis Regum decus superauit. Patrem habuit Ioannem Hunniadem, secundis pariter ac aduersis, ducem, omnium qui cum Turcis arma contulerint, longè clarissimum; vtpote qui Turcarum fulmineus terror appellaretur: quorum magnam multitudinem in Belgradi fossis prostrauisset. Is natione Semidacus & Valachus, duos habuit filios Ladislaum & Mathiam. Ladislaus, quòd Vldericum Ciliæ Comitem regis propinquum, qui capitales inimicitias cum Hunniade patre semper exercuerat, apud Albam confodisset, à Ladislao rege securi percussus est,

Mat.



Matthia custodiæ tradito, abductoque in Bohemiam, ut ibi de nobilissimi adolescentis supplicio, extra Hungarorum oculos consideratius atque liberius decerneret. Nam tametsi Matthias eius cædis conscius fuisse putabatur, quod tamen interfecti Ciliensis cruore manus minimè polluisset, nec duodeuigesimum attigisset annum, plerosque Procerum ad misericordiam commouebat, quum vnica proles Hunniadis interitura crederetur. Quid enim eius viri memoriæ ab Hungarica gente, vel gratius, vel honestius persolui posset, quàm si eius sobolem à teterrima nece seruarent; quum ab Hunniade se toties seruatos, Turcicisque trophæis nobilitatos esse faterentur? Eo modo fluctuante Rege, fata viam aperuerunt, qua captiuo & sæuam securem expectanti, non salus modò, verum & Pannonici Regni corona pararetur, Ladislaus enim Rex dum Pragæ nuptiis vacaret, veneno intra paucas horas sublatus est, Bohemiæque regnum arripuit Georgius Pogibraccius, qui vigore animi, clientelis, atque opibus, Procerum erat potentissimus. Cæterum morte Regis audita Michael Zilagus, Matthiæ auunculus, apud quem erant veteranæ copiæ, quæ sub Hunniade stipendia meruissent, cum matre Matthiæ Budam contendit. Quorum aduentu Hungari Proceres permoti matris lachrymis, presentisque exercitus studio & viribus adducti, commendante Hunniadis sobolem Michaelē, extemplo vel vinctum adhuc catenis apud Pragam Matthiam, Regem declararunt, missisque legatis à Pogibraccio postularunt, ut sibi Matthiam redderet, quem publico consensu Pannoniæ regem salutassent. Nec mora Pogibraccius consilium expedit, obtemperandumque Hungaris censet, quod putabat confirmando nouo regno nihil sibi fore opportunius, quàm si Hungaros eo beneficio obstringeret, & Bohemis consociaret. Itaque non catenas modò detrahit Matthiæ, sed ei ad certissimum amicitiae pignus filiam despondet, & tradit; ornatumque Regij cultus muneribus Budæ regnaturum dimittit. Fuere qui existimarent à Pogibraccio regnum affectanti, venenum Ladislao præbitum fuisse, cuius vxor, quæ Caroli quarti Cæsaris, Bohemiæque regis neptis erat, vterum gestaret. Ea partus expectatio ciuile bellum in Hungaria excitauit, graueque negotium attulit Matthiæ, quum de regni possessione cum Regina armis contendere cogeretur. Sed post editum infelicem partum, Regina contentioni finem fecit honestis conditionibus, legitimeque demum antiquo Regum diademate apud Albam coronatus est; sic ut regnarit supra annos triginta sex, occupatus semper nouo bello, quum perpetuis, & inuictis armis vndique sibi amplissimam laudem & gloriam parandam existimaret. Non sustinere ardentis Ducis vim Poloni, qui arma Hungaris inferre ausi fuerant. Hæc eadem Germanorum robora perfregit, quum Austriæ Viennam Federico Cæsari adimeret. Valachorum exercitum ancipiti prelio profligauit, quo ipse sagitta vulneratus, sed planè victor discessit. Bini quoque prælijs Turcarum ab Illyrici limite irrumpentium audaciam ita contudit atque repressit, ut Mahometes eorum imperator, omnium propè gentium victor, successorque eius filius Biazetes, æquissimis legibus pacem petierint. Gessit aduersus Sles-



sitas ad Vratislauriam urbem acre bellum, tanta utrique felicitate, ut in toto Hungarici regni limite deuictarum ab se gentium summæ gloriæ trophæa spectarentur. Verum ob id maiore præconio dignus videtur, quod transmissis auxilijs Italiam Turcarum metu, qui Hidruntem in Salentinis occupant, liberasse existimari possit, postquam inuicti antè, pertinacissimeque resistentes Turcæ, vnum Blasium Magarem è Matthiæ præfectis pugnacissimum, timendum esse, ipsa demum deditioe post egregios multarum eruptionum conatus ostenderint. Eminebat in Matthia eruditum & graue perspicacis ingenij iudicium, quum rerum bellicarum omnis generis, & literarum intelligentia polleret. Neque enim Regem aut Ducem absolutæ virtutis & gloriæ famam adipisci posse prædicabat, nisi literarum præsidio munitus, omnis ætatis instituta militiæ, ipsaque antiquorum stratagemata ex historijs percalleret; quando ea documenta, quæ magno vsui militiæ forent, ab ignaris literarum, nisi longissimo tempore experiundo percipi non possent, quæ alij ex veterum exemplis legendo faciliè consequerentur. Propterea peculiari propè studio in Regiam sibi viros ascieuerat, non optimorum modò studiorum, sed nobiliorum etiam artium laude insignes, quorum consuetudine legendo & disputando, mirum in modum oblectabatur. Quicquid enim ocij è grauissimis occupationibus suffurari poterat, id totum euoluendis annalibus impendebat; multusque viscebatur in ea bibliotheca, quam exquisitis libris nullo deterrente sumptu refertissimam esse curauerat. Forum verò Budæ præcellentium artificum tabernis exornarat, qui ex Italia præsertim certis inuitati præmijs, Budam confluebant. Regia enim Budæ veræ virtutis domicilium, perpetuique splendoris hospitale diuersorium cunctis gentibus patebat. Quandoquidem vincere hostes, & scribenda facere, & virtutem liberaliter exornare, Regiæ fortunæ proprium munus esse duceret. Inuenerat toti prouinciæ Italicas artes, cultum domesticum, Hunnicæ gentis mores ad arma & latrocinia natæ, ita molliuerat, ut Regnum ex plumbeo aureum, deterasque rubigine splendidum reddidisse Pannonij faterentur. Hac illustri fama Christianorum regum florentissimus, quum vigeret, agitareque animo ingens bellum aduersus Turcas, & lætissimè pransus esset. Bolanumque Venetum legatum honoris causa equestri dignitate inter sacra solennia perornasset, repente apoplexia correptus expirauit, anno ætatis quinquagesimo sexto, à partu autem Virginis Nonagesimo supra quadringentesimum atque millesimum, eo festo die qui Palmarum celebritati dicatus est. Effigies eius armata equestris, luculentissimè depicta Romæ in Campo Floræ, contra Podium cubiculi mei in angulo Laurentianæ domus spectatur, ad quam arridet altera persimilis Andreæ Mantiniæ manu picta, quæ in musæo nostro conspicitur:

A N T O N I I T H E B A L D E I.

*Coruini brevis hæc vrna est, quem magna fatentur  
Facta fuisse Deum; fata fuisse hominem.*



PAULI IOVII Iunioris,

Vos ò qui celeri gradu  
 Lucum Castaliæ rupis, & ardua  
 Parnassi iuga scandere  
 Certatis viridem per nemorum comam,  
 Qua riuo resonans sacro  
 Leni lymphæ fugax perstrepat alveo  
 Auratæ cytharæ modos,  
 Insignemque lyram ponite, ponite  
 Si quis posse putat suo  
 Cantu, & grandiloqui carmine Pindari  
 Regem Pannoniæ decus  
 Coruinum meritis tollere honoribus.  
 Nam si Mæonij senis,  
 Seu quæ Virgilij Musa canit Deos  
 Sese reddat ab inferis,  
 Nec curet Siculæ regna Proserpinæ  
 Haud vnquam valeat satis  
 Summis quam deceat, tollere versibus  
 Coruinum egregium ducem,  
 Quem nec laurigeri posset Apollinis  
 Laus, nec Pierij Chori  
 Princeps, dulce canens Calliope melos.

FINIS TERTII

LIBRI



PAVLI IOVII EPI-  
SCOPI NV CERINI PRAE-  
FATIO IN QVARTVM LIBRVM  
ELOGIORVM SVORVM AD  
COSMVM MEDICEM FLO-  
RENTIAE DVCEM.



VARTVS hic liber, magnanime Cosme, recentiorum Heroum imagines continebit, quibus elogia idcirco superioribus adstrictiora, breuiorâque sigillatim affigentur; quoniam eorum, quos ipsi virtutis suae fama florentes vidimus, praeclara nomina historijs nostris abundè celebrata sint, & vti reor, ad posteros etiam transibunt. Ex instituto autem ordine, primus sese obtulit Carolus rex Galliae, qui coalescentis, nec confirmatae adhuc pacis tranquillitatem Italiae inuidit, liuore tamen nostro potius quam suo. Quippe qui euocatus accersitusque ad euertendum passim publicarum rerum statum, eò grauior ingruerit, quò apud ignaros periculi, imperitiosque militiae nequaquam metuendus esse putabatur. Sed eius externae gentis vis repentina & impotens, vel serò nos docuit, dissensionum nostrarum intestinaeque discordiae protinus obliuisci, vt paratae seruitutis incommoda vitaremus, quae demum serendo bella ex bellis nobis parum maturè insanire desinentibus importata, si non cautiore, & fortiores fecit, vt propulsanda pericula flagitabant, patientiores certè reddidisse videtur ad perferendam inusitatae conditionis igonominiam. Neque aliter nos ipsos vltro praecipites datos consolari possumus, quam quòd primos tantae cladis authores aequa vltrix scelerum Furia meritis pœnas dare coegerit. Hic itaque Rex Gallus, qui vel nolens domum tuam suo impetu euertit, te praeclaro exemplo admonet, vt irruptiones externarum gentium, quarum vis vehementissima intolerandaque esse consuevit, graui maturoque consilio auertendas potius. quam armorum fiducia sustinendas arbitrere. In hanc enim publicae salutis curam & Cosmus & Laurentius maiores tui, summae prudentiae viri, semper excubarunt, vt quantum consilio praestari posset, externa arma longissimè arcerent. Neque enim aliter quam his inundationibus obrui & conuelli potest hic tuus Principatus, haud dubiè fato datus, & mirifica demum tua virtute confirmatus; quandoquidem nulla omnino intestina fraus extimescenda videatur, agenti Principem absolutae pietatis atque iusticiae auspicijs, qualem in rectè constituta Republica aequè boni malique ciues optatissimum esse confitentur.



## ELOGIORVM

LIBER IIII.

Carolus VIII Galliaë rex.



R I S hoc gestu & armorum cultu Carolum Galliaë Regem eius nominis Octauum, Alexander Pontifex in mole Hadriani pingi iussit, quum Rex ipse pictori se exprimendum accuratè præbuisset. Is Ludouico vndecimo patri succedens, deficientes ab se Britones armis subegit, capto in acie Ludouico Aureliano atque in carcerem coniecto, quem certa iura Regij sanguinis ipsi successorem destinabant. Ab hac victoria Rex iuuenis, quanquam nec ingenio stabili, nec satis firmis pusilli corporis viribus polleret, pacati tamen atque opulenti Regni subni-



xus facultatibus, bellicosorumque Procerum vocibus incitatus, aduersus Aragonios reges terra marique bellum suscepit, euocante eum atque adiuuante Ludouico Sfortia, qui Aragonio nomini erat infensissimus. Ea namque tempestate fatali malo Italiæ nati, exitialibus inter se consilijs dissidebant Alfonso rex Neapolitanus, & Ludouicus Sfortia Mediolani princeps, qui tum potentia atque authoritate nominis supra cæteros eminere credebantur. Ille apprimè ferox, bellicosus, & insolens: hic verò ingenio subtili, astuto, maximeque ambizioso, odia contraxerant, quæ minimè expiari possent, nisi diiudicante belli fortuna alteruter præceps daretur. Itaque Carolus vehementi impetu Italiam intrans, & subito percurrentes, quantum Galli armis ausuque valerent, cum ignominia Italicæ disciplinæ pluribus prælijs ostendit. Hæc enim ferè tota, aut inscitia atque auaritia superiorum ducum, aut longo ocio restincta perierat; sic, ut nemo ducum aut militum superesset, qui cruentam aciem se vidisse testaretur. Quo vitio accidit, ut faciliè Gallus honestum prætendens titulum, Pisanos eiectionis Florentinis: hos verò eiectionis Mediceis, & Senenses pulso Pandulpho Petrucio, vendicasse in libertatem videri vellet. Ex inde Pontificem terrore inuecti in Urbem exercitus subactum ad foedus ineundum compulit, Gememque Baiazetis Turcarum imperatoris fratrem sibi tradere coegit, quo adiutore in Græciam se traiecturum confecto Aragonio bello prædica-  
bat. Qua inusitata Galli hostis felicitate cuncta obuia sternentis percussus Alfonso, ideoque nihil pro pristina sua militari laude ausus, ita despondit animum, ut Ferdinando filio Regnum cederet; extemploque cum regia Gaza in Siciliam profugeret; eo euentu, ut filius pari hostium impetu undique pulsus vrbe Neapolî atque arcibus, Regnoque demum toto, ocissimè pelleretur. Obstupuere statim ad eius ingentis celerisque victoriæ cursum cuncti principes; vsque adeò consternatis metu animis, ut in vnum pro publica salute, dignitateque Italici nominis conspirarent, & arma contra Gallos undique cogerent. His rebus cognitis Carolus Campanis, Brutijs, Apulis, & Samnitibus, valido copiarum præsidio confirmatis, regredi extemplo, & contra infestos viam ferro aperire constituit; atque ita profugiente Alexandro, Romam præteruectus, Pisas repetijt; & per Apuanos Ligures superato Apennino, ad Tarrum amnem profectus, Venetas, & Sfortianas copias, eum transitu prohibere conantes, cruento edito prælio ita prostravit, ut penè intactus, & nusquam postea lacepsitus in Galliam rediret, nec Italici belli obliuisceretur: renouata namque amicitia cum Ludouico Sfortia, restitutaque ei Nouaria, quam Aurelianus occuparat, Ferdinandum Regem paternum repetentem regnum longo exercuit bello: eo tamen rerum exitu, ut Galli duces militesque ad vnum propè omnes varijs casibus interirent, & ipse demum tertio anno postquam Neapolim ceperrat, apud Ambosiam oppidum, ex ludo parvæ sphaeræ rediens, ignobili in cella, subito animæ deliquio correptus expiraret. Vixit annos viginti septem, imperavit decem. Id verò tanto Regi insigni probro datum est, quod intempestiuis amoribus deditus, eneruatusque molli ocio apud Allobrogum diffluentia longo luxu oppida, Aureliano Nouariæ obsessio opem ferre noluerit, repudiatamque coniugio Margaritam Maximiliani Cæsaris filiam



liam ab se expetitam, desponsatamque, ad patrem remiserit, ut Anna Britanniae citerioris Reguli filia haeresque maiore commodo duceretur: quod Reges nullis pudoris potius, quam commodi priuati legibus obediant.

L A N D R I A N V S Mediolanensis.

*Impiger aërias Carolus dum transilit Alpes  
Parthenopen stricto dum petit ense ferox:  
Horruit illum omnis bello clarissima tellus  
Itala, & inuicti frena superba tulit.  
Victorem sed ne hunc æterna secla viderent  
Nostra ducem, ante annos inuida mors rapuit.*

## Vitellij Fratres.

**H**A C vna latiore in tabula Vitellij quatuor germani fratres cum sene patre conspiciuntur, quos admirabili mediae ætatis vigore, atque illustri bellicae laudis fama florentes, inuida virtute ante diem immitis Parca surripuit. Hos Nicolaus pater post longam contentionem eiectione Iustino æmulo, atque eo demum interfecto, in patria Tipherno non obscurae potentiae principatum adeptus, in disciplinam Virginio Vrsino tradidit, qui tum Romanorum Procerum splendore domus, & multis militiae partis honoribus erat clarissimus. Qui liberorum animosa prole atque ea enixe ad summum militiae decus contendente, plane beatus senex pater videri potuit, quum excedens vita, familiam certissimo militarium iuuenum praesidio confirmasse crederetur, nisi occultior aliqua vis fati aultae iam virtuti indignam atque inexpectatam perniciem attulisset. Praecipiti namque impetu fortuna in Vitellij nominis sobolem incurrens, ex breui interuallo singulos perculit atque prostrauit: miserabilem hercle in modum, quando partim foeda, partim ignobili morte conciderint.

## Ioannes Vitellius.

**I**O A N N E S siquidem natus maximus, quum ad Auximum Piceni urbem in oppugnatione versaretur, immani tormento discerptus interijt.



E L O G I O R V M  
Camillus Vitellius.



**C**AMILLVS huic proximus, in Apulia Circellum oppidum apposita scala conscendere & capere contendens, molarum propè lapide supernè deiecto, nequicquam protegente galea oppressus est. Is tum Gallis, Virginioque duci operam nauabat, & multis bello fortibus factis, pugnacissimi ducis laudem, eo præsertim die fuerat consequutus, quo non procul à Luceria Germanorum integram phalangem Aragoniis militantem, inductis & sæpe circumductis in orbem sagittarijs equitibus deleuerat. Primus in Italia sclopettariorum equitum turmam instituit, quod equitum genus postea intermissum est, quum nimia atque inhabili sclopetorum longitudine præpedirentur; sic ut hodie non miremur breuiore & leuiore, aptiore industria à Germanis institutos, qui nostris nuper hastatis equitibus maximo terrori in Germania fuerint.



MICHAELIS SYLVLI LV-  
sitani Cardinalis de Camillo Vitellio.

*Victorem Pyrrhum post magna atque inclyta facta,  
Fæminea, fama est, occubuisse manu.  
Et te surripuit post inclyta facta Vitelli  
Fæminea dextra missus ab arce lapis.  
Heu fatum occultum, multis distantia seclis  
Clara duorum facta exitus vnus habet.*

# Vitellius Vitellius.



**M**ORIENS Camillus, Vitellium filium reliquit, quem Venetis  
& quatuor Pontificibus, vti erat bellicæ rationis & multi consilij  
apprimè gnarus, impigram fidelemque operam nauasse vidimus.



## Paulus Vitellius.



Æ T E R V M in Paulo & Vitellocio ætatē minoribus vis ardens impauidi animi, & in arduis belli casibus mirē effi-  
cax ita enituit, vt vterque ad militaris imperij nomen non temerē aspirare milites crederent. Paulus ingenio excel-  
sior, & iudicij grauitate præstantior expediendis consilijs, atque armis promptissimus habebatur; sed aliquanto for-  
tasse seuerior & sæuior, quod dormitantes vigilēs impunē interfici, & sclo-  
petarijs hostium captis erui oculos, & præcidi manus iuberet, quod indi-  
gnum esse videretur, strenuum sæpe nobilemque equitem ab infimi ordi-  
nis despicato pedite inulto vulnere prosterni. Nondum enim inuecto ex-  
ternarum gentium cruento more, Itali milites sanguinarij & multæ cædis  
auidi esse didicerant. Paulus hac virtute disciplinaque prouectus, quum  
Venetas copias in Apennino profligasset, Pisanosque egregiē suam tuen-  
tes libertatem, aliquot oppidis expugnatis conterruisset, eorum mœnibus  
tormenta admouenda esse censuit. Sed eius conatus, quanquam vehemen-  
tissimē cœptus, eum habuit exitum, vt malignē obtrectante collega Ranuc-  
cio Martiano disparis dignitatis atq; virtutis duce, perfidiosa potius quam  
necessaria cessatione à semicapto Stampacis propugnaculo retraxisse tormen-  
ta crederetur; quasi eius vrbs subactæ lætitiā Florentinis inuideret; ina-  
nissima quidem suspicione, quum inde à probo auidoq; veri decoris duce  
perampla triumphī laus peteretur. Itaque à præpotente factione ciuium,  
vrgenteque Ranuccio, perfidiæ accusatus, vir insons captus, præcipitiq; iudicio in curia securi percussus est; quanquam vel inusitati generis tormen-  
ta adhibita, in acerbissima quæstione nihil quod integritatis famam læde-  
ret, elicere potuissent. Eo enim supremo malignitatis decreto concidit,  
quod viri suspicaces, & Reipublicæ causā maximē sæui factiosi que, imme-  
ritō tortum nequaquam ex tuto dimitti posse iudicarent. Sed eius imma-  
nis iniuriæ vltor postea extitit Alexander filius, quem hodie patris equan-  
tem laudes, & Hungarico & Germanico bello clarum Italia inter paucos  
duces adnumerat.

A N T O N I I F R A N C I S C I  
Rainerij.

*Vrbis vt ingratae scelus, & victricia Pauli  
Audijt immitti colla resecta manu  
Scipiadum maior; Tua quid benefacta Vitelli  
Quid valere mea? ah dixit, & ingemuit.*

VITEL.



## Vitellocius Vitellius.



**A**T Vitellocium immanior vis atque sæuitia Cæsaris Borgiæ fustulit, quum is cruentissimo homini, perfidioso astu ex recenti defectione in gratiam receptus apud Senogalliam se credidisset. Ibi enim simulatione colloquij militaris perductus in domum cum Paulo Vrsino socero, Franciscoque Vrsino Grauinæ Regulo, & Liberotto Firmano, ad eandem necem destinatis, strangulatus interiit; meritas certò iure pœnas pendens, quod se à sanguinario, nefarioque tyranno syncerè in fidem receptum imprudentissimè putarit; quanquam ea reditus leuitas exitio cunctis futura ab ingenio Pauli soceri largitione promissisque corrupti Vitellocio improbante emanasse credatur. Vitellocius primus in Italia Germanicæ disciplinæ phalangem peditum ex Tiphernatibus suis instituit, quibus & hastas, & secures, ferreaque pectoralia, & galeas, externorum imitatione tradiderat; ordinauit



que ut densata acie procurrere, consistere, regredique, & decurrere in co-  
cleam, nihil perturbatis ordinibus condiscerent; cuius phalangis inuicto  
robore fretus, paulò ante Vgonem Moncatam Borgiæ Cæsaris ducem, in  
Vmbria profligarat; & capto ad Bassianum Guidone Feltrio Vrbinatium  
principe, Pontificias copias insigni edita pugna deleuerat.

P A V L I I O V I I Iunioris.

*Eheu quid faciant, cuiquam homines curiæ habeant fidem?  
Ten' sic negligis? atque ipse tui nil memor, impij  
Te imprudens potuisti manibus credere Borgiæ,  
Infaustis manibus, sacrilegis, atque nefarijs?  
Quid si non tibi notissimus vsque, & satis, & super  
Cunctis ille fuisset rabidus, Barbarus, impotens,  
Humani generis pernicies, atque hominum lues,  
At non te latuit quid fugiens Cæsaris impetum  
Olim dixerit è carminibus Mæonij senis  
Pompeius, Pharyj quum peteret littora perfida  
Regis naue cita. Non equidem vita ferocibus  
Committenda tyrannis, iter haud tutum ad eos satis  
Dixit; sed mala sors omne animi consilium rapit.*

A N T O N I I F R A N-  
cisci Rainerij,

*Non me diua potens atque volubilis  
Motu quæ rotat hæc omnia præpeti  
Deprehsus Ionio mersit improbo,  
Nec Mars belligero dum feror agmine  
Hinnitu alipedum cum litui sono  
Letantem, rapido sustulit impetu,  
Nec me æuo & spolijs tot grauidum nouis  
Hæres, nobilium patria principum  
Linquentem gelido marmora funere  
Victorem, tumulo condidit aureo.  
Sed me perfidior Borgius æquore  
Martis fulmineo seuior agmine,  
Parcarum Lachesi surdior vltima,  
Et fatum, atque fides credula, perdidit.*

E I V S D E M.

*Non mare me, non Mars, seuia aut mors perdidit, at me  
Perdidit, omnibus his Borgius asperior.*



## Petrus Medices.



**P**ETRVS Medices, quem Laurentius pater authoritate atque opibus florentem in Republica principem reliquerat, hac militari specie thoracatus & proluxè comatus pingi voluit. Nam tum viros radi solitos non decebat barba, contrarioque more nostro, capita praelongi crines adornabant. Multo enim iuventutis feruore alacer, robustos, gestandisque armis habiles artus equestribus spectaculis ad bellicam imaginem ostentare, aduersis sæpe hastis in ludo concurrere, variaque pugnae simulacra edere erat solitus: quod ita ad popularem gratiam expediret, sicuti patrem & patruum cum præclara laude fecisse meminerat. Verum hæc studia quanquam digna essent eo iuvene, quem palmae decus accenderet, eum tamen aliquanto longius quam oporteret, à ciuilibus officiis abstra-



hebant à quibus secus ac pater iusserat, ita abhorrere videbatur, ut sæpe venationi falconumque aucupijs, ac amatorijs vanitatibus occupatus, actiones Magistratum inspicere negligeret; alloquia civium fastidiret, & contemptu quodam raro intraret curiam. Quibus moribus fiebat, ut paternæ modestiæ, & Etruscæ frugalitatis obliuisceretur, obiterque superbiæ & luxui, atque item libidinibus quibus offendi civile decus posset, propalam se dederet, quum honestas quasdam familias assiduo atque licentiore matronarum cultu probrosas effici nonnulli suspicarentur. Sed hæc grauior cæteris labe, quæ proterui atque intemperantis famam premebat, cito defebuit ex nuptijs lectissimæ vxoris Alfonsinæ, quam ex Vrsina gente duxerat; conciliante id coniugium Clarice matre ut ex eadem orta familia. Erat Petrus ingenio patri dissimilis, uti sæpe feroci, & tum maximè quum forte meracius biberet, acriter ad iracundiam parato; sed quò amœnitate Musarum & Musicis concentibus cito molliretur, & quò luberet, facile flecteretur. Nam à Politiano præceptore institutum erat domi certamen Etruscorum Poetarum, quo non obscura laus, summa iocunditate quærebatur; quando alternis dicerent, & ad pares numeros responderent, qui extemporaneæ facultatis plausum à circumfusa audientium corona petebant. Latinarum namque & Græcarum literarum studia, ea tempestate Florentiæ vigeant, ita ut arguti iuuenes Etruscos rithmos peramœnis floribus adornarent. Hos mores opima pax ferebat, atque his pacata ciuitas honestissimè lætabatur; sed ubi è Gallia terribile clasicum concrepuit, non temerè conceptus pauor totum inexperti iuuenis animum occupauit: sic ut facile in consilio longe omnium grauissimo fœdè fatisceret, & ciues antiquæ memores libertatis ad pristinum odium, & in spem excutientiæ seruitutis erigeretur. Erant tum Florentini Aragonijs regibus fœdere coniuncti, & cum Alexandro Pontifice sentiebant. Ingruentibus autem Gallis, socius aderat Ludouicus Sfortia diu antea per legatos Petrum ab Aragonijs diuellere conatus. Sed Petrus ita comprobante Ciuitate, censuit ius fœderis non esse violandum. Quo decreto Sfortiam vehementer offendit, quoniam astuta eius consilia ab ancipiti, maleque fido ingenio, sibi detecta ad Gallos detulisset. Amicè enim Sfortiæ legatus in colloquio dixerat, non ideo euocari Galliæ regem, ut Italiæ externis gentibus subigendam & proculcandem daret; verum ut superbi & comminantis sibi Alfonsi ferocia, infensissimi regis metu frenaret. Itaque Petrus repentina per Lunensem agrum Gallorum irruptione perterritus, seræ poenitentiae consilium sumpsit; ob id quò Ferdinandus Alfonsi regis filius, in Aemilia alteram Gallorum & Sfortianorum manum minimè sustineret, & classis Aragonia Liguriam improspere tentasset, Florentia profectus ad Sergianum descendenti Carolo obuiam iuit, ut honesta conditione proposita pacem impetraret. Sequebantur eo tempore regem planè victorem Laurentius & Ioannes Medicei, Petro infensissimi hostes quòd ab eo ex leuissimis offensionibus in exilium acti fuissent. Horum desperatione procures Gallos ab se alienatos Petrus reperiēbat; neque aliter ab rege in amicitiam recipi poterat, quàm si arces custodiendas regijs præfectis traderet, quæ erant quatuor, Pisana, Labronensis, Sergiana, & infra lu-

cum



cum Feroniæ Petrasanctensis. His obſignatis impetrati fœderis tabulis, Florentini ciues qui in ea legatione ad regem, Petro collegæ aderant, uſque adeo animis exacerbati ſunt, ut à Petro Rempublicam priuati commodi cauſa prodi dictitarent, & in eum concordibus conſilijs conſpirarent. Nec multum inde Petrus confecto eo negotio, quum ad exornandas ædes, quibus regem exciperet, Florentiam rediſſet, & ad Decuriones aſcendere uellet, à Iacobo Nerlio Curiaë ianua eſt prohibitus. Qua inſolentis facti acerbitate percuſſum, redeuntemque domum, populus ſublato clamore, & coniectis lapidibus uſque adeo contumelioſè inſecutus eſt, ut uix mentis compos euadendi fugiendique tumultus conſilium expediret, & ſancti Galli porta principatu, patria atque penatibus vnius horæ momento excidens, ſeſe eiſceret, Bononiamque perſurgeret, tanta trepidatione, ut uix Iohanni Cardinali fratri, qui cucullati habitum deſumpſerat, ut ſeſe occultaret, elabendi ſpatium daretur. Errauit in exilio integros decem annos, ſæpius contumacis fortunæ ſuæ fallaciſſimos nutus expertus: vnde ei reliquæ opes abſumptæ, & multum æs alienum contractum eſt, oppigneratis ſcilicet Alſonſinæ vxoris dotalibus bonis. Nam ab initio Virginius Vrſinus, quum accepta in ſtipendium pecunia eum reducturus, ad Rapolanas aquas uſque perueniſſet, commutato repente conſilio, in Apuliam ſe conuertens, ſpes eius inſregerat: biennioque poſt Liuiani audacis beniuolique ducis conſilium ſecutus, ad Romanam portam ita copias ſignaſque promouerat, ut obſeratis repente valuis excluſus, irrito conatu regredi cogeretur, eo quidem grauiore detrimento, quod propinqui aliquot ciues, Mediceiſque nominis ſtudioſi, tanquam hoſtilis eius acceſſus conſci, capite plecterentur. Promiſſis demum Borgiæ Caſaris ad repetendam patriam perductus, quum ille exercitum iſſis propè Florentiæ mœnibus admouiſſet, non modò conceptam ſpem, votaſque eius ſefellit, ſed exiſtimationem exulis & ſalutem in ſummum periculum coniecit. Quod Borgia malè fidus, rebus clauſtine compositis, inter conditiones, Petrum tanquam hoſtem iudicatum Florentinis expetentibus traditurus eſſe diceretur. Nec multo poſt Vitelloccio etiam adhæſit, ex nece fratris Florentinis inimiciſſimo, quum is occupato Aretio bellum intuliſſet. Sed eum terrorem valida Gallorum auxilia ab rege Florentinis ſocijs miſſa ita ſuſtulerunt, ut Petrus eandem aduerſi conatus ſui ſortem tulerit, uſque ad Gallicum bellum, quod Magni Conſalui uirtute ad Formiās parta victoria confectum eſt. Erat tum in partibus Gallorum Petrus, qui proſtratis fœdeſque deletis partium copijs, ut ſe ad Caietam periculo eriperet, quum onerarium lintrem conſcendiſſet, & ſecundo Lyri amne deueheretur, in oſtio fluminis ſummersus interiit: nauigium tormentis cumulatè onuſtum, facile abſorbente irato mari, quum impetum tumentis amnis allidentes decumani fluctus contrario repercuſſu pulſarentur. Hoc ignobile mortis genus ei merito accidiſſe plerique exiſtimaerunt, quod in morte Laurentij patris, Leonium illuſtrem medicum, indignum prorſus ea immanitate, ut de inſelici curatione poenam exigeret, in puteum præcipitaſſe crederetur. Reliquit auſpicacioris fortunæ hæredem Laurentium filium, quem à Leone Pontifice patruo, eiectis Feltrijs, Urbini principem conſtitutum, ſed non diu eo munere lætatum vi-



dimus: ex quo genita est hæc Catherina, quam hodie eruditis moribus ex-  
cultam, & lætæ prolis fecunditate perbeatam in thoro Henrici optimi re-  
gis Galliaë conspicimus.

ANDREAE Anguli.

*Quisquis es armatam effigiem longamque ferocis  
Medicei iuuenis suspice caesariem;  
Huius enim Lyris tantum se funere tollit  
Gallorum, quantum clade fuit tumidus.  
Et magni virtute patris Laurentis, Etruscum  
Arnus pacatas in mare voluit aquas.  
Hunc gemini decorant fratres, quæ Tybris amænus  
Pontificum titulos, sacræque sceptræ dedit:  
Summisitque Vmber nato fera colla Metaurus,  
Nunc neptim Rhodanus, Mosa, Ligèrque colunt.*

## Christophorus Columbus.



VIS non miretur hac honestissima fronte hominem, qui  
inuitata animi magnitudine portentosoque immensi in-  
genij vigore valuerit, aspero ignobiliq; Arbizolo Ligu-  
riaë vico iuxta Sauonam nasci potuisse: Hic enim ille est  
Christophorus Columbus, stupendi alterius & nullis antè  
seculis cogniti terrarum orbis repertor: quem profecto be-  
nigna salutarium syderum conspiratione natum fuisse existimare fas est, vt  
incomparabilis Liguribus honos, eximium Italiaë decus, & præfulgidum  
iubar seculo nostro nasceretur, quod priscorum Heroum, Herculis, & Li-  
beri patris famam obscuraret. Quorum memoriam grata olim mortalitas  
æternis literarum monumentis cœlo consecrarit. Columbus à prima ado-  
lescencia diuersis nauigationibus patrio more deditus, cuncta emporia, insu-  
las, littoraq; mediterranei maris peragrauit: & vt erat Geographiæ ap-  
primè studiosus, curiosi ingenij neruos omnes contulit ad contemplatio-  
nem earum naturæ rerum & regionum, quæ terræ globo continentur, a-  
deo pertinaci spiritu laboreq; vt ex astronomia tropicorum, æquatoris-  
que & climatum mensuras, totiusq; item nauigatoriaë membranæ, & Ma-  
gnetis vsum exactissimè perciperet, inflammatusq; studio atque admira-  
bili cupiditate explorandi Oceani raperetur, vt positos columnis Herculeis  
terrarum limites irrideret. Nec inanibus coniecturis alias omnino terras  
ad occidentem Solem extendi prædicaret, quarum Plato ipse, & Seneca,  
& plerique alij Græcorum & Latinorum nonnulla expendenda Cosmo-  
graphis argumenta reliquissent. Ea quoque spe Columbus magis ac ma-  
gis implebatur, quod paulò antè, patrum nostrorum memoria, à viro Gal-  
lo, cui nomen fuit Bethancor, Insulas Fortunatas, & à Lusitanis Hesper-  
rides, vltra Viride promontorium repertas esse didicerat: superatumq;   
denuum



demum esset Henrici Lusitani regis classe, extremum Æthiopix promontorium, quod Bonæ spei nomen tulit, ultra Capricorni circulum Antartico polo subiectum. Inuidebat profecto hanc gloriam externis gentibus homo



Ligur, elato pertinacique ingenio, iniquè ferens Ligures, qui inueterata navalis disciplinæ autoritate & laude cunctas nationes anteirent, præoccupato ab alijs ausu, occasione ingentis parandi nominis spoliari. Hæc eius vota aliquandiu delata ad reges, & semper reiecta, ad extremum Hispaniæ rex Ferdinandus sic impleuit, vt adductus perseverantia peritissimi hominis, quinque naues ab se impetrari pateretur. Quanquam id concedendæ expeditionis munus, plerique non periculosum modò, sed planè insanum & impium esse prædicarent, vastissimis Oceani fluctibus naues & Hispanos homines committi ad libidinem vani Liguris & decoctoris, qui vitæ suæ iacturam parui duceret: si in eadem pericula multi ipso peritiores navæ, fortioresque homines perducerentur. Itaque Columbus cum paulo minus dueentis hominibus Hispanici generis è Gadibus soluens, inter occidentem atq; meridiem cursum teunit, aquatusque apud Fortunatas Octo-



bri mense in dextrum vela flexit, & sulcato per multos dies Oceano, nusquam apparentibus terris, conspiratione nautarum penè oppressus est: cum peregrini vnus amentiae vniuersam omnium salutem, desperato nauigationis exitu minimè credendum arbitrarentur: quando infinitus pateret Oceanus, nec suffectura essent alimenta, si serò pœnitentibus redeundum in Hispaniam esse decernerent. Sed eos vel atrocissimè consternatos sacramenti militaris sæuere admonuit, quo regi fidem dedissent, se nusquam ab auctoritate imperioque ipsius esse discessuros: multisque rationibus ostendit, certam eos proditiōis pœnam in Hispania subituros, si temerè summi commodi, summæque gloriæ cœpta, & feliciter ad finem penè perducta, timiditate inani, aut importuno incertæ mortis horrore perturbarent. Vix dum focis naualibus pacatis, & ad officium redeuntibus, Columbus volantes aues conspexit, prædixitque non longè abesse terras, è quibus illæ euolassent. Nec eum fefellit opinio: breui enim peruentum est ad Insulas ferè innumera- biles, maximamque earum adeuntes, valde nemorosam, & luscinijs, & psittacis refertissimam, sed humano carentem vestigio, Guadalupeam vocarunt. Inde perpetuis prouectus Euris, atque his vno tenore perflantibus, secundissimo cursu, quod nusquam fluctus inter se refringantur, ad insulam ingentem, nomine Hispaniolam peruenit. Ea distat à Gadibus rudi supputatione, miliarium Italicorum circiter quinque milibus, Cancricque Tropico supposita, in longitudinem tota proscinditur: refertque castaneæ folij formam, magnitudineque Britanniam excedere perhibetur. Eius insulæ gentes Columbus blandis nutibus atque munusculis ad se facile pertraxit, didicitque ex mulierum inauribus, & quibusdam armillis, auri copiam in ea reperiri, quum omnium rerum segetisque præsertim sint inopes, captiueque ingenij adeo simplices, vt literarum prorsus mediocriumque artium sint ignari, vtpote qui nocturnos lemures adorent, quos nunquam viderint, sed inerrare domicilijs eorum noctu persuasum habeant, qui arbitri vitæ simul & fortunæ cuncta bona pariter & mala mortalibus dispensare soliti sint. Horum lignea simulacra incisorio pyrite lapide vsi ruditer effingunt, religioseque venerantur, Zeminos appellantes vtriusque humane fortis largitores. Hos populos tormentorum portento aspectuque velificantium nauium territos & stupefactos, facile ad venerationem Christianæ crucis induxit, fœdereque ic̃to cum aliquot præpotentibus insulæ regulis, cognouit manare aureas harenas ex amnibus, qui ex præaltis montium iugis in Oceanum deferantur. Itaque contentus hoc bene auspicato nauigationis initio, relinquere apud regulos ex suis Hispanos homines, totidemque ab his indigenas mutuae fidei obsides accipere, reuertique in Hispaniam ad regem constituit. A quo demum perfuso tantæ felicitatis gaudio, quadruplo maiorem classem impetrauit, vt reliqua scrutarentur, aggregantibus se ei certatim Hispanis, tanquam ad certam prædæ ex aurea gleba ire properantibus. Hac secunda nauigatione Columbus, Amiran- tis regijque præfecti nomen promeritus, eas quas innumera- biles diximus insulas, partim desertas, partim ab immani & truculenta Canibalum gente incolæ, Piraticisque eorum latrocinij cuncta infesta esse didicit. Ii mortalium cruentissimi atque efferatissimi humanis vescuntur carnibus: nullum numen ado-  
rant



rant; nullum æquitatis ac humanitatis ius colunt; constuprant fœdè mares & venenatis instructi sagittis remigantes in alueis vniligneis longissimè prædantur. Cæterum Columbus recto cursu ab Hispaniola ad occidentem pertendens, insulam Hispaniola duplo maiorem apprehendit: quam propter longitudinem, ab initio continentem esse crediderat; sed anfractibus eius enormi flexu superatis integrè circuiuit, & Cubam appellauit: pari auri copia & simplicitate incolentium Hispaniolæ persimilem, atque inde demum in aduersam ingentium terrarum & regionum continentem ad Austrum sitam, Boreæ flatibus appulsus tenuit. Hunc terrarum incogniti antea orbis tractum æqua fronte septentriones spectantem, & introrsus sub æquatore situm, alij Sanctæ crucis terram, alij Pariam, alij Darienem vario in loco vocauere. Columbus ostium immensi fluminis subiit, quod ideo os Draconis appellatum est, quoniam tortuosis vorticibus nauigia absorbere posse crederetur. Eius terræ gentes Antropophagos esse, nec vllis donis mansuescieri posse compertum est; vestiri eos versicoloribus psittacorum pennis; arcibus & ligneis clauis præliari: nostrorum acies periculo factò reformidare, atque refugere in nemorosas latebras consueisse, constabat. Tot aditis exploratisque gentibus Columbus, factus mortalium celeberrimus; non vno in loco constitutis legendi auri officinis, multisque castellis ad præsidium ædificatis, atrocis inuidiæ ictus effugere non potuit: Accusatus enim ab Hispanis innatæ crudelitatis & auaritiæ, causam pro se dicere coactus est, felici quidem euentu, confutata æmulorum malignitate, quum ab rege gratissimo atque iustissimo præfecturam Hispaniolæ fratri impetrarit; ipseque non multo post auctus opibus, & sua fama felix, quum tranquillè senesceret, in Hispania obiit, relinquens aurifera regna, audentium Hispanorum virtute proferenda, vti mox euenit ad summam Hispaniæ felicitatem. Sic vt Columbus dignus omnino videri possit, qui à Liguribus præsentia potius quàm vetera hodie mirantibus, luculentissima statua Genuæ decoretur.

## I A N I V I T A L I S .

*Tu maris & terræ trans cognita claustra Columbe*

*Uectus naue cita penetraſti*

*Ignotos populos, atque abdita maxima regna*

*Antipodumque orbem extremorum.*

*Hic aliæ ventorum animæ tua lintea leni*

*Implerunt Aquilone, nec alto*

*Fulserunt Helices clarissima lumina cælo,*

*Nec vertit mare tristis Orion,*

*Hic legem accipiunt mitem Zephyrique, Notique,*

*Aequora nec tolluntur in altum.*

*Tu gentem incultam quarum vel pomifera arbos*

*Numen erat, vel purpureus flos,*

*Vel fons irriguus liquidis manantibus vndis,*

*Formas vera religione.*

*Tu vitam humanam instituis, tu mœnia & vrbes*



*Stare doces opulentas,  
 Et parere grauidam non vno è semine terram,  
 Et connubia iungere certa.  
 Vnde etiam extremi lætis cum vocibus Indi  
 Te memorant, patrèmq; salutant.  
 Salue non Ligurum modò, sed decus orbis, honòrque  
 Nostri seclimagne Columbe,  
 Cui meritò Iouius Heroas dedicat inter  
 Nominis æterni monumentum.*

## Ascanius Sfortia Cardinalis.



**A**SCANIVS Sfortia, senatoriæ dignitatis supremum decus, quanto nunquam antea vel postea sit visum, ornatissimo familiæ delectu cultuque, officiosissimi nominis autoritate, & rerum omnium apparatu opulentissimo, ita expressit & impleuit, vt multorum iudicio sacrati viri existimationem atque amplitudinem supergressus esse censeretur. Nam post eius mortem obsolescente sensim Pontificiæ aulæ maiestate, conspirationeque inusitata quarundam gentium eneruatis Romanis viribus, vsque adeo iactata despectaque est religio, qua sacræ opes nitebantur, vt neminem postea vel maximum Cardinalem ei æquari posse fateamur. Nam si vnis diuitijs, vnisque tantum fortunæ muneribus potius, quàm animi virtute & dignitate morum illustrium sacratos viros omnino æstimandos & suspiciendos existimemus, nemo ferè Ascanio veniet comparandus. Lectus fuerat in senatum à Xysto Pontifice commendatione Ludouici fratris, qui Catharinam Galeacij germani fratris filiam Hieronymo Riario Pontificis propinquo nuptui dederat. Inde Ascanius opimis sacerdotiorum redditibus, ipsoque patrimoni censu ditissimus euadens, eum in Vrbe tenorem vitæ instituit, vt domo maximè hospitali, egenisque perbenigna, & erga omnes insigni præditos virtute apprimè liberali, summa beneficentiæ fama potiretur, essetque aliquanto principi propior, quàm sacrato sacerdoti, quod ante omnia venatoriæ voluptatis & nobilioris aucupij exercitationes regio sumptu studioque perpetuo tueretur. Hoc tanto nomine prouectus, diu facile principem inter senatores se gessit. Sed autoritate atque opibus, & noua denique gratia auctior euasit, quum ab excessu Innocentijs octauij Pontificis comitia rexisset. Circumductis namque suffragijs, ad Borgiam totum se conuertit, emptusque proculdubio profusissima largitione, vt ille omnium deterrimus pro optimo Pontifex renunciaretur, adhortator & author præclarus extitit: quum nonnulli eius ordinis candidati, Borgia potiores repulsam tulissent, qui Hispanum occulte malignitatis summæque simulationis hominem exitio cunctis futurum, stultissimè Pontificem creatum nequaquam falsi vates denunciabant. Cæterum Ascanius, qui domum Borgianam peramplaq; munera ex ea suffragatione fuerat consecutus, aliquot post annos exitialis amentia



amentiae suae poenas dedit. Nam Alexander, ut filium Caesarem Borgiam ad summas opes proueretur, cum Galliae rege Ludouico in perniciem Sfortianae & Aragoniae domus conspirauit, tanta immoderati animi acerbita



te, ut cunctos Italici sanguinis regulos expellendos auitis imperijs, & scelerata manu pernecandos susciperet. Itaque Ascanius cum fratre Ludouico Gallicis impar armis eo euentu in Germaniam profugit, ut cum mox Heluetijs fretus armis Mediolanum repetisset, Ludouico fratre ad Nouariam ab hisdem Heluetijs foede prodito, ipse coniectus in fugam prodente cum pari perfidia Conrado Lando Placentino, ad Ripaltam Castellum supra Trebiam, Venetis equitibus traderetur. Exinde perducto iam in Galliam fratre, quum aliquandiu Venetijs praesto in carcere custoditus esset, repente cum Ludouico rege in Galliam pertrahitur: sed triennio post, quod mortuus esset Alexander Pontifex, Romam a Georgio Ambosio Cardinale perductus est: quoniam maximè idoneus putaretur in toto comitiorum negotio conciliandis suffragijs. Nam Georgius non obscuro ambitu ad Pontificatum aspirabat: sed fata Pio tertio Pontificatum detulerunt, simul &



celeriter eripuerunt: paucissimis namque diebus excessit è vita, instauratisque comitijs Iulius secundus Pontifex ei suffectus est. Hic Ascanium Ambrosio frustra contendente in Galliam abduci vetuit, quòd indignum esset sacerdotem nihil tale meritum, paternique imperij fortuna expoliatum in carcere custodiri. Per hunc modum Iulij beneficio liber factus, & pristina restitutus dignitati, quum ad repetendum Mediolanense imperium, ingenti solerti que ingenio consilia contulisset, conscioque Consaluo magno, & Liuiano adiutore Gallis bellum moliretur, veneno sublatus triduo interiit, eo minus infelix, quòd diri Pontificis teterrimam necem epoto temerè veneno, quod conuiuius erat destinatum, vidisset. Eum aduersus tot fortunæ contumelias infracti animi laudem meritum, Iulius marmoreo sepulchro honestauit, quod ad Flumentanam portam in templo Deiparæ virginis conspicitur.

PAULI AMANII Cremensis.

*Hæc est quam mira depictam conspicias arte  
 Augusta Ascanij effigies, magni illius inquam  
 Sfortiade, cui non vultu fortuna minaci  
 Vnquam animi effregit vires: est Gallia testis,  
 Hadriaci que maris domini, qua mente superbum  
 Quàm forti tulit imperium, captiuus & hostem  
 Quàm se prudenti seua à ditione redemit  
 Consilio, ac tandem Italiam vacuâsque reuisit  
 Summi Pontificis sedes, & Tibridis oram  
 Ipse ubi erat sacri decus & pars magna senatus.  
 Quòd si non atris peperissent pocula succis  
 Dirum illi exitium extremos tetigisset honores:  
 Ast illum hac virtus, illuc sua fata trahebant*

Ludouicus Sfortia Mediola-  
 NENSIVM PRINCEPS.



VDOVICVM Sfortiam Mediolanensium principem, cui Moro cognomen fuit, nequaquam à fuscedine oris, quòd esset æquo pallidior ita vocatum ferunt, verum ab argumento, quòd pro insigni gestabat Mori arboris: quæ idcirco sapientissima arborum censeatur, quoniam tardè & non prius germinet & florescat, quàm hyemis iniuriam effugerit, statimque tuto partu ocysimè fruticet, quasi hoc ingenio suo esse insitum indicare vellet, in omni actione nunquam properè, sed grauiter consilia inire, atque ea sicuti oporteret, maturè & celeriter explicare. Verum id postea gestamen comprobante euentu longè vanissimum extitisse videmus: quandoquidem ab tanta opinione prudentiæ, nihil demum sibi sapere sit visus, quum exutus principatu, miserrimus omnium mortalium clatrato



trato in carcere perierit . Erat eo ingenij instinctu Ludouicus, vt omnem ingenitæ prudentiæ vim, subtili astu, & multo simulationis artificio muniendam arbitraretur: propriaque item vota contegere, dissimulanter men-



tiri, fallere ex commodo, atque traducere simplices homines, ex disciplina officioque non insulsi principis esse putaret: quoniam adaperiti & liberè sentientis persona, inexpectatis sæpe iniurijs nimis exposita crederetur. Cæterum in eo vigeat facundia illustris, nonnullis liberalis doctrinæ præceptis temperata, & grauis, quam oris & corporis habitus apprimè generosus & excellens magnoperè commendarent: quibus dotibus coniuncta erat congressus & alloquiū nunquam fucata facilitas, vt perhumaniter responsa daret plena grauitatis & æquitatis: in neminem iratus aut asper: vt pote qui subamara & ingrata his qui peterent, quodam sobriæ iocunditatis lepore mitigare consuesset. His moribus per multos annos aut fratris filij tutor, aut eo demum sublato princeps appellatus, imperium cum insigni gloria dignitateque Sfortiani nominis rexit, consilio potius semper vsus, quàm expeditis armis, quod ex incommoda valetudine vir natura nec belli-



cofus, nec acer, ab armorum exercitatione studioque facile discessisset, dice-  
 reque soleret scriptorij calami, quàm ferri aciem plerunque efficaciorē ha-  
 bere vim in gerendis administrandisque bellis, quæ ad præliorum aleam  
 vel multa cum ratione deducta, inopinatas sæpe calamitates dimicantibus  
 importarent. Quibus institutis atque consilijs, quum arridente fortuna sin-  
 gularem non inanis gloriæ suæ fructum perciperet, & foris prudentiæ no-  
 mine magnus & clarus haberetur, mirè sibi placere poterat, quòd ab initio  
 tutela fratris filij depulsus, & Pisas relegatus; ea authoritate rediisset, vt ini-  
 micos, Cicumque præsertim Simonetam authorem exilij capite damna-  
 ret, eiectioneque dolis Eustachio vetere fidelique custode, Mediolani arce potire-  
 tur, ac Heluetios & Sedunos arroganter ad Domosulā irrumpentes, cruen-  
 ta illata clade reprimeret, & egregia demum cum laude ex Gallico bello  
 post sæua pericula honestissimam pacem sibi atque Italiæ peperisset: supra  
 id quod maximè decorum videbatur, principatus ornamenta & titulos à  
 Maximiliano Cæsare fuisset consecutus. Verum vbi Carolum regem im-  
 matura & repentina morte surreptum, quo cum tuta pax vige-  
 bat, illi au-  
 tem Ludouicum Aurelianum veterem hostem suum successisse didicit, ingen-  
 ti metu præfagientis animi ita correptus est, vt pauor qui ei fatalis erat, æ-  
 grè dissimularetur, sed nihil tamen in eo mentis rationem elideret. Omni-  
 siquidem ingenio atque ope celeriter contendit, vt ea imminens ab Alpibus  
 clades auerteretur. Verum Dñs inuitis præsidia paranti omnia frustra fue-  
 runt. Nam Gallus desumptis statim regijs insignibus, auído atque antepa-  
 rato animo ad Italiæ totius imperium aspirans, cum Alexandro Pontifice,  
 Vanetoque Senatu exitiale toti Italiæ & Galliæ maximè funestum foedus  
 percussit. Nec Veneti cæca proferendi imperij libidine inducti, à supplice  
 exorari potuerunt, quin accerferent ab Alpibus Gallos, ipsis demum cer-  
 tam perniciem allaturos, quòd apud Senatum recentis offensionis dolor,  
 qua ereptum sibi Pisanum imperium querebantur, plus valuisset, quàm Bal-  
 neolanæ pacis memoria, qua Sfortiæ industria, grauissimi belli metu atque  
 periculo liberati fuissent. Quamobrem Ludouicus impio certè, sed neces-  
 sario consilio Baiazetem Turcarum imperatorem contra Venetos concita-  
 re coactus est, quum à Maximiliano Cæsare auxilia desperaret, qui tum Gal-  
 lorum opera Heluetio bello premebatur, & Federici Aragonij auxilia æ-  
 quo remotiora, & languidiora fore perspiceret. Conatus demum est cum  
 rege hoste grauis tributis pactione pacem redimere, vt sibi tantum liberisq;  
 suis paterni dominatus possessio, iuraque relinquerentur. Sed has conditio-  
 nes, quæ dubij belli pericula tollerent, & antiqua Aurelianæ domus iura  
 confirmarent, ab initio auribus libenter admissas, rex postea insolenter reie-  
 cit, quòd vndique vim ac insidiatores in Sfortiam comparasset, quos ille  
 procul dubio non diu sustinere posse iudicaret: in eius rei negotium enixe  
 satagente Triuultio, qui peculiari incensus odio, Sfortiani nominis capitalis  
 erat hostis. Is manebat in præfectura apud Astam Aureliani urbem, & cun-  
 cta quæ opus erant ad bellum impigre callideque parabat. Nec multo  
 post Obegninus atque Ligninius clarissimi duces cum iusto exercitu ma-  
 gnoque tormentorum apparatu in Italiam missi, Sfortianos vrbe Alexan-  
 dria depulerunt, foedè profugiente Galeacio Sanseuerino, qui adulterinis  
 Calatini



Calatini fratris literis , Mediolanum in medio ardore belli perfidiosè fuerat reuocatus : sic vt inopinata profectio omnes ferè copias defereret, Gallisque fœdè relinqueret, & serò de fratris perfidia conquereretur. Eo nuncio & defectione Calatini ad Gallos , importunè terrefactus Sfortia, ideoque consilij factus inops , properè in fugam se coniecit, quòd vndique perfidiam timeret : & tum fortè Simon Horrignonus Insuber æquè perfidiosus & scelestus ad interficiendum principem frustra summissus , Landrianum ærarij præfectum trucidasset , in quo expediendæ pecuniæ ratio omnis sita erat . Fugientem cum liberis Ascanioque fratre Comenses receperunt , apud quos concionantem admirabili constantia , & de consilijs suis multorumque perfidia differentem , ego tum puer maximè sum admiratus . Atque inde miser, & à multis desertus Lario emenso, & superato Abdua monte, quem montem Graium hodie vocant, vnde Abdua profluit , in Germaniam est profectus , paucisque inde diebus quum esset ad Bolzanum in Rhetia , Mediolanensem arcem nefaria proditione Bernardini Curtij clientis sui Gallo traditam cognouit , simulque occupatam à Venetis Cremonam , pari perfidia tradente arcem auarissimo custode, cui Bataleoni nomen fuit. Dum in Rhetia Cæsarem conuenisset, & de re-ditu consultaret, inter multas belli deliberationes, grauem sibi pecuniæ iacturam imminere prospexit, quòd ea à Cæsare auidius expeti, neque auxilia maturè expediri viderentur . Itaque comprobante Ascanio, priusquam auri inopiam sentiret, conandum sibi aliquid existimans, Heluetijs & Grisonibus inter se fœderatis, & mercenarijs gentibus se commisit. Hi namque expeditas legiones , quibus eum reducerent, pollicebantur, quòd iam inuisum Insu-bribus Gallicum nomen esse cœpisset. Nec mora, adiuncto etiam sibi Sequanico equitatu, ab Alpibus Rheticis descendens, à Comensibus, Mediolanensibusque lætissimè receptus est, Ligninio nihil ob-sistente, & cum Gallicis præsijs vltra Ticinum profecto. Sed quum Ludouicus in expugnanda Nouaria aliquot dies absumpsisset, noua Gallorum auxilia Tramulio duce superuenerunt, & cum his multò plures & fideliores Heluetiorum cohortes, quàm essent apud Sfortiam . Ab his vsque adeò grandi Gallica largitione deprauati sunt cuncti ferè duces, qui Sfortie militabant, vt nullo pudore contra sacramenti militaris fidem eum ante receptæ Nouariæ mœnia Tramulio traderent. Commonstrarunt eum Heluetio habitu inter phalangis ordines gregarij militis specie traductum , Rodolphus Longus Griso, & Gaspar Silenus Heluetius. Pari quoque perfidia Sfortiam deseruere Sequani & Burgundi equites , quos mercede coniunctos adduxerat, Aloisio scilicet Valdreio Bastardoque Rossio ducibus, Ligninij opera atque pecunia corruptis. Perductum in Galliam rex Gallus accuratis precibus expetentem , vt victorem regem venerari sibi liceret, ad se perducì vetuit, quanquam eum postea ex itinere prætoriani equitis insignia, atque arma mentitus intentis oculis spectarit extra clementiæ pudorem, quum regiæ humanitatis in captiuum penitus obliuiscendum putaret. Natura enim prædurus, & recenti suo efferatus carcere in Locensem turrem, erepto scribendi solatio miserum inexorabili sæuitia coniecit, ita quinto tandem anno vexatus, ictericæ morbo diuturnam mise-



riam morte effuderit. Audiui ego postea à Petrofrancisco Pontremulo, qui in eadem custodia fidus comes, perpetuo seruitio Sfortiæ fuerat concessus, eum totius infortunij sui misérias virili pioque animo pertulisse, sæpeque dixisse, hanc sibi pro veteribus delictis extremæ calamitatis pœnam à magno Deo fuisse impositam; postquam consilia sua humanæ plena prudentiæ, nihil aliud quàm occulta vis fati præuertisset: ita ut in ea vnam diræ necessitatis causam referret, quòd amici & socij penè omnes vel summis obstricti beneficijs, fidem impudentissimè fefellissent, præter vnum omnino barbarum Baiazetem, qui ex condicito Venetis terra marique arma inferens, sibi promissa, quanquam sera auxilia, in ipsam vsque Venetiam transmississet.

## P A V L I I O V I I I Junioris.

Quantam ruinam præcipiti dabit  
 Lapsu, tonantis tacta Iouis manu  
 Turris, quæ ab excelsa minetur  
 Mole, Deis, mediòque cælo,  
 Sic concitatus, quos rapuit furor  
 Regni parandi atque ambitio mala  
 Euexit ad summum cacumen,  
 Sæpe ruunt grauiore casu.  
 Nam te quid olim consilium iuuit?  
 Quid cum dolosi pectoris artibus  
 Astus inuere, atque in periculis  
 Ingenij experientis vsus?  
 Felix cruento S F O R T I A prælio  
 Si concidisses, nec miserabilis  
 Fædum exitum vitæ vidißes;  
 Quum patria, solioque auito  
 Expulsus, altè in carcere Gallico  
 Pœnas dedisti, quòd nimis improbus  
 Non tutor, at crudelis hostis  
 Præripis imperium nepoti.  
 Ergo insolentem pone superbiam,  
 Qui fidis alti viribus ingenij  
 Fortuna sic gaudet iocari  
 Vertere quum cupit ima summis.

C A E S A R



## Cæsar Borgia Valentin. dux.



ÆSAREM Borgia, qui sanguinario ingenio, immani-  
 que sæuitia veteres tyrannos æquasse censeripotest, viroso  
 sanguine, execrabilique semine progenitum ferunt; quod  
 faciem atro rubore suffusam tuberculis, qui saniem leuiter  
 expuerent redundantem, oculosque introrsus recedentes,  
 & atroci vipereoque obtutu scintillantes ac igneos osten-  
 deret; quos nec amici quidem & familiares contuendo ferre possent, quan-  
 quam eos inter foeminas iocabundus, mira commutatione ad lenitatem  
 conuertere consuesset. Cæterum artus reliqui ad decorem egregie respon-  
 debant, quum ei esset habile corpus, valida neruorum compage firmissi-  
 mum, quod tam aptè quàm impotenter ad cunctas pedestris & equestris  
 armaturæ, ludorumque omnium exercitationes afferebat; vtpote qui  
 longissimè & peritissimè iaculari, in palæstra vel robustissimum quen-



que profternere, currentem in arena taurum vno macheræ icû decollare didiciffet. Susceperat eum in minori fortuna Rodericus pater, ex Vannonia Romana, quam à formæ venustate, & morum illecebris, miraquæ demum fecunditate legitimæ propè vxoris loco habuiffè constat. Vigebat adolescente in Cefare peracutum & erectum ingenium, proptereaquæ missus fuerat Pisas, vt in Gymnasio iuri ciuili operam daret. Sed vbi pater Pontifex est renunciatus, in Vrbem properè rediit, galericuque purpurei dignitate collata in Senatum cooptatus est: quem honorem postea fastidiuit atque reiecit, quum ad firmiores opes magnaquæ imperia effreni libidine raperetur. Primum omnium permutati ingenij & fluxæ fidei documentum præbuit, quum à Carolo Gallorum rege Neapolim contendente, cui à patre Pontifice legati specie, comes & obles datus fuerat, è Velitris Romam profugiffet. Exinde armorum studio teneri, contemnere galeric decus, & Candiano fratri, qui ductaret exercitum, inuidere cœpit, eò quidem infanæ æmulationis exitu, vt ipso fratre Candiano, quo cum hilariter apud matrem cœnarat, iugulato, proiectoque in Tyberim, se totum à senatorio ordine abdicata purpura, & desumpto militari sago ad arma transferret, & Pontificijs copijs præficeretur; conuiiente prorsus ad immane parricidij scelus patre Pontifice, qui & ipse vim sibi afferri ab efferato filio proculdubio metuebat. Itaque sublato principatus æmulo, quod ita ad explendas cupiditates expediret, Gallis se coniunxit, fecitque sponsalia cum Carlota Alibretæ familiæ regij sanguinis puella, apud Aquitanos pernobili. Tum enim Pontifex totus in eam incubuerat curam, vt ingentes filio opes, per amplique imperij facultates, vel summa cum iniuria pararet: eiectionis primò Vrbe Latioque Columniæ familiæ proceribus, Vrsinisque demum insigni dolo pernecatis, & excisa propè Gaietanorum familia, quum eius proceres, occupato eorum dominatu, veneno aut ferro sustuliffet. Verterat quoque eandem sæuitiæ atque perfidiæ rabiem in reliquos Pontificiæ ditionis regulos, quatuorquæ simul Camertium proceres Varaniæ antiquissimæ stirpis strangularat: Guidonem Feltrium Vrbino pepulerat: Ioannem Sfortiam Pisauero adempto, paratam cædem effugere coegerat; expulsis etiam Arimino Malatestis. Et quum Galliæ togatæ imperium affectaret, Catharinam Sfortiam Hieronymi Riarij quondam vxorem, Gallicis fretus auxilijs, Foroliuio & Forocornelio deiecerat, captamque constantissimi animi sceminam, magno probro, & parum virili superbia in triumphum Romam perduxit. His tantis belli sumptibus, quum sacrosancti ærarij pecunia minimè sufficeret, opulentissimum quenque ex aula sacerdotem, & in his aliquot Cardinales veneno tollendos curabat, vt eorum diuitijs in Fiscum redactis potitus, profusissimè largiretur. Vna enim liberalitate quæ milites sibi obnoxios & fidos redderet, famam quærebat, ita vt quum affciuiffet sibi in stipendium multos vndique manu promptos, & ex secunda classe Romanorum ciuium, censu atque audacia præpotentes, affectare Romanæ ciuitatis imperium, Vrbem Hispanis inquilinis replere, & per eos nobilissimi sanguinis proceres, quos eieciffet, diu arcere à patria speraret. Hæc cum impio patre cogitans, attonita in Vrbe noctu vagabatur, quum nusquam interdiu viseretur, quoniam lucem libenter effugeret, ne deformis



deformis & truculentæ facies spectaretur. Nouissimè tot cædium cruore nondum satiat, Astorem Manfredum, quem Fauentia expulerat, quod esset decorus adolescens, scelestè & immaniter prius constupratum, & mox fracta ceruice necatum, Tyberi merisit. Hanc infamis seculi pestem quum neque Di, neque homines ferre possent, fatalis Pincernæ error ad præclaram magni numinis prouidentiam vtrunque sustulit, quum in Vaticana villa cœnantes, ex medicata Falerni vini lagæna parataque ad exitum nonnullis Cardinalibus conuiuio, venenum bibissent. Pater senex non diu veneni vim ferre potuit; at ipse qui dilutius bibisset, atrocissimo, sed non lethali morbo correptus est; sic vt magnis conseptus copiis dux acer, sibi vsui esse nequiuert, dilabentesque copias, & duos veteres hostes paucissimis diebus Pontifices creatos viderit. Sed Iulius hominem vel mille neces meritum, quem in mole Hadriani custodiri iusserat, ea pactione dimisit, vt togatæ Galliæ arces reciperet. Elapsus itaque Cæsar ab Ostia nauigio Neapolim peruenit, vbi à Magno Consaluo iussu regis comprehensus est, atque in Hispaniam deuectus; ne vir bellicosus, quum ad eum magnus militum concursus fieret, recentis in Italia partæ pacis tranquillitatem turbaret. Ad extremum Cæsar post tertium annum deceptis custodibus à Medinæ arce funibus se deiecit, beneficioque Beneuentani reguli nactus equum, ad Ioannem Cantabriæ regem confugit. Apud hunc, armis cum Alarino regulo contendente, militans, quodam tumultuario prælio ad Mendauiam victor, glande traiectus concidit; sic vt non agnitus, & exutus armis qui triumphum meruerat, ad regem nudus sarcinæ modo vili iumento impositus, pendentibus brachijs & cruribus referretur. quo exitu ferox animus corpore excedens lætari potuit, quum ea victima non hosti ignoto, sed manibus tot insignium procerum, quos crudelissimè pernecasset, acerbissimis tormentis dilaniata omnino mactari debuerit. Sepultus est Pompeionæ, arguto Hispani poetæ carmine honestatus, quod Latine postea Antonius Vacca ad eandem sententiam sic vertit:

## A N T O N I I V A C C E .

*Terræ qui modò terror vniuersæ  
Valentinus erat, sepultus hic est.  
Tantillo hoc spacio quiescit, orbem  
Bello qui potuit mouere totum.  
Hospes qui freta longa, quique terras  
Curris, res avidus notare dignas,  
Siste hic adueniens gradum, neque vltra  
Iam quoquàm properes; videre maius  
Toto nil potes orbe, digniusque,  
Quàm quo tantus homo iacet sepulchrum.*

## A N D R E A E Angulij.

*Heu quantum fuerat satius, dux maxime Cæsar  
Borgia, tam claris Romæ natalibus ortus  
Hispano patre, magnarum puer indole fulgens*



*Virtutum, & iuuenis donatus honore Galeri  
 Purpurei, nunquam tam fœde insignia tanta  
 Tu despexisses; regnandi dira cupido  
 Inuasit, quum te rorantem sanguine fratris,  
 Vel saltem est animum aggressus quum bellicus ardor  
 Ille tuum, priscos quo æquasti Marte Quirites,  
 Tôtque duces, validasque acies, tôtque oppida & vrbes  
 Viciisti, indutus mentemque animumque tyranni  
 Aut nihil, aut Caesar demens iactare solebas,  
 Debueras pro fama æterna, pro laude perenni  
 Prælia tractare, vt Romæ celeberrimus olim  
 Mos fuit; at non illa inhians & sanguine & auro  
 Exercere, domo dominosque expellere auita,  
 Tôtque horrenda animo comittere funera sæuo,  
 Quæ pudor Hispano me ortum genitore, Quirini  
 Inque vrbe, & tectis hisdem tam fœda referre  
 Nunc prohibet; sacri quum spreti iniuria honoris  
 Magna olim edocuit mortales sâtque superque,  
 Cantabrie miser vt cecidisti inglorius agris.*

## Nicolaus Vrsinus Petilani

C O M E S



**H**OC honesto caluitio derafaque barba, & vetere leuis ar-  
 maturæ cultu, Petilianus maximè vigilantis, & verè sta-  
 tuarii ducis specimen præbebat, quum Venetis militaret  
 & Vrsinæ familiæ decus, post enectum Neapolitano in car-  
 cere Virginium, illustri armorum studio tueretur. Is plu-  
 ra stipendia vario militiæ munere Pontificibus, Florenti-  
 nis, atque Aragoniis fecit; cauti que semper & egregiè constantis famam  
 est consecutus. Bis aliena potius perfidia, quàm sua culpa in potestatem  
 hostium deuenit; semel ad Cesenam Ferdinando Aragonio militans, quum  
 fortè ad vrbis Decuriones pro expepiendis com meatibus ascendisset; eum  
 nanque inermem & nihil tale suspicantem Guido Guerra vir factiosus &  
 insolens comprehendit, frustra reclamante Cesenatum senatu; sed ab ea  
 vi temerè illata, Guido qui Gallis adhæserat, eum habuit euentum, vt ab  
 Aragoniis in vrbem irrumpentibus continuo pelleretur. Iterum verò ad  
 Nolam quo ipse & Virginus cum Aragoniis copiis, ingruente ad Capuam  
 Carolo sese contulerant. Ibi enim dedentibus vrbem Nolanis, ea condi-  
 tione vt duces copiarumque regiæ incolumes forent, Arsius Gallus contra fi-  
 dem pactionis ipsos duces manu cepit, & copias hostiliter diripuit. Eo  
 modo captiuus quum in Galliam à Carolo perduceretur, emedio Tarrensis  
 pugnae tumultu ad Venetam aciem profugit; sic vt sæuero vehementique  
 suo hortatu, nutantes copias, & fœdam proclinas in fugam opprtunè  
 retentaret



retentaret, restitutisque animis ad conseruandos ordines egregie confirmaret. Qua cohortatione summa proculdubio clades auersa est, & grauioris ignominiae dedecus Italo militi ademptum, tanta cum laude, vt mox e



à Legatis Venetis & Sfortianis seruati exercitus gratiae certatim agerentur. Exinde Veneto conductus stipendio in obsidione oppugnationeque No-  
uariæ, strenuam nauans operam, Gallici tormenti pila iuxta renes ad dubie salutis euentum vulneratus est. Post id verò bellum prosperè confectum, Veneti collecta authoritate florentem, in Francisci principis Mantuani dis-  
cedentis locum, imperatorem crearunt: qui honos perpetua cum dignitate nominis, vsque ad vitæ exitum ei permansit. Eius ductu Germanorum co-  
piæ iussu Cæsaris per Athesis Vallem irrumpentes, quum Gallorum auxi-  
lia Triuultio duce, & Hispanorum cohortes contra Germanos Venetis ac-  
cessissent, post expugnatum Petræ Castellum repressæ sunt. Nec multo post  
diræ coniurationis bellum in Venetos est exortum, conspirantibus in v-  
num cunctis Europæ regibus ad excidium Veneti nominis. Cuius atro-  
cissimi turbinis procellam, Venetus diu ferre nequiuit, amisso scilicet ad Ab-



duam exercitu, quo die aduersus Gallum regem Petilianus villo vsui vel eximie cautus & fortis imperator esse non potuit, quum in id male exploratum pugnae discrimen ab inconsulto præpropereque collega Liuiano, vel renitens & nolens raperetur. Ab ea clade Venetus cunctis propè copijs & vrbibus exutus est. Nam singulae ciuitates aduentantis cum terrore victoris regis, nec impetum, nec ipsam vrgentem famam sustinentes, extemplo rebellabant. Solus Petilianus è suorum strage se recipiens, vt iterum operam præstaret, animum non despondit; suasitque patritijs Venetis, vt de Republica non desperarent: positis nanque castris ad Mestrium oppidum, & collectis profligati exercitus copijs, constanti animo substitit; amissoque Patauio, vt Taruisium in potestate retineretur, immisso præsidio curauit. Neque diu post, non semper immitis Fortuna, inflictarum pertesa cladi um, ita commutata est, vt præ pudore Venetis viam aperiret, qua Patauium reciperent. Excubante siquidem in eam curam Petiliano, Andreas Gritus Venetus legatus è Taruisio cum expeditis copijs noctu mouens, eius portæ, quæ Cauda longa vocatur, pontem, fœni plaustro de industria obsessum occupauit; oppressisque præsidij Germanis, vrbe atque arce potitus est. Qua contumelia singulæque iactura accensus Cæsar, intra paucos dies è Germania descendit; castrametatusque ad Fanum beatæ Helenæ, Patauium ingentibus tormentis expugnare adortus est: cessissetque ea vrbs amplitudine & vetustate pernobilis, proculdubio Cæsari non suis modò è Germania magni roboris copijs, verum etiam Gallorum & Hispanorum auxilijs confirmato, nisi Petilianus supremo Romanæ virtutis opere edito, murum perruptum hostilibus tormentis, iamque ad ingressum audaciæ hostium patentem, memorabili fortitudine defendisset. Cæsar enim alioqui bellicosus, & in dubijs ausibus plerunque pertinax, vbi militare decus emineret, postquam Hispanos fortiter repulso, & fœda missilium ignium, omniumque telorum clade obrutos vidit, ab vltimi certaminis alea temperandum multis de causis iudicans, irritò conatu elusus & inglorius in Germaniam rediit. Neque fata Petilianum partæ gloriæ suæ diu superstitem esse voluerunt; nam septuagenario maiorem diuturnæ vigiliæ, immoderatusque labor, administrandis regendisque præsidijs susceptus, facile confecerunt: sic vt eum lenta febris, & concitata aluus ad Leonicum Vicentini agri oppidum nō multis diebus extinguerent. Senatus tanquam summæ fidei atque prudentiæ ducem non temerè luxisse visus est, quando ei postea parem frustra desiderarit; ob idque ei honoris causa è ligno equestrem statuam erigi iussisset; eo tamen decreto, vt ei tranquilliore Reipublicæ tempore, ænea inaurata poneretur; vel ob id perenne decus merito, quod pro externis regibus, (vti Romanum decebat,) nusquam arma ferens; pro gloria tantum aut salute Italici nominis omni tempore dimicarit.

ANTONII FRANCISCI Rainerij.

*Vrsini venerare ducis picta ora manusque*

*Erydanum quicumque bibis; Tyberimue, Athesimue,*

*Tyrrheno quicumque mari, Hadriacoue potenti*



*Allueris; celsi aut iuga suspicis Appennini  
Ille etenim Ausonios cū se effudisset in agros  
Horrida tempestas; totamque inuoluer armis  
Cerneret Italiam; & trepidantes pectore partes  
Italiae Venetos decus, & cū maximus hostis  
Fulminibus claram Pataui contunderet urbem.  
Exitum in magnum; stetit imperterritus ille  
Huc illuc aciem voluens, urbemque pererrans,  
Romulidum prisca fractus qua Barbarus arte  
Vique animi inuicta, Ausonys excessit ab oris.  
Salue ò bellipotens, tot qui vñs millia contra  
Sublapsam nobis vigilando restituis rem,  
Qui fera Gallorum, & Germanæ robora pubis,  
Innumeras acies qui comprimis Hispanorum  
Et coniuratos Itala in præcordia reges.*

## Franciscus Alidosius Cardi- NALIS PAPIENSIS.



**N**ON ineptum fore putauerim, ad instituendam rectæ at-  
que honestæ vitæ disciplinam in sacris viris, si ad exem-  
plum posteritatis Francisci Alidosij Cardinalis vita impro-  
ba, & non serò subsecutus peruersos mores inusitatus in-  
teritus exprimat. Sic vt eius nobis hæc imago ex viuo  
vultu ducta magnæ sit admirationi, quod tantam in se de-  
cori & liberalis aspectus dignitatem præferre videatur; vt hinc coniectari  
liceat deprauati animi labem illustris formæ specie aliquandiu posse conte-  
gi, abscondique facile vel peritissimis physiognomiæ artis magistris. Ortus  
erat ex nobili Alidosiorum familia, quæ in Aemilia via Forocornelij prin-  
cipatu olim potita est; educatusque liberaliter, sed aliquanto licentius, quam  
exuenti pueritiam ad tuendum pudorem expediret. Adolescens nanque ro-  
seo ingenuoque ore conspicuus, Iuliano Rouereo adhæsit, qui postea pon-  
tifex Iulius Secundus appellatus est. Apud hunc multis & arcanis, expediti  
ingenij & parati corporis obsequijs, quantam nemo alius inter æquales, gra-  
tiam promeruit; quanquam eam aduersus prostratæ pudicitiae rumor vehe-  
mēter eleuaret quod inuereunda consuetudine, aulæ principes sibi concili-  
asse crederetur; vnde illi purpurei galeri honos maturè collatus est, perma-  
gnæque illi ex sacerdotijs diuitiæ, nunquam frustra petenti affluenter ob-  
uenerint; sed quibus coniunctæ (vti mox apparuit) insitæque essent fami-  
liares superbo eius ingenio pestes, cum libidinis & gulæ, tum procacitatis  
& aleæ, malignique liuoris; quæ hominē natura irrisorem, & ab æquo & bo-  
no dissidentem, ad sermones contumeliosos & impuros, impudentibus-  
que mendacijs refertos impellebant; vt ex commodo proferendæ ambiti-  
onis & voluptatis instrumenta pararentur. Mirè enim sibi placebat, quum  
plerosque eius ordinis splendoris & munificentiae gratiæque nomine pro-  
fus anteiret; postquam ei literarum & veræ virtutis ornamēta deessent,



& non obscure Forocornelii dominatum optimo iure se petere à non ingratò Pontifice profiteretur, quòd eam urbem olim Alidosii maiores obtinuissent. Cæterum in ea re Iulium spe sua duriorē inueniebat; occupatum scilicet



cet Gallico bello, & concilii à Gallo rege indicti offensionibus circumuentum, nec quicquam aliud coquentem, quàm ut Pontificii imperii opes auget, studio religionis, amoreque patriæ communis, quam in libertatem asserere aduersus externas gentes magnopere contendebat. Verum Fortuna generosis atque sanctissimis consilijs aduersa, ita Iulii cœpta perturbauit, ut vndique victor Gallus, impotentibus fretus armis maximè vrgeret. Quo rerum successu Alidosium peruersè potius lætatum, quàm malo publico consternatum ferunt; utpote qui pristinae innixus cupiditati, Forocornelii urbē beneficio Galli victoris, quàm Iulii munere adipisci mallet; proptereaque perfidiosis artibus, importuna ad sustinendum gerendumq. bellum impedimēta, Francisco Mariæ Feltrio, qui Pontificijs præerat copijs, afferre diceretur, ut Gallis incumbētibz victoriam aperiret. Erat enim Bononiæ in munere legationis expediendis castrensibus rebus atque pecunijs, obscuro quodam astu



astu semper aduersus, & vsque adeo auaritia, libidine atque seuitia infamis, vt à Bononiensibus Verre Tulliano rapacior & sæuior vocaretur; ob id præferetim quum insontes nec vlllo iudicio conuictos, simplicissimo tantum liberoque ore locutos patritios quatuor, ad inanem ciuitatis terrorem strangulasset; eoque acerbius, quod nulla Pontificij iussus in eorum necem documenta extarent. Fuereij Albertus Castellius, Innocentius Aringherius, Sellustius Guidottus, & Bartholomæus Magnanius, qui nunquam de pro denda vrbe somniascent. Itaque alienato populo, & Gallis appropinquanti bus Triuultio summo duce, Feltrianæ copiae, & Veneta item auxilia his sub vrbe coiuncta, primo repentinoque impetu scædè profligata sunt; ita vt irrumpentes Bentiuoli veteres tyranni in urbem reciperentur, aperiente Ga leriam portam Laurentio Ariosto, quem Alidosius Bentiuolæ factionis stu diosum cohortibus conscriptis portarum custodiæ, perfidiosè aut imperitè præfecerat. Erat tum Rhauennæ Iulius Pontifex, ad quem Feltrius amissis copijs peruenerat, quum eo etiam Alidosius vrbe atque arce desertis, se in fu gam eiciens, conuolasset; vt scelesti admissi erroris veniam inculcata fortuna deprecaretur. Verum hoc meditantì surda fata & superi scelerum vindice s non arriserunt eum: siquidem mula vectum, indutumque atrì coloris pe nula, Hispanicoque pileo, depositis purpuræ senatoriæ insignibus, Feltrius pedes ad Pontificem ire pergentem iuxta Vitalis ædem adeptus, mucrone per ilia graui ter adacto, è mula deturbauit. Quum cadenti Mondulphus equitum præfectus latiore sica malam cum auricula discidisset, Philippus de mum Auria repetente ictus Feltrio, iacentem impresso ad præcordia gladio humi confixit; nihil se commouentibus prætorianis aliquot equitibus, qui stupente atque attonito Guidone Vaino ipsorum duce prætorijque præfecto, neque animos, neque arma ad ferendam cadenti opem expedire po tuerunt. Iulius ad nuncium tanti patrati facinoris exclamans, neuter inquit eorum me fefellit; quod ominabar enim non serò euenturum sciebam; sed me fratris filij dispudet, quod dextram sacrato sanguine polluerit, quum priuato indulgere odio, quam publicæ salutis, immitisi patruì desertor ma luisset videri possit. Sed Triuultius hostis egregiè pius & prudens, Iulium Rhauennam tumultuose excedentem persequi noluit, recepta scilicet Bono nia contentus, quam Gallicis adiutus armis Pontifex ante quinque annos acquisisset. Eius patratae cedis nomen diuersi iudicij famam tulit, quum alij ad sacrosancti ordinis immaniter violati contumeliam, execrabilis inusita tæque cædis facinus detestarentur, quo Feltrius scelesto exemplo aditum ad Cardinalium cædem patefecisse videtur; Alij porro extra aulæ adulatione positi, hominem impensè celebrarent, qui æquissimo iure, sacrati senatus probrum & purpuræ dedecus, tanquam planè monstrum, generosa, & verè Herculeæ manu sustulisset.

PAULI IOVII Iunioris.

*Improbior Caco, Lernaëque immanior Hydra*

*Geryone asperior,*

*Ille est, Ausoniæ non enarrabilis aulæ*



*Pestis & opprobrium*  
*Iam tum vulgatum cunctis Alidosius oris,*  
*Quem tamen impavidus*  
*Sustulit Herculeo confossum Feltrius ictu,*  
*Scilicet vt merito*  
*Sublatus terris Stygias inuiferet umbras*  
*Tergeminumque canem,*  
*Perpetuas illic poenas, & saeva daturus*  
*Supplicia, heu miserum,*  
*Te pudor & pietas, & religionis honores*  
*Deseruere simul,*  
*Pro quibus inuidiam & rabiem exercere solebas,*  
*Imperium patriæ*  
*Affectans, tumidi dum te victoria Galli*  
*Erigit, atque putas*  
*Illius auspicijs cuncta exoptata referre:*  
*Sed vetuere Dei.*  
*At vos iam dudum caso gaudete Tyranno*  
*Patritiorum animæ:*  
*Et tu cum placido letare Bononia Rheno:*  
*Nam quis erit scelerum*  
*Tantium inuentor, qui tristes improbus iras*  
*Effugiat superum?*

## Baiazetes II Turcar. Imp.



**B**AIAZETEM qui Otthomannorum principum octauus fuit, Græcorum senum potius quàm Turcarum more prolixa barba usum fuisse constat, cum ex hac imagine verissima, tum etiam ex grauis nec infaceti scommatis Selymi filij dicto. Hic enim quum forte Hismaelis Persarum regis legato familiariter causam quærenti, cur subtonsa ad mentum barba vteretur, quando promissa potius magnos reges deceret, sicuti Usuncassanes, & Sulthanus Campson, paterque ipsius Baiazetes nutrire consueuissent: illico respondit, se nolle ab ea inutili atque importuna densæ barbæ ansa expositum videri, vt corripiri & circumduci posset à purpuratis suis, quorum improbam vim pater inde correptus & pertractus vnquàm effugere nequiuisset. Erat enim Baiazetes non pertinacis interdum, sed valde obsequentis ingenij; sic vt è media purpuratorum consultatione non nunquam inuitus ad ea quæ nollet actionum consilia sæpissimè raperetur; quanquam in eo non deesset bellicus vigor, constantiæ laudem affectans, & iudicium in expendendis rebus æquo & temperato principe dignum; utpote qui Scythicæ stirpis insolentiam atque duritiem, & natura insitam genti violentiam, multa præcellentium studiorum grauitate, & ex historijs sacris aptissima exemplorum vbertate temperaret. Natura siquidem tran-

quillitati



quillitati & sapientiæ deditus, Peripatetici Auerrois opinionibus oblectabatur, placitaque mahometanæ legis, diligentius quàm regem bellicæ gloriæ audum deceret, rimari credebatur. His cogitationibus occupatus, quum



pater Mahometes mortuus esse nūciaretur, atq. ipse tū' esset in Cappadocia, ab ipso speratū imperij limine, à Prætorianis purpuratorū malignitate concitatis, penè exclusus est, Corcutho nepote in Regiā sedē sublato. Sed nō multo post, cū ipsa pueri imbecillitas, tum obortus inde iustus pudor, imperiū a uo debitū & ereptū prætorianis largitione pacatis faciliè reddiderūt, eoque facilius quod Gemes Baiazetis frater ad imperiū aspirās, cōparatis copijs aduētaret. Verū fortuna Gemem tribus victum prælijs ita perculit, vt Rhodum cōfugere cogeretur, captusque ibi Romano Pontifici custodiendus Romam duceretur. Exinde Baiazetes intestino bello liberatus, more maiorum in Christianos arma conuertit: quorum impetu fere perpetuo Valachos ad Istri ostia adempto Moncastra multis incommodis afflixit, ingentiq. pugna edita Illyriorum Pannoniorumque & Croatorum copias pro cōmuni



salute in vnum coeuntes, apertisque in campis contendere aufas, per Cadū bassam Eunuchum non longe à Sauo trucidauit: neque vsquam præterquam ad Tarsum vincentibus egregiè mamaluchis, aduersam belli fortunam expertus est. Exorto demum Veneto bello non terrestri modò, sed nauali apparatu patre validior, ita irrupit, vt Schenderbassa luctuosa incursione, vltra Tiliauentum in Euganeos penetraret, & Deuthes præfectus classem Venetam Grimano duce ad Sporadas insulas in fugam conieceret: & Venetas opes exolescente eorum disciplina sibi in posterum mari contemptendas ostenderet: quum anno sequenti Barbarus ipse audacior factus Peloponnesum intrans, expugnata fortiter Methone, & ad eundem victoriæ terrorem, Corone, Pileo, Crisseo Naupactoque in deditiōem acceptis, & paulò antè occupato Dyrrhachio terra marique victor euasisset. Sed Hispaniæ Galliæque regibus in publica religionis causa Veneto opem ferentibus, ea conditione pax à Baiazete impetrata est, vt recepta dudum Cephalænia, Venetæ, vti antea fuerat, esset ditionis: & Leucas, Nerythusque insula, quam Pisaurus Venetus nauiter expugnarat, Turcis redderetur. Eius autem conciliandæ pacis Grittus author eo Barbarum facilius persuasit, quoniam in Persidæ Hysmael Sophus ex progeniæ Vssumcassanis sese regem effecerat, inuecta nouæ religionis opinione, quam ingenti fama superstitionis quique earum gentium credulitate nouæ legis persuasi ardentissimè sequerentur; vsque adeo supra religionis causam felicibus armis formidolosus, vt Othomannico imperio hostis immineret. Nam eius clientes sectatoresque in Cappadociæ fines trahendorum in causam populorum nomine penetrarant; binosque iam Bassas Caragium & Halim, geminosque exercitus duobus oppressis ducibus occisione deleuerant. Huius belli timor eò Baiazetem senem perpulit, vt de successore deligendo cogitaret, purpuratorumque perfidia Selymus filiorum natu postremus, quem paulò antè prælio superatum parricidam appellarat, fraude & dolis patre eiecto Constantinopolitano imperio potiretur, & senem patrem vir sæuus atque impius exutum regno veneno tolli iuberet. Per hunc modum Baiazetes ad Dimotocum vicum hortorum amœnitate nobilem, iuxta Ponticum littus ire pergens, quum regnasset annos triginta duos ærumnosam vitam exoptata morte commutauit; eò quidem seipso minus miser, quòd Acomatis & Corcuthi filiorum Nepotumque aliquot regia indole iuuenum, atrocissimam necem non viderit, quum vixisset annos septuaginta tres, sub id ferme tempus, quo Iulius Pontifex, pro salute dignitateque Pontificij nominis aduersus Gallos concilium excitantes, controuersiam armis finiendam susceperat.

#### IANI VITALIS.

*Dum rerum exquiris causas, & dum procul Hunnos  
Carmannos, Cilices, Sauromatasque domas,*

*Baiazete*



*Baiaæete, domi proles tua te petit armis,  
 Et te per fraudes amouet imperio,  
 Adycit inde nouum sceleri scelus, & tibi miscet  
 Pocula lethiferis illita graminibus.  
 Intempestiuos crudelis vipera fœtus  
 Per sua sic tandem funera, rupta parit.  
 Quid tutum est cui sint ingentia regna tyranno  
 Si timeat natos,progeniemque suam?*

## Gasto Foisseius.



**Q**UIS vel imperitus ex humano vultu interni moris coniector in hac decora imberbis iuuenis facie, diuersas inter se pugnantes partes nō admiretur? Quando hinc diffusus per genas argēteus fulgor, ad maturæ frugis pallorē sensim euadens vsqueadeo generosum os cōmendat, vt vehemēter spectantes alliciat. Illinc verò radiantes, cauique oculi, præterocis animi indices, contuentes absterreant. Hac enim specie spirantem bellicam vim Gastonem Foisseium sæpe vidimus, quum feruido ingenio arma quatiens insignes victorias & triumphos agitare. Is ab auunculo rege Ludouico, quem oris atque animi indole referebat, in Italiam cum imperio missus, tanta vi celeritateque, sua atque aliena arma exercuit, vt prius dux quàm miles; antè triumphator quàm acclamatus imperator extiterit, summis profectò nobilioris seculi ducibus præferendus; nisi in ipso victoriarum cursu adolescens plenus gloria cecidisset. Incredibili nanque celeritate ad parandam ei inusitatam laudem & immaturum vitæ exitum properantibus fatis, irrumpentes in Insubrum agros hostes Heluetios acerrimè sustinuit, & in patriam repressit. Bononiam per lutulenta itinera præduæque hyemis glaciem raptato exercitu, formidolosa Hispanorum obsidione atque oppugnatione liberauit: igneque rapidior inde digressus, Veneras copias ad Athesim fuso Baleono duce protriuit: atque eodem cursu per arcem Brixiam aggressus, præsidij Veneti, Brixiani que populi cruentissima strage edita, rebellantem urbem recepit atque diripuit; sic vt mox tanta subnixus victoria, rursus ad Hispanos verteretur, vt Rhauennatium campos, insigni certè victoria, sed fatali suo interitu nobilitaret. Inflammatus nanque immoderato ardore delendi hostis, quum iam planè victor stratis aduersariorū alis & legionib. incitato equo cum paucis, recipiētes sese hostes persequeretur, sub aggere profluētis amniculi confossus interiit; eo quidem euētū, vt morte sua seruasse reliquos hostes, & rem Romanā in summū adductā discriminē, metu atque periculo liberasse iudicetur. Verū ab ea mox cruēnta exitiali que victoria Galli, execrāte eos damnāteque impietatis Iulio Pontifice, premētibusque iterum Heluetijs, Italiæ possessione deiecti sunt. Obeas res gestas Matthæus Sedunēsis Cardinalis Heluetijs legionib. præpositus, vt irato Pōtificali obtēperare videret, Gastonē Mediolani aurata in arce magnificentissimè tumulatū ab excelsa testudine tēpli maximi detrahi iussit.



quod ossa infensissimi & sacris interdicti hostis, indigna eo superbæ pompæ spectaculo iudicaret; Quando ad exornandum impiæ victoriæ trophæum sacrosancti Pontificis vexilla ad ignominiam tholo suspensa spectarentur,



ANTONII FRANCISCI  
Rainerij.

*Funera quis memoranda canat, clademque Rbavennæ  
Et tua summe ducum facta, obitumque simul?  
Ingentes cū tu incedens per corporum acervos  
Iam victor strage concidis in media.  
Gallica sensere Hesperij, quā vinida virtus  
Sensere, vltici cū cecidere manu.  
Sic obitu iuuenis Decios imitaris, & armis  
Sic geminos belli fulmina Scipiadas.*



## Ludouicus Galliaë Rex.



**I**N LVDOVICO Galliaë regē eius nominis duodecimo flagrantissimum armorum studium enituit, quo in vtranque fortunam diuerso euentu longē clarissimus extitisse videtur; sed qui in omni vita proferendū imperij, quā praeclari nominis auidior à plerisque sit existimatus, quod contra insitum generosis Gallorum regibus morem parum pius, & saeuus, pecuniaeque tenax haberetur; quanquam ipse eo nomine quod Romanum Pontificem impugnaret, impius Caesarum exemplo dici nolleret, & saeuitiē plerūque tuēdo regno necessariam esse diceret, nimiaque auri profusione regni vires à sano rege minimē eneruādas arbitraretur. Eum nanque nulli sumptus, à suscepto semel bello nunquā deterrebāt, quū parsimonia potius, quā populorū expilatione gauderet. Proinde viri militares eum tanquā



illiberalem, minimeque largitorem ex animo non amarent, & ex aduerso  
 populi eum tanquam innoxium, & licentiam militarem edictis & pœnis  
 coercere solitum impense venerarentur. Cæterum ei vel minus benigno  
 quam aulæ luxus expeteret, recti atque æqui erga omnes mortalium classes  
 præclarum ius inerat, quando nihil debere, potius quam multa largiri sapi  
 entem regem oportere prædicaret. Neque enim quisquam vel infimi or  
 dinis creditor diu cunctantem quæstorem expectauit: nam regij huiusmo  
 di expediendæ pecuniæ ministri, vsque adeo exigentibus prompti aderant  
 ad abolenda mala nomina, vt militi præsertim stipendiorum suorum statis  
 temporibus certissimus esset prouentus: qui tamen, donatiui extraordina  
 riæque munificentiae auidi, tanquam impunitis superioris seculi rapinis af  
 fueti, noui lucri spem sibi ereptam, regia, eaque planè ignobili moderatio  
 ne querebantur. Visus quoque est natura sæuior aut certè æquo sæuior,  
 quum vlscisci quam parcere mallet, & penè totam, magnis expetitam regi  
 bus clementiæ laudem, tanquam sæpe noxiam aut inanem repudiaret.  
 Tum enim aut ineptè aut parum generose sese inexorabilem & immitem  
 ostendit, quum Ludouicum Sfortiam pulsum dominatu, infamique prodi  
 tione captum, & coniectum in carcerem, erepto scribendi solatio, miserum  
 mori coegisset, tantique modo nominis principem conspectu suo indi  
 gnum arbitraretur. Ab eadem etiam belli felicitate Federicum regem Ne  
 apoli eiectum, & ad se cum inuidia Hispani regis in Galliam confugientem,  
 ad pedesque proiectum, nullo vel mediocris vrbis principatu collato, in  
 spem honestioris vitæ erigendū putauit; quum nō multo post Federicus & e  
 xul, & miser, ex dolore irritæ spei fato concesserit; sæpe dolens & in luctu ge  
 mens, quod opinione sua esset deceptus, quum infidelis propinqui regis  
 malignitatem optima ratione detestatus, apud verum hostem clementiam  
 omnino quærendam iudicasset. Implacabilis quoque sæuitiæ non multo  
 post damnatus est, quum Auogarium teneræ adhuc ætatis adolescentem,  
 regia in aula aliquandiu nutritum, eius Aloisij filium qui Brixiam Gallis  
 ademerat, proptereaque à victore Foisseio dissectus in frusta, admissi sce  
 leris pœnas dederat, tanquam obsidem paternæ fidei, eadem securi percuti  
 iussisset. Verum hæc exempla inhumanitatis, atque sæuitiæ confirmando  
 imperio opportuna putabantur, in Italicas præsertim gentes, quæ metu  
 potius quam vllis lenitatis officijs, tanquam subactæ armis in fide conti  
 neri posse crederentur. Qua in re Gallos postea deceptos fuisse comper  
 tum est, ipsa ad euentum belli docente Fortuna. Nam Ludouicus qui sine  
 vulnere Sfortiano potitus imperio, Aragonij nominis leges sustulerat, &  
 Genuenses populari defectione antiquam repetentes libertatem, terra ma  
 rique domuerat, formidandamque liberis populis arcem eorum humeris  
 imposuerat, & Venetos vna acie cruentissima ad Abduam debellarat, Ju  
 liumque Pontificem summis illatis cladibus, & erepta Bononia, ipsa pro  
 pè vrbe Roma depulerat, in exitu victoriarum suarum hæsit, viditque se  
 Neapolitano deiectum regno, & expulsū Mediolanensi imperio; Gallos  
 præsides Genua eiectos; receptamque Bononiam, ac obiter Venetos in bo  
 nam spem veteris instaurandi imperij perductos, quum Britannicis pari  
 ter, ac Heluetijs Hispanicisque armis in Gallia circumuentus, qui externis  
 terrori



terrori fuerat, sese ægerrimè patria in terra tueretur. Cuncti nanque veteres eius hostes pro causa religionis, dignitateque exagitati Pontificis, aduersus Gallos ex censura Christiana impietatis damnatos, arma desumserant, tanto impetu, vt ea vis publica ad ipsos etiam veteres Gallorum socios, vt eodem impietatis scelere contaminatos recideret. Ioannes siquidem rex Nauiaræ oppugnantibus Hispanis regno excidit: & Iacobus Scotiæ rex egressus fines, vt Henricum è continenti in Britanniam retrahere conaretur, conferta improspere ad Tuedum pugna, victus interfectusque est: & Florentini in Gallorum gratiam concilio Pisis sedem concedere præbereque ausi, reductis à Iulio in patriam Mediceis veteribus dominis, amissa libertate stultæ temeritatis poenas dederunt. Sed Ludouicus demum se propè à Fortuna mulctatum cernens, ad sanitatem ita rediit, vt ab infestis hostibus vel iniqua conditione pacem redimeret, & ei à rege Henrico soror amabilis puella venustatis, in matrimonium traderetur. Verum ab his nuptiis rex iam senex, & diu pertinaci & sæuo vexatus morbo, ex nuptiali face sibi rogam succendit, quum regnasset annos quindecim, vixisset prope sexaginta: dignus profecto ex cumulatis toties victorijs supra cunctos ætatis suæ reges, præalto atque ornatissimo trophæo, nisi vetus Christianissimi cognomentum ab inconsulta superbaque dissensione, quum Romani Pontificis dignitatem impotentibus armis conuellendam susciperet, declaratus sacer & impius amississet.

IOANNIS Bellay Cardinalis Parisiensis.

*Prostratis venetis, victo Ligure, Insubre capto,  
Et Romæ afflictis, Hesperiaequæ opibus  
Palma tibi Ludouice ingens accreuerat: hanc fors  
Abstulit, at non sic abstulit illa animum;  
Nec fecit (neque enim sunt hæc sua) Gallia ne non  
Vtraque, te patriæ diceret esse patrem.*

## Consaluuus Ferdinandus

MAGNVS DVX.



HAC præclara planeque heroica, & vere maximo duce dignissima facie sese Neapolitanis ostentabat Consaluuus Ferdinandus, quum plures victorias continenter adeptus Gallicum bellum secundissimè consecisset; triumphaliq; laurea (nisi eam singulari modestia reijceret) militari iudicio acclamationeque populi exornandus censeretur. Cui ideo breuius atque perstrictius Elogium optimo iure supponendum arbitramur, quod eius vitam & res gestas, peculiari libro edito scripserimus. Neque enim angusta papyro satis honestè capi potest hic imperator, merito cognomine consensuque omnium ferè gentium Magnus appellatus, qui nostræ tempestatis vniuersos ferè duces magnitudine animi, bellica virtute, totiusque ciuilis humanitatis atque prudentiæ præconio sine controuersia superauit. Sic vt eum tanquam summi nominis existimatione clarissimum



ducem, Ludouicus Galliae rex, vel in hoste verae virtutis admirator. Ferdinando Hispaniae regi inuidere testatus sit; quum duobus his regibus apud Dauoniam vna cenantibus, Consalius ipse honoris causa conuiua tertius



accessisset, & à Gallo demum rege post accumulatas laudes, aurea torque e collo regio in eius ceruicem iniecta donaretur.

P E T R I Grauinæ Neap.

*Te prius accepit, quàm fecerit inchyta Magnum  
Sors tua, te virtus vindicat vna sibi  
Nec Fortuna tuæ tribuit cognomina laudi,  
Te duce, sed potius sors bona nomen habet,  
Cui tantum hoc debes quod te comitata priorem  
Non dux, sed Magnum est fida secuta ducem;  
Abs te quicquid habes tibi prouenit; omnia tecum  
Magne tenes, ante hæc maxima, magnus eras.  
Felix ipse tuo, non sortis nomine felix,  
Qui geris æternum non aliunde decus*

B A R.



## Bartholomeus Liuianus.



**I**N BARTHOLOMEO Liuiano sicuti nos vidimus, & ex hac vera imagine coniectari licet, quanquam ab humili corporis statura, ac ignobili sub agrestis acerbique oris ductu nullum ipso dignum personæ decus emeretur; viuidi tamen & peracres oculi, innatæ virtutis indices, quantum excelso efficaciq̃ue ingenio valeret, facile ostendebant. Neque enim illustri sanguine, neque opulentis parentibus vti apud Albanum tenue Tusciæ oppidum natus erat; sed ascitus à Virginio Vrsino tanquam impiger, & maximè fidus cliens adoptiuæ nobilitate præstantique militiæ studio clarus, ad summos honores ascenderat. Nactus siquidem valde opulentum, ingentisque famæ auidum Romanæ militiæ magistrum, pertinaci industria, singularique labore, & incredibili vigilantia, aditum sibi ad militaris imperij nomen patefecit. Nam post Gallos ad Artellam Apulam,



Ferdinandi Aragonij & Consalvi Magni virtute debellatos, postquam Virginium captum vidit, è custodia per fenestram euadens, varijs demum sese bellis immiscuit, quum Braccianum Virginij oppidum aduersus Pontificias copias constantissimè defendisset; exortoque bello inter Columnios proceres & Vrsinos, Carolo Virginij filio strenuam nauasset operam, vel multum aduersante Fortuna, in eo præsertim prælio, quo ad montem Cælium Vrsini intercepto ab hoste Carolo superati sunt. Adhæsit demum Magno Consaluo cum reliquis Vrsinis proceribus, quum eius factionis copiae spernerentur à Gallis, impensè tum Cæsari Borgiæ fauentibus. Hunc quippe Vrsini omnes vno consensu ad vlciscendam iniuriam parati atque intenti quæritabant, qui tot familiæ proceres immaniter enecasset. Itaque Consalius præcellenti atque præcipua Liuiani virtute vsus, post deletos ad Lyrim Gallos eum Sancti Marci vrbe in Brutijs donauit: fama que est eum non multo post ipsius Consalvi & Ascanij Sfortiæ consilio atque pecunia instructum, Pisas coacto exercitu penetrare, atque inde Gallis, vt eos Mediolano depelleret, arma inferre cupiuisse. Sed progredientem ad Campiliam non procul à Volaterranis vadis Florentinorum copiae, M. Antonio Columnio Iacoboque Sabello in prima acie acerrimè dimicantibus, eum fuderunt. Contulit se inde ad Venetos, trucidatisque ad Cadubrium tumultuario in prælio Germanis, & aliquot eorum oppidis, Tergestoque antiqua vrbe Maximiliano Cæsari ademptis tantum inclaruit, vt Petiliano imperatori, æquato propè honore ex decreto senatus iungeretur. Verum ea bellici honoris incrementa, cum ipsi, tum Reipublicæ in auspiciata fuere, quum ingruente Ludouico rege Galliæ, Liuianus vel reluctante Petiliano, manus conferere properasset. Ab ea siquidem infelici pugna ad Abduam vsque adeo funesta clades contracta est, vt inde Venetum imperium amissis vrbibus penè totum sit euersum; ipse verò vulneratus & captus in Gallicum carcerem sit coniectus, in quo memorabili astu, rerum suarum commentarios perscripsit, quos legimus, in scabra vilique papyro, & latrinis tantum dicata, diligenter exaratos. Nam postquam à custodibus scribendi facultatem impetrare non poterat, ex furculis scoparum calamos fabrefecit, intritoque carbone, & super insperso vino, atramentum parauit. In his legere fuit, se cæso matris vtero in lucem editum fuisse, quum Martis astrum directum cæli verticem obtineret; vnde sibi ab Astrologis prædictos militaris imperij honores, & certa capitis & frontis vulnera quæ vitare nequisset, denunciata fuisse asseuerat. Exacto triennio carcere emissus, & à Venetis Gallo conciliatis, in demortui Petiliani locum suffectus est, moxque iterum improspere cum Cæsarianis ad Vicentiam confligit; vsque adeo tristi fœdoque euentu, vt funestissima clades acciperetur; ipseque tranato flumine in quo nonnulli duces ex fuga perierant, Patauium agrè perfugeret. Quod dedecus atque incommodum acceptum aliquot postea opportunis expeditionibus contra Germanos & Hispanos ad Portonum atque Rhodigium suscepris; egregia cum laude refarciuit. Nouissimum eius operum fuit Abduæ traiectus, præstitumque Francisco regi insigne studium & auxilium, ea in pugna qua Heluetij iuxta Mediolanum superati sunt. In eos enim continuato per noctem prælio fatigatos & perturbatos, sed adhuc accerrimè resistentes, quum



quum recentem equitatum suum induxisset, rusticanamque domum, qua hostes mira constantia se tuebantur incendi iussisset, aduentaretque peditatus, tandem hostis ferocia victa protritaque est. Sed ea victoria minus læta Liviano obuenit, quod Cepinius Petiliani filius in eo tumultu cecidisset; ipse vero iam senex & thoracatus, cum pugnae feruore, tum ardore Solis vehementer succensus, lethalis morbi initia concepisset. Nam non multos post dies oborta febre, atque intestinis in herniam defluentibus sexagenario maior ad Vicum Ghedas supra Ollium amnem ereptus est. Post mortem autem in qua omnis decedit inuidia, maximè acer, & pugnae, vigilantiaque item & integra fide præclarus dux existimatus est: sed qui teste Gritto, Ræipublicæ Venetæ parum esset opportunus, quæ cautum potius & cunctatorem ducem exoptulet, quàm feruidum bellatorem: utpote cui minimè grauis sit vllus trahendo bello sumptus, quando liberæ ciuitatis is omnino mos sit, non iusalubriter institutus, ut incertos & ancipites præliorum casus non ineptè reformidet.

## PAULI IOVII Iunioris.

*Cæsar eras quondam exectus iam matre perempta  
 Infans vitales blandi dum luminis auras  
 Haurires, cælum medium Mauorte tenente.  
 Mox quia te cunctis clarum tua maxima virtus  
 Fecit, & aterna vexit super æthera fama,  
 Quod te magnanimum, quod fortem pectore, & armis  
 Contra mille acies, atque agmina milia contra  
 Hadriaci sensere patres, Venetumque Senatus,  
 Certè non aliud tibi, quàm de Cæsare nomen  
 Sumere debueras; quis enim te dignior illo?  
 Quum toties validum bello deieceris hostem,  
 Et toties referas Veneto victore triumphum.  
 Testis erit Germana suo cum Cæsare pubes  
 Fulminea disiecta manu, longèque fugati  
 Finibus Insubrum Heluetij, gens effera, testes.  
 Improbus at si aliquis tibi fortè obiecerit illud  
 Ut te pugnandi cupidum nimis impiger olim  
 Vicerit, inique suo seruarit carcere Gallus;  
 Nesciet heu demens quantum sibi vendicat ipsa  
 Fortuna omnipotens; non hoc obiecerit vnquam  
 Qui sapiens, rerum dominam cognouerit illam.*



ELOGIORVM  
Campso Gaurus  
Aegypti Siriaëque Sulthanus.



**I**N Neminem, ut videri potest, vel ab initio blandius, vel in exitu acerbius & petulantius Fortuna iocata est, uti impudens & lubrica spectatae probitatis obtretractrix, quam in ipso CAMPSONE Gauro Memphitico rege. Is enim Scythicis pruinis puer eductus, & manceps educatus in er gastulo apud Memphim, Mamaluchorum disciplinam, & cuncta per aetatem militiae munera nequaquam segniter apprehendit; tanto bonae famae successu, ut nullo correptus ambitu, & aureae mediocritatis fructu contentus medijs in classibus consenescere, honestique nominis potius quam praclari primatis dignitatem tueri velle videretur. Sed defuncto Caitbeio, occisoque subinde Mahomete eius filio, quum per intestina bella procures de imperij haereditate ad interitum propè totius ordinis dimicarent



micarent, nec ij vllum cruentæ controuersiae exitum viderent, qui primæ classis decus sustentabant, vt plerunque fit regem elegerunt, quem nemo timeret, nec quisquam haberet odio, aut innoxiae tantum probitatis fama cognitum impensius adamaret, & coleret. Itaque Campson hoc innocentiae suae titulo extra inuidiam omnemque ambitus suspicionem positus cogen- tibus proceribus vltro delatum, inuito similis imperium excepit; eaque il- lud moderatione dignitateque tutatus est, vt Mamaluchi simultates depo- nerent, augerentur vectigalia; partaque rerum tranquillitate, ab Othomā nis regibus suspiceretur; & ab Hismaele Persarum rege coleretur, tanquam intermedius maximarum opum, summaque nominis autoritate rex am- plissimus. Hoc enim instituto Campson non imprudenter utebatur, quo effrenatas vtrinque & nunquam satis perdomitas duorum praepotentum re- gum voluntates & vires, deterrendo & coercendo in dubio colendae pacis officio contineret. Sed ab hoc non semper salubri consilio, quam para- bant immitia fata ad res perturbandas viam inuenerunt. Deuouerat se bel- lo Persico Selymus, vt Hismaelem in Calderanis nuper campis superatum, funditus euerteret. Obstabat Selymi audaciae æquissimus belli arbiter & spectator Campson, ab ea æquitatis ratione prorsus infelix. Nam vti pe- riculo proximus, permotusque recenti adhuc exemplo Tarsensis pugnae, & superiore Vsumcassanis audacia, qui nunquam flumen ipsum Euphra- tem imperij sui limitem esse pati voluisset, in neutram inclinabat partem, & se vtrinque totius belli disceptatorem & iudicem exoptari & deligi cupi- ebat. Verum Selymus superbo ingenio interdicentis arma vanissimi se- nis, minas & vires contemnens, easque ferro retundendas esse existimans, postposito Persa, magnae sibi gloriae futurum duxit, si superato Amano monte in Syriam inexpectatus irrumperet. Ab eo nuncio percitus ira Campson, & suorum perfidia ignarus, promotis à Damasco castris, in Comagene ad Singam amnem Selymo obuius fuit, & extemplo cum ho- ste collatis signis conflixit; eo victoriae euentu, vt Cayerbeio Alepiano praefecto insigni perfidia Campsonem non deferente modo, sed infestis per- sequente armis, Mamaluchi quanquam eximie fortes, amissis ducibus fun- derentur; & Campson ipse fugientium suorum incurfu, vti erat ætate mul- toque abdomine grauis, ingentique praepeditus hernia, in multo puluere nemine agnoscente, cadenteque equo proculcatus interiret. Repertum cadauer, triduoque ostentatum Syris, subitam rerum commutationem ad- mirantibus, non Syriae modo, sed Iudaeae atque Aegypti occupandi Sely- mo victori ianuam aperuit.

## I A N I V I T A L I S.


*Fortuna caeca & surda verè diceris  
Et mente vanas praedita  
Ad alta tollis scamna in imo conditos  
Vt mox cadant profundius,  
Morosa tu mortalium appetentium  
Votum omne fulmine ocys*



*Fugas, deinde te nihil petentibus  
 Benignitate prodigis  
 Campson vt ille Gaurius nil ambiens  
 Nil te proterua flagitans  
 Inuitus imperator oræ Aegyptiæ  
 Tumultuosa militum  
 Ex fece plebis factus, insolantia  
 Supra volabat nubila,  
 Inter receptus altiora sidera  
 Mox excidens altissimus  
 Absumptus armis hinc & hinc rebellibus  
 Grauis senectæ pondere  
 Fit ludus atrox impotentis alea  
 Tūæque peruicaciæ,  
 Amisit & cum vita opes quas maximo  
 Cum regno habebat maximas.*

## Tomumbeius Vltimus.

Aegypti Syriæque Sulthanus.


**D**AMNATIS hercle auspicijs, & iam fatali ruina concidente Mamaluchorum imperio, Tomumbeius imperium excepit, vt labantibus & ferè perditis rebus succurreret. Ita verò attollentibus cunctis procerum ordinibus annuit, vt se tanquam indignum excusaret, parumque paratum ad periculosissimi belli vim sustinendam: sic ut amore patriæ potius, publicæque salutis & dignitatis causa, quàm vlllo ambitu diadema fuscipere videretur. Eum nanque longè optimum atque fortissimum credebant, qui reparando bello cæteris omnibus aptior, & ad defendendam communem iniuriam, magnitudine animi, militarique ausu promptior censeretur. In hunc præcellenti virtute sua, militumque omnium studio nixum, & Dijs inuitis arma expedientem, Fortuna admirabili excitato ludo, infesta iacula contorsit, vsque adeo atrociter, vt peculiari decreto præstantissimi hominis virtutem sibi omnino excindendam fusciperet: qua cadente, ipsum vnà concideret Sulthanorum imperium, propter elatæ gentis superbiam sæuamque tyrannidem cunctis hominibus, præsertimque Aegyptijs intolerandum & inuisum. Itaque Tomumbeius explicatis consilijs aduentanti Selymo ad Mataream sua castra opposuit, frustra tormentis, cæcisque fossarum insidijs permunita: magnoque statim ardore & pari spe victoriæ, vtrinque classica recinerunt. Sed admirandæ pugnacissimi regis fortitudini, ne Selymus deleretur, obstitit illa eadem perfidia, quæ Campsonem oppresserat: Nam transfugæ cuncta ea quæ Mamaluchi insidiosè parassent, ita Turcis indicarant, vt longè omnium iniquissimo & cruentissimo prælio certaretur, & Tomumbeius munimentorum suorum spe deiectus numerosi hostis toremnta non diu sustineret.

Amisissis



Amiſſis enim illuſtribus præfectis, & flore equitum multa cæde perturbato intra urbem Memphim eo animo ſe recipit, ut per obſeptas magnis trabi- bus regiones de imperio, & de liberis ac vxoribus egregio conatu decerta-



ret. Verum Selymus cui fida comes & nusquam abſcedens Fort una aderat, fortiter aggreſſus urbem cuncta perrupit, & continuata per triduum dimi- catione magnam partem Mamaluchorum vel pertinaciſſimè repugnantium trucidauit, fruſtraque reliquos, ad Deorum inanium templa confugientes, & ſub fide deditos interfici iuſſit. Nec tanta accepta clade Tomumbeium ultra Nilum ſe recipientem & nouas comparantem copias Fortuna perſequi deſijt, uti nondum tot illatis iniurijs exaturata, ſcilicet ut in regem ab ingen- ti inuictaque virtute conſantiſſimum, impotentis ſuæ libidinis totam ira- cundiam effunderet. Ipſa nanque inuita reparatis copijs, & ad Nilum ri- pam pontemque ſupremo audaciæ conatu edito conſigentem perculit; quærentemque latebras per paludem calamis obſitam, prodentibus incol- lis, Selymo victori captum vinctumque tradidit; ut de rege ſummæ, ſed in- fauſtæ virtutis, clariſſimo, ſpectaculum verè deforme Scyticumque prorsus



ederetur. In eum siquidem Selymus abdicata omni vel regiæ clementiæ, vel iustæ humanitatis laude, quæ singularis fero eius ingenio proponebatur, crudelissimè statuit, quum diu in quæstione de thesauris accerbissimè tortum, impositumque vili camelo, & per urbem circumductum, ad Basue lam Syriæ portam laqueo necari, vncoque ferreo suspendi iusserit; vt Aegyptij se victorem esse faterentur qui sublati duobus supremis regibus, Sulthanorum imperio finem attulisset.

A O N I I Palearij Verulani.

*Non fuit in toto rex æquè oriente beatus  
Nec magis in toto rex oriente miser  
Quàm dolor Aegypti, olim Tomumbeius, auro  
Ingenti, atque armis, & ditione potens;  
Captus ab hoste fero miserum simul, atque beatum  
Exemplo potis est commouisse suo;  
Quid rides temere? Quid fles? vis te cohibere?  
Et natum post hac te meminisse hominem;  
Mi trabeam induto, gemmis, auroque corona  
Cingebat fulgens, & diadema caput:  
Mi quondam ornabant pretiosa monilia collum;  
Nunc fractam vili respice fune gulam.*

## Iacobus Triuultius.



A T V R A M non sæpe cuiquam sua dona cumulati largiri solitam præclaro Iacobi Triuultij exemplo intueri licet; quippe quæ ei parum liberalis & decori oris rictum, eumque à simo naso in obtusam cuspidem prominente, prorsus ignobilem dederit; atque item iusto humiliore, quamquam quadrata, & ferendis armis habili statura esse voluerit; ita vt ingetis spiritus vigorem qui plenissimè inerat, nequaquam generosa vultus specie, personæque dignitate subleuaret. Natus est Mediolani, patre non admodum opulento, sed maioribus claris; diuersa tamen fama. Nam Aconcius Triuultius inter percussores Iohannis Mariæ Mediolani principis annumeratus, eius parricidij nomine damnatus est. Ex aduerso autem Erasmus apud Philippum interfecti fratrem & successorem fortis fidelique studio non præclaros modò militiæ honores, sed ipsius etiam principis consanguineam cum dote opulenta in matrimonio habere promeruit. Post hunc Erasmum, Antonius, & Ambrosius, Francisco Sfortiæ Philippi soceri imperium & hæreditatem adeunti, semper aduersati sunt. Ipse verò Iacobus tanquem acer, & ex Guelpha factione validus hostis, secus ac Renatus frater, à Ludouico semper dissensit, & quòd dominatum fratris filio ereptum ferre non posset, foris sese graui-  
ter



grauiter varijs bellis exercuit: in Etruria primo, & demum contra Auximates, atq; inde ad Aragonios reges se contulit, quos Ludouico infensissimos esse cognouerat. Ab hac noua amicitia conciliante Ferdinando rege, Alfon-



si Dauali regia gratia præpotentis sororem in matrimonium duxit. Verum ingruente in Italiam Carolo Galliaë rege, profectus in Galliam togatam cum Ferdinando iuniore nulla memorabili aduersus Gallos gesta, cum ipso Ferdinando Romam atq; inde Neapolim se recepit: visusque est parum opportuno tempore missionem impetrasse, & ad victorem Gallum illico certa militiaë conditione concessisse: propterea quod audisset, Ludouicum Sfortiam cum cæteris regibus nimia Caroli felicitate perculsis noua foedera aduersus Gallos percussisse: summo nanque voto, vt his se applicaret, Sfortiani nominis hostes quærebat. Itaque redeunti Carolo, Tarrensi in pugna ante primam aciem, operam tam fortem quam felicem præstitit, & famam strenui peritissimique ducis consecutus est. Defuncto autem Carolo Ludouicus Aurelianus successor, eum Astæ vrbi cum ala equitum præfecit. Indeque mox suscribente votis Fortuna, maximum eius operum fuit,



Ludouicum Sfortiam Mediolanensi imperio depulisse; nec multo post eum etiam captiuum in Galliam perduxisse; vnde ei liberalitate regis magnas opes vel graui cum inuidia obuuisse constat, quando ab his meritis Marscalchus, quod est apud Gallos Equitum magister, sit appellatus, & ab hoc insignis dignitatis munere, memorabiles saepe victorias Gallico nomini pepererit. Quarum omnium nobilissima proculdubio fuit ea, qua Feltrium, Baleonumque ad Bononiae mœnia castrametatos, sine suorum vulnere profligauit, Bononiamque Bentiuolis restituit. Quæ victoria prudentiæ & felicitatis nomine eo plenior & clarior extitisse visa est, quod non multo post Gasto Foisseius ad ingentem aspirans laudem, cum summa Gallorum clade, iacturaque totius Italici principatus, ad Rhauennam in ipsa funesta victoria concidisset. Sed qui nusquam prælio fuerat superatus, ad Nouariam inusitatae Heluetiorum audaciæ ita cessit, vt vindicasse iniuriam biennio post ad Mediolanum censeatur, quum Heluetiorum legiones, ipso apud Franciscum regem depugnante perdomitæ superatæque sint, & Mediolanum vix toto vertente anno aduersus Maximiliani Cæsaris impetum peculiari ipsius consilio constantissimè fuerit defensum. Cæterum non multo post Triuultium sua illustri laude, & ciuili parsimonia gaudentem, & vti erat elegantium literarum appetentissimus, publica Gymnasia admirante iuuentute frequentantem, vehementer exagitauit inuidia, inhiantem scilicet eius oppidis Lotrechio, qui summa regis gratia subnixus, Mediolani erat in præfectura, Qua de re, vti indigna suis meritis exacerbatus, noua fœdera cum Grisonibus Heluetiorum socijs, sibi que ad Mesochium castellum antiquæ suæ ditioris finitimis renouauit, vt dignitatem suam tueretur aduersus immodicas Lotrechij cupiditates, quæ ad eripiendum Viglebanum voluptarij secessus urbem extendebantur. Hanc nouam renouati fœderis pactionem, obrectatores vsque adeo regi suspectam fecerunt, vt senex septuagenario maior vocatus in Galliam, tanquam ad dicendam causam media hyeme per Alpium niues contendere cogeretur, qua in re vel ob id minus benignum quam sperasset Franciscum regem inuenit: eo quidem acriore animi cum dolore, quod ab ipso patre Camillum filium spurium perfidiose atque impiè defecisse reperiēbat. His conflictatus curis indignabundus senex apud Carnutes exorta stranguria facile interiit: vir profecto Italorum ducum celeberrimus, & optimus, nisi grauissimam & propè perennem inuidiam, quum externæ gentis iugum patriæ primus imposeret, cum execrabili seruitutis ciuium detestatione subisset. Tumulatus est Mediolani apud ædem Nazariam suæ tribus sumptuosissimo sepulchro ab se condito, quod postea Iacobus nepos eius & hæres, accumulatis ornamentis luculentius fecisse vidimus.

#### P A R T H E N I I Parauicini.

*Non violam, aut Paphium florem, mollè mœue Hyacinthum  
Spargite, non magni poscunt hæc munera manes,  
Sed Galeas clypeosque, ensesque, & Martia dona  
Ferte, & honorata feretrum præcingite lauro,*

*Hoc*



*Hoc ducis egregij funus, sacræque Triuulti  
Inferiæ, quo fama Italum, Maurorsque Latinus  
Extulerat caput, & priscum affectabat honorem.  
Armorum proceres celebrem longo ordine pompam  
Ducant, & tanto persoluant iusta sepulchro  
Concussisque frequens exercitus assonet armis.  
Tum vos Scipiadae manes, vmbraeque Camilli,  
Vos Decij, Fabijque duces, & clara Quirini  
Progenies, vbi nox furuas extenderit alas  
Ferte pedem, & cineres venerati & nobile bustum  
Magnanimi excipite Herois, faustoque sequentes  
Agnine, ad Elysios vmbra deducite campos  
Hos Maurors illi, Pallasque indicit honores.*

R A I N E R I I.

*Insubrum columen Triuultius hæc tulit ora  
Quem ad magnum Bellona edidit Eerydanum,  
Mauorti permixta Deo; treis pectore vultus  
Treisque animos habuit, tergeminasque manus,  
Ter letho sternendus erat; sed dente maligno  
Vna ducem inuictum sustulit inuidia.*

H I E R O N Y M I Vulpj

*Sunt tumuli Iacobe tui certamina, captae  
Vrbes, captiui, regna, trophæa, duces.  
Hos tumulos tibi tu propria virtute parasti,  
Nos tibi pro titulis carmina bina damus.  
Vicerat hic hostes animis; at nomine mortem  
Vicit; & inuictus vixit, & interijt.*

# Tristanus Acunius Lusitanus.

**H**AC honesta canitiæ viridis adhuc senectæ, cultuque nobilibus margaritis picto, ac internitente passim insignium, gemmarum fulgore, supra quam dici posset ornatissimo Tristanum Acunium Emanuelis Lusitaniæ regis lagatum vidimus, quum Flumentana porta præeunte Elephanto in Urbem inueheretur. Indicæ victoriæ suæ trophæa ostentans, donaque afferens Leonî Pontifici, vt supremæ fortunæ decus præclara magni numinis prouidentia ad felicitatem seculi collatum gratulatur, quando eum etiam tanquam sacrorum principem ritè creatum, religiosè atque suppliciter venerari iuebatur. Munera fuere planetæ, & pluuiiales Dalmaticæque vestes, vnis solennibus sacris dicatæ, quas innumerabiles,



margaritæ Phrygijs operibus intertextæ mirabiliter adornabant. Proroxsi quidem in India Tristanus multas sibi præciosiores diuitias congesserat, præclaris rebus cum grauitate prestantis ingenij, tum bellicosa manu gestis;



adapertis scilicet, aut institutis Indicæ negociationis emporijs vltra Calecutum vsque ad opulentissima Cambaia. Narsingæ, & Bengalæ regna; passimque per oram amicitias iunxerat, tributaque aromatum imponens, vltra Gangem Lusitani nominis famam propagarat. His rebus gestis redeuntem ad triumphum, superantemque extremum Aethiopiæ promontorium, quod nautæ Bonæ spei vocant, rapidissimi Aquilones vltra circulum Antarcticū tāta vi propulerūt, vt in vasto pelago lōgissimi tractus terras adierit, quas non ingentis insulæ, verum eius continentis immensæ regionis quæ ad Perurana & Cuscana regna connectitur, esse crederet; quam nemo tamen præter eum hætenus inuenerit; non secus ac Magalano accidisse videmus; qui per angustas quasdam fauces in occidentalem Oceanum circumito toto terrarum orbe, stupenda nauigatione penetrauit. Sed Elephantus aurea instratus stragula, & turrato ephippio Indos homines gestans in se admirantis



mirantis populi ora conuertit, quum extenta proboscide, eaque nemini noxia, & passu ad modulos tibiarum temperato iocundissime lasciuriet. Obstupere in tantæ molis bellua Romanus in primis populus, & suburbanæ gentes, tam docile ingenium, humanisque adeo sensibus propinquum; quod magistri scepro ferreo imperantis vocibus pareret; venerarique principem & augustiore habitu homines certo gestu videretur, circumfusæque puerorum turbæ adulari didicisset. Cæterum Elephas publicæ hilaritatis oblectamentum, vix toto biennio Romani cœli lucem vel diuersæ passionis intemperiem perferre potuit; quum fluente aluo paucissimis diebus interiret. Eius mortem plebs tota non secus ac incomparabilis ciuis diu luxit, quod communis omnium voluptas quæ ad famam dignitatemque Urbis pertineret, immaturo alioquin viuacissimæ bestię interitu, erepta, videretur. Ob id Leo Pontifex non obscure præproperis extincti fatis subiratus, ut populi desiderium, quanquam inani picturæ solatio deliniret, Elephantum simillima effigie, mensuraque membrorum iuxta turrem Vaticanæ portæ pingi iussit, cui & hoc quoque Epigramma inscriptum est.

## B E R O A L D I Iunioris.

*Monte sub hoc Elephas ingenti contegor ingens  
Quem rex Emanuel deuicto oriente, Leoni  
Captiuum misit decimo; quem Romula pubes  
Mirata est, animal non longo tempore visum  
Vidit & humanos in bruto pectore sensus.  
Inuidit Latij sedem mihi Parca beati,  
Nec passa est ternos domino famularier annos.  
At quæ sors rapuit naturæ debita nostræ,  
Tempora, vos superi magno accumulate Leoni.*

At Rex Emanuel ad extendendam subactæ ab se Indiæ laudem, dignum fama sua ratus, si recentis muneris gratiam nouo munificentiae officio cumularet, Rhinocerotem etiam misit, qui ex itinere longissimæ nauigationis, in littus prouinciæ Narbonensis expositus, insigni Galliæ spectaculo fuit. Erat hæc bellua paulo humilior elephanto, si altitudinem spectes, sed longitudine prope par, nostratis bubali formam referens: nam ungulas habet bifulcas, verum tergore buxei coloris, eoque ab impenetrabili duritie duplicato, tanquam perpetuo thorace protegitur, armaturque pedali osseo cornu supra nares eminente, quo ferire sub vtero, atque transfodere elephantem peculiarem suum & internecium hostem solet, si tamen iniectæ ad collum & ocysimè strangulantis proboscidis vim effugiat; nam in congressu perpetuæ simultati, aut parta victoria, aut certè decora morte satisfacit. Sed hanc inusitatæ feritatis belluam, quæ in arena Amphitheatri elephanto ad stupendum certamen committi debuerat, Neptunus Italiæ inuidit, & rapuit, quum nauigium quo aduehebatur, Ligusticis scopulis illisum, impotentis tempestatis turbine mersum perisset; eo grauiore omnium dolore, quod bellua Gangem & Indum altissimos terræ patriæ fluuios tranare solita, in



ipsum litus supra portum Veneris, vel arduis saxis asperrimum enatare potuisse crederetur, nisi compeditus catenis ingentibus, nihil proficiente eundem conatu superbo maris Deo celsisset. Ferunt hunc Rhinocerotem quum ab Oceano Vlyxponensi in portu exponeretur, aspectu, atque odore suo elephantum Romano grandiozem, qui tum erat in Regia, usque adeo truculenter terruisse, ut elephas ipso naturæ miraculo præcipuus hostis, concepto incredibili pauore, septum caueæ ferreis ingentibus clatris permunitum, humerorum & capitis præcipiti impulsu perruperit, & in longam se proripiens fugam, terribiliq; barritu edito, stridens & furens cuncta obuia prostrauerit. Vtriusque belluæ imagines ex vera naturalique magnitudine picturis expressæ, in ipso Musæi nostri atrio spectantur, cum hac inscriptione singulis versiculis animantium naturam demonstrante.

*Humanos Elephas retinet sub pectore sensus  
Rhinoceros nunquam victus ab hoste redit.*

ANTONII Sanfelicii de Rhinocero.

*Rhinoceros ego sum fusco deuectus ab Indo  
Hinc, vbi vestibulum lucis portæque diei,  
Hesperia classem ascendi temeraria vela  
Ausâ nouas terras, aliûmque inuisere Solem.  
Spectarat quondam vrbs nostros in munere circi  
Congressus, hostemque elephantum obiecit arena.  
Hic patrias iras, æternæque prælia mecum  
Exercet fidens immani corpore moles.  
At loricamur triplici nos tergore, & arma  
Præualidus mucro, atque inuicta cuspide cornu.  
Ipse cadit Barrus, dum telum figitur aluo  
Expugnat vires stultas prudentia solers.*

FINIS QVARTI LIBRI.

PAVLI



PAVLI IOVII EPI-  
SCOPI NVCERINI PRAE-  
FATIO IN QVINTVM LIBRVM  
ELOGIORVM SVORVM AD  
COSMVM MEDICVM FLO-  
RENTIAE DVCEM.



**E**ROVX quos inclyta virtus nostro seculo clarissimos fecit, quintus hic liber Elogia continebit, eritque, uti reor, superioribus multo iocundior: quoniam illorum laudes ardentissimae virtutis auspicijs partas exprimat, quorum ex rebus praeclare gestis recentissimam hodie memoriam retinemus. Mirifice siquidem iuvat eos ex veris imaginibus representatos, rursus uti adhuc superstites oculis intueri, & benigna cogitatione suspicere tanquam defunctos, atque omni prorsus invidia carentes, quos ipsi de facie noverimus, gerentesque bella varijs periculis atque victorijs inclaruisse viderimus. Habet enim in se hoc illustris & excellens virtus, ut ea praeditos & ceteris praestantes, vel apud ipsos hostes ac inimicos, in admirationem rediuvia cum laude perducant, injiciantque elegantioribus ingenijs, quendam honestae cupiditatis aculeum agnoscendis scilicet eorum formis & vultibus, qui res literarum memoria dignas, forti consilio & pugnaci dextra confecerint. Quandoquidem res magnae & memorabiles plerumque ex varia tot casuum reputatione, à legentibus scripta, aut picta ora spectantibus voluptatem & dolorem; proque habitu praeduri vel mollioris animi, interdum ex indignitate improbe atro citèque factorum, miserationem & lachrymas eliciant. Tu vero, magnanime Cosme, pro natura ingenij tui, quod nihil nisi perillustre atque honestissimum respicit, rectè studioseque feceris, si quae legendo ex moribus tot insignium Ducum exempla accuratè notabis, ea felici delectu imitanda suscipies, & quod proprium ingenuae verecundaeque tuae probitatis esse videmus, singula vitia quae temperati moris modum excesserint, repudianda penitus, vitandaque censebis.

Vale.



## ELOGIORVM

LIBER QVINTVS.

## Franciscus Gonzaga

Mantuanus Princeps.



**H**IC est ille Franciscus Gonzaga Mantuanus Princeps, qui ab illustri inusitataque animi magnitudine, & immenso ardore pugnacis ingenij, à Venetis delectus Imperator, primus nostro seculo cruenta Tarrensi acie Italicae atque externae virtutis glorioso congressu, quanquam infausto, periculum fecit. Constat enim eo praelio plus sanguinis fufum, quam duodus antea seculis; ab eoque incommodo didicisse Italos, nequaquam feruidis animis, sed stabili consilio, & certa arte disciplinae militaris exercenda esse arma; cum his praesertim gentibus quae ordines seruare, di-

uerfas



uerfas repente acies efficere, nihil vulnera & mortem, aut denique æneator menta reformidare consueissent. His enim documentis, qui tum prælio victus videri potuit, gemino demum bello victor extitit cum insigni gloria, recepta scilicet Nouaria, & Gallis omnibus Neapolitano Regno pulsis. Non arrisit ei demum Fortuna, quum pro Gallis conuerso studio militaret. Eius siquidem impigræ virtutis vim, & conatum omnem, contumeliosi quidam Gallorum Duces, adeo importune atque impudenter præpediuerunt, ut mox cum superbiæ, tum imperitiæ suæ ad Lirim amnem pœnas darent. Aliquanto autem post, quum Veneto bello sese immiscuisset, & cum ala Gallorum in Patauinum agrum ad Cæsaris castra contenderet, noctu apud Insulam Scaligeram Veronensis agri pagum, Græcorum equitum multitudine circumuentus, in potestatem Lucij Maluetij deuenit, diuque seruatus Venetis in custodia, tandem Iulij Pontificis beneficio liberatus est, quum Federicum filium fidei obsidem Romam misisset. Fuit Franciscus ingenio liberali, aperto, nusquam fallaci, & denique nusquam maligno, sed qui sermone iocoso scæminarum pudori intemperanter illuderet. Verum qui vaga Venere oblectabatur, scædum atque lethalem morbum, ut tum ea scæua tempora produxerant, facile tulit, quo miser ante diem inter varios cruciatus expiraret. Per omnem autem vitam quod vix ex censu credi poterat, cum Regia hospitalitate ac eximio totius aulæ cultu, tum rerum omnium ornamentis, & magnificentia operum, splendidorum etiam Regum æquabat decus. Sed supra omnes eius ætatis Regulos, equorum copia, delectu, varietate, nemine æmulari auso, summam proculdubio gloriam promeruit: quâdoquidem equarum greges aleret ad sobolem propagandam, accitis usque ab vltima Hispania atque Numidia, Hiberniaque item, equabus, & admissarijs. Eo nanque tempore quotannis per Italiam liberis in viribus instituta erant more veterum Græcorum certamina, equorum pernicitate & cursu contendentium, vnde celeberrima laus cum opimo præmio expetita multis; vnis vero semper Gonzagæ equis promerita pararetur. Generosos autem & ad arma natos sonipedes, neque plures quisquam, neque nobiliores habuit, aut eos accuratiore disciplina perdomuit. Quorum armentorum instituta animaduersis disparis coniugij variæque sceturæ prouentibus, aliqua ex parte Federicum filium postea emendaturum vidimus; nisi insatiabili ædificandi studio allectus, alio sumptum transtulisset. Cæterum Franciscus his lectissimis equis, qui variè permutato semine nouæ atque pulcherrimæ sobolis videri poterant, indefesso munificentia studio, externarum gentium Principes sibi conciliauit, vnaque præsertim Othomanorum amicitia clarus excelluit, quum inde Thracum & Cilicum lectissimos, ad progeniem & bellicos usus impetrarit. Sobole filiorum omnino felix excessit e vita, quum ex Isabella Alfonsi Atestini sorore tres liberos reliquisset, Federicum primo editum partu, matura iam paternæ virtutis indole ad summos militiæ honores vadentem, & Herculem lectissimis moribus & literis institutum, paratamque sibi & familiæ debitam sacrae cultus purpuram promerentem, & denique Ferdinandum militare decus in Gonzaga domo, clarioribus superadditis victoriarum trophæis ad summam gloriam euecturum.



## L AELII Capilupi Mantuani Cento ex Virgilio.

O decus Italiae, quondam dum uita manebat  
 Sceptra tenens, tardis ingens ubi flexibus errat  
 Mincius, & tenera prætexit arundine ripas,  
 Semper honore meo semper celebrabere donis  
 Dum memor ipse mei, dum spiritus hos reget artus.  
 Salue uera Iouis proles, tu maximus ille es  
 Unus qui nobis magno turbante tumultu  
 Ante annos animûmque gerens curâmq; uirilem  
 Vltro animos tollis dictis & pectore firmo,  
 Arduus arma tenens, fulgenteis ære catervas  
 More furens torrentis aquæ, Gallûmque rebellem  
 Sternis humi, campique ingentes ossibus al bent.  
 Parthenope meriti tanti non immemor unquàm  
 (Dextera causa tua est) solio consedit auito.  
 Quid memorem spolia illa tuis pendentia tectis  
 Tam vulgata? quibus cælo te laudibus æquem  
 Flos veterum uirtusque virum? cui cura nitentis  
 Pascere equos, merita expectent qui præmia palmæ  
 Europa atque Asia, tantæ est victoria curæ.  
 Tu decus omne tuis tu seruantissimus æqui  
 Omnibus exhaustos iam casibus, omnium egenos  
 Vrbe domosocias, tua terris didita fama.  
 Munera præterea ex auro solidoque elephanto  
 Coniungere tibi (cunctis se scire fatentur)  
 Regnatorem Asia, genus insuperabile bello,  
 Et penitus toto diuisos orbe Britannos.  
 Salue sancte parens Italum fortissime ductor  
 Felix prole uirûm, si quid mea carmina possunt  
 Semper honos, noménque tuum, laudesque manebunt.

## I O. BAPTISTAE Possenui Mantuani.

Inuicti effigiem Gonzagæ nobilis arte  
 Eximia expressit spirantem pictor; at illi  
 Non potuit duris partum decus addere bellis,  
 Non presens animi robur, Populisue regendis  
 Iustitiam, & largæ præstantia munera dextræ.  
 Ceu quondam radijs exutum ardentibus ora  
 Mortali vultu, gradientem montibus Idæ  
 Phœbe manus te docta sacros effingit in usus.  
 Ast Iouius clara splendorem reddidit arte,  
 Aeternamque dedit Gonzagæ ducere vitam  
 Ductores inter primos, quos nulla tacebunt  
 Secula, nec veteris lædent obliuia famæ.



## Maximilianus Cæsar.



**M**AXIMILIANVM Cæsarem Friderico tertio Imperatore genitum, quem eruditiores Germani pro Maximiano, quod nomen est antiqui Cæsaris, cui Iouij cognomen obtigerit, Maximum Aemilianum appellant, hæc tabula ab effigie simillimum reddit. Ferunt Austriacæ domus nobilitatem Romani sanguinis stirpem respicere, perducto scilicet stemmate à Perleonum familia, ex qua fuerunt celeberrimi olim Comites ex Tribu montis Auentini. Hos enim ad Abspurgum consedisse constat, inter Rhetos, Noricos, & Vindelicos, non longe ab Heluetijs, coalescenteque sensim potentia, Austriaci principatus (vti ipse Cæsar suæ originis religiosus indagator asseuerabat) iura & titulos cōdidisse; eiusq; dominatus claritudinē bellica quæsitā virtute, & longa vetustate cōstitutā propagasse.



Hinc euenit vt facîle credamus, Augustam hanc Romani Imperij dignitatem, ad Austriacos principes, quod Romani sint generis, fatali quodâ iure peruenisse. Quando iam pridem abolita sit militaris acclamationis consuetudo, qua Imperatores olim apud exercitum in castris fiebant, & ipsa etiam septem Germaniæ Procerum suffragatio penitus obsolecat, toto scilicet hoc honore per manus præpotentium Cæsarum legitime tradito, confirmatoque, qui iam altas iecerit radices, vt in vna familia non dubiæ hæreditatis nihil intercisa serie, decentius atque stabilius reflorescat. Cæterum hoc Cæsare nullus suæ ætatis Regum luculentioris militaris habitus dignitatem, vel certius ac illustrius probi, vereque augustioris decus ad Imperium attulit. Per omnes siquidem cum bellicæ, tum ciuilis virtutis numeros, generosi spiritus inuictique animi magnitudinem, quam in aduersis pariter & secundis casibus homines mirarentur, ita præferebat, vt contemnere Fortunam videretur, eamque seuera fronte tanquam insolenter improbeque semper iniustam & instabilem, damnati fallacissimique numinis antiquorum infamem Deam appellaret, propterea non multum vel eius benigne aridentis gratia, vel acerbissime sæuiantis odio supra æquum angeretur. Inerat enim Maximiliano animus pecuniæ contemptor, opulentioris Cæsare dignus. Eam siquidem vbi possideret, vel non integrè exactam, diuidere statim atque elargiri amicis & hospitibus, quam in ærarium ex ignobili parsimonia inuidiæ plenum congerere malebat. Existimabat enim nihil vnquam ab suo felici sydere, & arcanis cuiusdam sanctioris oraculi promissis, sibi & posteris opulentissimorum Regnorum ditionem esse defuturam, quæ bella gesturo in perpetuos liberalitatis vsus sese effundenti per amplas atque inexhaustas signati auri facultates suppeditaret. Qua superba & sæpe inani opinione imbutum, & neruos sibi immodicè præcidentem, necesse erat sentire improuissam egestatem, & in medio bellorum cursu ita hædere atque fatiscere, vt non aliunde quam ab ipso stipendiorum defectu, semipartæ iam victoriæ interpellari, & è manibus eripi dicerentur. Arriserat nanque ei Fortuna ab initio, quum imberbis adhuc, interfecto ab Heiuetijs Carolo focero, Belgici eius Regni hæreditatem adiunxisset: Quippe qui alacriter, beneuolentissimeque susceptus, commutatis demum seditionis gentis studiis apud Brugenses cum vxore custodiæ traditus, diuersam impotentis Deæ vim, sed moderatè & fortiter tulerit. Exinde eū pristinae dignitati atque Imperio restitutum diuersa exercuerunt arma, quibus insigne decus, vel adhuc iuuenis adeptus est, fusis ingentibus Gallorum copiis apud Ghingatā, & perdomitis Menapiis atque Sicambris. Sed nō multo minor ei laus cessit peritiæ atque ausus militaris, quū Bohemos nō procul à Ratispona, vel sese castraque sua perpetua scutorum ingentium munitione defendentes, crueto edito prælio superasset, & Pannonios ex semioccupato Norico inuadentes Austriam, nō semel reprehsisset. Nec demum eadem felicitate Heluetia arma lacepsit. Ab his enim non longe à Rauracorum finibus, fuso ipsius exercitu, graue vulnus accepit: frustra que Italiā aspexit vetantibus Fatis, quā proculdubio Caroli nepotis Imperio reseruabant. Improspere siquidem expeditio in Etruriam pro Pisanis aduersus Florentinos suscepta, & bellum longè grauiusimum Venetis illarum, vexillaque amplissimi exercitus in conspectum Mediolanen-



Mediolanensium promota, terribiles quidem primò impetus, sed mox inanes atque irritos conatus habuerunt. Erat Cæsar pace & bello supra quàm dici possit credulus, & suspicax; sic vt qui acie vinci non poterat, bello per moras facile vinceretur. In vniuersum integræ pietatis atque incomparabilis munificentiae, castrensisque disciplinæ laudem promeruit. Excessit è vita sexagenario minor apud Velsium oppidum, quum leui tentatus morbo intempestiuam acrioris pharmaci potionem bibisset.

PAVLI IOVII Iunioris.

*Vatum Musa; decus Pierium, quæ laticem colis,  
Tolle, o magnanimum, tolle præcor laudibus inclytis  
Iam pridem superum consilio ad sydera Cæsarem  
Euectum. Cythara, dulciloquæ seu fidibus Lyra  
Hunc cantare iuuat. Quàm iuuenem gloria maximis  
Factis extulerit, Danubius nouit, & impiger  
Qui lambit ueterum mœnia circumfluus urbium  
Rhenus, dum rapidis Oceanum uorticibus petit.  
Hunc olim trepidis extimuit Sequana fluctibus;  
Regem nanque suum, proh pudor, illa inclyta Gallia  
Spectauit fugientem, Austriacis uiribus imparem,  
Spectauit fugientem iuuenis Cæsarei impetum,  
Findentis gladio perdomitis hostibus agmina,  
Qualis quum tumidus profluit è uertice Vesuli  
Vastans arua Padus, ceu Boreas quum fremit infidus  
Nautas attonitos æquoreis fluctibus obruens  
Vel quum irata Poli porta furens intonat aere  
Sternens templa Deum fulminibus celsa cacumina.  
Verum Barbaricis assuetum nil nisi prælijs  
Tentare Italiam quippe iuuat, miles ab Alpibus  
Ductu Cæsareo dira fremens Theutonius euolat.  
Nouere inde Patres Hadriaci quàm celeri manu  
Moles contuderit flammiuomas, & propugnacula:  
Quum Verona sui, scuta uirum, & corpora fortium  
Deplorans Athesis sanguineo uoluer alueo  
Spectauit facibus fulmineis spargier omnia:  
Tormentoque strepenti indoluit mœnia concuti.  
At qui Tusca colunt littora, qua pulcher Etruriæ  
Arius rura rigat, veliuoli olim domini maris  
Pisani eximia laude canunt illius inclytum  
Nomen, iusticia percelebre, & munificentia.  
Salue Auguste diu; tèque simul magnanimus nepos  
Inuictus Carolus, perpetuis auctet honoribus,  
Ardentis Libyes perdomitor. Nam tua gloria  
E splendore suo nobilior fulget, vt aureis  
Ex Phæbi radijs, pulchra micant cornua Cynthia.*



ELOGIORVM  
DVCESTRESBALEONEÆ

*Familie, qui vna in tabula expressi continentur.*

Io. Paulus Baleonus.



**B**ALEONOS qui supra seculum vnum inter ciues Perusiae authoritatis Principatum tenuerunt, quod militiae dediti spectata semper virtute arma tractaret, Baioarici sanguinis fuisse tradunt. Summam autem familiae dignitatem attulisse fertur Malatesta, qui auorum nostrorum memoria sub Braccio Montonio Imperatore, militiae disciplinam hausit, & per gentiles suos propagauit. Huius pronepos fuit hic Paulus, qui in tabula cum duobus liberis Malatesta atque Horatio pictus spectatur, haud dubie familiae clarissimus euasurus, nisi propinquorum inuidia Leonis Pontifici criminosisime delatus, deceptusque sua spe, in agnoscendis



scendis alioqui benigni, sed tum ambigui Principis sensibus, ceruices vltro securi præbuisset: Petruccianæ nanque coniurationis gnarus fuisse ex damnatorum confessionibus putabatur. Sed id in eius necem Leonis animum maximè perpulit, quòd hominem ingenio acrem; & manu promptum, Imperatorijque muneris secundas partes apud Venetos promeritum, proptereaque Perusinis ad imaginem inuidiosæ Tyrannidis dominantem, tollere cupiebat, satagentibus in eius necem affinibus atque propinquis, qui non aliter quàm morte potentiam eius conuelli posse existimabant. Siquidem Baleonis omnibus hoc semper fatali æmulatione fuit insitum, vt si multatè nunquàm ferè intermissam, inter se cruentissimè exercerent: & quum pulsa Oddorum familia, præpotentes atque æmuli ciues deessent, sese ipsos gentilitio sanguine deſcenderent. Enituit in Paulo oris & corporis eximia dignitas, eloquentia, militari studio requisita excellens; mores bello & in castris nemo carperet, pace multi laudarent; nisi nusquàm oblitus factionis vetera etiam odia vindicare, & incestis amoribus suam alienasque familias dedecorare consueſſet.

## MALATESTA BALEONVS.





**M**

ALATESTA filius paternæ seuitiæ atque libidinis vitia detestatus, quum foris sub Liuiano Imperatore, cui nupta erat ipsius amita, præclara cum laude militaret, egregium sibi præfecturæ locum apud Veneros parauit, exulque à Leone factus, Perusiam patriam pulsus inde Vitellio, & Gentile Baleono, fortiter recuperauit, quum antea in expugnanda Cremona, pellendisque Laude Pompeia Cæsarianis, plurimum inclaruisset. Ad extremum Florentinis constantissimè libertatem suam defendentibus, quum annum propè integrum pertinacia Clementis Pontificis & inuicti Cæsaris arma obsessus sustinuisset, desperatis auxilijs, obortaque fame aspera, maluit florentissimam urbem seruare ab immanitate atque sauitia externarum gentium, quæ opulentissimæ prædæ inhiarent, quàm parère imperitis & obstinatis aliquot ciuibus, qui desperata venia vna secum ciues extrema supplicia perpeti, interireque patriam, & incendio absumi potius quàm sese dedere, & subactos confiteri cupiebant. Nec ob id fa

HORATIVS BALEONVS.



ctum



factum fidei suæ famam læsit apud æquissimos ciues, à quibus iure optimo auream seruatae vrbs statuam meruisse, potius quàm maligna obrectatione lacerari, communi bonorum hominum iudicio, & sacrosancti Pontificis testimonio videri potuit. Non vixit inde integrum biennium atroci & diuturno morbo succumbens, Rodulpho filio hærede relicto, quem hodie singulari cum laude bellicosæ familiæ dignitatem tueri videmus: Quñ Horatius patruus multis fortibus factis, Salernoque præsertim expugnato clarus, verum Malatesta factiosior & sæuior Florentinis copijs præpositus, in obsidione Neapolitana Lotrechio Gallorum Duci operam nauans, non in acie, sed fortuito glandis ictu sine liberis perierit.

## P A V L I I O V I I Iunioris.

*Tres simul Heroas pictor, tria fulmina belli  
Pinxit in hac tabula.  
Hospes summissis genibus ter lumine lustra:  
Ter venerare Duces.  
Gaudeat vt geminis pater inclytus, aspice, natis;  
Et pariter gemini  
Vt patre latentur nati mauortia pubes.  
O celebranda diu  
Norica progenies centum dominata per annos  
Te mea Musa canet.  
Nam patrem insigni clarum virtute, maligna  
Perculit inuidia,  
Credulus heu nimium summisit colla securi  
Præsidis Ausonij.  
At vos Etrusci, meruit nam sculpier auro,  
Carminè perpetuo  
Ductorem vestrum Baleonum tollere ad astra,  
Ob patriam, atque domos  
Hostibus ereptas, seruataque templa deorum.  
Nec minus interea  
Egregius toto celebretur Horatius orbe.  
Viuite in Elysio  
Fælices animæ, quorum tenet æthera virtus  
Sydere nobilior.*



## Selymus Turcar. Imp.



**S**ELYMVS Othomannæ familiæ nonus Imperator, hoc ore truci ferocibusque oculis, insitam animo suo vim, diramque sæuitiæ ostendebat, quum in sanguinem gentili-um suorum & reliquorum, qui ad eius imperiosi genij nu-tus parum expedite responderent (hos enim præcipue ode-rat) immaniter desæuiret. Hic prorsus ingens, si vel æqui, vel iniqui auius gloria certius expendatur, Mahometem auum crudelitate simul atque animi magnitudine superasse videri potest. Stratis nanque Per-sis in Calderanis campis, ipsoque Hysmaele Sopho iusta acie deuicto, & Re-gia eius quæ vocatur Taurisium occupata atque vastata, tantum inclyti no-minis promeruit, quantum satis esset satiandæ ambi-tiosissimæ eius gen-tis Regum cupiditati, nisi ad longe maximum gloriæ cumulum accessissent duo geminata victoria Syriæ atque Aegypti Reges, armis deuicti atque in-terfecti



perfecti, Campson scilicet infelix senex ab equitatu suo in fuga protritrus, & fortissimus Tomumbeius, qui extremum cum vitæ suæ, tum Sulthanico Imperio finem miserabili supplicio affectus, attulerit, quum vniuersum prope terrarum orbem rerum ab se fulminea celeritate gestarum, admiratione atque terrore suspendisset. Verum magni numinis prouidentia factum fuisse fas est credere, vt illa vis indomita & insuperabilis sese in orientem effunderet, vt Europæ intestinis bellis laboranti, nihil hercle merentibus Christianis Regibus parceretur. Regnavit annos octo, vixit quadraginta sex, & quum maius aduersus nos bellum esset suscepturus, cancroso renum ulcere verè pestilenti, apud Chiurlum Thraciæ pagum, morte solutus est, Pyrrho bassæ in cuius sinu atrocem animam exhalabat Solymanum filium commendans, seuerèque præcipiens, vt in Christianos tanquam veros hostes arma verterentur, neglectis Persis, quorum inanem superbiam satis ipse contudisset. Euenit autem vt eo fatali sibi loco, in quo Baiazetem patrem circumfusa acie adortus opprimere cogitarat, meritis immanis parricidij pœnas daret, sed nequaquam flagitijs pares, vtpote quæ omnem immanitatis notam excedant; postquam Acomathem & Corcuthum germanos fratres, & tot fratrum filios Regiæ indolis ad vnum omnes sustulerit, vt Solymano filio omni æmulatione vacuum Othomānici Imperij solium pararet. Quanquā & huic successionis atque hæreditatis ius ipsum aliquando inuiderit. Ferunt enim eum, veste veneno intus atrocissimo delibuta, filium extinguere cogitasse; vt quædam eius verba immodicè pungentia vindicaret, sed eius exitiosæ vestis donum astuta matris misericordia repudiatum, pro Solymano cubiculario datum, ocysimè perniciem attulisse. Sic vt hoc exemplo, immanitate feras anteisse videatur, monstro quā homini similior, qui ex animo plusquā Tartarico nemini suorum pepercerit. Sed non defuere qui in eo abominabilem carnificinam tanquam ei necessariam, qui sine æmulo metuque regnare decreuisset, verbis excusare contenderent: quod regnaturo omnis diuini atque humani iuris penitus obliuiscendum censeant. Vsque adeo enim Imperij dira sitis est, vt vel flagitiosissimis artibus apud quosdam, regna tueri fas esse videatur.

ANTONII Francisci Rainerij.

*Hæc Selymi effigies Scythico quæ pallida vultu  
Mortalibus minatur, & magnis Dijs,  
Trux illa est, inbiant Lyciæ sub tegmine tela  
Impexæ atroces undecunque viperae.  
Eumenidum decus, & Vulcania lumina, lethum  
Spirant, & ora vim, nefas, & impium.  
Miscuit in cano dira hic Aconita parenti  
Fratresque letho extinxit omnes horrido;  
Ipse suo (ni vana ferunt) fata vltima nato  
Parauerat, superba quæ sors distulit.  
Huic tamen horribiles peperit victoria laudes  
Et insolenti adaucta sceptræ dextera.*



Nam qua Sol agili circum rotat ardua curru  
 Hyrcaniam, trucemque Persicum sinum,  
 Quaque coloratis longe deuexus ab Indis  
 Deserta Nilus arua lambit Aethiopus.  
 Gens Eoa omnis, varia armis, dissona linguis  
 Flexere Regi colla barbara effero.  
 Sulthani euersum Imperium, atque Aegyptia Regna  
 Quum totus vndique orbis expauesceret.  
 Nec dubitamus adhuc priscis picta illius ora  
 Miscere nostris (ah nefas) Heroibus.  
 Othomannorum quin ora perempta potentum  
 Vrbs hæc superbis illinit coloribus.  
 Fallimur, & Roma hæc non extulit ora, sed hæc tu  
 Nobis Ioui diuine spectanda erigis,  
 Itala imaginibus vaser, hisce vt pectora tentes  
 Exurgat vltor si quis inde spiritus,  
 Nostra illis adimat qui signa, vicesque rependat,  
 Replens cruore cuncta, caesisque artubus.  
 Macle hac arte Pater, stimulis qui corda Nepotum  
 Ad veræ auitum gloriæ excitas decus.


## M. Antonius Columna.



EMINI vti nos summa cum admiratione viderimus, rariora spectatoriaque vel cœlestis gratiæ, vel arridentis naturæ dona contigerunt, quàm M. Antonio Columnæ. Hic enim nobilissima Romani sanguinis stirpe progenitus, ante omnia staturæ proceritate, firmitate, atque amplitudine singulorum artuum, decore frontis, & splendido quodam æneæ barbæ nitore, maiestateque torosi pectoris, veteres æquabat Heroes, ob idque præsertim, quòd præclaro insignium virtutum concursu, multiplicique optimarum artium eruditione, ad eximium decus ornaretur; vique adeo constanti vel ciuium vel externorum studio adamatus & cultus, vt quum coleretur à singulis, cuncti eum in vniuersum, vel diuersæ factionis obseruarent, atque suspicerent, eumque vnum Iulius Pontifex tanquam Romanorum Procerum lectissimum collocata ei in matrimonium Lucretia cōsobrinx filia, generum sibi ascisceret, quum graui iudicio Roueræ familiæ nomen, sicuti antea Felicem filiam Iordano Vrsino collocarat, clarissimis Romani sanguinis stirpibus inferendum existimasset. M. Antonius patre orbatus, quòd is Etrusco bello apud Alfonso Aragonium militans perisset, Prospero patruo, & Fabritio huius patrueli celeberrimis Ducibus adhæsit, ab hisque certissimis militiæ præceptis imbutus, ita exactam hausit disciplinam, vt Prosperi natura cunctatoris cautum & inuictum robur; præferuidam verò in expediendis armis Fabritij vim, nobili salubrique temperamento moderari didicerit; tanto illustris famæ prouentu, vt quum in Apulia,



Apulia, Latio, Etruria, Galliaque Cisalpina, varijs praelijs interfuiſſet, vtroque patruo decerptis eorum virtutibus, honore auctior & maior euafurus crederetur; niſi immitia fata eius paratis honoribus properè nimium inui-



diſſent. Is namque quum deſenſa nouiſſimo virtutis opere fortiter Verona aduerſus immenſam vim oppugnantium Gallorum & Venetorum, ali- quod ſe nauatae operae præmi- um nanciſci putafſet, & à Ceurio Belga Ca- roli adoleſcentis nutricio, per moras ſupinè ſe contemni, faſtu Romano ſuccenſus, non diu pateretur, ad Franciſcum Gallia Regem è Belgis con- tendit, à quo vti is natura Rex erat, omnis veræ virtutis liberaliſſimus æſtimator, præſectura alæ equitum, & conſacratæ Regis ordinis torque honeſtatus eſt. Sed ea militia demum infaſto omine ſuſcepta, quod tum Leonis & Cæſaris armis Lotrechius Gallorum Dux Mediolo- no pelleretur, M. Antonio bellici laboris & vitæ immaturum finem attulit. Nam dum inſtaurarent Galli bellum, & Mediolo- no copias admouiſſent, vt circumuallatæ arcis obſidio ſolueretur, Marcus Antonius nondum quinquageſimum ætatis annum attingens, ingentis Colubrinæ pilæ i- ctus occubuit, eadem etiam pilâ diſcerpto, & ad latus cadente Camillo,



Triuultij clarissimi Imperatoris filio, quum obequitantes in aggere hostium munitiones inspicerent. Corpus eius Prospero hostium Duci à Lotrechio concessum est, vt moestissimus patruus, fratris filio tantæ spei, & tum fortè Veneti exercitus Imperatori designato, iustis exequijs parentaret. Luxere eum atrocissima morte surreptum socij atque hostes paribus propè lachrymis, ideoque vberioribus, quod masculum prolem quæ paternæ virtutis esset hæres, nullam reliquisset.

AVGVSTI Cocceiani.

*Hac in tabella pictus est Columnius*

*Heroas inter iure primas obtinens,*

*Quos Roma genuit omnium fortissimus,*

*Quos Roma vidit omnium pulcherrimus;*

*Virtutis est Verona testis optima*

*Seruata quondam ab vi & furore barbaro,*

*Et pulcher Athesis mœnia eius perfluens*

*Atro cruore sæpe tinctus hostium.*

*Est vafra testis gens Libera, est horrida*

*Germana pubes, terga sæpe quæ dedit*

*Illius armis, ceu fugaces Capræ*

*Multa premente agrestium manu solent.*

*Formæ paternæ signa sunt certissima*

*Præsentis æui filiæ pulcherrimæ*

*Iouis Deorum Regis, atque Apollinis*

*Dignæ cubilibus. Deum hinc credi licet*

*Illum fuisse, qui deis simillimus*

*Virtute, forma, viribus, planè fuit.*

*Hinc suspicata magna turba cœlitum,*

*Humana ne quem ledere, aut fors, aut manus*

*Nequiret hunc nec ipsa fata attingere,*

*Vel morte sera vel cruenta vi queant,*

*Homoque ob id vitam deorum degeret,*

*Subinuida, in Columnium potissimum*

*Coniurat, æreaque, tormento æreo*

*Missa pila; tonante cælo, vt fulmine*

*Heroa sternit; Mars dolore lachrumat.*

M A T.



## Matthæus Cardinalis.

SEDVNENSIS.



**M**ATTHÆVS cui Lango cognomen fuit; & honorem postea purpuræ adeptus est, apud Sedunum urbem foederatamque Heluetijs & Rhetis, natale solum habuit, humili quidem patre genitus, sed eo pro captu Alpinae gentis, nihil à literis abhorrente. Quamobrem ab eo ut primum adoleuit in Italiam est missus, eo consilio, ut Italicam perdisceret linguam, & Latinis pariter literis operam daret, demumque (uti euenit) sacris initiaretur. Itaque Matthæus post prima literarum rudimenta quæ in patria perceperat, Comi sub Theodoro Lucino nobili (uti illa ferebant tempora) grammatico, poetaque, tantos processus fecit in studijs, ut nihil earum rerum quæ vel audiret, vel legeret, robusti auidique ingenij memoriam subterfugeret; utpote qui sæpe ægri præceptoris munia, docendo felici æmulatione obire esset solitus, magnamque partem



Maronis Aeneidos, & Heroïdum Nasonis quāquā subagresti vocis sono recitaret, amplectereturque supra cunctos authores librum de Consolatione Boetij Seuerini, qui liber moralibus multis exemplis refertus, delectos quotidianis actionum suarum sermonibus flores & exempla cunctis prope casibus opportuna ita suppeditabat, vt eius eloquentia non Germani modo, sed Itali etiam eruditiores magnopere mirarentur: conciliaretur inde Sedunensi populo ad promerendum Episcopatus sacerdotium, quem Populus spectatum moribus per suffragia deligere, & Pontifici maximo mitra exornandum offerre consueffet. Vbi vero stolatus & infulatus de more in templo sacras habere conciones cepit, tanto concursu omnis generis hominum audiebatur (quod mores exacte sobrios castosque praeferret, qui ipsam eloquentiae laudem sine controuersia superarent) vt ampliore sacerdotio dignus haberetur. Nam multus erat, & efficax in componendis controuersijs, quae inter ciues atque finitimos intercederent, vsque adeo recto atque incorrupto iudicio, vt nemo vel factiosus, eum vltro oblatum arbitrum reijceret. Eo modo collecta autoritate apud suos populares, probitatis atque industriae nomine potens & validus, in id incidit tempus, quo exortum est bellum inter Gallos & Iulium Pontificem, quum Ludouicus Rex, infausti dannatiue nominis causam suscepisset, excitandi concilij, cuius sanctionibus atque armis impotenter dignitas Pontificis conuelli posse putabatur. Iamque eò res erat perducta, vt Iulius ex Rhauennate cruento praelio victus spoliatusque Bononia, & nefarijs vndique armis circumuentus ab externis gentibus Hispanis atque Britannis, Heluetijsque praesertim, opem implorare cogeretur. In ea controuersia Matthaeus integrae pietatis studium, egregiamque operam sic praestitit, vt à Iulio supplente Senatum, in honorem Heluetiae gentis, purpurae dignitate honestaretur. Nec multo post Mattheus multis concionibus apud Heluetios habitis egregie persuasit, vt pia arma susciperent aduersus Gallos, qui res diuinas profanis commiscere conarentur. Quod ob id non magnopere difficile fuit, quoniam gens Heluetia paulo ante sese ab amicitia Ludouici Regis alienarat, tanquam ingratis sprete & fraudata donatiuis atque stipendijs, auari aut certe nimis parci Regis acceptam contumeliam vindicare percuperet, eoque grauius & properatius, quod pro Heluetijs legionibus auxiliarijs Gallus Germanorum cohortes mercede conducere cepisset: cuius iniuriae is fuit exitus, vt Matthaeus cum suo astrictus officio, tunc purpurei galeri beneficio obligatus, vniuersam gentem aduersus Gallos concitaret, eosque Ticino pulsos, & ad alpes & in Galliam fugientes, Cisalpinæ Galliae imperio expelleret. Nec in ea celebri victoria, qua haud dubie Pontifici sua dignitas est restituta, Matthaeus aut studium suum erga Pontificium decus aut odium in Gallos intermisit. Nam mortuo Iulio, Leonem Decimum pro recipienda Parma atque Placentia bellum mouentem mirifice adiuuit, Gallosque Duce Lotrechio iterum Mediolano depulit, instauratoque saepe bello, quum Leo Pontifex fato esset ereptus, atque ei successus Hadrianus Sextus, cuius comitibus interfuerat, nunquam ab autoritate Pontificij nominis discesserat. Mortuus est Romae non plane senex primo Hadriani pontificatus anno, vir inter exactae virtutis Imperatores, potius quam inter Senatores numerandus, si corporis ac ingenij robur & rerum strenue gestarum cumulum spectes.

Maxime



Maxime verò ei gloriosum fuit Francisci Regis iudicium, quum asseueraret, me audiente, aliquanto plus sibi sumptus atque periculi Sedunensis facundia indomitam vim, quàm tot legionum eius gentis cuspides attulisse.

PLACIDI Placentini.

*En tua purpureus decorat Matthæe galerus  
Tempora digna sacro triplicis splendore coronæ.  
Scilicet exultans telis ferus accola Rheni  
Pondus arenosum rapidis qui flexibus urget  
Oceani in gremium, demens, hostilibus armis  
Imperia, & leges diuum lacerare profanus  
Irruerat; miseraeque nouus tremor ossa tenebat  
Italiae, validis quum te Duce castra manipulis  
Heluetia aduentant, bisque acres cuspide Gallos  
Fundunt, Pontificemque armis victricibus ulta  
Tandem nubiferas alpes transcendere cogunt.*

## Prosper Columna.



AEPE hac specie prolixè comatum ferèque cincinnatum, & priscae probitatis os subagreste, sed tamen oculis ingenuum, & quidem militare præferentem, Prosperum Columnam vidimus, atque item his armatum insignibus. In eo Romanorum procerum nobilissimo, apprime grauis & considerati Imperatoris decus enituit, quod proculdubio ad antiquae Romanae virtutis specimen referri posse plerique existimarunt. Quandoquidem in eo multa militaris consilij vis, egregiaque constantis animi probitas, & recti honestique appetens, moderatus animus conspiceretur. Nemo enim eo temperatius vel inter factiosos arma exercuit; nemo humanius à sanguine militum temperauit; nemo denique abstinentius innocentium hominum agricolarumque præsertim fortunas à licentia militari conseruauit. Has propter virtutes quæ in huius duræ ætatis Ducibus desiderari facilius poterant, quàm reperiri, non semel præclara voce apud Insubres, Cœnomanos, & Venetos, paganorum defensor, & Italicae gentis pater appellatus. Fuit Prospero dissimili morum genere, & pari propè gloria militari præconio celebratus Fabritius patruelis; quo collega diuersas vtriusque virtutes in mutuum consensum, parandis victorijs opportunum, ita miscuisse constat, ut vterque ab eo temperamento, se ipso maior & clarius euaderet. Sed Prosper qui diu aduersus Gallos inuicta arma tulerat, improuiso superuentu Gallorum equitum foedè apud Vil lafrancam subalpinae gentis oppidum oppressus, captusque est; Obegnino atque Palicia eius expeditionis Ducibus, quos antea Neapolitano bello ipsius maxime insigni opera captiuos vidisset. Sed non multo post, clementia Francisci Regis, quum se dimidia pecunia redemisset, eam cladem



acceptam nouo victoriæ prouentu refarciuit, quum Lotrechium & Gallos ex longa contentione Cisalpinæ Galliæ imperio depulisset. Ab his rebus gestis Sfortiano dominatu Mediolani constituto, summos militaris Imperij



titulos à Carolo Cæsare promeruit. Verum inde leuem ab initio sed mox euentu lethalem contraxit morbum, quum iam sexagenario maior, affectæ ætatis oblitus, illustrium matronarum amoribus intemperanter indulgisse crederetur. Luxerunt eum totius Cisalpinæ regionis ciuitates, hominumque ordines, tanquàm Patriæ parentem, incredibili hercle cum mœrore, præsagientes vtique verissimis lachrymis imminentem durissimorum temporum conditionem, qua cunctas ab Hispanis atque Germanis præsidarijs acerbitates perpessi, omnino crudelius atque funestius à socio quàm ab hoste, concasuras ipsorum fortunas diuinarent.

PETRI GRAVINAE.

Nil



*Nil obstat Dux magne tuis, nil amplius ausis  
 Fortunæ obsequium signa sequentis habes,  
 Vidimus indomiti superata pericula belli  
 Vidimus hostiles succubuisse manus.  
 Oppida vi capta, & validis traiecta manipulis  
 Flumina, & oppositos terga dedisse Duces.  
 Restabant arces tormentaque bellica, tandem  
 Cesserunt arces, flumina, saxa, minæ.*

ANTONII Casanovæ.

*Tres modo fama Duces circa tria munera belli  
 Ante alios primum iussit habere locum  
 Castra locare fuit Pyrrhi, Fabique morari,  
 Marcelli proprium conseruisse manus,  
 Tu Castris, hostemque mora, & certamine Prosper  
 Viciisti, atque triumphum quod fuit, unus habes.*

## Hysmael Sophus.

Persarum Rex.



B hac illustri, & supra mortale decus radiante, imperiosa  
 que facie apud Persas suos se ipso admirabilior fuit & au-  
 gustior Sophus Hysmael, qui nostra memoria totum ter-  
 rarum orbem nominis sui fama compleuit. Is namque  
 magni Vssumcassani Regis ex filia nepos, Haidare, cui Har-  
 dueli cognomen fuit, genitus, ac in obscuro nutritus ado-  
 lescens, specie formosissimi oris cunctos æquales antecessit. Vir integræ  
 ætatis, milites omnes dignitate firmissimi habitus & equitandi sagittandi-  
 que peritia superavit. Seniores vero, ut primum sese ætas inflexit, aptissi-  
 marum rerum scientia & castrensis prudentiæ laude ita excelluit, ut per om-  
 nem ætatem quæ ei supra æquum augustior contigit certo numini propi-  
 or quam mortali, uti augustissimus coleretur. Erant enim res eius bel-  
 lo gestæ, cum victoriarum pondere, tum magnitudine euentuum, & quadam  
 perpetua atque felici cursus celeritate mirabiles; utpote qui persuasione con-  
 mutatæ religionis excitatis in eius sectam Orientis gentibus, Iacuppi Re-  
 gis auunculi filios, Regni hæreditate depulerit, hisdemque armis quibus  
 mortem patris vindicabat, & novæ religionis nomen tuebatur, extinxerit.  
 Nulla siquidem armata manus vim sustinere poterat Sophianorum, qui à  
 purpureis capitum integumentis Persica lingua Cuselbassæ vocabantur.  
 His enim non vno in loco in aciem eductis, & passim victor, per Armeni-  
 am, Mediam, Persidem, Parthiam, Mesopotamiam, & Assyriam eius novæ  
 religionis sectam, eademque capitum insignia propagavit. Inde quoque  
 aucto numero ea insana, & credulæ multitudinis turba, tumultuarijs, ideo  
 que prægrauibus, quod sacra dicerentur, armis, in Othomannicos fines per-  
 uaserat. Verum is Sophianorum incursus talem habuit exitum, ut per Ba-



iazetis accerrimos Duces, Galatia & Cappadocia, mutuis cum cladibus pel-  
lerentur. Secundum Baiazetem fato suo functum, Selymus filius Persicum  
suscepit bellum Hysmaelis offensus gloria; superatoque Euftrate, ad Artaxa



tam Calderanis in campis cum Hysmaele conflixit; eoque acie pulso & re-  
trocedente, Taurisio Regia vrbe potitus est. Sed reparantem copias Hys-  
malem, & iam aduentantem veritus, continuo in Cappadociam se recepit;  
magnæ hercle & memorabilis victoriæ, nisi ea multo Turcarum sanguine  
constitisset, trophæum erecturus. Exinde Sophus Hyrcanorum iniurijs  
lacepsitus in eos arma conuertit, diuque ea plerunque victor exercuit, quum  
interim Selymus immensa gloriæ cupiditate incensus, ad excidium Sultha-  
nici Imperij arma conuertisset. Cæterum Hysmael plenus gloria perdo-  
mitis & pacatis vndique finitimis, quartum & quadragesimum agens an-  
num in magna spe longioris vitæ, contracto ex asperrima venatione fatali  
morbo paucis diebus absumptus est. Edixerat inusitati generis venationem  
qua Regio apparatu Syluestrium equorum greges petebantur, in aspera ne-  
morosaque regione, quam Seruanam vocant. Ea est Medorum & Alba-  
norum



norum in finibus non longe à Caspij maris conspectu ad Caucasi montis radices posita. Id regionis spatium, venatorum ingens multitudo iusti prope instar exercitus, exploratis earum ferarum sedibus & pascuis complectitur; perpetuaque corona sensim coercendo præcingit; atque indices tanquam indagine clausas vndique territando & iaculando pulsas in magnum campum compellit, in quo Rex primus defertur atque ita circumuentæ feræ voluptarium de se spectaculum adeo violentis conatibus ad effugium editis, præbent, vt magno periculo, ac nisi procul iniectis laqueis capiantur, multiplicatisque restibus diuerso venatorum nixu contineantur. Ea siquidem feritas illorum est, vt nisi defessæ cursu, & siti, inediaque confectæ & perdomitæ fustibus mansuefieri queant, vixque per aliquot menses multa periculosaque domitorum industria, stragulam & sessorum admittunt, quum dentibus & calcibus libertatem defendant. Hi aspectu sunt truces prælongis atque horrentibus comis, rigida ceruice, & arietino capite deformes; nam strigosiores habent clunes; sed crura cum toto femorum & suffraginum nexu adeo valida, vt bidui cursu minimè fatiscant; nec ungulæ latæ admodum atque præduræ ferreis soleis indigeant, quandoquidem nec in asperis rupibus, lapidosisque locis atterantur. Sed domitis graui lupatoro opus est, & valido capistro, quod subter crura ventre tenus deductum vim eleuantium frontes & sessorum capita pulsanterum coerceat. Id itaque ferorum equorum genus laboriosum capi, perdomarique difficile, vsu verò longissimi cursus supra quam existimari possit mirificum, ob id vnus tantum dicatum est Regibus. Is equus colore cinereo nigris ad poplites internitentibus virgis Onagros refert. Tradunt autem Persæ (vt ab Armenio Patriarcha qui Hysmaelis familiaris fuit, audiuius, nisi ea fabulosæ superstitionis putetur) horum equorum greges in tutela quorundam agrestium numinum esse constitutos, proptereaque eos nefas esse per sacros lucos, & resqua Dijs inanibus Syluanis & Faunis dicata, consecrari, capereue; quando violantes sacrum gregem & lucos consecratas Dijs sedes, repentinus sequatur interitus; vt non impune accidisse Hysmaeli prædicabant, qui siue defatigatione & labore nimio difficilimæ venationis conuulsus, siue fatali percussus iniuria syluestrium numinum, immatura certè morte, & fortasse non immerita perierit. Quum prædicentium admonentiumque seniorum sacerdotum præscita, atque oracula neglexisset; eo quidem præclarius quòd Sumachiae Regulum in eandem venationis voluptatem accessitum, eadem fatalis ausus causa sustulisset.

P A R T H E N I I *Paraucini.*

*Hanc tibi Apellea referentem ex arte colores  
Effigiem, famæ, laudumque appendimus ergo  
Persarum decus, o Heros, quem Gangis ab oris  
Extremoque oriente, ingenti gloria plausu  
Littus ad Hesperium, Solisque cubilia vexit,  
Clarum opibus, facie insignem, & præstantibus ausis  
Egregium, dum pro sacris cultuque Deorum*



Pollutâque tui pro relligione Tonantis  
 Insurgis, piâque arma moues, totque oppida victor  
 Tot populos & regna tuis tot finibus addis.  
 Atque Asiæ magno fundis certamine Regem.  
 Quin etiam (rarum Ducibus) studiûmque Mineruæ  
 Excolis, Aonidûmque artes; nil denique inausum  
 Nil intentatum, ingenioque manûe relinquis  
 Maeste o iustitia Princeps, & pacis honore,  
 Præclare & bello, Ducibûsque æquande Latinis,  
 Te curuo in Lari fulgentia littore tecta  
 Pieridum, sacraque domus quibus altus Apollo  
 Præsidet, & spectis Cyrrhæ nunc incolit antris,  
 Accipient; ubi conspicuum in primisque micantem  
 Magnanimos inter Reges Martisque coronam  
 Suspicient, Populi, nec auari temporis ultra  
 Debentem inuidiæ quicquàm mirabitur omnis  
 Posteritas, Iouiûsque tuos celebrabit honores  
 Qui nunc æternis mandat tua nomina fastis.

## Antonij Grimani Veneti

Principis.



Nattollendo premendoque Antonio Grimano alternan-  
 tibus diuersæ sortis impulsibus, Fortuna mirabiles edidit  
 ludos. Nā quatuor annorū puer Marino patre mortuo, sub  
 tutela patrui maritimæ negociationi à prima statim ado-  
 lescentia adscriptus, summos labores summaque tempesta-  
 tum pericula alacriter subiit, utpote qui cuncta propè Sy-  
 riæ, Aegypti, Africæque Emporia adiit, tanta asperrimarum rerum toleran-  
 tia, singularique parendi obsequio, ut satis honestos ex diligenti mercatura  
 quæstus faceret, usque ad legitimam petendis honoribus ætatem. Reuer-  
 sus siquidem Venetias per omnes Magistratus in ciuitate decucurrit, sic ut  
 nusquam repulsam ferret propter spectatam fidem cum summa gerenda-  
 rum rerum prudentia coniunctam, maiora semper atque ampliora quam  
 peteret consensu suffragantium ciuium promeritus. Quum verò ad splen-  
 didissimæ legationis munus vocaretur ad Federicum Cæsarem in Germa-  
 nia agentem, id cum pudore recusauit, quod plerique Senatores eius viri  
 grauissimarum rerum experientis personam, domi quam foris Reipublicæ  
 utiliore iudicarent. Impetratum idcirco est, ut Dominicus filius optimis  
 instructus literis, qui postea Cardinalis fuit, pro patre in eam legationem  
 mitteretur. Exinde suas partes in Repulica eximia cum moderatione sem-  
 per implens, perpetuo tenore gratosus apud Populum, maximeque pro-  
 batus apud procures Senatus fuit; eo præsertim tempore quo ad maris præ-  
 fecturam euectus est. Nam tum Veneti cum Carolo Gallorum Rege bel-  
 lum susceperant, & Aragonios Reges ex fœdere socijs armis defendendos  
 existimabant. Itaque Grimanus cum valida classe in Apuliam profectus,



complura eius oræ oppida occupata à Gallis, manu cepit. Monopolim  
que vrhem admotis tormentis fortiter expugnauit; quo terrore Polygna-  
num, Molam, Brundisium, & Hydruntem in Salentinis, in potestatem



Veneri nominis redegit, authorque extitit & suasor apud Senatū, vt Veneta  
pecunia Aragonius subleuaretur, isque oppida tanquam oppignerata Ve-  
netis tuenda relinqueret. Quo consilio & fractæ Gallorum res, & aduer-  
sarium quæ erant difficiles, in melius restitutæ sunt. His rebus gestis,  
fidem spemque totam apud ciues de sua virtute conceptam, cumulatè im-  
pleuit; meritoque factus Procurator Diui Marci, in id tempus incidit, quo  
Senatus Venerus commutato studio, & reiecta Sfortiæ amicitia, cum Lu-  
douico Gallorum Rege fœdus percussit, quo Cremona nouæ amicitiae præ-  
mium petebatur. Tanta enim incitatione Senatus in odium exitiumque  
Sfortiæ, tantaque amplificandi Imperij cupiditate descensum erat, vt sanio-  
ribus consilijs nullus omnino locus relinqueretur. Reclamabat libero ore  
Grimanus vti verus vates, sicuti nos ab ipso successoreque etiam Gritto acce-  
pimus, inuidiam inde grauioraque pericula veritus, moderationisque Sena-



natus primores admonebat, vt infirmum Regulum potius quàm potentissimum externæ gentis Regem accolam mallent. Sed iuniorum suffragia aduersus bene consultos senes, fatali quodam impetu valuerunt. Veneti enim in vniuersum à Sfortia se transuersis artibus impeditos quo minus Pisis potirentur, ægerrimè ferebant. Itaque Ludouicus reiectus à Veneto atque hostis declaratus, deceptusque item ab Alexandro Pontifice, nec adiutus alacriter à Cæsare, postremam à Baiazete Turcarum Rege opem implorauit. Visa est Barbaro digna occasio inferendi belli. Id enim vnum Sfortia postulabat, vt terra marique Veneti, ne cum Gallis vires coniungerent, suarum rerum periculo distinerentur. Itaque Baiazetes misero & malignæ circumuento Sfortiæ opem ferendam ratus Schenderbassam Illyrici præfectum, in Venetiam vsque luctuosa incurfione prouehere sese iussit, & Deuthem amplissimæ classis præfectum, in Græciam misit. Quo in rerum periculo Grimanus omnium suffragiis iterum delectus Imperator, exornata pulcherrima classe aduersus hostes nauigauit. Sed id nauale bellum eum malignitate Fortunæ exitum tulit, vt quum apud Sporadas insulas congressuris classibus non dubio euentu superari Turcas posse apparet, commutatis ventis, nec opportunè parentibus quibusdam Trierarchis, Grimanus tota spe victoriæ deijceretur, Barbarique hostes incensis duabus onerarijs, in quibus Andreas Lauredanus, & Albanus Armerius patri tñ fortes periire, in Naupactum sinum euaderent, dedenteque ibi arcem Mozenico præfecto aut auarè, aut timidè, Turcæ Naupacto potirentur, Grimano frustra se à Trierarchis per summam malignitatem atque ignauam proditum conquerente, nec tamen in eos, quod essent nobilissimi ordinis Imperij seueritatem exercente. Eius foedæ potius, quàm malæ gestæ rei nuncius, Grimanum summæ inuidiæ exposuit, vt comminuta repente eius gratia, atque autoritate successorem ei Senatus decerneret Melchiorum Triuisanum veterem inimicum, qui Grimano compedes iniiceret, captumque ad dicendam causam Venetias continuo deuehi iuberet. Quo nuncio Grimanus vt insons, & egregiè animo constans, Senatui omnino parendum existimans, non expectato successore compedes sibi vltro iniecit, & peculiari mioparone Venetias deuectus est, patribus sese compeditum, & iudicij pœnam subire paratum ostendens. Nunquam antea Venetijs frequentius atque celebrius vllius rei spectaculum fuit, quum eo habitu senex Imperator, & nihil tale ex æquo meritis, à rerum capitalium ministris in carcerem duceretur, & plerisque manarent lahrymæ ex memoria anteaactæ vitæ, Fortunæque: atque eo etiam vberius, quod filius in ipsa purpura Cardinalis, mœstissimi patris compedum pondera, dum scalas ascenderet, sacris manibus sustineret. Eum postea duro in carcere diu custoditum, atque acerbissimè à Nicolao Michaele accusatore exagitatum, optimi quique ciues indoluerunt: eius verò iudicij causa non in rogatorum, vt aiunt, Senatorum modò, sed in publico ciuium consilio actitata est, eo euentu, vt incomparabili gratia, tum sua tum Senatus omnibus propè suffragiis absolueretur: ad minuendam tamen inuidiam, quod eo bello Venetus non Naupactum modò, sed Pilum, Chrissæum, Coronem, & ipsam à Baiazete expu-



expugnatam Methonem amisisset, in Ossarum alteram Absyrtidum insulam relegaretur. Sed pertæsus damnatæ insulæ nomen, Romam migravit, ut cum Senatore filio; maiora præsidia turbatis rebus suis pararet, & Patriæ commodis integra fide consulendo propensissimè studeret. Vixit in luce Populi Romani carus Pontifici, & à cunctis ordinibus crebro salutat, quum luculentissimam villam sub Quirinali ædificasset. Tandem Venetijs extincta invidia, patrum iudicio reuocatus est, integritatis atque virtutis ergo. Hæc enim verba fuere publici decreti, quod nusquam præclaram iusti officij pietatem vlla in re erga patriæ decus intermisisset. In id decretum mille trecenti & sexaginta quinque patritij in suffragium ierunt, nec aduersa supra centum tulit. Quo exemplo videri potuit veræ virtutis nomen insolentis Fortunæ fluctibus iactari quidem, sed nunquam mergi atque opprimi posse; sic ut iam ciuitas vniuersa constanti iudicio ei Principem locum (viti euenit) studiosissimè destinaret, summoque plausu tanquam postliminio redditus complecteretur; eoque maiore Grimani cum laude, quod Nicolao accusatori, omnis eius acerbitalis oblitus, capitale iniuriam remisisset. Secundo loco creatus sancti Marci Procurator splendidissimam atque grauissimam legationem suscepit ad Franciscum Regem, cui summæ claritudinis adiuncti collegæ sunt Dominicus Triuisanus, Georgius Cornelius, & Andreas Grittus, qui Senatus nomine ei victoriam de Heluetijs partam prolixè gratularentur. Exinde magni semper Consiliarij nomen continuato honore vsque ad Lauredani Principis mortem promeruit; cui post longam candidatorum contentionem successor Princeps creatus est, pridie nonas Iulias, eodem anno quo Leo Pontifex vita functus est. Fuit in Grimano habitus corporis gracilis, sed procera statura, viuudum vsque ad extremam senectam ingenium, atque oculi viuaces. Fuit vir frugalitatis eximie per omnem ætatem indomitique laboris atque animi, ad omnes Fortunæ casus firmissimè compositi. Vixit annos Nonaaginta, præfuit Reipublicæ tribus. Exornauit Prætorium luculento ædificio, cui nomen eius decreto publico est inscriptum, quod paucissimis contigit.

LVDOVICI Dominici Placentini.

*Principis effigies hæc est reuerenda Grimani  
Quem pater ætæno superum dignitatus honore  
Intrepidi monumentum animi superaddidit astris;  
Scilicet ante obitum supremaque funera, sese  
Instabilis diuæ spolijs fulgentibus ornans  
Inuictus potuit varios eludere casus.  
Hic primum explorans fato Neptunia Regna  
Ceruleis sinibus iuueniles credidit annos,  
Vt vir postremo spectato Marte triumphos*



*Ad patrium littus certos ex hoste referret.  
Denique naturæ leges ac bella triumphans  
Sponte sua vinctumque manu, se pectore firmo  
Præripit ad patres, vinctus ciuilia vicit  
Prælia, Famamque æterno iam terminat axe.*

## Franciscus Ferdinandus

Piscarius.



VN C quem spectas elata ceruice galeatum, & decora excepta vultu vulnera intrepidi & summè fortis animi argumenta præferentem, ille est Ferdinandus Daualus cognomento Piscarius, qui antè meritum & acceptum militaris Imperij munus, ex ipsa tantum peditatus præfectura maiorum Ducum bello Dux, admirabiliumque militiæ operum magister



magister atque author incomparabiles victorias Carolo Cæsari parauit; non obscuro quidem cum pudore veterum huius seculi Ducum, quum iuuenis vixdum integræ ætatis, eos omnes expediti consilij grauitate; & quosque manu promptissimos singulorum ordinum præfectos, in obeundis periculis, præclaro impauidi animi ausu, æquè mirus & felix superare didicisset. Neque propterea fas esse putauerim eius vsque adeo præstantis atque inuicti viri immensum decus, breui angustæ tabellæ elogio circumscribi, si vim potius atque ipsum pondus inclytæ virtutis, quàm inanes honoris titulos, qui sæpè libidine Regum obueniunt, æstimare velimus: quandoquidem gloria rerum gestarum latè propagata, modicis rectè scribentium terminis includi nequeat. Quanquam ego præcipuus (dum ille viueret, & bello plenus laude versaretur) Piscarij sedulus admirator, peculiari volumine edito, nomen eius præsentis & venturæ famæ commendarim. Nunc verò liquidissimè constet ex eius viri recordatione, collationeque, satis multos militiæ Duces eminentibus titulis claros conspici, quum rari appareant qui parem susceptis honoribus, non absolutæ quidem virtutis, quæ hodie Imperatorum nemini ferè contigit; sed nec mediocrem, sine alicuius insignis maculæ probro operam præstare videatur.

INCERTI *Authoris.*

*Qui sceptræ ad tumultum, vinculi quid compede Reges?  
Quid vè tot inuicta signa relata manu?  
Quid Galea, quid scuta nitent, quid gæsa, quid enses?  
Quid viret æternis Laurus opaca comis?  
Num Mars, num Daualus, tumulo iacet? hic situs hic est  
Heu Daualus, quin Mars cum Daualo ipse iacet.*

## Ioannes Bentiuolus

Bononiensium Tyrannus.



**H**Æ tres, quæ vna ferè in tabula sibi cohærent imagines, trium seculo nostro præpotentium potius quàm illustrium Principum figuras ad veram similitudinem exprimunt, Ioannem scilicet Bentiuolum, Pandulphum Petruccium, & Petrum Soderinum, oris quidem ductu, cultu togati amictus, & conditione ingenij dispares; sed qui finibus ditionum, & consiliorum sensibus inter se coniunctissimi, eandem propè dominatus Fortunam tulerint, quum quisque eorum sua in patria pari consilio, sed diuersissimis artibus nominis dignitatem tueri niteretur. Bentiuolus Bononiæ primum locum maiorum suorum, qui nobilitatis erant Principes, virtute partū, ita adeptus fuerat, vt Tyrāno quàm Principi ciuitatis propior haberetur. Huius auū eiussdē nominis seditiosius atque ferocius suas tuentem partes Eugenius Pontifex capite damnatum sustulerat.



Patrem verò Annibalem Canetuli factiosæ familiæ ciues coniuratione facta vsque adeo crudeliter, & temerè trucidarunt, vt in ipso cædis vestigio admisi facinoris pœnas darent. Ex hoc Annibale Ioannem puerum Sanctius qui se in Bentiuolam familiam adoptarat, educandum; magnoque ciuium studio paternæ auitæque amplitudinis in ciuitatem Principem instituendum suscepit; acciditque vt Sanctius per aliquot annos prudentissimè administrata Re publica, & ciuibus alumno conciliatis, vita excederet, ei que Genebram vxorem ad futuras nuptias reliquerit. Hæc erat Sfortiani sanguinis Constantio Pifaurense Principe genita, virilis animi mulier, & vsque adeo imperij auida, vt maritum mitem natura potius quam vlla in re violentum, ad cædes damnationesque æmulantium ciuium edendas impelleret, & ad clauum totius consilij superba & insolens federet, & tum præsertim detecta Maluetiorum conspiratione in ipsos atrocissimè sæuendum esse censuisset. Punitis & euersis per hunc modum Maluetijs, integra ciuitatis possessio, summaque non obscuri dominatus potestas, Bentiuolo cessit. Creuerat is numerosa liberorum sobole, varijsque connubijs opportunas propinquitates parauerat, acceptis nuribus ex splendidissimis Italiæ familijs, & filiabus ditissimo cuique Regulo nuptui datis, sic vt exaggeratus vndique, & vere vsque ad posteritatem confirmatus dominatus esse videretur. Aedificarat insuper magno sumptu luculentissimæ structuræ turritam domum instar arcis, quæ pulchritudine & laxitate Cosmianam Florentiæ & Feltrianam Urbini, quanquam latericia, superare videbatur. Ad hæc liberi eius, patris magnificentia atque opibus inuitati singulas & ipsi minores domos extruxerant, quas ciuium copijs in sua horrea, suumque penum impudenter traductis, & replere, & varijs ornamentis instruere erant soliti. Incidit autem in id tempus Cæsaris Borgiæ immensa cupiditas augendæ potentia, supsecta Bentiuolis, quod is ad urbem vsque castra promouisset. Cuius aduentus Marescotti è prima nobilitate ciues, authores & rei facti ab Hermete filiorum supra omnes sanguinario, iugalati sunt. Ea cædes vniuersam ciuitatem conterruit: Patrata siquidem fuerat in prætorio apud Magistratus, nemoque propinquorum hiscere audebat, quod tot liberi multo famulatu, multisque sicarijs circumsepti, minaces foro inambularent, Nec iam dubia & atrox Tyrannis inuecta cerneretur. Successerat Alexandro Pontifici Iulius Secundus Bentiuolo ex vetere similitudine infensus. Is opulentissimæ ciuitatis, cui ipse in minori fortuna præfuisset, conditionem miseratus, bellum inferre, totque Tyrannos omnino tollere cōstituit; profectusque Roma, & auctus Gallorum auxilijs ad urbem Bononiam castra promouit. Eo autem successu bellum est confectum, vt Tyrannus qui castra Gallorum, auersis eò corruatisque fluminibus inundarat, & propè oppresserat, animam despondens, infensique Populi tumultum veritus, ea conditione urbe excederet, vt præsidio Gallico quod pecunia coemerat, tutus cum vxore egrederetur, exulatumque ad Buxetum Parmensis agri oppidum Pallauicinatorum hospitio susceptus abiret. Nec multo post Bentiuolus quum in alsi dua reditus cogitatione versaretur Genebram vxorem amisit, repentinò dolore exanimatam, quod ei improuissus nūcius superuenisset, quo audierat liberos suos tumultuarijs collectis copijs reditum ad patriam intempestiuè preparantes.

Hippolyti



Hippolyti Cardinalis Atestini, & Ludouici Mirandulani superuentu, qui Pontifici fauerent, fufos in itinere, & fœdè profligatos fuiffè; qua iniuria exacerbatus Iulius, Bentiuolorum clientes, vel tum captos, vel inde conquifitos, damnatosque laqueo fufpendi iuffiffet, & Tyranni domum vel Bononiæ totiusque Italiæ ornameto à conditore deftinatam, plenus ignobili ob idque pudenda iracundia, excindendam furenti populo obiecerit. Nec diu poft ipfe Tyrannus fenex, desperata Gallorum ope, quum in eam fperem elufus, veteres thefauros exhauffiffet, facris interdictus & planè mifer interiit, quum amplius triginta annos dominatum exercuiffet, vixiffet annos fupra feptuaginta, dignus hercle eo patriæ dominatu nifi ingenium eius impotentes liberi, auaritia, libidine & crudeli faftu cuncta perturbantes, ad exitialem infolentiam propuliffent.

ANTONII Francifci Rainerij.

*Bentiuole, illa olim veſtra ingens gloria, ſummis  
Nixa opibus, patriæ titulis & faſcibus auctis  
Vndantum Imperio populorum, & prole virenti,  
Marmoreæque domo & regali diuite luxu,  
Quod rapida reuoluta manu, ceu turbine torto  
Corruerit, ſonitu per inania nubila facto,  
Ne mirere, animo inuicte & præſtantibus auſis,  
Elifys nèue hæc te cura laceſſat in aruiſ.  
Scis tu etenim, ſcis tu ſubiti quàm plena pericli  
Fortunæ alea ſit, volucris vertigine quantum  
Heroùmque hominùmque trahat, quàmque ardua pulſet  
Vel iuga, vel tumidas eadem ſuper intonet vndas,  
Exactos quum tu Reges, domitòsque Tyrannos  
Enumeras, perfracta arma euerſosque triumphos  
Troïngenum, & Danaum, & Parthorum, & ſceptra Quiritum,  
Te tamen indignantem animo, & fera fata gementem  
Hoc ſolare, humili quod non tua pondere preſſa eſt  
Gloria, ſed ſummi conconcuffa eſt numinis ira;  
Roboribus Iouis in terris, & fulmine querno.  
Scilicet à magno quaterentur vt ardua Iulo  
Primorum capita, & neutri foret aucta poteſtas,  
Quo Latium, & tota plaudit Iulo Auſonis ora,  
Barbara ſanguineas horreſcunt pectora clades,  
Famaque purpureis liquidum ſecat Itala penniſ.*



## Pandulphus Petruccius

Senensium Tyrannus.



**Q**UANTVM Bentiuolus ad Principis nomen magnificentia operum, & filiorum fastu accessisse videri potuit, tantum Pandulphus Petruccius apud Senenses è ciuili ordine se extulisse existimatus est, sed qui esset occultior, neque tamen animo melior; Quippe qui nunquam vestem Senensibus consuetam (id erat pallium atrii coloris) mutarit, nisi solennibus Ludis: nunquam in modesti frugique ciuis in conuictu disciplinam villo epularum luxu corruerit; ædificarit modicè, & commodè quidem potius quàm sumptuosè aut eleganter; humanitatis porro & temperantiæ laude humiliores ciues in tota vita superarit; nec externa connubia ambitiosè, sed paria fortunis atque nobilitate, ad auertendam inuidiã quæsierit. Quæ omnia ex aduerso in Bentiuolo vsque adeo modum exceßerant, vt cuden-

dæ



dæ etiam monetæ munus impetraret à Cæsare, non obscure in contumeli-  
am Pontificij imperij, sic vt in aureo numismate ipsius Tyranni comata ef-  
figies cum serrato scuto complectente id Cæsaris Aquila, spectaretur. At  
Pandulphus nihil vnquam vsurpabat quod apud ciues inuidiam conflaret,  
vt qui modico comitatu, multoque dissimulationis artificio gratiam atque  
potentiam sensim parandam arbitraretur, ingentique astu, & occultiore so-  
lertia sibi agendum esse statueret in ciuitate quæ quadrifariam diuisa infa-  
nis factionibus seruiebat; quibus ciuitatis status commutari conuelli-  
que posse, vt sæpius antea accidisset, manifestò prospiceret, si diuersa ciuium stu-  
dia negligerentur. Parem enim authoritatem alternantibus partium stu-  
dijs in Republica obtinebant quatuor honestissimarum familiarum or-  
dines, quorum summus erat vetustæ nobilitatis, isq; propterea Nobilium  
vocabatur. Secundus pari propè dignitate Popularem. Tertius ex vtro-  
que ordine commixtis familijs constitutus Nonarius appellabatur, quod is  
ordo à nouem delectis ciuibus, qui æquissimi viderentur, antea fuisset ere-  
ctus. Huius ordinis aliquot erant Patritiorum familiæ, inter quas emine-  
bat Petruccia, cuius facile princeps habebatur ipse Pandulphus, Iacobo ma-  
iore fratre qui excesserat è vita sibi locum relincente. Nonario autem or-  
dini succedebat vltimus, qui Reformatorum appellatus est, quod hi tanquã  
exactæ prudentiæ ciues, male consentientis ciuitatis vitia emendare forma-  
reque in melius Rempublicam superiore tempore voluissent. Cæterum  
Pandulphus, & ab his aliorumque ordinum conspiratione cum Nonarijs  
vrbe pulsus aliquandiu in exilio sic vixit, vt nihil virilis consilij efficacia-  
que industriæ remittens, non diu post in patriam victor rediret; coactis sci-  
licet in vnum non amplius quàm trecentis suæ factionis hominibus, urbem  
noctu scalis adortus transcens illico mœnibus, refractaque demum porta  
vrbe & curia potiretur, & aduersarios vrbe expelleret; eo euentu, vt qui mo-  
do extorres fuerant, eiectis aduersarijs Rempublicam administrarent & cun-  
cti ciues in omni senatoria deliberatione Pandulpho obseruatis eius nuti-  
bus atque suffragijs assentirentur; ipseque vnus in toto suo ordine authori-  
tate atque opibus potens, plebisque etiam studio subnixus emeretur. Hanc  
eius potentiam ægre ferebat Nicolaus Borghesius inter ciues maximè hono-  
ratus, quanquam filiam Pandulpho collocasset. Verum tanta erat Borghe-  
sij ambitio, eaque liuidi animi acerbitas, vt facile cognationis obliuisceretur,  
& generi authoritatem conuellendam arbitraretur, & quod aliter maturè  
fieri non posse videretur, consilium eius quoquo modo tollendi susciperet.  
Sed insolentia soceri, eiusque diram obtrectionem, impotentis generi sæ-  
uitia præoccupauit. Borghesius namque quum iret in forum trucidatus  
est. Huius cæde conterritis ciuibus, summa potentia Petrucij, Pandulpho  
que in primis adstructa est. Ab hoc patrato scelere, damnatoque apud ci-  
ues, Pandulphus offensus infamia, vsque adeo religiose in posterum à san-  
guine ciuium temperauit, vt quum aliquanto post in ipsius cædem Bellan-  
tios, authore principeque numerosæ eius familiæ Leonardo deprehendisset,  
quos iure optimo occidere poterat, syncera fide oblata clemētia conseruaret.  
Exinde mira calliditate apud decuriones egit, vt Triumviralis in Republica



Magistratus creatur; cuius muneris esset Reipublicæ curam suscipere, prætorisquæ præsertim cohortis, quæ in foro apud curiam stationem habebat, iura stipendiorum tueri. Id verò facile impetratum est, resque ita celsit ut ipse vnus è tribus crearetur, duobusque mox collegis altero magnis muneribus corrupto, altero autem quòd esset ingenij pinguioris facile contempto, solus ea magistratus munia obiret, militares animos, indulgendo, vberimeque stipendia persoluendo sibi conciliaret. Noui demum consilij rem difficilem, & specie parum æquam, sed omnibus propè ciuium ordinibus vtilissimam aggressus perfecit. Abscindere enim opulentioribus Senensis Imperij oppidis certas agrorum partes, atque eas per familias certis portionibus diuidere & adiudicare constituit. Quo munere insignique beneficio cunctæ vel aduersorum ordinum familiæ sibi astringerentur. Eam legem à Pandulpho suasam latamque, decuriones atque amplior Senatus facile promulgarunt, frustra reclamantibus oppidanis, qui iniquè eripi sibi sua alimenta querebantur, letis ex aduerso promiscuè ciuibus, qui ex aliena iniuria extra ordinum inuidiam augeri suas opes viderent. cuius decreti munificentia ad vnus Pandulphi gratiam, atque potentiam amplificandam sine controuersia rediret. Eo facto Pandulphus opes suas confirmauit, & ciuium amicorum adauxit, & propè totam reliquorum ordinum æmulationem ita extinxit, ut ordo Nonarius supra cæteros summum authoritatis & gratiæ locum teneret. Hæc erant optimè prouisa parataque aduersus vim in testinam; sed quæ externa auerterent arma, ciuitati valida deerant præsidia ut tum accidit, quum Cæsar Borgia ad perturbandam Italiam natus ad Pientiam vsque urbem copias promouit, eo animo ut Pandulphum Senis extruderet, atque ea vrbe, uti erat immodicus, potiretur. Agnouit Pandulphus ambitiosi crudelisque viri insidias, generosoque consilio effugere eam tempestatem, & Senenses ciues periculo liberare constituit, concionatusque apud Ciues nihil sibi incolumi patria esse carius ostendit; propterea se cessurum malignitati atque audaciæ externi sæuissimique Tyranni, ut maturè de mum rediret. Atque ita interdum morientibus plerisque, atque lugentibus cum honesto potius quam valido comitatu vrbe excessit, commentaria ciuibus relinquens, quibus ad confirmandam tuendamque patriam summæ prudentiæ præcepta perscripserat. Huius facti mira celebritate deterisit non modo inuidiam, sed ampliorem etiam gratiam apud cunctos ordines adeptus est. Neque eum fefellit opinio. Decedente siquidem Senensi agro Borgia, decreto publico ad tutelam patriæ, qui sponte se fecerat exulem reuocatus est. Eo Borgiae periculoso aduentu admonitus communiendum se nouis amicitijs atque foederibus existimauit, imprimisque conciliandos sibi Florentinos ratus, prorogari sibi veteres inducias quæ iam tum planè effluxerant, postulauit, Petro Soderino qui tum præerat Reipublicæ ea conditione longiores concedente, ut Montis Politiani oppidum, de quo ex antiqua controuersia nimis fuerat decertatum, posellumque tum à Senensibus, Florentinis in præmium admissæ societatis concederetur. transactio Senenses ciues amariores fecit, & Pandulphi gratiam in vnũuersum vehementer imminuit, quòd ut priuatis rebus consuleret,



confuleret, publicis fingulare detrimentum attuliffet. Nec multo poſt ad uerſus eum excitata eſt eadem Borgiae rabies ex aduentu Gallorum qui Neapolim armis repetebant; concitantibusque uonnullis, eo res deducta eſt, ut Pandulphus procellam in ſe immanium armorum effundi cernens ad priſtinum deferendae urbis conſilium rediret. Iamque erat in itinere quum exoptatus de morte Alexandri Pontificis nuncius ei ſuperuenit; liberatusque periculo ad conſueta adminiſtrandae Reipublicae munia reuerſus eſt. Pio autem tertio Senſi in demortui locum ſuffecto non magnopere laetatus eſt, quod ille eſſet diuerſi ordinis, & tanquam verè pius in libera patria vnum præ cæteris ciuem dominari indignè pateretur. Cæterum immatura Pij mors intra pauciſſimos dies erepti, Pandulphum eo metu ita liberauit, ut ſibi gaudio eſſet Iulius ſecundus Ligur ei ſuffectus, cuius gratiam certis officijs atque muneribus facile promeruit, ſtudiique ſui eum tulit fructum, ut Alfonſus eius filius, coempto non dubiè purpuræ honore in Senatum legeretur. Deſtinabat enim ſibi Dominatus ſucceſſorem Borgheſium è filiis natu maximum, eumque fraternis ſacris opibus fauoreque Põtificio confirmandum iudicabat. Sed ea conſilia ſuperi multis de cauſis improbarunt. Nam ipſe non multo poſt anguſtia pectoris laborans, quum ad Philippeas aquas iſſet, apud ſancti Cyriaci oppidum fato conceſſit, climacterico ætatis anno. Liberì verò eius in ſeipſos inſana arma conuertentes, à Leone eo euentu Senis ſunt depulſi, ut Borgheſius atra vexatus bile miſer interierit: Alfonſus verò Cardinalis temerè inita in Leonis perniciem coniuratione in mole Hadriani, non purpuratorum modo, ſed infimorum etiam hominum miſerrimus à carnifice ſtrangularetur.

## P A V L I I O V I I Iunioris.

*Occulti ne iuuere tibi ſub pectore ſenſus*

*Petrucci, tacitæ ne artes, ſecretaque rerum*

*Conſilia, atque aſtus veteris prudentia ſolers?*

*An contecta dolis mendax tibi credita virtus:*

*Atque humeris pullata diu circumdata veſtis,*

*Nulla que celſa domus, comitum tibi nulla caterna?*

*Dum tu diſſimulans pro libertate tuorum,*

*Artibus his blandis incautam decipis urbem;*

*Et patrias leges renouans, ſoceroque perempto*

*Arripis Imperium, atque in te iura omnia tranſfers.*

*Laude equidem dignum facinus, ſi numine dextro*

*Di foueant; aut ſors non auerſata ſecundet.*

*Sed qui te caſus, quæ te Fortuna ſequatur*

*Aſpice; bis exul nunquam tranquilla vidiſti*

*Tempora turbata per mille pericula vitæ.*

*Adde quod & nati quibus impia Regna paraſti*

*Conuulſi inter ſe ſæde, pars caſa ſecuri,*

*Haud vixere diu regnandi eheu dira libido;*

*Discite mortales contenti viuere paruo.*



ELOGIORVM  
 Petrus Soderinus

Florentinorum Vexillifer.



I V E R S I S S I M A ratione, honestioreque titulo Petrus Soderinus apud Florentiam Reipublicæ præfuit, prudentiæ & moderationis cōmendatione ad Vexilliferatū p̄fectus, qui honos nequaquam vti aliās bimestris, sed perpetuus esset ad imaginem Romanæ Dictaturæ. Nam sicuti decuriones supremæ potestatis qui bimestres erāt, breui spatio magistratus vim inueterata consuetudine finiebant, nec suspectæ potestatis esse poterāt, ita Vexillifero qui eis præesse soleret, aliquanto angustiora quàm flagitarent grauissimarum rerum consilia, terminandis sententijs spatia obueniebant. Propterea expedire Reipublicæ rebatur, ut vnus perpetua authoritate ad clauū sederet, superiorūque consiliorū atq; actionū gnarus, certū perēnis nec intercisæ prudentiæ præsidium, toties mutatis Decurionibus afferret, dignitateque augustior Populo videretur; In hoc imitatus Venetos



Venetos qui Senatus Ducem creant, cuius potestatem admirabili specie amplissimam, sed nihil plus cæteris quam altero suffragio valentem, certisque legibus idè circumscribunt, ne ad Tyrannidem aspirare queat, personam tamen Principis ad Veneti Imperij dignitatem decoris insignibus tueatur. Soderinus hoc honore illustris factus in Curiam cum familia vxorem traduxit, vt in omni negotio assiduus Octouiris supremæ potestatis adesset; sensim per hunc modum popularis effectus est nouis hominibus in Senatum accersitis, quum antea Patritijs in vniuersum, honoratisque ciuibus patuisset. Fauit autem ei præsertim ciuium ordini qui Sauonarolæ damnati crematique in foro, memoriam pertinacissimè colerent, & Mediceï nominis studia semper odissent, quanquam ipse omnis expers odij, nequaquam se factiosum ostenderet, & tanquam æquissimus libertatis defensor, in nullam inclinaret partem, eoque populari inuecto statu patriam diu tranquillam, opibusque florentem futuram arbitraretur, ac optimi inde præsidis & patriæ parentis laudem, quæ nemini post Cosmum contigisset multorum iudicio promereri crederetur. Sed non mediocriter offenderat Patritiorum animos studioforumque Mediceæ factionis, à quibus mirifico studio erat subleuatus, quod ingrati oblitis beneficij, secus ac antea promiserat, eos propè in ordinem redegisset, nec vigente popularium factione illos eminentiore vllò honore dignos arbitraretur; quo neglectu ex perpetua popularitate eos sibi non obscurè inimicos pararat, quorum postea Saluiatis Principibus, ipsoque præsertim Iacobò varijs artificijs & machinationibus ipsius authoritas conuulsa sit, & ipse tandem Dictaturæ honore spoliatus, dominatu & patria eiectus in exilium abierit. Sed tum existimatio ei erat incolumis & florens, quod eius auspicijs perdomitæ receptæque Pisæ fuerant, post sextumdecimum continuati ferè belli annum, quo haud dubiè Florentini nūquā remissa spè victoriæ nūquā remissis sumptibus atque laboribus, vel sæpius repulsi, Pisanorū cōstantiā asperrimis diuturni belli periculis effectam & indomitam superassent. Adiecerat etiam Florentino Imperio Mōtis Politiani oppidū certa induciarū pactione vltro à Senēsis cōcessū. Curarat quoque diligentissimè rem frumētariā, læto semper atque exultante populo ad vbertatis & copię nomen. Verum quum medias ciuium classes foueret, hisque aditum ad Rempubicam præberet,angebantur Patritij, vtpote qui offenderentur numero nouorum imperitorumque sæpe hominum, qui Reipublicæ munia nobilioribus debita insolente vsurparent, curiamque indigna vrbs fecè repleuissent; ipsi verò neglecti, sæpeque superantibus ignobilium suffragijs, reiecti, honorum repullas ferrent, frustra que popularis status inclementiā damnarent. Sed Soderino semper integra mansit authoritas populari studio, & sua insigni virtute confirmata, donec enatum est bellum, quo nullum Italiæ perniciosius fuit, quo eiusdem dignitas continenti veluti ruina in præceps traheretur; initio ad Concilij nomē exorto. Id enim victor vndique Ludouicus Gallorum Rex indicendum celebrandumque susceperat, vt Iulius Pontifex ex publica censura tanquam indignus sacrosancta potestate gradu pelleretur. Is enim impotentia Gallorum timens arma, atque idcirco seruituræ mox Italiæ cauendum existimans, à conspirantium Regum fœdere discesserat. Quamobrem diuinis



atque humanis rebus foedè perturbatis, Rex Gallus à Soderino magnopere fauente Senatuque Florentino impetrauit, vt vrbs Pisæ tanquam celebrando concilio opportuna concederetur. Ea res Patritios excitauit qui contradicerent, atque exclamarent propediem Pisas in potestate Gallorum futuras, qui iam frequentes aduenissent Lotrechio Duce; quorum aduentu Pisani ad repetendam libertatem parati, atque de industria inuitati viderentur. Ea res non temerè credita eum tulit exitum, vt Cardinales, cæteri que Sacerdotes qui Pisis conuenerant, cum Lotrechio præsidij præfecto vrbe pellerentur, Mediolanumque profugerent. Eius Concilij Pisis constituendi oborta inuidia, Soderinum non sponte, sed impulsu Cardinalis fratris auctorem inuisum ciuibus, atque odiosum irato Pontifici fecit, vsque adeo vt vir ille natura contumeliæ insolens, & implacabilis, eum Dictatura desciendum, Mediceosque in Patriam reducidos decerneret. Medicei nanque in eam excubantes occasionem Raimundum Cardonium à Rhauennatis prælij detrimento Hispanicas reparantē copias, adiuuante Pontifice sibi cōiunxerant, expugnatoque Prato oppido prius quam Florentiæ præsidia parari possent, à beneuolis propinquis, patritioque ordine in urbē recepti, superioris Fortunæ Principatu potiti sunt. Soderinus ipse mira insontis animi tranquillitate, quod nemini nocuisset, & custoditos in Curia tanquam suspectos ciues numero supra viginti, supplicio affici vetuisset, extra omnem contumeliam detractus folio, & ad Pauli Victoriij domū deductus est, indeque egressus vrbe in Vmbriam, Picenumque profectus, nō multo post ab Ancona Epidaurum, quod Ragusium vocāt, vt tranquille ibi degeret, traiecit. Medicei verò ad arbitrium Rempubicam constituerunt, nec quenquā ex antiquis inimicis pœna dignum censuerunt: quartoque mense recepta patria Ioannes Medices Cardinalis, qui ad Rhauennam captus è Gallorū manibus effugerat, Pontifex est renunciatus. Is generoso animo Soderinum humanissimis literis euocandum complectendumque sibi, & augendū honoribus accersiuit. Ea verò oris tranquillitate dignitateque Soderinus Urbem ingressus Pōtificem inuisit, vt cunctis esset venerabilis, adeuntibusque & dextram appetentibus amabilis, & perhumanus. Libenter enim rerum suarum actiones enarrabat, mihi que præsertim syncerè & disertè tanquam annales perscribenti. Cupiebat siquidem ea cum integritate laudis posteris tradi qua Rempubicam Florētīæ per decem annos administrasset, sic vt Romæ non secus ac Florentiæ Vexillifer ab omnibus appellaretur. Repudiavit autem omnes honores quos propensissima voluntate Leo Pontifex offerret, tanquam eo quod gesserat minores. Vixit in summa tranquillitate mentis, cum grauissimis virtutibus confirmatus, tum sua conscientia præclare beatus, quanquam amissi dominatus casum duorum fratrum culpa sibi importatum, sine vlllo doloris vestigio fateretur. Alter enim Cardinalis ambitiosè corruptus, spe consequendi Pontificatus, Pisas Gallis obtulerat, ratus fore vt quum neque in Pontificem neque in Gallos vehemens studiū ostenderet, tanquam medius post neutram partium offensam, Iulio Concilij voce damnato subrogaretur. Alter nomine Victorius Mantuam legatus missus, vbi foederati Gallorum hostes cōuenerant, quum non multa pecunia cum Cardonio transigere posset, vt Hispani auerterentur, vti natura

parcus,



parcus, atque inepté frugi, & pecuniæ tenax adduci non potuit, ut pecuni-  
am repræsentaret: atque ita magno fratris commodo fœdere excluderetur.  
Natus annos sexaginta duos in Vrbe regnante Hadriano febre sublatus est.  
Ei exequias fecerunt iustis collatis honoribus Florentinorum collegia.  
Propinqui autem eius marmoreo sepulchro aliquanto post honestarunt.

## I V L I I Feroldi.

*Effigiem hic hospes Soderini conspice, cuius  
Est nomen astro clarius.  
Hic est qui Patriæ labentem restituit rem  
Bene consulendo ciuibus.  
Idem vrbi pacem peperit, populoque volente  
Princeps fuit Florentiæ.  
Ac tunc illa quidem hoc saluo, clauumque regente  
Vixit beata ciuitas:  
At caro capite hoc eiecto, protinus vna  
Et concidit Respublica,  
Ergo animam illustrem æternum saluere iubeto  
Qua Patriæ stetit salus.*

## Elisabella Aragonia.



V N C pallidi oris, & atrati cultus habitum ferebat Elisa-  
bella Aragonia Ioanne Galeacio Sforzia coniuge orbata.  
Hæc enim vna inter viros celebres ideo sedem meretur,  
quod contra sexus imbecillitatem asperis in rebus virilem  
animum præferens, arsuræ bello Italiæ primas faces intule-  
rit, quo famoso vereque funesto facinore, cum diuinarum  
simul ac humanarum rerum perturbatione amissa ferè libertate perijmus,  
frustra Aragonij, Sfortianique nominis memoriam exercentes. Fuit hæc  
generosi & planè virilis animi mulier, uti Regia stirpe progenitam decebat,  
digna prorsus elogio valde luculento, si in ea animum maximarum calamita-  
tum concursu inusitataque mentis fortitudine nunquam superatum, non  
sine admiratione reputemus. Quandoquidem feralis eius Tragædiæ  
initium dederit, quo opulentissima Aragoniæ & Sfortianæ domus impe-  
ria conciderunt. Ludouici namque Sfortiæ circumuenta insidijs, ac indi-  
gnè spoliata Regni possessione, quum à propinquis opem imploraret, &  
Galli in Italiam ingruissent, florentis ætate coniuge Ionne Galeacio orba-  
ta est, eo quidem luctuosius atque miserius, quod is veneficio sublatus cre-  
deretur. Exinde quoque nunquam siccatis lachrymis, Ferdinandum  
auum non dubio mœrore enectum, Alfonsumque patrem eiectum Re-  
gno & in Sicilia deformi habitu exulantem, fratremque obiter Ferdi-  
nandum in limine recepti fortiter Regni immitti fato ereptos Reges con-  
tinenenter luxit, nusquam sibi ad exiguum calamitatis solatium arridente  
Fortuna, nisi quum Ludouici Sfortiæ hostis sui calamitoso vitæ exitu læta-



## Franciscus Isabellæ Filius.



retur. Quando ille à suis militibus proditus, perductusque in Galliam, retro in carcere moriturus, exitiosi ambitus & scelerum pœnas daret. Verū in hoc luctu ægrè vitales trahentē spiritus nouo ictu Fortuna perculit, quū Federicum Regem patrum sæua externorum regum coniuratione Regno exutum, & in Gallia singulos miseriæ suæ casus frustra deplorantem fatoque functum audisset. Tum enim clarissima eius domus ingentis ruinae mole conuulsa, atque oppressa, à stirpe penitus interijt; accumulato etiā dolore, quod sub id tempus Franciscus filius qui in eadem tabula cum matre pictus conspicitur, in venatione currentis equi lapsu in Heduis exanimatus esse nunciaretur. Hunc enim vel inuita deposcentibus Gallis tradiderat, à quibus cucullati sacerdotis habitu in opulenti sacerdotij cœnobium idcirco coniectus fuerat, ne Sfortiani Regni legitimæ prolis hæres superesset. Nec his tantis funeribus egregiè constans & infractus scœminæ animus celsit,



celsit, recepitque sese in Barium dotale oppidum, ubi Regij splendoris disciplinam ita exercuit, ut eius nomē cum gentilitiæ munificentiae, tum Christianae benignitatis praeclaram laudem, & in Italia, & in prouincijs ferret. Qua illustri fama ductus Sigismundus Rex Sarmatarum Bonam eius filiam in matrimonium duxit, eam honoris causa deducēte Prospero Columna Romanorum Ducum longē clarissimo. Nuptiae apud Cracouiam ingenti procerum concursu celebratae sunt, laetis quidem auspicijs, postquam noua nupta senī iam planē Regi Augustum hodie regnantem pepererit, secundoque partu edita sit puella auiti nominis, quae Ioanni postea Pannoniae Regi nupsit, in spemque paterni Regni hunc edidit Stephanum puerum qui hodie in Dacia veterē, quae Transyluania est, dominatur, educante Georgio Varadinēsi Episcopo, viro pace belloque inter Hungaros faciliē principi; ipso scilicet Solymano Turcarum Imperatore eum ex paterna amicitia in clientelam fidemque receptum egregiē ab omni finitimorum iniuria defendente. Verū hanc orientem felicitatem Elisabella ex perpetuo ferē infortunio degustare non potuit, quum morbo aquae intercute obijisset. Eo hercle pietatis nomine patientius atque tranquillius, quod paulo antē sacrosancta Romana templa ad expiandum religiose animum inuississet, eam Leone Pontifice perbenignē & liberaliter excipiente, matronis etiā Romanis primae classis officij causa adeuntibus. Id spectaculum longe omnium ornatissimum atque pulcherrimum fuit, quum circumfusa vndique iuuentute prodeuntes in nuptiali veste, ut tum moris erat, supra aurum & purpuram margaritis & gemmis perpicta, longo pompae ordine in Vaticanū pedibus perrexissent. Cæterum in hac eximiae virtutis foemina improbæ plebis rumor, nō mediocriter pudoris decus perstrinxit, ob id grauior quod quum florente ætate impenetrabilem pudicitiam prætulisset, in ipso demū ætatis flexu Prosperum Columiani sibi cultum & officium assidue tribuentem, sæpeque procacem ad vrbaniore iocos admitteret.

## ANTONII VULPII.

*Hæc quæ spectantem ora tenet suspensa, rapitque  
Sensus atque animam, & propè spirat picta tabella  
Docta animata manu speciem infelicitis Elisæ  
Fortunamque habitumque referret animosque viriles.  
Aspice ut in vultu maiestas Regia auorum  
Et patris, & patrui, fratrique reluceat: isto  
Vultu iura dabat populis quum sceptrum teneret  
Coniugis, & nati Insubriae & tractaret habenas.  
Hoc etiam insens superis, aduersa suorum  
Fata tulit, morientis aui quum lumina claudi  
Vidit, & expulsum Regno patruumque; patremque  
Et fratrem ereptum, quum iam cœpisset auitis  
Sedibus, & sceptro summa virtute potiri.  
Quid memorem Regno spoliatum fraude maritum,  
Sublatumque dolis? aut cari funera nati?*



Quis valet hæc siccis oculis audire? Sed illa  
 Non lachrymis vrsit cineres, non questibus; altum  
 Sed tulit infraëta & pressit virtute dolorem.  
 Cernis vt affectus viuos animata tabella  
 Exprimat in vultu? vt summo certamine pugnet  
 Cum virtute dolor? sexus cum ingentibus ausis,  
 Atque animis? pulsi vt cedent sexusque dolorque?  
 Fortuna insignes aliquot fortasse vetustas  
 Iactabit Regum matres, & Regibus ortas,  
 Sed quæ agitata diu per tot discrimina rerum  
 Per varios casus, rapidis iactata periclis  
 Aequo animo infensa Fortune exceperit ictus  
 Nulla erit, antiqua aut veniens quàm conferat ætas  
 Fortune, fatis, animo infelicitis Elisa.

## Ludouicus Pannoniæ

atque Bohemiæ Rex.



HOC obesi oris gestu, & Germanico potius quàm Hunga-  
 rico cultu cōspicius erat Ludouicus Pannoniæ atque Bo-  
 hemiæ Rex, Sarmatico atq; Aquitanico sanguine genitus.  
 Nam Vladislaus pater genere Polonus fuit, cui Candalia  
 Vasconum nobilissima stirpe edita nupserat. Ferunt Lu-  
 douicum quum vtero matris excluderetur informem pro-  
 pe, & sine certis oris lineamentis vrsini fœtus speciem prætulisse, creuisse ta-  
 men ad iusto maiorem hominis staturam, ita vt patris inertiam & multum  
 aruinæ succum æmulaturus crederetur, nec eius molis artus decenter viui-  
 dus, & illustris spiritus regeret. Quancumq; à nutritiis diligenter excita-  
 retur, qui eum literarum pariter atque armorum disciplina exercendū con-  
 tenderent. Meruit tamen mansueti & obsequentis ingenij bonitate, qua  
 egregie iustus & pius Princeps euasurus videri poterat, vt Mariæ Cæsaris  
 sorori connubio iungeretur, conciliante scilicet eas nuptias Maximiliano  
 auo, qui Annam etiam Ludouici sororem corroborandæ cognationis causa  
 Ferdinando nepoti collocarat, in eadem celebritate Viennensis conuentus,  
 in quo tres summi septentrionalis plagæ Reges, Cæsar, Vladislaus, & Sigil-  
 mundus insigni multarum gentium spectaculo coiuisent. Cæterum Lu-  
 douicus decennio ferè post eas nuptias perpetua sterilitate damnatas quum  
 turbulentissimorum Procerum atroci vexatione, & viuo adhuc patre, & de-  
 functo, quasi precario regnauisset, in id bellum incidit, quo impotentibus  
 Turcarum armis oppressus cecidit. In peruersa siquidem malignitate pro-  
 cerum suorum iustis destitutus viribus, desertusque à propinquis suis fini-  
 timis Regibus, Mugacciana acie miserabili casu Regnum cum vita amisit.  
 Carolus nanque Cæsar, & Ferdinandus frater, quibus cordi erant Italici Im-  
 perij opes, eius pericula tanto inuadente hoste neglexerant. Sigismundum  
 porro patrum Sarmatiæ Regem facile tum auerterant Moscouitarum bel-  
 la,



la, & funestæ Podolijs Scytharum incursiones, quibus vrebatur Sarmaticus ager, & Clemens ipse Pontifex domestico occupatus bello, vix Germanorum legionem & Vssaronum equitum alam, è sacra pecunia ad Panno-



niæ præsidium conduxerat; Hungarique proceres auaritiæ atque rapinis asueti obliuiscuntur penitus Hunnicæ virtutis & disciplinæ, pessimis artibus tractantes arma, inter se foedissime dissentiebant, nec externa præsidia superbo contemptu & stulta arrogantia admissuri videbantur. Tanta siquidem animorum vanitate atque ferocia ad bellum ferebantur, ut vel innumerabiles Turcarum copias facile despicerent, & se ipsos ad tuendum gentis decus conservandamque patriæ salutem, si non iniqui prælii facultas daretur satis fore iactarent. Horum autem Princeps erat Paulus Tomoreus Colocensis Archiepiscopus pietatis instinctu, & vetere præsulum more, cum Turcis non iusta quidem acie, sed minutis præliis pugnare solitus. Is proceres non temere timentes hostem ignauitæ increpitans, & ad conferendas manus militum multitudinem sacris concionibus accendens, eò Ludouicum consilij



inopem iuuenem nec vllum vitæ discrimen veritum perduxit, vt aduentanti hosti castra obuiam promouenda decerneret. Imperitus enim rerum adolefcens, ingenioque præfertim imbecillo atque habeti, tanquam bellici periculi ignarus, qui nunquam castra vidisset, facile eo perducere potuit, quo Tomoreus fatalis eo die Hungaris dux impositus educebatur, vel cunctis fere Proceribus pugnae casum omni arte vitandum esse censentibus. Itaque Ludouicus, aliena vecordia atque superbia miser, & proculdubio exitialis consilij manceps factus, Solymano ad Mugaccium occurrit, quum nihil tale ausuros Hungaros Turcæ Duces putarent, nec Solymanus ipse adduci posset, vt Regem hostem tam paucis instructum copijs in castris esse, & congregi prælio velle crederet. Vix enim Christiana acies Triginta milium pedum, simul & equitum numerum implebat, quum in aduersa ducenta equitum milia spectarentur. Eum itaque Tomorei audacia Hungarorumque temeritas exitum tulit, vt cum ingenti corona hostium circumdatis & obsessis castris, Rex infelix, & (quod miserrimum fuit) in ipso margine Danubij aquatione prohibitus, dirigere aciem & collatis signis configere cogeretur. Non tulere diu Hungari primi agminis vim, quanquam admirabili ferocia resistentes, nec inulti cadentes, quando meritis insanix suæ poenas darent. Cecidit antè alios vecordi impetu pugnans Tomoreus, & vnâ fere reliqui Duces & Antistites conciso proculcatoque toto nostrorum exercitu perierunt. Rex ipse quum in fugam desperatis rebus se proriperet, in paludem incidit præaltæ crepidinis, quam exeundo apprehendere conatus, equum ardua ceruice erectum in se reflexit, atque ita resupinatus in ipso equi & armorum oppressus pondere, in aqua bipalmis gurgitis suffocatus interiit, spectante armigero suo, atque eum mox arena sepeliente, ne corpore atque armis Regijs potiretur hostis. At Solymanus eum euasisse existimans, generosa voce pronunciauit, se hostem Regem tot cognationibus clarum in gratiam Sigismundi patrui, si reperiretur Pannoniæ Regem repositurum, modo Othomannici Imperij decus, & suæ liberalitatis beneficium certo tributo, & id quidem exiguo, gratè atque fideliter agnosceret. Sed cadauer post multos dies, indicante eodem scutifero repertum eo quo potuit tumultuarij funeris honore tumulatum est, quum Solymanus iam Buda atque Pannonia victor decessisset, ad ornandum Hungaricæ victoriæ trophæum, æneas præstantissimi operis statuas quæ Matthiæ splendidißimi Regis, fuissent, Byzantium aduehens; quibus Hippodromum erectis basibus exornauit.

PETRI ANGELII Bargei.

*Te quoque Sarmatico Lodouice è sanguine natum,  
Et nulla clarum virtute, antiqua tuorum  
Religio immerito regnis præfecit auitis:  
Vt foret vnde animos ingentes incola Ponti  
Sumeret, & raptis regnaret Turca trophæis,  
Nostrorum multa tumefactus cade parentum.  
Scilicet is fueras opibus qui fretus, & alto*

*Consilio,*



Consilio, inuictas virtute animoque phalanges  
Fundere, & innumeras euertere milite turmas  
Exiguo posses, atque omni arcere furentem  
Pannonia, insigni confectum clade Tyrannum.  
Nam si corpus eras sine pectore, si tibi nullam  
Dij dederant mentem, Rex amentissime, qua te  
Regibus equaret fors indignissima magnis:  
Vitasses dubij saltem discrimina Martis.  
Aut cum praeclaras animas per vulnera mille  
Vidisti Heroas fundentes pectore ab imo,  
Te quoque precipitem Turcarum intela dedisses.  
Iure igitur tanta fugientem è cæde tuorum,  
Vt turpi ablatus letho, & contectus harenæ  
Informi cumulo, lachrymis & honore careres,  
Obruit immersum cænoque vndaque lacuna.

FINIS QUINTI LIBRI.

PAVLI IOVII EPI-  
SCOPI NVCKERINI PRAE-  
FATIO IN SEXTVM LIBRVM  
ELOGIORVM SVORVM AD  
COSMVM MEDICEM FLO-  
RENTIAE DVCEM.



ECET profectò hunc sextum Elogiorum librum qui fato fun-  
etorum Heroum erit vltimus, bene auspiciari ab ipsa inuictissi-  
mi viri Ioannis Medices effigie, quem tu, magnanime Cosme, ab  
æmula virtute certissimum agnoscis patrem. Italia verò omnis  
etiam nunc luget, quòd tum immaturo fato fuerit ereptus, quò  
in ipso defendendæ communis libertatis glorioso conatu cecide-  
rit. Hic vir seculo nostro tantum monstratus quoniam, virtu-  
tis modum excessurus crederetur, sicuti grauißimum indomiti  
vigoris & perpetuæ constantiæ suæ desiderium nobis reliquit; ita hos Heroes qui fatali  
accerfente hora eum subsecuti sunt, tanquam bello Dux Italarum omnium longe fortissi-  
mus, in ostentationem comparationemque rerum gestarum non iniqua ratione perducit.  
Hos omnes, quod est exactæ prudentiæ tuæ præcellentisque indicij peculiare munus, inter  
se cõparabis, & qui cunctas huius seculi parum felices res gestas immensi ingenij tui captu  
comprehendis, recta æstimatione perpendes, quantum tibi iniusti propè oneris gloriosus pa-  
ter imponat: Nam si tibi generosa æmulatione sit enitendum vt non æques modo familiæ  
tuæ decora, sed ea etiam magno interuallo superes, tanto magis cotendere debes, qui impe-  
rij amplitudine atque opibus patre maior es, atque felicior, vt non frustra Dij superi  
tibi arrisisse videantur; si amplitudinem tuam certissimis (vti probè facis) virtu-  
tibus adaugendam censes. Vale.



## ELOGIORVM

LIBER SEXTVS.

Ioannes Medice

Fortissimus Dux.



V O N A M condigno adorea laudis præconio te ornaue-  
 rim magnanime Heros, armipotentis dextrae, & fulminei  
 spiritus gloria inclyte? Inusitata siquidem atque admirabi-  
 lis virtus tua, omnem vel ingentis facundiae vim exuperat  
 & excludit, si multa atque illustria bello edita facinora col-  
 latione æqualium Ducum expendantur: quandoquidem il-  
 lorum fortia facta cum numero, tum varietate atque ipso pondere victo-  
 riarum



riarum prorsus antecedant. A præalto namque semine ingenita virtus tanta stirpis luxurie coalescere cœperat, ut altitudine culminis ad sydera ferri videretur, nisi immitia fata valde insigni huius seculi infortunio, pro Italiae libertate pugnantem, in ipso cursu speratae victoriae prostrauissent. Paternum etenim genus directo stemmate superiore Laurentium Medicem qui magni Cosmi germanus frater fuit, respiciebat; quum maternum repeteret ab inuictissimo Francisco Sfortia proauo, qui insigni bellicae virtutis felicitate, Mediolanensis imperii principatum posteris eius familiae peperit. Huius erat neptis Catherina eo Galeacio principe genita, cui coniurantiu ciuium dira malignitas dominatum & vitam inuiderat. Hæc Ioannis mater fuit antea Hieronymo Riario, Xysti Pontificis propinquo splendidissime nupta, quæ interfecti coniugis mortem, virili animo tutata arcem, seuerè vindicauit; numerosamque ex Riario prolem relinquens pertæsa coelibatus, & conscia suæ fecunditatis Ioanni Medici Gallicas sequenti partes, tanquam præclara nobilitate, moribusque lectissimo nupsit, ut hic Ioannes ex Christiano fonte Ludouicus appellatus paternum ferens nomen, primo eo que supremo eius coniugij partu ederetur, qui bellicum materni generis vigorem certo Mediceæ magnificentiae splendore cumularet. Cæterum triennis puer patrem amisit, captaque demum atque exuta Principatu Borgianis & Gallicis armis Catherina matre, magnis aduersæ Fortunæ fluctibus iactatus est. Sed à matre demum quæ beneficio Alegriæ Galli ducis, mole Hadrianieducta fuerat, Florentiæ educatus est, eo ætatis incremento, ut eius tutelam benignè susciperet Iacobus Saluiatus illustris ciuis, qui postea Ioannis focer fuit. Verum ea indole puer Martij spiritus habitum gerebat, ut prælia, & sæpe cruenta inter æquales fereret; vulnereq; inflicto, quod videri poterat mortiferum, reclamante sauci pueri patre, exilio mulctaretur. Sed exacto demum vrbe Soderino, atque introductis Mediceis in veterem dominatum, non multo post adhæsit Leoni Decimo familiae principi, & ad Pontificatum euecto. Nec diu post Ioannes inter initia Vmbrici belli, imberbis adhuc ita militiæ posuit tirocinium, ut turmam equitum ex delectis familiaribus suo ære perornatam, uti nouæ laudis cupidus in aciem produceret, multisque obiter exercitus periculis, ad eam disciplinæ frugem, ad idque inuicti nominis decus, nunquam ferè intermissa militia perueniret, quo præclara & passim spectata vis eius magno partibus adiumento, & longe maximo hostibus esset terrori. Hinc fit ut ardens & viuida virtus diffuso latè lumine, breui elogio neque includi, neque exprimi facile possit, quum nullis propè gloriæ finibus terminetur, & iustis annalium monumentis posteritati tradita, certam æternitatis spem concipiat & expectet. Quis enim nisi præalto voluminere eius incredibili fortitudine inuicti semper animi gestas comprehender? Quis innumera secunde inita prælia, atque oppida fortiter expugnata, & ereptum è manibus Venetorum hostium peculiaris alæ suæ legatum, expresso instaurati prælij turbiue narrauerit? Quis tranatum in conspectu Galli hostis vorticosum Abdiam, eoque ausu, territas, & in fugam datas Gallorum turmas, legentibus ostendet? Quis denique Rethorum agmina in Bergomate agro, retro auersa & profligata, & Heluetios demum ad Corsum pagum, qui strenuos suæ alæ equi



tes crudelius interfecissent, multa cæde vindicatos; & Hispanorum audaciam Ticini primū, & mox sæpius ad Mediolani portas acerrimè repressam atque mulctatam, iusta atque integra eloquentiæ laude extolleret. Nemo si quidem eo celerius expedire arma, nemo intentius & vigilantius hostium motus obseruare, nemo violentius hostes inuadere, nemo pertinacius victoriam captare didicerat. Erat profectò natus ad Italiam pulsus externis, in libertatem asserendam, si id cordi superis fuisset. Insistens nanque Germanorum legionibus, nec vsquam vestigijs abscedens, dum ituros ad delendam urbem Romam perpetuis minutis prælijs demorari conaretur, multisque hostium secundum Padi aggeres trucidatis, se in castra reciperet, tormēto ab ulteriore Mincij ripa in incertum emisso ipse vnus genu ictus, est interfectus; pereuntis hercle Italiæ fato potius quàm suo, quum viginti septem natus annos iam planè mitigata ardentis animi ferocia, vti sedatiora secutus consilia præter egregij bellatoris nomen, etiam ad maturi iam, & compositi Imperatoris famam contendere censeretur.

ANTONII Francisci Rainerij.

*Quæ tulit Eumenidum immane hoc imitabile fulmen?  
Vnde inuictorum funera mille Ducum.  
Hoc cecidit Medicum flos, hoc noua gloria Martis  
Quo feriente feræ tot cecidere manus,  
Roma gemit crux dum fractum secat ille, siletque;  
Ausonia euentu statque caditque suo  
Ast obit. Inque atram reuoluto hoc sydere noctem  
Arnus & in nigris Albula fluxit aquis.  
Illum etiam num acri minitantem vulnera vultu  
Aurato Iouius condidit in tumulo,  
Et laudes cecinit, picta & circumtulit ora,  
Ora Ioui æternum viuere digna manu.  
Ille autem quod te in superas ante edidit auras  
Dux Cosme, Etrusci luxque salusque soli:  
Sic fertur, patriæ pater vt cum prospicit almæ  
Ante obitum, Ausoniæ consuluisse suæ*

IULII Iouij

*Principis Etrusci genitor fortissimus Heros.  
Qui noua belligeri gloria Martis eras  
Barbara gens vidit quantum pollebat in armis  
Vis tua, quæ semper terror in hoste fuit.  
At Te equidem constat percussum fulmine, fato  
Italiæ potius quàm cecidisse tuo.  
Attamen es felix Italum fortissime ductor  
Non quia perpetuos det tibi fama dies,  
Sed postquam Imperium, tibi quod virtute parabas  
Magnanimæ proli fata dedere tuæ.*



# Carolus Borbonius



**Q**UIS nam, qui Carolum Borbonium viderit, ex hac verissima effigie non agnosceret: ac item supercilio atque oculis inconstantis eius animi leuitatem, atque perfidiam eum spirare non iudicet? Quis non obiter diri, impiique hominis sauitiam non excretur, qui aduersus Regem suum, patriamque suam nefaria arma intulerit? & sacrosanctam vrbe gentium omnium liberale domicilium profanarit, & euerterit? & denique scelesti cogitatione renouata, conuersaque perfidia in Caesarem, Neapolitanum Regnum occupare voluisse non credat? Licet enim & hoc de contemptore humani atque diuini iuris non absurde suspicari, quum in limine portentosa temeritatis suae perierit; vltore quidem magno Deo, ne abominabili victoria, & truculentissima tot insonituum hominum caede laetaretur. Gilberto Mompenserio patre genitus erat, qui Gallici exercitus imperator Ne-



apolitano victus bello, ex dolore rei male gestæ apud Baias interiit. Reliquerat is præter hunc Carolum, filios Ludouicum scilicet quinto post patris mortem anno ad Capuam pestilenti febre ereptum; & Franciscum Heluetio prælio in conspectu fratris interfectum. At ipse opulentæ hæreditatis compos, & Comestabilis à Rege appellatus, qui honos militaris in Gallia summus habetur, proculdubio procerum omnium longe clarissimus euaserat; vtpote qui perpetuo tenore vitæ, domi & foris splendidus, erga milites liberalis, in hospites vel inconsultè munificus, autoritate, gratia, opibus, reliquos regij sanguinis Regulos anteiret. Sed quantum sibi bellicæ laudis Abduana præsertim acie, quum extraordinarijs Gallicæ nobilitatis equitibus euocatisque præesset; & apud Mediolanum, quum eam urbem aduersus terribilem Maximiliani Cæsaris aduentum constantissimè defendisset, non obscure pepererat, tantundem amisit ad Melenianum Heluetiorum prælio, quum circumuento, & præeunti fratri, opem reformidato periculo ferre noluisset, & ad Valentianum, in Belgis sero cum auxilijs aduentans Regio agmini obscura in nocte errabundo se coniungere recusasset. Verum quum hæc vel aduersus ipsius Regis testimonium dilui & excusari possent, se demum magna oneravit inuidia, fœdeque sese & Borboniæ familiæ nomen dedecorauit, inexprabili facinore edito, quum à Rege deficiens in patriam externa Cæsaris arma perfidiosè conuerterit, scilicet vt leuem iniuriam vlcisceretur, quod Ludouica Regis mater, ei grauem & improuisam litem intenderet, ereptura hand dubiè aliquot castella, malignitate senatorum in ea causa periniquè ius dicentium. eo autem acrius vrgebat atque incumbebat Ludouica, quod se spretam à Carolo crederet, cui se ad connubium frustra obtulisset, vt ætate adhuc florens vidua, florentissimæ ætatis nobilissimæque stirpis viri coniugio potiretur. Hæc contumelia, muliebri in animo præaltas iecerat sæui odij radices, nec Rex ipse procliuis in obsequia matris, vt litem dirimeret exorari potuerat, quoniam nisi post dijudicatam litem, eius controuersia arbitrum fore profiteretur. Quæ conditio grauissima ideo visa est Borbonio, quod nihil sibi ad æquitatem vel iura causæ, vel iudicum studia responsura crederet, si damnatus à properato iudicio ex clementia tantum Regia commodum expectaret. Itaque indignabundus coniurauit cum quibuidam illustribus viris Cæsarique implacabili Gallorum hosti adhærere constituit. Sed Franciscus Rex incomparabili benignitate iam planè detecta coniuratione, Borbonio ad genua prouoluto ita pepercit, vt se vllis vel certissimis indicijs adduci non posse, vt crederet, quæquam Regiæ stirpis perfidiæ scelus concipere posse, testaretur. Sed non multo post Borbonius simulato morbo, quum Regia castra subsequi iuberetur, diuerso itinere & mutato habitu cum paucis in Sequanos perfugit, atque ea conditione Cæsarianis partibus sese addixit, vt ei Cæsar Leonoræ sororem quæ Emanuelis Lusitaniæ Regis vxor fuerat, desponderet, superis proculdubio nuptias vetantibus, ne summæ nobilitatis Regina homini perfidiæ labe notato iungeretur. Transiuit demum in Italiam, atque inde cum valido exercitu in Prouinciā irrupit; conspectaque & vix tentata Malsilia repulsus est: quum nemo reperiretur qui insaniam perfidiosi hominis imitari, quam patrium solum defendere mallet. Exinde transeunte in Italiam

Rege,



Rege cum copijs quas pro salute patriæ coegerat, Ticinensi prælio interfuit, quo Rex ipse deletus ab hostibus exercitu captus est; atque ita Borbonius nefarii odij voto potitus, victor, temere sperauit, Cæsarem Mediolanensis imperij dominatum sibi, tanquam sororis dotalem, eiectò Sfortia esse concessurum. Verum Carolus Lanojus Belga, qui vices Cæsaris gerens, intimi illius consilij erat gnarus, decepto Borbonio Regem captiuum in spem promerendæ libertatis astutis persuasionibus inductum, in Hispaniam abduxit. Qua inopinati facti nouitate Borbonius vsqueadeo commotus est, vt statim & ipse in Hispaniam enauigarit, & apud Cæsarem se qui victoriæ socius extitisset, ingratis contemptum quereretur, Lanoiumque malignitatis & impudentiæ probro compellatum ad singulare certamen prouocaret. Verum Cæsar ita rixantes diremit, vt quæ Laonius fecisset, publico commodo suoque iussu fecisse testaretur. Nec diu post, cum Rege de eo dimittendo Cæsar pecunia transiegit; ad confirmandasque noui fœderis pactiones, sororem antea dubijs verbis Borbonio promissam, Regi tum celebri connubio iunxit, quo nihil amarulentius Borbonio accidere potuit. Ea Cæsaris cum Rege conciliatio suspecta Italicis Principibus fuit, quasi cõiurassent & cunctis iugum imponere cogitarent. Sed eam suspicionem non temerè conceptam Rex opportunissimè detexit; persoluto namque auro, & liberis obsidibus datis, his quas perscripsisset conditionibus tanquam iniquissimis & impotenter extortis, se minimè staturum professus est, quasi optimo iure liberatus videri posset, qui aureæ monetæ ducentas myriades Cæsarianis custodijs, quum liberos etiam daret obsides, adnumerasset. Itaque Itali Principes, liberæque ciuitates, seruitutis metu ad arma consternatæ, in Cæsarem Cisalpinae Galliae Imperio Sfortiam excludere conantem, authore Clemente Pontifice, eò fidentius arma verterunt, quod ipsi affuturum Regem intelligerent. Eius verò belli is exitus fuit, vt frustra obsessio à fœderatis Mediolano, Cæsariani victores arce potirentur, & ex aduerso Laudem Pompeiam & Cremonam ab hostibus fortiter expugnatam amitterent. Cæterum aucti quatuor Germanorum legionibus Borbonio Duce, ingenti cursu superato ad Aretinas alpes Apennino ad Urbem Romam inuadendam cõuolarunt, Pontificeque per inducias decepto imparatoque, primo appulsu per Vaticanum Urbem cõtra Obeliscum, vbi mœnia humilia & vetustate collapsa facile præbebant aditum, facillimè irruperunt; miserabilique cæde edita, summæ venerationis templum toto orbe maximum & venerabile, miserorum ad aras confugientium cruore profanatum est. Id verò perfidiose oppressis & pereuntibus, solatio fuit, quod Dux ipse Borbonius, dū ad casam muro coniunctam scalas apponi iuberet, crassiore glande traiectus in limine execrabilis victoriæ suæ occubuerit: sic vt postea alioqui hominum miserrimi incolæ, summas omnis acerbitalis perpessi calamitates, tolerantius ferrent quod Dñs tutelaribus nostro errore nihil suas aras defendentibus, eorum numina, id Tormentum in inguen damnati cœlo hostis, direxisse piè crederent.



*Dedecus Aruernæ gentis, patriæ improba labes  
Transfuga qui levis & perfidus hostis erat,  
Ictu vno stratus temeratae in limine Romæ  
Ne se victorem cerneret, occubuit.  
Debuit haud alias superis persolvere pœnas  
Perfidus ante homines, impius ante Deos.*

## Georgius Fraispurgius.



OC ipso armorum pedestrium cultu, atque hac rubenti, & propè temulenta facie truculentus exprimitur Georgius Fraispurgus Mindlaui Sueuorum oppido, iuxta Memmingam liberam ciuitatem natus, educatusque militiæ ab ineunte ætate sub disciplina Maximiliani Cæsaris. Menapiorum & Sicambrorum Phrisiorumque bellis, multa potius egregiæ laudis quàm bellici quæstus decora domum retulit. Verùm sub Carolo Cæsare multo luculentiora spectatae virtutis & fidelis operæ præmia promeruisse visus est, prælio præsertim ad Bicoccam facto, quum proruentis Heluetiæ phalangis impetum ex fortuito rusticanae viæ aggere propugnans, singulari constantia sustinuisset, & Ticinensi demum acie Germanicas Gallicarum partium cohortes quadam hiantis forcipis indagine circũuentas, ad non dubium summæ victoriæ prouentum trucidasset. Deletis nanque Germanorum auxilijs, quibus Longamantes præfuerat, res extemplo per sclopettarios aptè, prospereque gesta est, fuso scilicet, stratoque hostium equitatu, profligatis Heluetijs, ac ipso demum Francisco Rege capto. Sed qui tantum sibi nominis varijs bellis quæsierat, utpote qui iusto prælio quindecies, extraordinaria verò acie supra vicies dimicasse ferebatur; summa demum induit arma aduersus Clementem Pontificem, summæ potentiae quum fata destinabant felicitatem inauspicato inuidentem. Itaque ad eam conflati belli famam Georgius oppignerato etiam patrimonio, cum quatuor legionibus, eo diri voti impetu concitatus in Italiam descendit, ut se Clementem tanquam Cæsaris hostem, laqueo suspensurum truculenta voce profiteretur; laqueum auratum quem sinu gestabat crebro depromens, & ostentans, quo in sacrosancti viri teterrimo supplicio homo nefarius atque impius vteretur. Verùm diram eius vocem, & totum efferatae mentis conatum Diui diuæque omnes in irritum per nubes extulerunt; atque ita senem abdomine turgido grauem, & vasto ingentium artuum pondere fatiscentem, immissa paralyli siderarunt, ut abominabilis voti damnatus ex itinere Ferrariam, atque inde in Germaniam lecticare ferretur; Scilicet ut intra penates Lutherana superstitione contaminatus suapte peruerso ingenio à maiorum religione discedens in expiatus interiret. Fuit Georgius membrorum robore usque adeo validus, ut extento tantum medio dextræ manus digito, validissimum quencque firmo innixum vestigio



vestigio facile dimoueret, prætercurrentem equum arrepto fræno sisteret; tormentumque murale solus innitens humero quò vellet, propelleret; in itinere faciundo libenter abdicaret equum, vt pedibus gregariorum militū



& iuuenum iustos passus anteiret. E tribus liberis, maiorem natu Gasparem militaris disciplinæ hæredem reliquit, sed qui septimum post annum, eo bello quo Cæsar Narbonensis Prouinciæ Galliam inuasit, morbosa tæbe præeuntibus legionibus sit ereptus, quum Melchior natus secundus, in Vrbe euastata lethargo periisset. Balthasar verò vltimus neque ad frugem peruenit, neque ad propagandam sobolem diu patri superstes fuit.

ANTONII Vulpij.

Quis te Georgi magne ductor agminum  
Quæ mittit altrix militum Germania  
Vexauit olim furor, atque insania,  
Vt Capitolio Deorum sedibus



*Ausus sis ignem, & laqueos, & vincula  
Collo parare, pro scelus, Pontificis?  
Ecce ut repente stratus occidis leui  
Morbo, prius quam mœnibus Quiritium  
Castra admoueres; placitum sic est Deis  
Titanas olim qui superbos, & polo  
Arma inferentes, contuderunt fulmine.  
Conatus iste nomini notam tuo  
Quamuis inurat; Ducibus claris tamen  
Quos prisca iactant secla, vel praesentia  
Aequaris ausibus, manu, & consilio.*


## Odettus Fusius Lotrechius.



**H**IC Odettus Fusius qui Lotrechius ab oppidi nomine in ultima ad Pyrenæos saltus positi, vocatus est, strenui & intrepidi, sed maxime superbi vigoris inter Gallos Duces nomen tulit: Ut pote quem nulla terreret pericula, neque ullæ rerum aut locorum difficultates ab incepto unquam retardarent. Verum in consilijs capiundis, usque adeo aliena iudicia contemnebat, quum plus æquo solus sapere videri vellet, ut prudentiæ militaris existimationem sola & sæpe fallaci constantia, quæ insanæ peruiacitiæ proxima esset, tuendam arbitraretur. Huius autem obstinati moris vitia perpetuæ liberalitatis & iustitiæ laude contegebat, nusquam venalis aut rapax, & extra æquitatis septa semper ita seuerus & inexorabilis, ut in edendis damnatorum supplicijs inhumanus & cruentus haberetur: quæ crudelitatis acerbitate perstricti Insubres ab eo facile quum oportuit defecerint, damnarintque iidem Thomæ Lescuti sæuitiam, qui Lotrechium fratrem aliquando ad lenitatem paratum feruidis impulsionibus efferasset. Cæterum Lotrechius, & hoc Lescuto, atque item Asparoto germanis fratribus qui pugnacissimi Duces fuere, in omni Imperij militaris munere implendo potior existimatus est; hisque vel ætate maior superstes fuit, quum Lescutus Ticinensi prælio glande femur traiectus intra nonum vulneris diem perierit; Asparotus vero in Hispania ad Grunnum acie victus, confusa clauarum ictibus galea, multoque inde delapso glaucomate, totum penitus oculorum lumen ita amiserit, ut militiæ vsui esse desierit. Hæc verò in toto militari negotio peculiaris laus Lotrechio celsit, quod urbium expugnator uti olim Demetrio Macedoniae regi obtigit, appellatus est. Nam qui iuxta Gastonem Foisseium inclyti nominis Imperatorem Rhauennate prælio occisum multis vulneribus cruentus prostratusque Hispani Centurionis, cui cognomen fuit Gurdo, misericordia seruatus fuerat, impigre etiam Heluetio bello ad Mediolanum teste Rege, & demum ipso nomen Imperij tenente ad Biccoccam, vel nequaquam victor, intrepidus, sed non valde memoris & cauti Ducis decus meruit. Brixia demum recepta atque Verona expugnata, & aliquanto post Bosco, Alexandria & Ticino urbibus manu captis, & quod illi nobilium



nobilium operum supremum fuit, Melphi vrbe in Apulia tormentis expugnata illam quam diximus laudem paucissimis concessam Ducibus, adeptus est; quum postea ab eius virtute Fortuna discedens, eum surdis auribus



peritorum Ducum suorū consilia respuentem penitus elusisset. Ipse enim ex fatali sua peruicacia circumuallatae & obsessae Neapolī intemperantius haerens, qui armis vinci non poterat, pestilenti morbo eius castra vastante, superatus interiit, quum de subactis Cæsarianis, perdomitaque Neapolī insignē trophæum erecturus crederetur, si abscedere incepto, & latē per vicinā oppida saluberrimi aeris, copias diuidere (vti periti Duces, gnarique locorum suadebant) quā in vestigio funesti consilij perstare maluisset. Id verò ei in suprema calamitate gloriosum fuit, quod quum ei, voti atque victoriæ compos hostis Aurantius sepulchri & funeris honorem negauisset, non vnus tantum diei decus, sed perpetui honoris statas quotannis exequias à Populo Romano meruerit. In Capitolio siquidem, publico miroque ciuium omnium assensu, decretum est, vt quotannis in Laterano templo ad Cenotaphium Lotrechij solennibus inferijs parentaretur, tanquam



Vrbis liberatori, quandoquidem aduentu suo, & captum Pontificem liberasse, & Barbaros in vrbana ædificia grassantes Roma detraxisse censi possit. Hoc verò humanæ miseriæ inusitatum exemplum Lotrechius de se præbuit, quòd eius cadauer abominabili diligentia Hispani militis tam auari quàm impij, in cella vinaria multo sabulo cõtumulatum, diu frustra emptorem Gallum qui redimeret expectarit; post vigesimum autem annum iustũ & luculentissimum marmorei sepulchri decus sit consecutum; vno scilicet Hispanorum nobilissimo Ferdinãdo Corduba, qui Magni Consalui Nepos fuit, ingenuo pudore indignante, quòd excolendæ virtutis, quæ in hoste etiam grata & admirabilis esse consuevit, studium penitus exolesceret; atque ita pretio coemente ossa, ad peculiarem nominis sui laudem, non obscura etiam suæ gentis cum inuidia, marmoreo monumento recondenda, & rite funeranda decreuerit.

ANTONII *Francisci Rainerij.*

*Dicite qui Tusci colitis propè Tybridis vndam  
 Tempia Deum, & magnis thura datis superis,  
 Dicite, cur Galli manes animamque superbam  
 Lugubri celebrant carmina vestra sono?  
 Hæc mërui ravidam illuuiem qui perpulit, vnde  
 Barbarico excussa est vrbs labefacta ingo.  
 Quare ingentem vmbram Lotrechi, animamque potentem  
 Inferimus claris carmine cœlitibus.  
 Pergite Romulidum proles, neu dicere laudes,  
 Neu pigeat manes excoluisse pios.  
 At tu sperne virum excisa, alto è marmore facta  
 Summe Ducum, auratisue addita imaginibus,  
 Sic melius; tua sic se tollit ad æthera virtus  
 Vincat vt aerias culmine Pyramidas.*

V G O N I S



## Vgo Moncata



GO Moncata qui primus inuiolatum antea, ab ipsisque Gothorum temporibus templum Romæ in Vaticano, Petro & Paulo diuis Romanæ vrbis tutelaribus dicatum, & à cunctis Christiani nominis gentibus religiosissime cultum, profanauit, hanc effigiem ferebat. Ortus est pernobilis familia Regiæ stirpis citerioris Hispaniæ. iuuenis cum Carolo octauo Gallorum Rege in Italiam venit, sicuti & plerique alij Hispani, qui post receptum ex conditione noui fœderis Perpennianum, studio militandi Gallica castra sequebantur. Verum Vgo discedente à Gallorum amicitia Ferdinando Hispaniæ Rege, Cæsari Borgiæ se se applicuit, duxitque ordines quum ille abdicata purpura, repente Pontificij exercitus Dux extitisset. Cæterum Vgoni qui astuti & diligentis, strenuique item Ducis famam tulerat primæ pugnæ Fortuna illudit, quum in Vmbria à Vitellia-



nis cohortibus Iacobo Rossetto phalangis magistro, & Paulo Vrsino Ducibus, qui à Borgia defecerant, ad casam quam vocant Mazzeam cum Michaletto Corellia suo collega, profligatus fuisset. Exinde Borgia reparatis copijs, atque insigni dolo dissimulata iniuria, Vrsinos procures & Vitellocium necauit, expulitque nobilissimos Italiae Regulos auita ditione, quibus peragendis rebus Vgo perpetuam manu & consilio operam praestauit. Mortuo autem Alexandro Pontifice, & Borgia Gallicis fauente partibus, Vgo & ceteri Hispani Duces ad magnum Consaluum transiuerunt, Vgo ne facile principe. Sed confecto in Italia bello, Borgiaque in Hispaniam perducto, & ad Mendaniam demum tumultuaria in pugna à Cantabris occiso, nauali disciplinae se addixit, clarusque aliquot expeditionibus aduersus Punicas gentes susceptis, ita inclaruit, ut opimum Rhodiae militiae sacerdotium, quod Euphemium vocant, in Brutijs promeruerit; semper audius nouae famae, & inquieto ingenio oram Africae vexabundus percurrrens, quod erat honestissimi laboris munus, sed non semper felicitis audaciae. Nam eas Hispanorum copias, quae Pontifici Leoni, auspicijs Feltrij acre bellum intulerant, quum nauibus impositas ad Caesaream, quae hodie vocatur Algerium, expugnandam adduxisset, ferè omnes oborta tempestate, & totam penè classem, paratis scilicet ad caedem & praedam Barbaris, foede amisit, & aliquanto post nocturno praelio à Turcis praedonibus iuxta Sardiniam ad Diui Petri scopulos, ita magnum accepit detrimentum, ut amissis duabus Triremibus, & facie sagittae ictu sub oculo deformata, victus discederet. Promeruit exinde Siciliae praefecturam, atque inde aucta classe ad Moenicem Insulam traiecit, ut Girapolis urbis Regulum expugnaret, apud quem praedonum omnium tutissimus erat receptus. Sed id bellum eo successu ceptum confectumque est, ut Vgo repentino Barbarorum superuentu Christiana acie perturbata, summæ cladis & vitae periculum adierit. Vulneratus namque ipse humerum infesta incumbentis Mauri lancea, vix instaurare, ordinareque aciem poterat, nisi Germanica phalanx vel in praesalta arena defixis vestigijs, turbulenti praelii procellam sustinuisset. Barbarus tamen nostrorum vim atque constantiam non obscure timens, his legibus foedus percussit, ut Caesari annum tributum se daturum polliceretur, & legationem in Germaniam usque ad Caesarem mitteret. Explicatus eo periculo Moncata, ita demum Siciliae praefuit, ut ibi multa avaritiae & crudelitatis monumenta relinqueret, quum aliquot honesti nominis Siculos, & in his Cameratae Regulum pro vetere licentia Siculae gentis seditiosius agentem, securi percussisset. Exortum subinde est bellum atrox inter Franciscum Regem & Caesarem, quo ipse ad Varagium Liguria vicum temerè è classe discedens, tumultuaria pugna à Gallis superatus, & captus est, quum fortè Caesarianorum Triremes metu obortae tempestatis, à scopuloso litore longius recessissent. Quum verò Franciscus Rex à Caesare dimitteretur, Vgo & ipse dimissus venit in Italiam, ut nouo bello Dux interesset. Pontifice namque & Venetis seruitutis metu ad arma costernatis, quod Caesar immodica cupiditate totius Italiae Imperium affectare videretur, & Franciscum Sfortiam ex auctoritate foederatorum Mediolani Principem constitutum ejicere contenderet. iam planè ceptum & conflatum erat bellum aduersus Caesarianos,

quo



quo nihil magis detrimentosum nihilque magis dirum Italiæ incidit. Nam quum Columniæ familiæ proceres Pompeio Cardinale authore sese Cæsaris partes secuturos professi à Pontifice discessissent, & iuxta Urbem copias cogerent, specie præsidij Vgo dolosus, nec satis magno militum numero confirmatus, Columniis persuasit, vt inducias à Pontifice postularent, vt per eas deceptum & imparatum Pontificem inuadendum, atq; opprimendum succiperent. Quibus ad nefarium perfidiæ consilium nomine Cæsaris impulsis, Vgo nihil moræ sibi attulit, quin cum suis intra paucissimos dies quas Neapoli compararat copiis, & Columniorum auxiliis, in Urbem Laterana porta irrumperet, & per Xystinum pontem in Vaticanum instructa acie contendens, nihil se commouente Populo Romano, & coniectis in fugam Pontificiæ custodiæ paucis equitibus, Leonina vrbe potiretur, statimque templo sacrosancto scelestissimè direpto, & Pontificijs ædibus militum prædæ concessis, Pontificem qui in arcem molis Hadriani trepidè confugerat, destituto militari præsidio, & consilij inopem obsideret, cogeretque sibi obfides dare, quibus certo bello absistere & ad amicitiam Cæsaris redire fateretur; ac nisi Vgo inexpiabilem inuidiam Cæsari conflaret, pactiōnem transigere, atque (hac in re non omnino impius) Vrbe excedere maturasset, proculdubio Pontifex rerum omnium pressus inopia in potestatem Pompeij Columnæ interneciui hostis celerrimè peruenisset, sic vt vetus de Bonifacio octauo Tragœdia instaurari videretur. Sed Vgo scelesti facinoris & sacrilegij editi dignam biennio post subiit pœnam, quum supra Salernum nauali prælio cum Aurianis triremibus, quibus Philippus Auria vir impiger præerat, contendisset. Ea namque cruenta admodum pugna, promptissimi Hispanorum supra mille qui paulo ante Urbem diripuerant, trucidati perierunt, & ipse Vgo præfectus, amissa classe, & prostrato suæ prætoriae nauis vexillo, quum frustra aduersus tot incidentes glandes scutum prætenderet, est interfectus; ita vt magnum Deum tanti sacrilegij præclarum ultorem extitisse pij mortales crederent: atque obiter magnopere mirarentur, cur Fortuua ad tantas opes Vgonem euexisset, quando is nusquam victor sed vbique victus præmium ingens, & planè odiosum ex male gestis rebus peruerfa ratione, & malo exemplo retulisse videretur.

I A N I V I T A L I S.

*Disce meo exemplo Mezeriti, Rhulle, Prociestes  
 Quæque alia immanis monstra Tyrannis habet  
 Esse Deum ultorem; qui iam Concata Triquetra  
 Sordidior Verre, publica pestis eram,  
 Diripui mundi Reginam proditor Urbem  
 Sed fuit haud votis par ea præda meis.  
 Denique qui fueram terrarum maxima clades  
 Inueni meritis funera digna meis.  
 Ictu obij glandis, calones inter, & inter  
 Lixas, in Pelago Parthenopea tuo.  
 Si laudare licet sese, mea plurima laus est  
 Quod potui inuitos semper habere Deos.*



## Petrus Nauarius.



**P**ETRVS Nauarrus qui admirabilium operum machinator & artifex excindendis ab imo arcibus, toto orbe famā est consecutus, hoc subagresti cultus atque oris habitu fuit. Familiariter autem nobis cognitus (vt ipse dicebat) nauali disciplinæ, vt in Cantabria moris est, sese aliquandiu dedit, sed mox fastidito mari in Italiam ductāte Fortuna peruenit, ea spe & vitæ cōditione vt Ioāni Aragonio cardinali à pedibus seruiret trāsiretque inde, mollioris aulæ otiiū detestatus, ad Lunēse bellum, atq; ibi sub Petro Mōtano Florētinis copijs præfecto aliquot mēstrua stipēdia triginta Liliatis denarijs fecit, sed qui mox duplici augeretur stipēdio, quū supra gregarij militis captū, præcellētis ingenij operā præstaret, in excauādis præsertim cuniculis, per quos immisisis tormētarij pulueris fomētis, adeo terribiles intus flāmas excitare didicisset, vt obstructis spiramētis, violētia obluctātis intus flāmæ, non mœnia modo, sed & suppositæ etiam rupes excinderentur.

Verū



Verum Sergiano oppido à Florentinis in potestatem redacto, iterum mari timæ exercitationis munera complexus, multa littoribus Africæ, Punicis prædonibus infestus, detrimenta intulit. Cæterum Gallico bello, vti decebat, ad Neapolim magno Consaluo cohortis præfectus militauit, eo bellicæ laudis incremento, vt maximè Gallis formidandus, & Consaluo Imperatori apprimè carus ab efficacia inusitatæ virtutis euaderet. Itaque multis fortibus factis ad Canusium atque Tarentum editis clarus, expugnata demum apud Neapolim Oui arce, stupendo suo artificio vsque adeo mirus extitit, vt Galli eius portentosæ machinationis metu, reliquis præsidijs facile excederent, quum abripi in sublime propugnacula Megaris Insulæ scopulis imposita, & furentibus flammis cuncta tremere, hiscereque & perfringi, cum ruina multorum mortalium perspexissent. Tulit præmium spectata virtute dignum iudicio magni Consalui: nam Alueti oppidi, quod est apud Lyrim non longe ab Aquinatibus, Comes specioso titulo appellatus est. Magno autem Consaluo Neapolitani Regni præfectura detracto, atque aduecto in Hispaniam, quum Franciscus Xymenesè sacra pecunia copias coegisset, vt in Mauritaniam trañceret, Nauarrus vnus omnium virtutis nomine delectus est, qui classi & copijs cum imperio præesset. Eo bello mira felicitate pulsus atque perterritis Mauris, & magno portu qui Mazalchibir dicitur & Orano celebris emporij vrbe potitus est. Inde cursum extendit in Numidiam, illatusque in Olcachithem sinū Bugeam urbem gymnasio nobilem atque opulentam cepit, atque eadem felicitate longa Punicis litoris spatia præteruectus Tripolim, quæ magna Leptis olim fuit, inter Syrtis terra, marique oppugnatam, magna Pœnorum strage edita expugnauit. Quibus rebus feliciter gestis elatus successu in Moenicem insulam, quæ hodie Gerbis est, retro flexa clesse descendit, vt Girapolim Barbari Reguli sedem expugnaret. Sed copias descendentes in terram, & cum Barbarorum equitatu qui infestus laceſſebat, præliantes, vti accidit in maximis Augusti mensis ardoribus, vsque adeo vehemens sitis afflixit, vt neque ordines seruare, quum puteos quæritarent, neque repugnando consistere possent, sed redire ad classem coactæ sunt; tanto tumultu, vt quum longe à vadoso littore naues abessent, nec scaphæ sufficerent, maligna multitudo militum in litore trucidata sit, inter quos Garzias Toletanus summæ nobilitatis & spei iuuenis, qui ad Imperium classis ab Hispania mittebatur, interiit. Exinde nusquam ferè Nauarro Fortuna arridere visa est. Nam aliquanto post, quum transuectis in Italiam Africanis legionibus improspere Bononiam tentasset, & funestissimè demum cum Gallis ad Rhauennam conflixisset, captus, duri carceris in Gallia biennium est perpessus. Sed quum vir fortis atque insolens contumeliæ, ex tot & tantis virtutis atq; industriæ suæ meritis, à Ferdinando Rege non redimeretur, abdicatis antiquis muneribus, Francisci Regis militiæ sese addixit, postquam auarè contemptus à suæ gentis Rege videretur. Præstitit inde fortem operam cum Heluetio, tum Veneto bello aduersus Cæsarianos; verum non eadem Fortuna Ligustico bello sese implicuit. Nam quum seram opem ferens Genuam aduenisset, expugnata vrbe, atque direpta à Piscario & Hispanis, in eo tumultu captus est, seruatusque Neapoli circiter triennium in arce noua, quam ipse manu ceperat, vsque ad pa-



cem in Hispaniam cum captiuo Rege constitutam. Nam tum vtrunque captiuum omnes dimittebantur. Direpta autem vrbe Roma captoque Pontifice, quum Lotrechius ad liberandum Pontificem in Italiam transisset, expugnatique aliquot vrbibus Cæsarianos persecutus ad Neapolim vallata castra fecisset, obsessis diu hostibus is exitus belli fuit, vt tredecim ferè post dies, quàm pestilens morbus Lotrechium Ducem cum multo maxima exercitus sui parte absumpsisset, eadem tabe enectis ferè cunctis singularum nationum Ducibus vix signa tantum dimidiarum cohortium constarent; Nauarrus & Michael Salassus (quod ipsis & Lotrechio multum antea faciendum fuit) sese ad Auerfam recipiendi serum consilium susciperent, & Cæsariani pariter erumpentes deserta castra & semienectis passim, & miserè iacentibus hostibus indefensa inuaderent, persecuti que demum abeuntes & Nauarrum, & Salassum comprehenderent. Salassus ipse à Vastio humaniter susceptus, commendatusque medicis, quòd graue vulnus dextro genu acceperat, triduo post interiit: Nauarrus verò inter quorundam militum contumelias, in antiquum nouæ arcis carcerem coniectus est, eo vitæ euentu, vt quum Aurantius victor Andegauensis factionis aliquot procures iussu Cæsaris securi percussisset, & eadem poena Nauarro bis rebeli, bisque capto immineret, eum lethali affectum morbo custos arcis Hicardus, tanquàm Hispano homini, & rebus in Africa aduersus Barbaros gestis inclyto, hoc indulgeret, vt parua mora tanquam propinqua iam morte, parati carnificis manus elaberetur; quanquam non desint qui eum extrema instantis fati suspiria trahentem, stragulæ vestis operimento suffocatum existiment.

FERDINANDI Balamij Siculi.

Quid vicisse astu potius quàm viribus hostem  
 Quid sit & aggeribus cingere castra nouis,  
 Quidue sub effossis ima tellure cauernis  
 Moliri vt tota mœnia mole ruant,  
 Ostendit belli Dux inclytus arte Nauarrus  
 Ad Lybiæ cladem natus & exitium.  
 Vidi ego quum Drepani ratibus consterneret æquor  
 Et streperent curuis agmina littoribus,  
 Multorum clade vt Libycas appulsus ad oras  
 Protinus euersa est diues opum Tripolis.  
 Cuptorum spolijs classes onerantur Iberæ  
 Et velitur longo præda opulenta mar.  
 Quòd si tanto operi non fata infensa fuissent,  
 Rege sub Hispano Punica Regna forent.  
 Sed certe hanc laudem seruant tibi Numina Cæsar,  
 Et tua captivæ gloria gentis erit.  
 Quæ restant monumenta tui vir magne laboris  
 Hæc Iouij, & vaturn scripta diserta dabunt.

NA X I M I L I A



## Maximilianus Sfortia



**H**IC est ille Maximilianus Sfortia, qui insigni beneficio Iulij Pontificis, & Helvetijs Venetisque armis paternum in Regnum restitutus, neque ore quicquam Sfortianæ stirpis generosis vultibus respondit, neque ingenij indole & moribus quicquam dignum ingenuo Principe ad paterni spiritus similitudinem exprimens ad Principatum attulit.

In omni namque actione sordidi animi & planè vecordis cogitationes absurdo sæpe sermone stolidoque afferre videbatur. Ex intervallis enim quædam modo peracris prudentiæ, sed fugacis; modo subtilissimæ suspicionis, & inconstantis sensus, modo labantis memoriæ, & nonnunquam conceptæ & crescentis insanix argumenta præbebat; utpote qui interiorem tunicam, & subligacula non permutaret; nec offenderetur odore sordium spõte enascentium, nec pediculorum aspectu, eos frequentes progignente densissima atque impexa coma. Ocreis etiam coriacijs quibus pedes & tibias induebatur, frigidam aquam nonnunquam immittebat, ut pedes refrigeraret.



A qua rerum foeditate quandoque discedebat, quum hæc molliter reprehendentes summi viri Prosper Columna, Raimundus Cardonius, ipseque etiam purpuræ habitu & armorum autoritate verendus Sedunensis Cardinalis bene lotum & tersum esse iuberent, & ad elegantem vestis cultum deducerent; Quandoquidem in ea correctione vel cubiculariorum monita, vel illustrium foeminarum iocundæ suasiones nihil proficiebant; Medicisque tantum curandus ita relinquebatur, ut cuncta remedia violenter repudiaret, nec vnquam uti imperiosus se Principem esse obliuisceretur. Franciscum germanum fratrem ex arcano oderat, obtreptione dominatus, quum ille sapientior & potior administrando imperio haberetur. Per hæc interualla multis artificijs depulsa atra bile, eo tenore gessit Principem, ut quod veræ conualescentiæ indicium erat, grauiores curas Senatoribus demandaret, ipse autem venationis & aucupij voluptate aut iocunda familiaritate illustrium foeminarum oblectaretur, & iam non insanus ad bellica consilia & munia se conuerteret. Inguentibus siquidem Gallis ad Nouariam obuiam profectus, adeo fortiter & alacriter se gessit, ut inusitata virtute deletis hostibus insigni victoria potiretur, quanquam eosdem hostium Duces Tramulium & Triuultium, atque eosdem sociorum præfectos qui supremam ex perfidia Ludouico patri calamitatem attulissent, hisdem in campis uti nomini suo fatales exhorresceret. Per hunc modum fide atque virtute Heluetiorum confirmatus ambigua salutis spe quum plerique veneficis potionibus & fascinatione quadam conuulsam ei mentem crederent, Principem gessit, usque ad aduentum Francisci Galliarum Regis, qui capto ad radices Alpium Coactiarum Prospero Columna, cum Heluetijs demum memorabili acie iuxta Mediolanum conflixit; victorque inde Mediolano potitus Maximilianum in arcem compulsum obsedit, mirisque machinationum artificijs; quæ Nauarri ingenio parabantur, conterritum, atque intestinas suspicantem insidias ad dedicationem compulit, ea conditione, ut in Gallia honestum traducendæ vitæ præmium ferret. Non defuit promissis Rex ingenio clemens, ac omnia quæ ei obseruato potius quam custodito tribui poterant, liberaliter concessit. Sed ille amissi Principatus memor, & iam mentis propè compos, miseriæ suæ & dedecoris gnarus, quum sæpe ad veterem ingentis vesaniæ morbum recideret, post aliquot annos, dum Franciscus frater qui in eius locum à Leone Pontifice fuerat reductus, oppugnaretur à Cæsare, & à Clemente Pontifice enixè defenderetur, vagæ febris morbo oppressus interiit.


PLACIDII Placentini.

*Hostibus expulsis regno præfectus auito  
Gestabat Princeps aurea sceptrum manu  
Nec quæ sceptrigerum deceant coluisse, fatentur  
Inculti mores, ingeniumque rude.  
Attamen hic fato fretus, felicibus armis  
Nonnunquam victor mira Trophæa tulit,  
Idque breui gaudens inuitus Regna reliquit  
Hostilique miser concidit hospes humo.  
Non huic insignes titulos celeberrima virtus:  
Sors dederat ludens, vis inimica rapit.*

PHILIBER



## Philibertus Aurantius Princeps.



**H**OC lacteo colore & subtonsa flauente coma, cæruleisque oculis ciere prælia solitus erat Philibertus Aurantius, ab Arausio vetere Romanorum Colonia, cui progenitores imperabant, vocatus. Fuit is Salonia apud Burgundos illustri familia editus, proptereaque Cæsari Carolo apprime carus, quoniam eius genus non obscura propinquitate contingeret. Erat Philibertus Gallica alacritate belli cupidus, quamobrem tametsi erat tiro & planè iuuenis, non admodum difficile fuit, ut in Italiam sicuti magnopere cupiebat, à Cæsare mitteretur, exorto tum fortè bello inter Cæsarem atque Pontificem. Verum spes eius Fortuna elusit; nam ab Hispania soluens, in medio nauigationis cursu ab Aurianis triremibus, quæ tum Regi Gallo operam nauabant, est interceptus; neque prius à Gallis custodia vlla conditione emitti potuit, quam beneficio renouati fœderis, quo vtrinque captiui, & ante alios Vgo Moncata, & Petrus Nauarrus sine præ-



tio dimittebantur. Exinde Borbonio adhæsit, à quo vti erat & strenuus & acer bellator, commendante Cæsare totius equitatus præfecturam promeruit; in idque munus adeo ardenti feruidoque ingenio incubuit, vt iuxta Placentiam à Pontificijs hostibus tumultuaria in pugna circumuentus, & equo penè detractus amissis cristis ægerrimè sese periculo explicans, elaberetur. Qamobrem ab hostium ducibus sibi iterum pugnaturò comiter peteret, vt pecunia illico se redimì paterentur, si casus incidisset, vt in eorum potestatem deueniret; vtpote qui custodiæ iterum includi, & se bello à quo petebat laudem excludi noller; & varijs spectatæ virtutis operibus atque periculis famam omnino adipiscendam arbitraretur. Aduenit non multo post è Germania Georgius Fraispurgus cum quatuor legionibus, quibus postea Borbonius se Ducem præbuit, quum Georgius graui correptus morbo Ferrariam secessisset. His copijs sese adiungere veteranæ Hispanorum cohortes, concedente Antonio Leua qui in præsidio Mediolani persistebat. Itaque cum hac mole copiarum in Bononiensem agrum est descensum præeunte equitatu, qui obuia quæque ædificia barbara crudelitate succenderent; nec quisquam ferè Ducum qui Pontifici, aut Venetis & Gallis militarent, repertus est, qui obstare ferro & flammis cuncta vastantibus auderet; atque ita superatis alpibus nemine iter eorum demorante, aut saltuosis Apennini in locis à fronte præpediente, ad urbem Romam conuolarunt, magna sorte Aurantijs, qui oppressis passim Pontificiæ ditionis incolis, ingentem fecit prædam, cadenteque Borbonio in limine captae Urbis, vniuersi exercitus Imperator est appellatus. Lætus itaque tanto imperio, cui supra quadraginta milia hominum parerent, à quibus vrbs Roma improviso capta immanissimè vastabatur; nihil antiquius habuit quàm perducta vndique fossa arcem dispositis præsidijs circumuallere, vt Pontificem & magnam Senatorum partem qui exterrefacti subita irruptione hostium in arcem confugerant, in potestatem cum pretiosiore eorum gaza redigeret; parumque interea miserrimi Populi omnibus tormentis excruciatu eiulatu & lachrymis permoueretur, quum inter se Germani atque Hispani, hisque nihil mitiores Itali, avaritia, libidine, crudelitateque contenderent. Cæterum Aurantius quum interdum obequitando circumuallatæ arcis munitiones & custodias inspiceret, ab emissa sclopetto accuratius glâde sinistra in mala paulo infra oculum graue suscepit vulnus; sic vt eo vulnere postea non planè scilicet obducta cicatrice rubente mala deformis euaderet. Adhæserunt Aurantio cuncti ferè è Gallia exules Borbonij authoritatem secuti, quos pestilentia vsque adeo atrociter mox vexauit, vt ex his notior Lorsiuss ipsique maximè familiaris cum sodalibus interiret; & Germanorum atque Hispanorum corpora pestilenti luce correpta, omnibus in locis tumularentur. Dedito autè Pontifice, & perpetua statione custodito, piorum Regum animos incensit pudor, quod sacrorum Princeps ad ludibrium totius terrarum orbis gentium, vsque adeo indignè atque nefariè summis iniurijs mulctaretur; atque ita Francisci Gallia, & Henrici Britannia Regum auspicijs Lotrechius Alpes traiecit, vt Pontificem detractis Vrbe Barbaris carcere liberaret. Qua



Qua de causa periculo territus Cæsar, vt impietatis infamiam effugeret, Pontifici vt se auro redimeret concessit, quo militi ad tuendâ Neapolim perre-cturo stipendia soluerentur. Itaque Pontifex persoluta pecunia arce post septimū mensem elapsus, ad Orbitū Tusci agri urbē se cōtulit. Aurantius verò & Alфонsus Vastius copias Vrbe eduxerunt, vt Lotrechio longitudinem Italia iustis factis itineribus emetienti, & in Apuliam contendenti apud Troiam opponerentur. Quo in loco Aurantius & Vastius Lotrechium facta praelij potestate displosisque tormentis prouocantem refutantes substiterunt, ignobiliq̃ue discessus properantia Neapolim contenderunt, quum oppida cuncta Lotrechio aut expugnantī aut in deditionem recipienti, Gallica vexilla passim attollerent. Aurantius compulsus in urbem Neapolim, & planē circumuallatus urbem à militibus sensim direptam ita à Gallo hoste seruauit, vt Lotrechius ducesque omnes cum multo maxima parte exercitus ingruente pestilentia, & bello & obsidioni finem imponerent, & Aurantius non suæ virtutis, sed insperato Fortunæ commodo lætaretur. Ab hac victoria Aurantius capite atque Fortunis Andegauensis factionis Regulos, qui præpropere rebellassent, acerbissimè mulctauit, ac inusitata atque præcipiti liberalitate eorum bona militibus suis diuisit, vsque adeo prodigē & inconsultè vt Cæsar id grauiter ferret, quum Regnum non sibi sed Aurantio & militibus seruatum diceret. Sequenti autem anno Aurantius cum omnibus copijs in Etruriam euocatus est à Clemente Pontifice, qui patriam sibi omnino Cæsarianis armis recuperandam existimabat, postquā Florentini cum Gallis icto fœdere; & transmissis contra Cæsarem auxilijs consentirent. Ea autem Florentiæ urbis cœpta atque instituta est obsidio, vt pertinacia obsessorum Ciuium constantiā hostium adæquarit; vrbsque tantis opibus oppugnata est, vt nec vndecimo quidem mense multa perpessi incommoda, perdomiti, erumpendum potius, & praelij vel iniquissimi aleam pro libertate subeundam esse, quàm de deditione agendum decernerent: è Pisisque auxilia accersenda arbitrarentur, vt validius cum virtutis, tum & peruiaciæ suæ supremum ederent conatum. Tum verò accidit, vt Aurantius de aduentu auxiliorum edoctus, cōsiliū caperet, tam necessariū quàm ipsi fatale atque hostibus, scilicet obuiam eundi atque in itinere confligendi. Igitur partitus copias cum Ferdinando Gonzaga qui castra tueretur; ipse cū delecta parte exercitus contra hostes contendit; hisque occurrit in Pistoriensium montibus apud oppidum Gabinianum, non procul ab eo loco, in quo Romanos Petreio Duce, Catilinam fudisse, atque interfecisse incolæ memorant. Florentinorum copiae quibus præerant in fronte Ferrucius ciuis Florentinus, ex mercatore repente Dux factus, in tergo Paulus Rentij Ceritis filius, eo consilio circiter septem milia hominum per alta, atq; ardua loca iter hebebant, vt vim hostilis equitatus vitarent, & non magno circuitu, quanquam salebroso, ad urbem deferrentur. Iam Gabinianum oppidum intrabant, quum apparuere Cæsarianorum signa, quibus conspectis properantius quàm decebat Ferruciani in oppidū sese inferre cœperunt; vt loco munito, si hostis vrgeret, æquius se defenderent. In laxatam itaque & gressum intendentem hostium aciem Aurantius equitatum procurrare iussit; ipseque pugnandi audus paululum antè prouectus, dum per arduum atque



impeditum tramitem in hostem ire poperat, glande traiectus primus ferè omnium cadit, quum à parte alia Alexander Vitellius hostes inuasisset. Nemo ferè vel suorum, vel hostium cadentis Auranti casum animaduertit, sic vt non prius quàm à vagante eius equo qui erat spadix, & phaleris albicanteque crista conspicuus cecidisse nosceretur: quo spatio Florentinæ copiae fusæ deletæque sunt, & Ferrucius intra oppidum interfectus, & Paulus captus. Cadauer Auranti, vti erat Lacinia atque armis expoliatus, à lugente armigero ita sarcinario iumento impositum est, vt inuolutum viligauisapa, vtrinq; pendētibus brachijs & cruribus, & capite luctato Pistorium deferretur, & tanquam victori solennes inferiæ dicerentur; non iam obscure hominibus Dei magni ultoris vim agnoscentibus, postquam nefarij belli præcipuos Duces Borbonium, Moncatam, & ipsum Aurantium, tribus fulminibus vindicata impietate sustulisset.

## BENEDICTI Varchij

*Asspice quàm toruo meditans fera praelia vultu  
 Spiret adhuc, gestetque oculis ac pectore Martem  
 Auratis fulgens princeps Aurantius armis.  
 Quem tristi Italiae fato, genitumque ruinis  
 Tybri tuis, atque Arne tuis, non optima nostris  
 Gallia produxit, misit Germania damnis  
 At tu ( verum aliter neuerunt fila sorores )  
 Auranti Philiberte ingens Salonia proles,  
 Dum res immodicas, dum regna Oenotria, magnæ  
 Dum sceptrum Ausoniae, dum totius orbis habenas  
 Mente agitas, voluisque atros sub corde furores,  
 Quum propè bis senis iam mensibus oppugnares  
 Vndique desertæ pucherrima mœnia Floræ,  
 Dum properas multis cum millibus obuius ire  
 Ferrucio, prohibere parans ne transeat, ipse  
 Ipso in principio conflictus, protinus omnes  
 Anteuolans, ictu glandis traiectus athena,  
 ( Quo Catilina loco pœnas dedit impius olim )  
 Infimus vt miles, primo cadis impete, & illa  
 Illa tua in tenues spes tecum euauit auras.*

## P O M P E I V S



## Pompeius Columna

Cardinalis.



**A**MBIGVAM equidem famosi nominis sui laudem reliquisse videri potest hic ipse Pompeius Cardinalis, quum miro ingenio diuersissimi muneris partes aptissimè impleret, & in sacra purpura mitratus, & militari in fago galeatus, non periti modo, sed affectati etiam sacerdotis ante aras, & in castris prouidentissimi & strenui Ducis officia exequeretur. Nam ad vtrunque munus, cum peramplum excelsi corporis habitum, tum grauis pariter & per iocundi oris gestum & facundiam illustrem, quò oporteret, decentissime transferebat. Sed factiosa in vrbe, aulaque omnium maledicentissima de se promiscuæ famæ materiam ingenijs præbuit, moribus suis impensè laudandis aut peracerbè lacerandis; vtpote qui modo temperatis atque illustribus vtriusque disciplinæ consilijs, modo turbulentis actionibus clares-



ceret, quibus Clementem ab se præclaro studio ad Pontificatum prouectū ita circumuenit & oppressit, vt Bonifacij octauī funesta memoria renouata videretur; vnde odium valde ingens apud multos, singularem verò gratiam apud Cæsarem promeruerit. Cæterum quibus de causis ab amicitia Clementis discesserit, ruituræque patriæ arma intulerit, diffusè à nobis perscriptum est, eo in libro quo ipsius Pompeij vitam syncera fide ad posteros misimus, admirandam vtique potius quàm imitandam. Vir enim ingentis animi efficacissimæque virtutis, & industriæ (modò factionis odium facessat) non ipso tantum Pompeij nomine, sed Magni item cognomento dignus existimari potuit; nisi infaustus Senator, & malus omnino ciuis, vastata Patria, & Senatui & Populo Romano apparuisset. Ad extremum qui exequijs intermortuæ Patriæ & capti Pontificis Tragœdiæ interfuerat, ciuitatis resurgentis, & restituti Pontificis simulachrum videre potuit. Verum secus ac optabat maturo fato cedens, Clementem biennio antecit, quum apud Neapolim Regno administrando Præfectus à Cæsare post comestas ficus biferas quas multa niue refrigerarat, in complexu Augustini Nyphi clarissimi philosophi integris sensibus expirasset, anno ætatis quinquagesimo tertio, quum Carolus Cæsar comparatis ingentibus copijs Solymano in Pannoniam redeunti ad Viennam occurrisset.

I O V I I Iunioris.

*Virtutem mirata tuam, tuæque inclyta facta  
Letata est tanto Roma superba viro,  
Virtutem illa eadem indoluit, tuæque inclyta facta  
Ingenio ciuis Roma casura sui.  
Sic patriæ carum virtus te fecerat; orbi  
Illa eadem ingratum reddidit, & patriæ.*

## Aloisius Grittus.

**M**EMORABILE profectò exemplum Fortuna edidit in Aloisio Gritto eleganti certè homine, sed supra æquum ambitioso, auidissimoque dominatus. Eadem enim illa, vti leuis & insolens sæpe conuertitur, vt se humanarum rerum dominam ostendat, & arrogantiam nouorum hominum petulantissimè castiget. Grittus namque Barbarico cultu, cum pictæ, talarisque togæ, & inflexi ad aurem pilei, qui ex pretiosis libellinarum pellibus constaret, tum superbo incessu, & sermone prætumido, Procures Turcas referebat. Is Andrea Gritto, qui postea Veneti Senatus Princeps extitit, ex Græca concubina Byzantijs genitus atque educatus, se totum in familiaritatem Othomannicæ aulæ Principum, & Turci sermonis consuetudinem dedit, tanta ingenij solertia, vt ex mediocri mercatore, insignis publicanus euaderet; vno præsertim mirificè fauente Habraymo purpurato, qui eum in vectigalium licitatione subleuabat, & supra competitores Turcas impotenter efferebat, vnde Gritto magnæ opes atque



atque insignis authoritas creuit, quam florētis patris dignitate, splendorque domus & conuiuijs, multaue largitione rerum elegantium, in omnes profusus atque munificus tuebatur. His commercijs Habraymo quæren-



darum gemmarum cupiditatem iniecerat, quarum flagrantissimo studio Solymanus ipse teneretur. Earum autem delectatione vsque ad insaniam prouecta, Grittus ex frequenti indicatura certissimus erat æstimator, & solertissimus etiã mango, cuius artificij secretiorē domi tabernā haberet. Disserebat verò sapiensimè nihil omnino vel ad dignitatē totius ornatus, vel ad exprimēdā summī atque Augusti Regis maiestatem, in lōge maximo Imperatore speciosius & luculētius haberi, ipsa lectissimarū gēmarū multiplici copīa atq; apparatu. Itaque vsq; ad insaniam Solymanus, toto terrarū orbe perquisitas, & magno emptas pretio in vnū coegit, vt his cuncta instrumēta cubiculi, & equestris cultus, atq; etiã podij parietes exornaret. Cellā enim argēteis atq; aureis laminis circūseptam erexerat in extremo hortorū suorū angulo, quo vtriusq; Bosphori pelagi spatia prospectaret. Sed mire ad Solymani spatiū respōderūt galea aurea & sceptrum; & crystallinum operoso inclusum auro speculum,



quæ ingenio Gritti adinuenta & fabrefacta Venetijs propter gemmarum admirabilium copiam, cælaturæque præstantiam, Octuaginta myriadam aureæ monetæ pretium excedebant. His inuentionibus quæ ad fastum superbiſſimi Regis arriderent, summam Grittus gratiam adeptus est, ita ut spe adipiscendi honoris inter Bassas sensim ad Mahometis sectam transiturus crederetur. Itaque secutus Solymani castra, quum ille oppugnatum Vienne in Noricum usque processisset, & Ioannem Zapolium Transylvania Vayuodam insigni liberalitate in Pannonia Regem constituisset, Grittus nouo Regi adhæsit, præstititque ei operam militarem aduersus Germanos, & eos Hungaros qui Ferdinando Regi fauerent. Vbi verò Ioannes & autoritate Solymani, & Turcarum auxilijs in Regno confirmatus est, incelsit Gritto, grauioris ambitus libido, usque adeo ingens, ut non obscure ad Pannoniæ Regnum aspiraret. Ioannes namque quod pacisci cum Ferdinando, & pace frui percuperet, Solymano suspectus euaserat, quod ingratis atque indignè facere videretur, qui aliunde fœda pactione firmâdas opes suas arbitraretur, quam à virtute fideque inuictissimi Imperatoris, qui Regna dono dare, & ex priuatis homunculis Reges efficere consueſſet. Propterea Grittus legationem sibi in Pannoniam impetrauit, ut Hungaricis inspectis rebus operam daret, ne aliunde Othomannico nomini contumelia pararetur. Hac spe Grittus cum amplissimis Solymani mandatis, magnoque seruatorum, & Turcarum comitatu Byzantio profectus, per Moldauiam ubi Petrus Vayuoda, Solymani incertum hostis an socius, imperebat, in Dacia peruenit, quæ hodiæ Transylvania dicitur. Ibi quum constituto prætorio Prouinciæ conuentum habiturus crederetur, citarenturque Procures, Americum Cibacchum Varadnensem episcopum, & eundem cum militari præsidio vetere Hungarorum antistitem consuetudine prouinciæ præſidentem, quod tardius ad edictum veniret, noctu ad Braxouium castra habentem inuadi & per Ianum Docciam Hungarum interficere iussit, ut sublato summæ potentiæ æmulo, passim cæteris formidatus ad Budam contenderet. Sed vir æque ambitiosus & cruentus in vestigio admissi sceleris poenas dedit. Namque ad cædem sacrati & nobilissimi viri vindicandam erexere se Stephanus Maylatus, & Gotardus genere Saxo, ipsi Americo propinquitate atque amicitia coniuncti. Atque ita supra quadraginta armatorum milia in vnum coegere, atque Grittum ad oppidum Meges, eo euentu obsedere, atque oppugnare, ut destitutus spe auxiliorum, quod neque præfecti Turcæ Nicopolitanus, & Samandrensis, transire Danubium veriti, non facilem operam latuiri forent, & Ioannis Regis præsidia longe abessent, se hostibus dedere cogere, atque eo modo ostentans Solymani diplomata ad prætorium Gotardi atque Maylati deductus, iussu eorum exorto Hungarorum ululatu, tanquam hostia Americi manibus mactatur, trucidato eius comitatu & direpta gaza. Duo eius liberi adolescentes, quorum natu maior Antonius ad Agriense sacerdotium erat destinatus, Moldauis traditi sunt, à quibus aliquanto post immaniter necantur. Doccia ipse comprehensus, qui author & suasor Americi cædis fuerat, magno ludibrio à sæuiente turba dilaniatus est. Atque ita qui Regnum affectabat, gazam omnem, quæ erat pretiosissima, vitamque simul & liberos puncto temporis amisit.



FABII Segnii Florentini.

*Tegmine barbarico capitis; cui purpura & aurum  
 Intextum gemmis radiat splendore corusco  
 Insignem cernis iuuenem, & fulgentibus armis  
 Byzanti genitum Graia de pellice Gritum.  
 Ante alios Regum Regi gratissimus omnes  
 Hic fuerat Solymo; tenebrisque emerfus ab atris  
 Prodierat superas paulatim in luminis oras  
 Sed nimis ardentem rebus tumidumque secundis  
 Dum miserum torquet ragnandi dira cupido,  
 Quæ solet, in preceps deiecit culmine ab alto.  
 Vertere funeribus claros Fortuna triumphos..*

## Alfonfus Ferrariæ

Princeps.



**I**N Alfonso Atestino Ferrariæ Principe, vt ex seüero & pæ-  
 racri oris ductu coniectari licet, & nos vidimus, ingenium  
 egregiè firmum stabileque & præcellens, quocunque extra  
 literas verteretur, enituit. Abdicarat enim planè vir cun-  
 cta iocundæ adulationis & morosæ grauitatis lenocinia, ip-  
 sis plerunque cognata Principibus. Quandoquidem singu-  
 las cogitationes, & singula propè exercitamenta corporis, ad bellicas ratio-  
 nes reuocaret, & nihil omnino molle aut remissum complecteretur, vel ip-  
 sa naturæ consuetudine, vel necessitate tot incumbentium bellorum, quæ  
 omnem inertiam, vel desidiosis excuterent, & virum vti oportuit, cum salu-  
 tis, tum dignitatis suæ memorem excitare, & ad insitam virtutem factis ex-  
 tendendam incitare posse viderentur. Itaque Alfonso à nobis peculiari  
 volumine celebratus, vti magnanimum bello Ducem, atque optimum pace  
 Principem decuit, subactò corroboratoque multis periculis ingenio, firmo  
 que semper pectore cuncta aduersæ Fortunæ iacula tam fortiter excepit,  
 quàm feliciter auertit. Trium nanque maximorum Pontificum diuina at-  
 que humana arma, odiique perpetui insidias, tanta infracti animi constan-  
 tia superauit, vt gloriosam triplicis triumphus lauream, si de sacrosancto ho-  
 ste triumphare fas foret, meruisse dici possit. Obijt Alfonso climacterico  
 anno propinquus, quum liberos ad certissimam frugem contendere conspi-  
 ceret, & nato iam sibi nepote in spem longæ successionis lætaretur. Hisdè  
 autem diebus concepit febrem quibus nunciata ei mors est Clementis Pon-  
 tificis: ob idque excessit è vita seipso lætior, quod primus comitiorum  
 diebus Farnesium Cardinalem, Pontificem renunciatum fuisse didicisset,  
 quasi nihil sibi optatius & melius accidere potuerit, quàm quod pro impla-  
 cabili hoste, veterem amicum, à quo omnia facile impetranda forent, quæ  
 Atestinæ domus imperium stabilire atque augere possent, esset habiturus.



*Quàm bene bellipotens Alfonse ex aggere tundis  
Barbara terrificis agmina fulminibus,*



*Sulphurea quum in nube, atque igne coruscus abeno  
Ceu superum æthereo quum tonat axe pater,  
Obuia prosternis generi monstra horrida nostro  
Sic eat, ò qui almam diripit Ausoniam.  
Quàm bene & æquoreas ineuntes flumina puppes  
Et Venetum armatas in tua sceptrum manus  
Disiicis, atque alto figis rostra area templo  
Martia virtutis signa secunda tuæ.  
Suspensam vt cernant classem, stupeantque nepotes  
Vtque eat Hadriaco celsior Eridanus.*



*Quin Iulij eludis robur, rictusque Leonis,  
Atque inclementes in tua fata dolos.  
Maeste animo: felix natu Hercule, & Hercule patre  
Quo cum alta inuicto nunc teris astra pede.*

FAERNI.

*Clementem postquam Medicem, cui tempora nuper  
Tiara cingebat triplex  
Extinctum Alfonso Dux audijt, illicet acri  
Correptus ægritudine  
Illius mortem est properata morte secutus  
Funusque iunxit funere.  
Præ luctu perijisse inquis, nimioque dolore?  
Immo id quidem præ gaudio.*

## Hippolytus Medices

Cardinalis.

**H**OC Hungarico militari cultu Hippolytus Medices Cardinalis quum è Pannonia, ubi Legatus apud Cæsarem fuerat, abeunte Solymano redisset, à Titiano pictore eximio Venetijs se pingi iussit. Hunc Iulianus Leonis Pontificis frater Urbini exul ex nobili vidua susceperat. Infans in ipso vitæ simul & mortis limine, quum eum mater admissi stupri impio pudore necari iussisset, ancillæ misericordia seruatus est. Creato Leone Pontifice triennis cum nutrice Romam venit, tanta verò suauissimi oris indole, sermonisque festiui lepore mirabili extitit, ut Pontifex, eo ad pedes ludente mirum in modum oblectaretur, & ea specie in Cœnaculo Vaticano à Raphaele (vti videmus) exactissimè pingi iuberet. Vbi adoleuit, literis liberaliter est institutus. Ostendebat enim ingenium habile ad omnia perdiscenda imitandaque. Ei namque supra ætatis captum ante omnia mira vis inerat poetici spiritus; sic ut Virgilij secundum Aeneidos librum, in Etruscum sermonem lepidissimè verteret, & proloquia Hippocratis ab arte medica, in vsum bellicæ disciplinæ, æmulatione festiuissima transferrentur. Sed non multo post à literis ad exactum totius musicæ studium deflexit, peritissimo quoque artificum & phonaſcorum sibi ascito, parique flagrantis ingenij cupiditate, omnis symphoniacæ modulationis, organis vsque adeo eruditè pertractatis, ut prædulcis Cythærus, Lyristes numerosus, fistulator eximius, & incomparabilis Tibicen euaderet; Oenochordaque item argutissimis percurreret digitis, quando ærea etiam membranaeque tympana bellico crepitu militares animos



excitantia, diuersissimis concentus numeris editis, cum nostrorum, tum Barbarorum more stupenda imitatione perpulsaret. Quum in his studijs iuuenili alacritate totus esset, Clemens eum legit in senatum, ratus eum ad



grauitatem animi componi posse. Ex arcano autem id Pontifex petebat, vt Hippolyto sacris initiato, Alexander eius patruelis iuniore Laurentio genitus, Etruriæ Principatu solus potiretur, quod tum propter ingenij firmitatem, quanquam esset literarum expers, in sustinendo tuendoque dominatu potiozem existimaret. Verum Hippolytus purpuræ honorem ita cōtempnit, vt Clemens eum indignis sacro ordine studijs & voluptatibus deditum, grauiter increparet, dedecorantemque nihilo secius senatoriæ amplitudinis dignitatem, importunæ insanix poenas cito daturum diuinaret. Nam ad theatrales ludos, equestresque decursiones, edendaque simulacra præliorum sumptuosi & varietate gaudentis ingenij libidinem detorserat: quanquam præter hæc incredibili magnarum venationum cupiditate incensus numerosum insignium canum & nobilium equorū apparatus grauissima impensa tueretur; tãto etiam vitæ splēdore, vt in medijs nemoribus apud fōtes,

totius



totius aulæ, Romanorumque iuuentuti frequentissimè epulum daret. Quæ omnia Clementem è tanta clade Urbis carcerisque miseria nuper emersum, egentemque pecunia, & quod augendo mœrori plurimum intererat, natura parcissimum, mirabiliter vulnerabant. Nec diu post Pontificem lethalis inuasit morbus, & eripuit; cuius morte quanquam in Hippolyto suscepta vitæ studia minimè refrixissent; is tamen in comitijs opportunissimè se collegit, multosque secum ex veteribus amicis perducens Farnesio Cardinali, ut Pontifex renunciaretur præcipuus extitit suffragator; cuius studij eum mox poenituit, præter spem Anconitana legatione, quæ sibi per interregnum promissa fuerat, indignissimè fraudatus. Qua ex re, animo vehementer perturbato, inuidere apertius Fortunæ fratris, atque eius vitæ insidiari cœpit, deprauantibus eum atque impellentibus Florentinis, veteribus Mediceæ familiæ inimicis, principe horum Philippo Strozza. Hos enim exilio pulsos, Hippolytus in amicitiam receperat, & arcanis consilijs usque adeo inconsulte adhibebat, ut fratri ex subitario tormentarij pulueris incendio, execrabile exitium machinaretur. Eo siquidem sublato dominatum Florentiæ adipisci se posse per exules, vanissima cogitatione confidebat. Sed Dii immortales immane abominati facinus, certa indicia Alexandro detexerunt. Quæ omnia Alexander per Cæsaris legatum Paulo Pontifici detulit, comprehensusque est eius scelesti consilij conscius Octavianus Zenga ex Hippolyti satellitibus. Qua perstrictus infamia, & non vano pauore correptus, quod suas Fortunas, & sacerdotia à Pontifice cupidissimè peti crederet, in Tyburtem agrum profugit. Nec ita multo post conuerso ingenio, perspectaque exulum malignitate, cum fratre redire in gratiam, & conditiones pacis à Cæsare petere constituit, qui tum in Africa bellum gerebat. Sed quum nauigium nauigaturo Neapolim pararetur, ad oppidum nomine Iter Appiæ viæ impositum non procul à Fundis subsistens, in mortiferam febrem incidit, paucissimisque diebus iuuenis longe omnium eruditi ingenij nobilitate, decore vultus, & illustris vitæ splendore florentissimus, ex humanis est ereptus; magna hercle exulum lætitia, magnoque Pontificis commodo, quum hic eius spolijs nepotes suos ditaret; illi vero vno auulso alterum tanquam fratris ope destitutum, uti mox euenit, facile tolli posse diuinarent, & subinde inducta veneni suspitione eius criminis notam Alexandro affigere conarentur; sed ea suspicio prorsus inanis euasit, quum præcipui eius comites Danthes, & Bellingerius, ac Raynaldus, eadem autumnalis cæli maligna intemperie perijissent. Relatum in Urbem eius funus, urbanæ multitudinis ordinumque omnium verissimæ lachrymæ, quod antea furda in vrbe nemini contigerat, per triduum decorarunt, quum tumultuario apparatu lugentium Afrorum & Aethiopum humeris ædibus suis inferretur. Nam præter hos præstantissima eruditionis exquisitarum artium ingenia, patrono inexhaustæ liberalitatis ante diem erepto orbata destitutaque de Fortunæ sæuitia conquerebantur. Eius nanque domus ex omnibus cogniti orbis gentibus virtute animi aut corporis proceritate conspicuos, liberaliter admittebat; videreque erat homines diuersissimo sub cœlo natos, eundem dolorem ex heri morte, eandemque tristitiam, sed dispari vultu garrituque dissono



contundendo pectora, fulcandoque ora vnguibus, præferentes. Gaudebat siquidem ille mirum in modum quod Barbari viginti amplius linguarum in eius Cœnaculis recenserentur. In his fuere Numidæ Regulorum sanguine progeniti, qui equitandi desultandique peritia spectantium oculos admiratione complerent. His accedebant Tartari sagittarij incomparabiles, & Aethiopes qui in luctatione & palæstra quosque validissimos anteirent. Ex India porro natandi, vrinandique peritos, quibus studijs iuuenili feruore impense deditus tanquam magistris ad æmulationem vtebatur. Turcas autem tanquam ad expedienda arma promptissimos, in venationibus ita exercebat, vt interdiu noctuque corporis custodiæ præcipuos adhiberet; egregio certè exercitationum genere, nisi dignitatis oblitus, per vanitatem ostentandi militaris ingenij, salutis quoque aleam stultè periclitari, quàm familiæ atque ordinis decus tueri maluisset. Non inane autem prodigium imminenti morti suæ præstruxisse videtur, quum pro argumento insignium suorum, crinitum cometem iuuenili atque amatoria vanitate gestaret, quæ specie diro olim fulgore in cœlo ardens C. Iulij Cæsaris necem portēdisset.

ANTONII Vaccæ.

*Floruit Hippolyte, & tecum fato occidit vno  
Quo reliquum antiquæ laudis, & artis erat.  
Id tua claudebat totum augustissima quondam  
Orbis terræ instar quæ domus vna fuit;  
Nec tibi magno animo quisquam se æquasset & ausis  
Grandibus, aut larga, munificaque manu;  
Nec poterat Fortuna tuis multum addere rebus  
Quum iuueni iniecit mors violenta manum.  
Tunc bis te vndenis de gentibus ora clientum  
Fleuerunt, cineres condideruntque tuos.  
Tantus eras, tamen inuidiam vitare nequisti  
Liuoris cacos nec superare dolos.  
Scilicet obuia quæque sibi domat ardua virtus  
Sed domuisse vnâ non potis inuidiam est.*

## Franciscus Sfortia II.

Mediolani Princeps.



NSIGNI hercle humanarū rerū exemplo Franciscus Sfortia secundus, inter maxime ærumnosos Princeps diuque alternæ Fortunæ fluctibus iactatos cēseri potest; vtpote qui triēnis cū patre Regni sui penatibus eiectus, vnū & vigesimū annū in exilio vitā sæpe inopē, & inter spes & metus valde sollicitā trāsegerit, peccata aliena potius quàm sua sēper lugēs atq; inde pœnas expectās: nec tamē vnquā animū despōdens, quod in eo fatalis prope fortitudinis & infractæ constantiæ documentum fuit. Post exactum paterno Imperio Maximilianum fratrem, ipse quinquennio post, communibus



communibus Leonis Pontificis, & Caroli Cæsaris armis reductus, grauissima instaurati toties belli à Gallis hostibus pericula subiit. Sæpe eum pœnituit bella suscepisse, quæ sibi nihil armis exercitato, egentissimoque pe-



cuniæ semper nouas, & propè inextricabiles rerum difficultates importarent. Quibus malis qui ab initio studiosissimè expetitus fuerat, Insubribus demum odiosus & grauis, & notis propè omnium damnatus euaderet; vsque adeo crescente inuidia propter innumeras, & nunquam desituras cogendæ pecuniæ acerbitates, vt nonnulli eum tollendum arbitrantur, & inter alios Bonifacius Vicecomes ex familiaribus aulæ insigni eum perfidia equitanti impresse pugione supra humerum ad ceruicem, sed leui ictu vulneraret, elapsusque tot circumstantium prætorianorum diligentiam, pernicipi vectus equa intactus effugeret. Tria bella tribus prælijs Cæsarianorū præsertim auspicijs cōfecerat. quum Lotrechium ad Bicoccam, Gofferium Amirantem & Heluetios ad Sesithem amnem superasset, & demum Prospero & Piscario Ducibus, Ligures Genua capta subegisset. Quarto autem bello



quod longe maximum Rex Franciscus ipso ductante, Galliae Cisalpinæ intulerat, quum victus prælio Rex hostis ad Ticinum, captusque fuisset, ita secundo euentu Sfortia lætatus est, vt totius victoriæ fructu excluderetur, accusareturque prodicionis à Piscario atque Antonio Leua, qui Cisalpinæ Galliae imperium non Sfortiæ, sed Cæsari partum volebant, ita vt Sfortiam exitiali calumniâ circumuentum in arce obsiderent, & totius ferè ditionis vrbibus spoliarent. Non tulere indignitatem atque insolentiam iniuriæ Pontifex Clemens, Venetusque Senatus, atque ipsi demum Galli ex hostibus socij & defensores facti, quod omnium interesset ad salutis & libertatis tuendæ nomen, Sfortiam conseruare, nec externis rapacissimis Cæsaris militibus Italiam diripiendam præbere, patique vt vnus Cæsar tantis auctus opibus, cæteris ad arbitrium imperaret. Sed Fortuna sua pertinaci libidine Cæsari fauens, omnes qui aduersari infringereque potentiâ eius ausi sunt, ita perculit, vt cum magna clade prosterneret. Verum qui armis Sfortiam tueri frustra conati sunt, iusto demum consilio hoc à Cæsare precibus imptarunt, vt Sfortiæ parceretur. Igitur Cæsar in Italiam venit, Bononiæque suscepturus insignia Imperatoriæ maiestatis de manu Pontificis, euocatum eò Sfortiam sub fide publica benigne complexus, paterno imperio restituit; atque eo modo pace facta, aliquanto post Cæsar Sfortiæ cœlebi, Christierni Daniæ Regis filiam, ex eius matertera genitam, connubio iunxit. Quibus nuptijs, quod confirmari authoritas Sfortiæ videbatur, ingenti, sed nequaquam diuturno gaudio Insubres lætati sunt, quod pax inuecta, Prouinciâ summis affectam detrimentis, ad pristinum opulentiae otium deductura crederetur. At superis minime visum est Insubrum miserijs finem imponere, atque ita Sfortiam quod aliter fieri non poterat, nouæ nuptæ delictijs indulgentem, ex leui lippitudinis initio sustulerunt, tum forte quum Cæsar Tuneto capto ex Africa Neapolim rediens, ad triumphum Romanum à Paulo Pontifice vocaretur. Tum enim defuncto Principe Insubres tantis lachrymis elatum luxerunt, vt eo prodigio imminentes calamitates, quibus postea acerbitate Cæsarianorum Præsidum Prouinciæ, conturbatæ opes conuulsæque sunt, prænunciasse videantur.

## FAERNI.

*Franciscus hic situs secundus Sfortia est  
Insubrium Dux, cuius Imperium atque opes  
Nunc asperis nunc prosperis euentibus  
Fortuna forsque multiplex exercuit.  
Atque ille nunc ciuilibus, nunc exteris  
Petitus armis, Gallicisque & Beticis,  
Mediusque Reges inter aduersarios,  
Suprema ad vsque Fata regnum patrum  
Seruauit, & prudentiâ fretus sua  
Armis vim apertam fregit, atque astu dolos.  
Nunc hic quiescit paruus è tanto Duce  
Puluis cinisque & nudula vmbra mortui.*

BASILIVS



LIBER • VI.  
Basilus Moscouiæ  
Princeps.

313



ASTRVS A penitus ad Boream præter Hercynios saltus, Arctooque vertici subiecta Moscorum Regna, intacta olim Romanis legionibus, nec planè Græcis scriptoribus nota, Sigismundus Sarmatarum Rex latissimè nobis aperuit, quum armis cum Basilio eius gentis Principe ad Orsam iusta acie cōtendisset; qua innumerabilis eius gentis equitatus fœde profligatus est. Tū enim primò Romæ de victoria parta supplicationes decretæ sunt, quòd Moschi à Polonis & Lithuanis, modo Rutheni, modo Moscouitæ vocati, tanquā secuti Græcorum opiniones, à Romano Pontifice dissentirent. Sed Basilus qui adoptari in Regem sicuti ex Demetrio Legato accepimus, ex Principe honestiore scilicet speciosioreque titulo cupiebat, pace facta cum Sarmatis, non semel cum Maximiliano Cæsare Clementeque Pontifice per lega-

Dd



tos suæ gentis, latè nobis Regnorum suorum fines & opes indicauit, quum ea tantum mercatorum sermonibus occiduis Europæ populis innotuissent, & tum maximè quum Demetrius Legatus ad Urbē missus, cuncta exactissimè, uti Latinæ peritus linguæ retulisset; iubente Pontifice, ut memorabilia quæque descriptis Regni finibus & gentium moribus, in peculiarem à nobis commentarium conferrentur. Qui liber non semel impressus extat, quo excusari facile possumus, si Basilius breuiore quàm decet Elogio peroratur. Is, quem diximus, Demetrius legatus qui Regis imaginem hoc habitu nobis pictam detulit, percunctantibus referebat, latissimos esse Regni fines, qui ab Oriente Volgam amnem attingant, Tartarorum Regna à Moscis dirimentem. Ad Aquilonem Suecorum & Liouonum extremis terminis cohæreant, & ad Occidentem ad Boristhenem vsque protendantur. A Meridie autem Tanaitis & Tauricæ Chersonesi ad Mæotidem paludem Tartaris Præcopitis, qui sunt in Europa, promixi sint. Regio in vniuersum campestris est, ad segetem parum felix, cere armentis & pellibus pretiosis ferax. Basilius equitatu abundat, utpote qui quum opus est, ducentorum milium equitum numerum efficere possit. Regiam habet Mosca in vrbe, quæ à præterlabente Mosco amne nomen accipit. Arcem habet in morem prope nostrum ædificatam & tormentis permunitam. Paruo sumptu alit exercitum, quum Regni iuuentus omnis edicto arma capere cogatur, nullo propè adiuta stipendio. Ipse per legatos bella gerit; auarissimè imperitat, nec largitione in quenquam vtendum putat, vsqueadeo illiberaliter, ut legatos suos à magnis Principibus redeuntes cunctis muneribus expoliet; atque ita accidit ut bello infelix existimeretur: quandoquidem inuiti populares editis pareant, neque fortissimè propugnent. Sic ad Orsam victi pro victoria magnum luctum toti Moscouiæ retulerunt. Nec ingruentibus in Moscouiam duobus simul Tartarorum Regibus quisquam repertus est Dux fortis vel strenuus miles, qui pro salute patriæ propugnaret. Mahometes namque Gyræus qui in Taurica regnabat, & Absa, qui ad Citracam Volgæ in Hyrcanum erumpentis Emporium imperabat, cum singulis exercitibus Moscouiam inuaserunt, ferro & flammis cuncta excindentes, & id quidem impune, quum Basilius tantæ moli hostiū impar, & consilij inops, vsqueadeo trepidè profugisset, ut fœni cumulo conderetur. Eo modo Mahometes & Absa germani fratres iunctis ad Columnam exercitibus, ad urbem Moscam castra fecerunt: haud dubiè vrbe atque arce potituri, nisi Germani tormentorum libratores, magnam Tartaris cladem & trepidationem intulissent: quum Basilius absens per syngrapham Mahometi se perpetuò tributarium professus, quibusdam datis muneribus impetrarit, ut à Mosca discederent. Itaque Tartari onusti infinita præda, incendijs euastata regione, infinitam propè captiuorum multitudinem abduxerunt; sic ut Mosci, & in Taurica Turcis, & apud Citracam diuersis Caspij maris incolis venundati sint: neque Basilius postea tametsi quereretur se à Gyræis fratribus, qui bellum non indixissent, deceptum falsis inducijs atque oppressum, quicquam memorabile aduersus perfidos hostes gessit. Exinde Basilius Salamoniā vxorem tanquam sterilem repudiavit, & in monasteriū detruxit, superinducta Helena nequaquā primarij viri filia, & secundū Helenam, aliam minimè prioribus nobiliorem



nobiliorem ducturus videri potuit: nisi fama increbuisse Salamoniā intra sacra septa filium peperisse, qui in Principatus hæreditate succederet. Nec multo post Basilius bello semper infelix & semper sopes, graui oppressus pituita mortem obiit; his profecto repudijs infamis, & vti impotenter rapax, & nusquam liberalis aut benignus apud suos inglorius; hoc etiā ab turpi Ioannis patris æmulatione probro oneratus, quod à fœminis abhorre re diceretur, aliò scilicet translata libidine, quoniam inueterata consuetudine apud Moscos, more Græcorum, adolescentes amare fas esset; primores namque gentis, & cuncti equestris dignitatis ordines, honestorum ciuium liberos in famulatum sibi asciscere, militiæque erudire consueuerunt.

## I O V I I Iunioris

*Et si te nullis insignem fama trophæis  
 Basili sine laude per orbem,  
 At semper victum referet, semperque subactum  
 Horribili in certamine Martis.  
 Sarmata quum toties te fuderit, atque Gelonus  
 Obruerit tua castra sagittis,  
 Et tua Regna ferox pubes populata Scytharum  
 Te patria solioque fugarit;  
 Non ingrata tamen tibi se debere fatetur  
 Haud meriti immemor Itala tellus:  
 Nanque tuo nobis ignotos munere Moscos,  
 Et Scythici Borealia cæli  
 Regna aperis, Tanaimque truce, penitusque repostam  
 Perpetuis sub nubibus Arcton.  
 Sed quid Hyperboreos veterum mendacia iactat  
 Riphæo sub cardine montes?  
 Basili nobis cæcam tu discutis umbram.  
 Nos ideo pro munere tanto  
 Rite tuam effigiem Lari veneramur ad vnam;  
 Nomenque immortale sacramus.*

## Antonius Leua



EMO ex his qui seculo nostro ab Hispania in Italiam venerint, & post Magnum Consaluum aliquid præclari nominis militiæ sint consecuti, ipso Antonio Leua vel ingenio acutior vel illustribus bello factis præstantior euasit. Huic namque Nauarrus miserabili vitæ exitu clarus, facile cederet. Ingenti hercle virtute Antonius nusquam ferè vestigijs eius abscedente Fortuna, quod longe maximū in toto militari negotio semper existimatum est, frequentibus prælijs sæpissimè victor, & si fors iniquior victoriæ successum eriperet, nunquam victus videri potuit. Diuinè siqui-



dem prouidendo, & grauiter enitendo, hostium consilia præuerrere, & quæ iam apud eos parata essent atque instructa, præoccupare, aduersari orū immodicos conatus admirandis dolis eludere, & quum res posceret vehemen-



ti atque expedita manu infringere atque retundere didicerat. Quod enim mirum est nullo propè præeunte magistro, nullaque prorsus adiutus bellicæ educationis disciplina, & impiger miles & acer præfectus, improuisis & fortibus consilijs, celeritateque præsertim, Dux felix euaserat. Cæterum Antonius planè adolescens, & ut ipse nobis narrabat, adhuc imberbis, Sancti Martini patruī alæ equitum præpositus, anno secundo post secularem ea classe vectus in Italiam venit, qua Emanuel & Valentius Benauidij fratres, & duo Aluaradi pater & filius transuecti sunt, aduersus Gallos opem ferentes. Ipse genus ducebat è Cantabria, quæ vna omnium Hispaniæ Prouincia optimorum terra marique militum feracissima existimatur. Sed antea Antonius iusta in acie hostem non viderat, quàm egregiè & ad Gioiam aduerso, & ad Terranouam secundo prælio, illic constantis, hic verò maxime ardentis & imperterriti bellatoris laudem est consecutus. Interfuit demum

Rhauennæ



Rhauennæ Cardonij signa secutus, quo funesto prælio non ignominia, sed laudi fuit incolumem euasisse. Sic enim Cesennam se recepit, ut plerisque milites ex itinere conseruaret; atque ipse demum instaurata ala eodem Cardonio & Prospero Columna Ducibus, ad Cisalpinæ Galliæ bellum proficisceretur. Post mortem vero Iulij Pontificis, Leoni, Carolo Cæsari coniuncto, in expellendis Gallis operam nauauit, usque adeo diligentem & strenuam, ut iam inter summos Duces consilio perspicax, & manu egregie fortis haberetur. Ab hac fama iam planè clarum, ea quæ secuta sunt bella clarissimum fecerunt, quum obsessus Ticini à Francisco Galliæ Rege sese pertinacissimè defendisset; cum excidio quidem nobilissimæ vrbs, quum alendo præsidio, neque fortunæ Ciuium, neque templorum donaria, neque luculentæ domus excisæ deformatæque suffecissent. Sed hæc Ticinensium calamitatem, inexprabilemque inuictæ egestatis dolorem aliqua ex parte minuere visus est Rex ipse tanti nominis ingenti prælio victus & captus. Verum ad eam victoriam ad quam parandam Leua magnam eruptione sua momentum tulit; nequaquam pax allata est; scilicet ut alia orirentur bella, quibus fertilissima Italiæ prouincia militari licentia vastaretur. Nam quum Leua Cæsarianique Duces Sfortiam grauib; calumnijs implicitum apud Cæsarem maiestatis accusassent, & in arce obsedissent, consternati ad arma Italiæ Principes in vnum seruitutis metu consensissent, hostes ex socijs facti, longe omnium luctuosissimum bellum excitarunt, eo euentu ut Antonius Mediolani obsessus, multis secundis prælijs longe clarissimus ducum euaderet, existimaretque, neque humanis neque diuinis rebus esse parcendū modo decus suum & Cæsaris dignitatem tueretur, & stipendij loco singulas vrbes, singulosque earum ciues militibus immanissimè diripiendas concederet: ipseque imperiosus multis vndique partis victorijs terribilis atq; opulentus, aduersus tot hostes inuictus aduersa arma sustineret, & Sfortia per deditiōem eiecto, tanti Principatus Imperio potiretur. Sed Cæsar ad clementiora consilia conuersus, post captum Pontificem, atque eum iam euastata Roma carcere liberatum, Sfortiam restituit ea conditione, ut Antonius, tuendæ Italiæ Dux copiarum, deductis, & in Græciam Hispanis militibus missis, Mediolani relinqueretur. Nemo enim eo potior gerendo bello Cæsari videbatur. & quanquam euastante cunctos artus podagra non aliter quàm sella succollantibus seruis veheretur, nunquam Ducis munia, nunquam vllum militiæ laborem omisit, aut intermisit; utpote qui lectica in aciem illatus non semel cum hoste conflixerit; semel apud Landrianum fusus, captoque sancti Pauli Comite regiæ stirpis Gallorum Duce, & ad Caracam ad Lambrum flumen superato Iacobo Medice, qui cum Heluetijs auxilijs aduenerat. Ea Antonij authoritatis atque peritiæ opinione adductus Cæsar, ex Africa Tuneto expugnato victor rediens, ipso præsertim Leua authore, Galliæ bellum intulit. Qua in re nihil Antonio ægritudine affecto, & cunctis distorto articulis pepercit, quin eum secum in Prouinciā adduceret. Id bellum propter rei frumentariæ difficultates, & cœli inclementiam, secus ac putarat Antonius tractu durius, atque exitu asperius fuit; sic ut ille languore animi & dolore corporis oppressus, ad aquas Sextias in castris fato cedens, cum bellicis laboribus, tum ardenti gloriæ cupi-



ditati suæ finem imponeret, natus annos quinquaginta sex. Funus Mediolani adornatum insigni pompa celebratumque est.

PARTHENII Parauicini.

*Astus Annibalis, moræ sagacis  
Maturæ Fabij, impigrumque & acre  
Marcelli ingenium, celerque cursus,  
Et velox via Claudij Neronis  
Hæc si singula singulis pararunt  
Æternum decus, & perenne nomen;  
Quanto in me omnia quum simul Gradius  
Vnum contulerit, mage ipse Lethes  
Vndas despiciam, minasque fati?  
Quid quod mi attulit & novos honores  
Ac viuam effigiem meosque vultus  
Musæa Iouis domo dicauit?  
Nec non & titulis referta nostris  
Conscripsit monumenta docta, & omni  
Ære & marmoribus perenniora.  
Felicem effigiem, ò meos triumphos  
Hoc præcone ter ampliusque claros  
Ecquem iam mihi conferat vetustas?*

ANTONII Vulpij.

*Quum semper vincas, totis licet artubus æger,  
Consilio non vi, vincere Leua doces.*

RAINERII.

*Hic Leua est; Leua Hesperiae laus maxima terræ  
Qua Bætis tumidas in mare fundit aquas,  
Implicitus cunctis morbo artubus, horrida bella  
Artibus, & ferro, gessit & explicuit.*

ALEXAN.



LIBER VI.  
Alexander Medices  
FLORENTIÆ PRINCEPS.

319



**M**AGNO hercle singulariq; vti apparuit, aut insanè more suo, aut atrociter iocantis Fortunæ prodigio editus est hic, quē spectas thoracatū, transuersaque rubra fasciā Cæsarianæ factionis studiū ostē tātem Alexāder Medices, ad Etrusci Imperij fastigium ideo prouectus, vt inde grauiore casu interrupta felicitate præceps daretur. Hunc Laurentius iunior, qui Vmbriæ Principatus titulos affectauit, ex materna ancilla furtiuo congressu suscepit: Alphonso auia tenui cultu educarat, quū filius Laurentius fato ereptus ex vxore Bologna Regiæ stirpis masculam prolem minime suscepisset. Quibus de causis viuente Leone in subsidium pereuntis stirpis ita receptus est, vt Clemens demum Pontifex Etrusco dominatu dignum existimaret, quod Hippolytus patruelis ad tollendam æmulationem honorī sacre purpuræ destinaretur. Visus enim erat Alexander corpore atque ingenio habili tractandis armis aptior, quum Hippolytus viuide mentis acumen ostenderet, ad literarum studia para-



tissimū. Sed oppresso demū Cæsarianis armis, captoque Clemēte Pōtifice, in eo statim inusitata calamitatis turbine Florentini defecerunt; atq; ipsi Alexander & Hippolytus publico decreto Medicea domo exturbati, atq; in exilium acti sunt, ea conditione vt deserti mox & inopes in subalpino agro ad Taurinum aliquandiu vitam degerent, donec cōuersa Fortuna Pontificis, Hippolytus galero ornaretur, & Alexander iam pridem duobus, in Præcutinis oppidis donatus à Cæsare, in clientelamque receptus gener ascisceretur, & Florentinis demum longa obsidione perdomitis veteraque exutis libertate à Cæsare collato Principis titulo præficeretur. Verum is dominatus Clemente iam mortuo breuem atq; turpissimum exitum tulit. Nam Alexandrum sextum iam regnantem annum, & præclara iusti & constantis Principis argumenta præbentem, ita voluptates Venereæ sensim occuparūt, vt qui inuidioso Principatus nomine lætabatur, facilem sibi in necem aditum aperiret, tanta quidem socordia vt post insidias quas ei Hippolytus nefarie tetenderat, diligentissime vitatas, in alterius propinqui, familiarissimique sodalis inusitatā perfidiam incideret. Is erat Laurentius Medices ætate æqualis, sanguine coniunctus, nulla lacepsitus iniuria, & magnis affectus beneficijs, menstruaque stipēdij obstrictus liberalitate, qua maximè eius perfidiæ fama prægrauari potuit. Eum namque hic tam improbo quàm perfidioso promissi lenocinij nomine in domum suam suumque cubiculum & lectum facile perduxit, adamantæ mulieris aduentum mentitus, sic vt incautus atq; miserrimus Princeps à cæteris omnibus accuratè cauere solitus quàm ab ipso proditore, quem maximè diligeret, mactaretur. Intempesta namque nocte altè stertentem Laurentius gladio per costas adacto transfodit, propereque erectum, & acceptū vulnus acri morfu vindicantē, admouētibus manum duobus seruis quos induxerat, quinque vulneribus confecit, impetrataque facile à præfecto tessera publicis vectus equis Bononiam effugit, patriæ libertatis oblitus, occupante animū salutis cura, vt intactus euaderet. Nam qui liberatæ patriæ laudem appetisse videri volebat, nihil plus tanto admissio facinore effecisse iudicatus est, quàm vt Principe amicissimo nefarie atq; ignobiliter interempto, Cosmum ex priuato odio capitalē hostē suū, ad Etrusci Imperij potentiā quàm veræ virtuti fata promittebant, proueheret, & ipse demū publico Senatus iudicio damnatus, obiterque Venetijs angusto in calle trucidatus, parricidij poenas daret.

ANTONII Vaccæ.

*Post belli clades varias, & funera seuis  
Motibus Etruscæ civilibus edita terræ,  
Quum populos placida compostos pace tenerem,  
Per scelus agnati me perfida dextra nefandi  
Sustulit, & spes ille meas, spes ille meorum  
Atque suas omnes, & publica commoda fregit.  
Vsq; adeo pensi, & sancti nihil improba ducit  
Inuidia, atque atro mens dira agitata furore.  
Ergo iterum infectum civili sanguine ferrum  
Mæsta parens assueto malo Florentia vidit,  
Et luctu extenuata Ducem defleuit ademptum  
Aurea compositis meditantem secula rebus.*

F R A N



## Franciscus Maria Feltrius

Vrbinatum Princeps.



**N**emo magnorum Ducum elegantius & certius in tabula ad veram imaginem expressus est, quàm hic ipse Feltrius, qui his suis armis atque coloribus, hisque triplicis imperij militaris insignibus Titiani summi pictoris manu delineatus conspicitur. Is Ioanne Rouereo patre Senogalliae domino & Urbis praefecto, qui Iulij Secundi Pontificis germanus frater fuit, & Ioanna Federici Vrbinatum Principis filia genitus, adoptari in Feltriam familiam à Guidone Vbaldo auunculo, cui fata prolem dene garunt, & Principatus haeres scribi meruit. Sic ut vim atque expeditum robur paterni generis, & efficacem bello prudentiam, optimisque constitutam legibus bellicosae Feltriae domus disciplinam egregio temperamen-



to miscuisse credi possit, ut sese ad præclarissimum militiæ decus efferret, Adolescens namque ita tirocinij arma induit & exuit, ut penè prius quam miles, Dux summus patrui copijs præficeretur, eo bello quo Ceruia atque Rhauenna, & Ariminum, atque item Fauentia possessa Venetis, Pontificio Imperio sunt restituta. Nec multo post conuersis Iulij studijs bellum Gallicum est exortum per causam indicti Concilij, quo Pontificis autoritate funditus conuellendam impotens armis Rex Gallus susceperat. Eo bello Feltrius impar viribus à Triuultio summo Imperatore sic fusus est atque exutus castris, ut ipsa Bononia male tuente Alidosio Cardinale, Bentiuolis veteribus tyrannis traderetur. Non tulit contumeliam Feltrius animo generosus, atque inter deleti exercitus & amissæ vrbis dolorem Alidosium ipsum authorem tanti mali oblatum apud Rhauennam trucidauit. Quod facinus in sacratum hominem, quanquam ex eius malignitate non immerito, editum vsque adeo Pontificem alienauit, ut Feltrius Galli Regis auspicia se qui cogitaret. Verum in Iulio aliquanto post illa exardens ira deferbuit, quum post aduersum Rhauennate prælium Gallis Italia pulsus ingenti victoria potitus est, nec Feltrio veniam petenti studiosi suffragatores e Senatu defuerunt, quibus in gratiam Pontificis ita restitutus est, ut Pisauri dominatu indulgentia & liberalitate morientis patrui donaretur. Sed Leone decimo ad Pontificatum euecto contra ac rebatur multis de causis sæuum hostem expertus est, quum ille Laurentium fratris filium vel impudenti cum iniuria, Vrbinatum Principatu honestandum arbitraretur, quod tamen vel ab ambitiosa importunaque scemina Alfonsina Laurentij auidi iuuenis matre, nisi post mortem Iuliani Leonis fratris qui erat multis nominibus Feltriæ domui coniunctus impetrari potuit. Itaque Leo profana & sacra arma expediens imparatum immisso exercitu, cui præerat Rentius Ceres, tota Vmbria atque Pisauro expulit; non secus ac Borgia Cæsar Guidonem Vbaldum eiecerat. Verum Feltrius non multo post coactis in vnum validissimarum gentium auxilijs, quæ confecto Veneto bello à Gallicis ducibus dimittebantur, vsque adeo graui impetu quæ amiserat recuperauit, ut Pontifici & Florentinis magnum terrorem incuteret. Feltrio namque aderant & studia militum & Populorum voluntates, & ingens animus cunctis militiæ laboribus atque periculis par, quo Metauro amne pedibus superato, quum ipse Hispanorum ordines præiret, & propemodum armatus & pedes enataret, Pontificius exercitus triplo maior ad primum hostis conspectum reformidata pugna in diuersa se recepit. Exinde Pontificij nusquam ferè vti multis affecti incōmodis Feltrianos sustinuerunt, ac nisi Leo magnis propositis præmijs venales quosdam Hispanorum præfectos corrupisset, & Vgo Moncata Cæsaris nomine vniuersos ut Feltrium defererent induxisset, graue profecto vulnus Leo accipiens, pudendi & parum æqui belli pœnas lubisset. Eo modo proditus atque desertus Feltrius Fortunæ iniquitatē ea animi magnitudiue tulit, ut vbique Leonis hostes quæreret, exortoque Gallico bello ad Lotrechium se cōferret; apud quem alienæ virtutis præcepta fastidientē sic egit, ut ille neque manu neq; cōsilio ipsius Feltrij vsus Mediolanensi Imperio à Cæsarianis & Pontificijs pelleretur, Cæterum in ea victoria

Leo



Leo mortem obiens inexpectatam, Feltrio recuperandi dominatus occasionem dedit, propensissimaque hominum voluntate in Umbria tanquam legitimus & exoptatus diu Princeps receptus est. Hæc tanta bellorum incommoda eum usque adeo nauiter erudierunt, ut aucta & confirmata virtutis opinione ab ipsis Florentinis, qui dudum hostes fuerant, tum demum a Venetis summum militaris Imperij decus promeruerit. Veneti autem exercitus factus Imperator, uti tempora & prudentissimi Senatus mores flagitabant, veterem suum pugnacis ingenij ardorem salubri iustæ & cautæ grauitatis temperamento moderatus est, quum ei robustissimæ externarum gentium & inuictæ legiones sustinendæ potius cunctando, quam prælijs lacessendæ viderentur. Ita enim patres bina Liuiani temeritate cladeque edocti, Q. Fabio parem, quam M. Marcello ducem malebant. Existimabat propterea Feltrius, se satis fortem vereque utilem Reipublicæ operam laturum, si nihil amitteret, & nihil prælii aleæ qua vinci posset, subijceret. Ludificaretur hostis impetum, munitissima castrametandi ratione, & extraordinarijs prælijs; commeatu atque pecunia indigos perpetuo fatigaret; quum vniuerso prælio ubi opus foret certaturus crederetur. His artibus, contra ac aliqui existimabant, qui temerè externarum gentium vim contundi & superari posse putabant, summo ipsius præconio Italia omnis seruata est, partusque Sfortiæ, paternæ ditionis Principatus. inuecta etiam hac qua respiramus tranquilla pace, in qua Feltrius supremis cogitationibus nihil prius expetebat, quam ut in Turcas consensu Christiani orbis Regum iusta atque insuperabilia arma verterentur. Sed in hac honestissima cogitatione ereptus est, nō fato quidem suo, sed malignitate quorundam, qui ei venenum misceri iussisse referuntur; uti ex certissimis quæstionis tabulis, & tanti admissi sceleris confessione constat, quum hunc quem virtutis merito colimus Guidonem Vbaldum, non Umbriæ modo dominatus, sed militaris etiam apud Venetos Imperij hæredem reliquisset.

## ANTONII Francisci Rainerij.

Mars ense, clauam Alcides, dedit ægida Pallas  
 Et tibi celestium tela trifurca pater  
 Fulmina seu metuende manu, siue excutis ore  
 Pars stupet ut celeri coniicis illa manu,  
 Pars stupet altiloquæ domum immortale Mineræ,  
 Utque cohortanti defluat ore sophos,  
 His tu, & roboreæ perfunctus munere clauæ,  
 Vnde tibi æternum ab robore nomen erit,  
 Monstra domas, acies perrumpis, concutis vrbes,  
 Et latè vndanti flumine sternis iter;  
 Quum patrias sedes, fuis tot millibus antè,  
 Inuictis & repetis regna superba pede.  
 Dijs genite & geniture Deos, qui cuncta nouorum  
 Et veterum equiperas fortia facta Ducum.



ELOGIORVM  
 Andreas Grittus

Venetorum Princeps.



**N**ON rarum modò, sed prorsus admirabile intueri licuit in Andrea Gritto, qui nullo benigniore Fortunæ afflatu, sed vnus tantum inuictæ virtutis auspicijs Principatum adeptus est. Nemo siquidem ciuium æqualium suorum in ipso iuuentæ flore pulchrior: nemo quum vir esset & Senator, staturæ proceritate habituque oris & membrorum amplitudine cellior atque formosior fuit: nemo quum perpetuis ferè bellis legati functus munere periculosa arma tractaret fortior, vigilantior atque constantior fuit; sic vt postea mirum non sit quum vniuerso bello victor de restituto patriæ Imperio, non curru quidem laureato, sed opinione ciuium & studio gratissimi Populi triumpharit, si meritum decus supremumque in ciuitate titulum meruerit. Effectus verò Princeps, & suis insignibus exornatus



natus eam oris & personæ dignitatem prætulit, vt omnes faciliè faterentur incomparabilem æqua magnitudine corporis & animi, atq; omnium bellica, tum ciuili virtute extra inuidiam eminentissimum ciuem, supremo tanquam debito titulo fuisse honestatum. Cæterum Grittus qui vniuerso bello victor extitit multis aduersis prælijs infensæ Fortunæ suæ casus vsque adeo constanter tulit, vt rediuiua semper virtute, seipso maior & clarior appareret. Abduana nanque acie, qua nulla Veneto nomini funestior incidit, quanquam profligato cæsoque exercitu effugisset, nihil tamen animum despondens maximo Reipublicæ commodo. Taruisium conseruauit; amissumque fœdè Patauium felici astu summaque virtute recuperauit, atque aduersus innumerabiles Cæsaris copias defendit. Brixiae autem quum eam urbem Dñs inuitis tueri conaretur, ea capta atque direpta à Foisseio Gallorū duce in eius potestatem ita deuenit, vt in Galliam vltiorem carcere seruandus mitteretur. Conuerso verò ciuitatis studio quum Veneti Gallis propter Hispanorum & Germanorum offensiones fœdere se coniunxissent, Nouariensi prælio dum rediret è Gallia spectator fuit; sic vt vix ei elabendi spatium daretur, quum Heluetijs Sfortiæ operam longè fortissimam nauantibus Gallorum exercitus concisus & profligatus fuisset. Vicentina porro acie qua temeritate Liuiani graue vulnus Venetis est inflictum, ita victoris hostis manus effugit, vt Vicentiæ obserata porta in murum funibus extraheretur. Nouissimè apud Mediolanum quum Piscarius cum Hispanis per suburbana tecta in Gallica & Veneta castra perrupisset, capto iam Theodoro Triuultio, qui Veneti exercitus erat Imperator, Grittus paruo equi flexu è manibus hostium euolauit, deducuntibus eum per obliquos tramites Græcis equitibus. Verum qui toties à Fortuna male mulctatus fuerat, supremæ victoriæ, & Principatus compos extitit, Grimanoque succedens præfuit Reipublicæ annos vndecim, octuagenarioque maior quum Fascolorū scutellam appetisset, obortis torminibus vita excessit.

## ADAMI Fumani.

*Vt vigili doctoquæ ratis simul aucta Magistro est  
Vndique vt aerij verrant freta cærule venti,  
Nec ventos, validasue timet secura procellas,  
Credere sed pelago, ac magnis se fluctibus audet.  
Sic Duce te vrbs prognata mari, sic Principe Gritte  
Bellorum vt sciret magnos instare tumultus  
Bellorum metuit nullos interrita casus,  
Sed Martis dare se magnis cita motibus ausa est.  
Vt ratis illa eadem docto si cassa Magistro est  
Vt nulli nusquam turbent freta cærule venti  
Et ventos validasque horret male firma procellas  
Credere nec pelago, aut vllis se fluctibus audet:  
Sic Duce te vrbs bone Gritte, eadem sic Principe cassa  
Bellorum vt videat nullos instare tumultus  
Bellorum metuit cunctos exterrita casus.*



*Nec dubijs dare se Martis cita motibus audet,  
 Ut gregibus Tauri, turres ut mœnibus altis  
 Sunt decori, ut pelago naues cingentibus undis  
 Sydera uti radijs internitet aurea Phœbe;  
 Sic tu, sic Venetum imperij dum sceptrâ gerebas  
 Notus eras Procere inter bone Gritte superbos  
 Corporis eximia specie, virtute, animisque.  
 Nostratum, ô salve Heroum ter maxime, tu nunc  
 Et nostra posthac semper celebrabere Musa.*

P E T R I Aluari Romani.

*Magnanimi inuictique Andreae picta tabella  
 Quam cernis Gritti continet effigiem.  
 Hic seuam toties Fortunam expertus in armis  
 Fortunam intrepido pectora sustinuit;  
 Mox pia se ad pacis conuertens munia, summos  
 Pacatæ titulos promeruit patriæ,  
 Consilioque graui labefactam restituit rem  
 Et Veneti fines protulit Imperij.*

## Iacobus V. Scotiæ Rex.



**S** T V A R D A E familiæ quæ Danicæ erat stirpis vsque à Sa-  
 ladini Syriæ Regis tēporibus, Scotiæ insertæ, quinque Re-  
 ges, serie nihil intercisa, eodem nomine ad exemplum Aeg-  
 ypti Regum solis discreti numeris in Scotia regnauerunt.  
 Constat enim Macolmum qui Rex in Scotia animi virtute  
 memorabilis fuit, Valterium nobilem pariter atque impi-  
 gram Ducem oriundum è Dania, virtutis causa ad Stuardi dignitatem eue-  
 xisse. Quod in Syria insigni fama aduersus Saracenos Christianis in castris  
 militasset. Eorum siquidem lingua Regij conuiuij magister Stuardus appel-  
 latur: quod nomen postea in familiam transierit; quod profecto inauspica-  
 rum quinque Regibus fuit. Nam primum huius nominis Iacobum Stuar-  
 dum superbè regnantem coniurati familiares in cubiculo trucidarunt. Se-  
 cundum autem hostile castellum incautius oppugnantem, diffracti ænei tor-  
 menti frustulum interemit. Porro tertius à parricida filio ad Sterlingum iu-  
 sta acie superatus atque interfectus cecidit. Quartus verò huius pater, quū  
 absente Henrico Angliæ Rege, atque in Morinis aduersus Gallos bellum  
 gerente, Angliæ fines inuasisset, à Surreio Britannorum Duce ad Floddon  
 magna clade Scotis obrutis occisus est; superstite hoc Iacobo puero atque  
 in Regni spem educato. Erat is natus è sorore Henrici Regis, quæ cœlebris  
 pertæsa thalami non diu in tutela filij permansit, quum Guliermo Angosio  
 equiti Scotorum formosissimo nupsisset. Cæterum puer à nutricijs cum  
 summa fide liberaliter educatus, uti erat forma insigni, Magdalenam Fran-  
 cisci



cisci Galliae Regis filiam in matrimonium duxit Sed non multo post eam, nulla suscepta prole amisit, sic ut iustis funeri persolutis, suadente eodem Francisco Rege, nuptias faceret cum Maria Claudijs Lotharingiae Principis fra-



tris filia. Hæc erat ex Andegauensis Regiæ familiæ stirpe orta, quæ veterum Prouinciæ Regum propinquitatem, & Neapolitani Regni iura respicit. His nouis nuptijs non diu lætatus est Iacobus, quum suscepta filia usque adeo leui morbo succubuisset, ut nonnulli veneno sublatum arbitrarentur; postquam deceptis medicis, qui validissimis iuuentæ viribus polleret, per interualla morbi concidisset; ut uxori acria bella à finitimis Anglis sustinenda relinqueret; appetente filiolum sibi in nurum Hernico Rege, ut ea cognitione Odoardus filius ex Ioanna Semeria suceptus, Angliæ simul & Scotiæ Rex efficeretur. Quæ res quum multis artificijs & machinationibus Anglorum tentaretur, & Dauid Conerus Cardinalis Scotus perfidia Normandi, & Ratunij comitis esset interfectus, atrocissima adduxit bella, quorum exitus fuit ut puella cum matre vidua in Galliã classe transuecta Anglis connubij spe præcideret, & ab Henrico Galliae Rege eius stirpi inferenda seruaretur;



*Si Rex, si iuuenis miserandum funus obiui  
 Quid doleo? minimè; quippe Iacobus eram.  
 Hæc pater, hæc atavi subierunt fata Iacobi,  
 Tam dira infelix omnia nomen habet,  
 Vt minus infelix hoc tantum exulto, Iacobus,  
 Heres nullus erat tunc mihi dum caderem.*

## Vincentius Capellius

Venetæ Classis Præfectus



**H**OC splendido thorace & purpurea trabea conspicuus fuit Vincentius Cappellius, quum apud Actiacum promontorium Ambracij sinus, coniunctis cum Auria classibus, cum Barbarussa prælio certaturus crederetur. Is ab initio æquè grauis & fortis Senator, propter maritimarum rerum peritiam, acre & constans grauissimis in rebus iudiciū cum singulari vigilantia cōiunctum, facile promeruit, ut summus classis præfectus crearetur, & tum maximè quum aduersus Barbarussam Othomannicæ classis Ducem, abrupta vetere pace, foret dimicandum. Veneti siquidem Carolo Cæsari inauspicato fœdere coniuncti consociatis classibus, contra veros hostes arma vertenda censuerant, tanta spe victoriæ, ut Barbaros tota maris possessione se depulsuros crederent; quâdoquidem ipse Andreas Auria cum Cæsaris classe primas in committenda pugna partes deposceret, seque ostensurum profiteretur quanto validiores, & ad rem gerendam paratiores Christianæ disciplinæ triremes Barbaricis forent, quæ nouo rudique remige, & non magnopere peritis gubernatoribus vterentur; præter quàm quod numero etiam multo plures essent, & in quo victoriæ certa spes sita videretur, ingentium etiam nauium præsidio confirmatæ; ad quæ scilicet præalta nauigia instructissimæque tormentis, tanquam ad Castella sese recipere posset, in omnem hostilis audaciæ vel turbati maris casum. Erant enim in vtraque classe Cæsariana & Veneta triremes rostratæ centum triginta quatuor; onerariæ autem naues septuaginta tres præter tres ingentes Galeones stupendo tormentorum apparatu instructos. In nauigijs porro quæ Carthesia in malis ferrent, & velis tantum agerentur, imposita erant circiter decem milia delectorum peditum Hispanici præsertim & Italici generis. His Valerius Vrsinus, illis Ferdinandus Gonzaga præerant. Quibus classibus à Corcyra in Ionium eductis, tanta exorta est apud nostros alacritas pugnandi, tantusque iniectus Barbaris metus, ut Barbarussa inspecta classe nostra Ambracio sinu inclusus nequaquam his arctis faucibus quæ sunt ad Nicopolim quam Preuesam vocant, egressurus crederetur; quod non amplius quàm octuaginta Triremes rostratas, & sine rostris quadraginta biremes haberet, nec peritissimus senex suarum conscius virium paruipendenda maiora nauigia tot instructa tormētis existimaret. Sed nostri qui in conspectu

Nicopolitanæ



Nicopolitanæ arcis prodierant, inexplicatis consilijs ita hæserunt, vt quum frustra elicere hostes procurfatione conati essent, Ferdinandus Gonzaga exponendum esse peditatum, & Nicopolim quam paucis ante diebus Grima-



nus Patriarcha fauces ingressus cum Pontificijs triremibus expugnare frustra adortus fuerat, omnino aggrediendam, atque expugnandam censeret; & è terrestri demum sinus supercilio Barbarorum classẽ tormentis inuadendam arbitraretur. Ea res apud quosdam probari non poterat, quod dubium euentum habitura videri posset, si post expositos milites aliqua sæuior incideret **procella**, quæ seruandam classẽ, desertisque militibus in tutam stationem **reducendam** ostenderet. Quid enim incommodius & asperius pediti relicto accidere posset, quàm vt ab equitatu qui Grimanianos in mare cum cæde propulisset, opprimeretur, simul & a classiarijs Turcis inuaderetur; quum nullo desertus in terra classis subsidio protegi posset? Itaque Auria quum ad eum Cappellius scapha vectus ad puppem prouheretur, peteretque quid sibi agendum foret, & se promptissimam operant



vti iuberet præstiturum polliceretur: ei totius studij & alacritatis gratias egit, & vt suo ordine consequeretur admonuit, classemque ad Leucadis promontorium direxit; ratus aut Barbarussam faucibus egressurum, præliique committendi occasionem præbiturum; aut si cessaret, & sinu se contineret, vti metu occupatus, vetere existimatione gloriæ naualis spoliaretur. Ipse vero superata Leucadis Insula, quæ Nerithos olim, hodie sancta Maura dicitur, ad Naupactum descenderet, totumque sinum à dextra læuaque ferro & incendijs deuastaret. Sed magno miraculo portentoque, ventus qui ad cursum erat secundus ita flare desiit, vt vela nauium dudum plenissime inflata conciderent, tantaque oriretur malacia, vt si rostratæ nauigio vti velent, necessario onerariæ immobiles essent relinquendæ. Hac inopinata re, sicuti Auria & Cappellius vehementer sunt perturbati, ita Barbarussa occasione suæ non defuit, classemque faucibus mira celeritate eduxit; primumque omnium, sinistram litus apprehendit, obuersis ad terram puppibus, vt si quid durius ab hoste accideret cum è littore, tum ex nauibus decertaret, tanquam nullam omnino maiorem, quàm nauium, seruatīs cum remige propugnatoribus, iacturam facturum. Verum quum nostros nouitate obortæ tranquillitatis præditos, consilijque prorsus inopes, magnarum nauium fluctuantem classem circumire, nec se expedire ad pugnam conspiceret; in eos directæ suæ classis acie inuectus est, quum ipse mediam teneret aciem, & hinc, Sinas cognomento Iudæus, & illinc, Saleccus archipirata illustres præessent. Tanta autem perturbatione omnium tantoque tormentorum strepitu res eo die nostris infausto acta est, vt nullo nobili congressu cæpto dissipati in fugam verterentur, & Barbarus obstupescens nostrorum ignobilem trepidationem cum risu demum conuersas in fugam puppes contemplaretur, ipse duas interciperet triremes, & nauigia nostrorum maiora circumducta corona triremium diu tormentis verberaret; atque interim recentissimo oborti euri flatu incomparabili Fortunæ beneficio è manibus Turcarum nostra classis eriperetur: quam ingruente nocte minime persequendam Barbarussa iudicauit, quum singulari hercle suo, nostris verò parum felici spectaculo lætaretur, maximeque rideret quòd triumphatoriarum lumina ignobili exemplo abiecta esse conspiceret; tanquam ea ab extremo pauore vltro extincta fuissent. Capellius atque Auria continenti cursu Corcyram peruenerunt, quum nullus omnino præ pudore locus mutæ consolationi esset relictus, & eos postridie ad Paxam vsque Insulam hostis esset persecutus. Tum enim non obscure ad mutuam ignominiam obrectantes, de inuadendo Dyrrachio frustra consultatum est; vt infamia quoquo modo sarciretur communi consilio Castrum nouum in Rizonico sinu expugnarunt; neque quisquam eorum culpam pudendi euentus nisi perplexè reiecit, vti ab vtroque opportuna Historijs nostris percunctatione didicimus. Cæterum Cappellius multis argumentis vti erat apprimè facundus nominis sui famam egregie defendit; agensque quartum & septuagesimum ætatis annum, integra apud ciues dignitate fato concessit.



## IOVII Iunioris

*Classē in Leucadij fluctibus æquoris  
 Instructam Veneto milite viderat  
 Latam verrere Pontum  
 Nimborum Pater Æolus;  
 Iræ quum veteris conscius asperæ  
 Iunonis, miserum in Dardanidum genus,  
 Leni murmure ventum  
 Spirantem, Æolio in specu  
 Inclusum tenuit. Quæ celeri modò  
 Lapsu vix pelagus contigerat ratis  
 Auræ flatibus acta,  
 Et remo inuolitans leui;  
 Nunc immota iacet per freta languida;  
 Tum classē implicitam, lapsaque Carbasa  
 Risit Barbarus hostis  
 E fluctu Ambracij sinus.  
 Contra seua Deum fata CAPELLIVS  
 Ibat. præda (nefas) militis impij,  
 Ni Classē inferat Eurys  
 Seruatam ad patrium mare.*

## Franciscus Borbonius

Anchianus Gallorum Dux.



EMINI huius seculi procerum, natalibus ac honoribus in  
 signi petulantius ac acerbius illudit Fortuna, vti lubrico  
 suo vestigio semper incerta & insolens, quàm Francisco Bor  
 bonio cognomine Anchiano. Hunc enim natura maximè  
 decorum fecit; Regij sanguinis domus totius Galliæ no  
 bilissimum edidit; gratia autem Regis vsque adeo extulit,  
 vt penè prius Dux quàm miles in castris conspectus, imperatorijs insignibus  
 ornaretur; eique demùm Laureã triumphalem ætati eius intemperanter indul  
 gens, & plena doli Fortuna tribueret, quum ad Ceresolã ipsius Dauali Vastij, tã  
 ti atq; inuicti nominis Ducis profligato exercitu, trucidatisq. Germanorũ le  
 gionib. incomparabilem & planè nouã de Cæsarianis copijs victoriam retu  
 lisset; subindeq. obsessio Cariniano iuxta Padũ oppido, & ex lōga pertinaci  
 que obsidione perdomitis fame Hispanis atq; Germanis victor extitisset. Sed



Anchianus his rebus quæ præclaræ memorabilesque fuerant, cum insigni gloria gestis, quum ad Franciscum Regem in Galliam redisset, ut eius victoriæ gratulationibus apud suos frueretur, impetraretque præmia militi-



bus suis, qui maximè eo prælio strenuè dimicassent, fortè ex consuetudine gentis alacritateque aulæ, ludicrum institutum est spectaculum, quo oppugnati defensionisque oppidi simulacrum edebatur. Ea contentio militaribus armis instructa prouectaue ardentius, ut maior illustribus sceminis voluptas pararetur, eum habuit exitum, ut ipse Anchianus florentissimæ iuuentutis Princeps dum scalam apponit, & per eam audacter subit, temerè pro uoluto à defensoribus prægravi cophino ex scala deturbaretur, nec multo post luxata ceruice con fractoque cerebro idem modo felicissimus & puncto temporis miserrimus lugente Populo con clamatus expiraret; Ita ut quæ nuper armatæ Cæsaris phalanges, pugnantem superare nequierant, miserabili in ludo per iocum sterneretur. Hoc tam funestæ commiserationis exemplo iuuentus per se feruida, periculique omnis facilè contemprix,



vt cautius & temperatius contentiosis spectaculis vacaret, admoneri potuit; quum plerique dictum Othomomni Gemis ad memoriam reuocarent. Is enim quum Romæ in libera custodia apud Alexandrum Pontificem seruaretur, eumque humanitatis causa Ascanius Sfortia ad equestres ludos deduceret; interrogatus, an ea nostri moris spectacula in quibus nobiles cataphracti hastis inter se concurrerent, & sæpe excussi ephippijs solo deturbarentur, ei placerent, vir grauis responderat, Inanem esse, gloriosam, penitusque fugiendam, quæ tanto vitæ periculo à nostris peteretur. Propterea Turcas suos omnino sibi prudentiores videri, qui non per viros nobiles & fortes milites, vti nostri, huiusmodi spectacula ad voluptatem populis concessa, sed per seruos in quibus si casu affligerentur, aut perirent, minima esset iactura, edere consueuissent.

## R A I N E R I I.

*Aspice quem Regno subnixum Regia proles  
 Flagrantem armorum laudibus extulerat.  
 Hoc duce magnanimi cecidit vis bellica Vasti  
 Germani & toto procubere solo,  
 Gallica tum latis se sustulit aurea pennis  
 Gloria, fame avidi laudibus Anchiani,  
 Inuidit Mars, & iuuenem simulacra cientem  
 Martia, nube caua texit, & eripuit.*

## Carolus Aurelianus

Francisci Regis Filius.



AROLVS Aurelianus è tribus Francisci Regis liberis postremus hoc prominente naso ingenuisque oculis & roseo colore paternæ similitudinis, atque item liberalis splendoris & bellicæ virtutis specimen referebat. Huic lustrico die ad Christiani baptismatis fontem Abdenago nomen fuit, imponente id Ioanne Despachio Heluetiæ gentis legato, qui ad confœderandam sacro eo vinculo priorem amicitiam, cõpatratus honore fungebatur. Repetebat autem id nomen ex Mosaica Historia, quod trium ibi puerorum ex camino ignis ardentis Deo magno laudes psallentium & euadentium postremus fuisset Abdenago; non admodum in falsa comparatione Regionum liberorum, qui pariter Deo magno cordi forent, sicuti illi ab incendio magni numinis misericordia seruati fuissent. Sed huic bono alioquin omini religiose concepto felix euentus defuit. Nam sicuti primum nomine Franciscum, vti erat titulo Delphinus destinatum Regno iniqua fors fati, ingruente in Prouinciam hoste Cæsare apud Auinionem sustulerat, ita hunc quoque, ex pestilenti morbo appropinquata dies atra surripuit; eo grauiore Francisci patris dolore, quod bello



Belgicō triumphalis Laureæ decus promeritus, pace demum cōfecta, apud urbem Sueffionum certo fœdere sponsaliū Cæsari gener ascisceretur, cui Cisalpinæ Galliæ Imperium Augusta liberalitate esset cōcessurus, vt ex ea tan-



dem Mediolanensis dominatus controuersia renato toties bello, exoptatus cunctis Europæ gentibus finis imponeretur; ob id aliquanto grauior & luctuosior Insubrum quàm Galliæ populis Caroli mors fuit, quando hi qui summæ spei iuuenem amiserāt, superstitē atq; incolumi Henrico Delphino, vel immaturū fati iniuriam æquius ferrēt; illi verò grauissimis bellorū & tributorum incommodis afflictī, & à Cæsarianis militibus inclementer expilati, tota spe pacis & speratæ tranquillitatis, puncto temporis decidissent.

IVLII Iouij.

*Te fera mors Carole eripuit florentibus annis  
Insubriæ Cæsar dum tibi regna parat,  
Illa diu extinctum ingemuit, te sospite, nam se  
Crediderat tantis posse carere malis.  
Insubriæ, & Gallis raperis, maiora sed illi  
Damna tulit, mæste mors tua quàm patriæ.*

A L F O N



## Alfonfus Daualus Vastius.



**Q**UONIAM honestissimo præcellentis & meritæ laudis præconio te ornauerim Alfonse Dauale, idem mortalium formosissime & fortissime Ducum, qui cunctos seculi nostri triumphales Duces magnitudine animi, & perpetuo immensæ liberalitatis splendore superasti: unde hoc vnum tibi peculiare decus paucis concessum aut usurpatum compararis, scilicet vt post deuictos hostes humanitatis & pietatis iura tueri, totius elegantiae studia prouechere, subleuare virtutem, ingenia fouere, & clementiae laude potiri, nec obiter quenquam vel hostem diu miserum esse pati condisceres. Quod si naturæ tuæ absolutæ virtutis amore deflagranti, vt tantum posses quantum velles Fortuna tribuisset, iam plerique magni Reges infra gloriæ tuæ gradum positi conspicerentur. Hoc facile nos singularum prope actionum tuarum vel bello vel pace præclari testes, existimare, & cæteris



confirmare possumus, ex religiosa historiarum fide quas freti conscientia integri pudoris, cum viuis ad oblectationem tum posteris ad exemplum edidimus. Quo sit ut huius seculi iocundissimum Etrusci carminis vatem non omnino fabulosum existimari velim, qui te Dauale Heroem atque alterum propè Herculem æternis fortasse carminibus fecit, quum ex lepidissima fabula monstrum horribile & truculentum quod immanis auaritiæ nomen ferret, in Europa natum, dirisque dentibus & pestilenti habitu obuia quæque vastantem decantaret; ad quod opprimendum honestissimi quique atque fortissimi iniustitæ palmæ decus quærentes vndique concurrerint. Sed plerique eorum usque adeo feri monstri aspectum reformidantes ita hæserunt, ut in id eminus tantum iacula contorquerent, congressuque pauentes abstinere, donec superuenire tres indytæ virtutis impauidi bellatores Leo scilicet decimus, Maximilianus Cæsar, atque ipse magnanimus Galliarum Rex Franciscus. Hi namque vno tempore immanem belluam adorti, impotenter reluctantem præaltis vulneribus confauciarunt; sic tamen ut ea cruento rictu resurgere posse videretur, nisi opportuno superuentu Daualus auratis in armis conspicuus Heros adacto per vitalia vehementi mucrone confecisset. Quod hercle insigne spoliū de monstro tanquam de subacta auaritiæ rabie fortiter relatum inter tot tua Alfonso maiorumque tuorum domestica trophæa, quæ de victis captisque Regibus penates tuos exornat, nobilior, & ad famam quoque perennius erit. Sed Daualum tantis præditum virtutibus, Fortuna auctæ felicitati, & crescentibus honoribus semper infesta vehementissime perculit, quum ad Ceresolam ei speratæ victoriae decus eripuisset, egregie ex aduerso vincentibus Gallis; unde illi non toto vertente anno ex non dubio indignantis animi dolore maturatus sit vitæ exitus. quintum siquidem & quadragesimum agens annum in secessu Viglebani oppidi podagra vexatus excessit e vita; nulla alia re prorsus felix quam vetere sua gloria, & liberorum summæ spei conspectu, fidelibusque Insuorum lachrymis, quum intempestiue bono publico ereptus tumularetur; qui moderatè ac humaniter, quantum sæua tempora tulerant, auspicijs Cæsaris imperasset.

## FAERNI.

*Destituti flete ciues magnum Vasti Principem,  
Deplorate raptum vobis præsidem iustissimum  
Luctuosa triste funus prosequentes nenia.  
Ille vestra semper auxit ciuitatis commodas;  
Ille ius & æquitatem conseruauit publicam;  
Inque sæuis sæpe bellis sospitem urbem præstitit.  
Quare mæsti flete ciues magnum Vasti principem,  
Deplorate raptum vobis præsidem iustissimum  
Luctuosa triste funus prosequentes nenia.*

## PARTHENII Parauicini.

*Siste gradum sacrique hospes decora alta sepulchri  
Et molem ingentem, spolijsque insigne trophæum*



*Haud mortale opus, & manes venerare beatos.  
 Ipse olim celebres Vasti dum solueret umbris  
 Inferias, meritoque ducem decoraret honore  
 Armipotens, Libyco, Galloque ex hoste recepta  
 Hæc spolia, hanc magnis sacrauit manibus aram.  
 Tunc etiam perculsa graui Bellona dolore  
 Turbatasque effusa comas Tritonia virgo  
 Funebrem ad pompam, exequiasque ingentis alumni  
 Conueniunt, & Martis opus dignumque laborem  
 Concelebrant, lustrantque rogam donisque parentant.  
 Tum lectos urna cineres iam rite peractis  
 Exequijs, pariter suprema voce salutant.  
 Inuicti, o cineres, quis hæc hactenus incluta virtus  
 Ausonia enituit, longe victura superbas  
 Pyramidas fama, hæc vobis monumenta dicamus.  
 Aeternamque aram, vobis decora omnia belli  
 Cedimus, & nostros iam nunc largimur honores,  
 Hinc igitur cæco bellorum vrgente tumultu  
 Ductores responsa petant, huc hoste fugato  
 Sacra ferant, prædas, atque arma hostilia figant,  
 Vestraque votinis placent sibi numina donis.  
 Hic pulchra virtutis honos, hæc præmia sunt.  
 Hæc Mauors, comitesque duæ, pullatus Apollo  
 Excipit, & mæsta Aonidum cingente corona  
 Flebilibus reperit numeris. mox numine dextro  
 Ferrea concordēs voluerunt stamina parca.*

## Henricus VIII. Angliæ Rex.



VIXIT socios (vt Poetæ fecerunt) Circæis illecebris infe-  
 ras mutatos quisque facile crederet, qui Henricum Octa-  
 uum Angliæ Regem nouerit, & tragœdias eius aulæ, vasta-  
 tique Britannici Regni incommoda perspexerit vel audi-  
 erit. Nemo siquidem ætatis nostræ Regum aut forma cor-  
 poris spectatior, aut alitudine eruditi ingenij nobilior, aut  
 opum & virium magnitudine validior, aut denique (quod virtutis atque  
 fortunæ munus est) amplissimis victorijs clarior atque celebrior fuit. In  
 Gallia Gallicum nunquam ferè antea victum fuderat equitatum, & validis-  
 simas vrbes in Morinis & Neruijs ceperat. Scotos se absente, & in conti-  
 nenti transuectis copijs bellum gerenti, Angliam adoriri ausos per Surrei-  
 um Ducem ad Floddum interfecto eorum Rege, ad internitionem totius  
 propè nobilitatis profligarat, & cum magna gloria præclaræ pietatis Iulium  
 Pontificem Gallorum oppressum armis euexerat, Clementemque item, ne-



fario impetu Cæsarianorum militum post euastatam Urbem captum, prius armis adiuuerat, sic ut inter Reges belli & pacis grauissimus disceptator, & arbiter haberetur. Sed malo quodam fato inuasit demum tam nobile, ran-



tisque naturæ, atque fortunæ bonis cumulatam & illustre ingenium pestilens Erynnis inferorum excita sedibus. Insano namque amore Rex ita percitus est, ut Catherinam uxorem quæ Ferdinandi Hispaniæ Regis filia fuit, ipsiusque Cæsaris erat matertera, repudiaret, ut Bolenia adamata in maritalem thorum duceretur. Verum hanc adulteri & incestui ream, mortuam Catherina, carnificis manu decollari iussit: ac tertio loco lectissimæ pudicissimæque Semeræ Anglici sanguinis, regius thorus paratus est. Hac vero ex difficili puerperio enecta, Cleuensæ Sicambrorum Reguli sororem quarto loco duxit. Postquam etiam repudiatam, quod ad genium intentæ libidinis minimè respondiisset, Hauardam Surrei victoriæ Scotica indytem duxit, quam postea quibusdam veteris impudiciæ criminibus circumuentam, capitali affecit supplicio, ut Parix quanquam viro orbata sexto connubio iungeretur. Verum hæc tanquam leuia Regiæ libidini & voluptati



ptati condonari posse credebantur, nisi tot repudijs, vxorumque cædibus Rex infamis à maiorum religione defecisset, Phiserio & Moro summæ virtutis & sanctitatis proceribus, qui sacrorum antiqua iura ardentissimè tuebantur, crudelissimè trucidatis; quorum hic erat Epistolarum magister, ille verò à Pontifice in senatum lectus. Nec multum inde insania sua præceps, in inuidiam atque odium Romani Pontificis, qui primæ atque legitimæ vxoris repudium seuerè fuerat detestatus, in templa grassari cœpit; donaria, vasaque sacrata, antiquitus altaribus dicata sustulit, & conflauit, Cœnobيا euertit, sanctissimorumque martyrum ossa & cineres sepulchris eruta, in Thamesim amnem, aduehenda in Oceanum proiecit. Impotenter quoque sacrorum effectus Princeps, sacerdotiorum redditus & latifundia in fiscum redegit, promulgauitque leges, quibus cuncta vel diuini vel profani iuris ad arbitrium reuocaret. Nec satis erat multorum opes occupare, nisi inauditam cogendi auri atque argenti sitim humano cruore restingueret. Sustulerat namque nobilissimos equestris ordinis proceres, quum modo auaritia inexplebilis, modo feruidiæ libidines, modo ex scelerum iniurijs parta odia perpetuam accusationum & damnationum materiam suppeditarent. Itaque paucissimis annis, secus ac antea fuerat, irritata tigride sæuior efferato lupo rapacior, fœta læna rabidior, & siti exusto dracone virosior euasit. Neque vllum omnino cœleste numen repertum est, quod hæc latè serpentina malâ compesceret, aut vindicaret. Magno quidem humanorum votorum ludibrio, vel propterea quod immanibus eius consilijs singuli rerum euentus secundissimè responderent. Supremo namque bello Gallico post Hyberniam Insulam rebellantem, armis perdomitam, Bononia vrbe ad Oceanum fortiter expugnata sit potitus, & hunc quem è Semeria susceperat Edoardum filium, Regni hæredem reliquerit, quem ex indole ingenij specieque oris Regale decus præferentem spectas eadem in tabula iuxta patrem scitè pictum. Hunc Dñ Deæque omnes seruent si paternæ virtutis potius quàm sæuitiæ atque impietatis æmulus esse velit: Cæterum Henricus septimum & quinquagesimum agens annum Gangrenæ morbo, qui sinistra crus atrociter exederat, postridie Calen. Februarias succubuit, puero auunculum Semerum relinquens.

## LAELII Carani.

*Clara velut magnum cognouit Roma Neronem,  
Asperitas cuius maxima in orbe fuit,  
Secula sic Regem aspexerunt nostra Britannum  
Qui pietatē magis splenduit atque magis,  
Attamen hoc fatear Nero, te superasse Britannum  
Crimine, quod diuos temnere non timuit.*



ELOGIORVM  
Piratæ Tres Turcarum

INCLYTI Nominis

HORVCCIUS.



**T**RIBVS his tabulis ad veram effigiem repræsentantur duo Mitylenæi fratres Hariadenus & Horuccius, quibus idem Barbarussæ fuit cognomentum, qui magna vi corporis atque animi ex Lesbo insula piraticæ operam nauantes, & terra marique famam nominis fortiter atque feliciter extendentes, ad magnas opes, atque inde ad regale demum fastigium in Mauritania conscenderunt. Cæterum Horuccius terrestribus potius copijs, & nobilioribus ausis inualuit, quàm nauali disciplina, quam penè totū Hariadeno



Hariadeno fratri reliquerat, postquam ad Bugiam Numidiæ urbem dum arcem oppugnaret, tormenti ictu dextram amisisset. Non demisit tamen in ea calamitate animum, ut qui ferrea manu ad cubitum religata cum Numidis & Mauris regulis continenti bello sese vehementer exercuerit. Verum eius conatus qui toti propè Mauritaniæ usque ad Tremisenios & Fessanos Reges maximo fuerat terrori hunc tulit exitum, ut ab Hispanis equitibus qui Tremisenio Regi auxiliares aderant equestri fusus prælio interficeretur, nequicquam longissimo cursu fuga per arenosas solitudines extenta & effuso passim auro, ut persequentes distineret. Per hunc modum Hariadeno Algerij Regnum celsit. Is quidem par Horuccio fratri cum animi magnitudine, tum immensa vi corporis, & bellica virtute, sed Fortuna aliquanto superior. Nam Hariadenus nauali innixus disciplinæ, ita paucis annis potens, ascitis sibi prædonum audacissimis, & formidandus euasit, ut vndique oram Hispaniæ atque Italiæ, Insulasque ad vnum omnes Mediterranei maris impune populetur, & demum ex fama rerum gestarum Solymanus virtutis causa, Othomannicæ eum classi præficeret: Cuius imperio euectus & confirmatus, Muleassem Tuneti regnantem & cum fratribus de Regno contendentem, astuta societatis simulatione depulit; seque Regem perdomito armis Tunetano populo impotenter effecit. Sed non diu tanto Regno lætatus est: nam Cæsar incomparabili virtute pietateque eum validissima classe numerosoque militum & tormentorum apparatu aggressus, magno Christiani nominis commodo & singulari sui nominis gloria, ita expulit, ut multo maxima parte classis spoliatum in fugam conijceret; restituto subinde Muleasse certa pactione exigui tributis, quod is regendis Africæ populis propter vetustatem imperij & Numidarum amicitiam potior haberetur, & Turcis prædonibus foret insensibilis. Verum Hariadenus tanta intuiti animi extitit fortitudine inter ea summæ calamitatis detrimenta, ut reliquani classem quæ ad Hipponam subducta, semique demersa fuerat, incredibili celeritate educeret, & Cæsarianarum triremium persequentium diligentiam effugeret; nec multo post Byzantium proficisceretur. Eum Solymanus usqueadeo sereno vultu excepit, ut eum magnopere laudaret, consolareturque, quoniam famæ iam pridem partæ satisfecisse censeretur, quod nullis adiutus auxilijs, potentissimi Christianorum imperatoris impetum sustinuisset, atque inde cum parte classis incolumis Algerij adhuc Rex se recepisset. Non enim classem neque milites, neque etiam Regna, toties spectatæ eius virtuti vnquam defutura: extemploque eum, contra ac plerique Turcæ procures rebantur, confessu ordineque purpuratorum dignum existimavit, oræque maritimæ præfectum & Bassam appellavit. Inciderunt demum grauissima bella, ruptis inducijs inter Cæsarem & Franciscum Galliarum Regem: Qua de causa Galliam premente Cæsare, & Britannis in societatem eius belli in continentem perductis, missus est Hariadenus cum ingenti classe, qui Gallo amico Regi opem ferret. Verum ea classis terrori potius quam magno vsui Gallis fuit. Nam Hariadenus Nicæa capta, arcem expugnare non potuit, hyemareque in Prouincia apud Tolonem coactus est, sequenti que anno vastata Etruriæ ora, atque Insulis Ilua, Igylio, Aenaria, & Lippara immuni populatione afflictis Byzantium rediit;



# Hariadenus Barbarussa.



nulla re gloriosior, quàm quòd paulo antè ad Actium promontoriũ Cafar-  
 rianæ & Venetæ claffis cum ignominia noſtra fugientis puppes cõſpexerit,  
 & in Rizonico demũ ſinu Caſtrũ nouũ paulo antè à Cæſarianis captũ ter-  
 ra marique fortiter adortus ita recepiffet, vt ibi quatuor ferè milia veterano-  
 rum Hiſpanorũ trucidarit. Cæterum quũ Bizantijs tantis rebus geſtis apud  
 naualia ædificandis triremibus multus incũberet, octogenarius ſenex, & mul-  
 to grauis abdomine, venerique interdũ indulgens, in morbũ incidit lætioris  
 diarrhœæ, ſic vt vitalis calor, crura femoraq. ſenſim deſereret. Sed Iudæo me-  
 dico tenellæ ætatis pueros locis affectis applicâte, aliquandiu labantes ſpiri-  
 tus viresque reſouit; donec febris oborta eum extingueret, ſic vt Aſanem  
 filium quem Algerij Regem impoſuerat, ſuæ peculiaris claffis & ſeruo-  
 rum, totiusque fortunæ ſuæ indulgente Solymano hæredem relinqueret.

AT



## Sinās Iudæus.



A T Sinās hic cognomento Iudæus qui altero captus oculo, cum Barbarus  
 fa pictus conspicitur nequaquā eandem fortunā quam Mitylenæi fratres  
 experti fuerant, sortitus est, quanquā disciplinæ nauticæ esset peritissimus so-  
 lertique præditus ingenio prædonum prudētissimus haberetur. Ipso quidē  
 Hariadeno cōstantior in cōsilijs, & moribus temperatior. Seruos enim mi-  
 tius exercebat ad remum & benignius alebat, utpote qui valetudinē eorum  
 benignissimè curaret, neq; enecandos perpetuis flagellis existimaret. Multā  
 porro syderalis scientiæ, nauigatoriaq. mēbranæ notitiā hauserat, magnū  
 vsum in agnoscēdis tempestatibus, de natura cœli & nubium, naturæque re-  
 cessuum & tempestatū maris perceperat. Quarum rerū opinione adductus  
 Solymanus eum Rubro mari, atq; Indico præfecit. Nam Turcæ paulo an-  
 tea Solymano Epirota eunucho duce, qui postea inter Bassas electus est,  
 intercludere Lusitanorum nauigationes cogitarant, quæ ex India Aro matū



merces in Europam adueherent, magno quidem Memphitici portorii, & Othomannici vectigalis detrimento. Qua de causa Sinas apud Thorum atque Suetiam intimi sinus Arabici portus, classem ædificabat, ut ea in Indiam prouheretur. Sed senem Smyrnæ natum durior Aegyptij cœli indementia tentauit & celeriter extinxit, eo exitu ut se à vita felicem excedere putaret, postquam id superi concessissent, ut Zabachem filium Tuneti olim captum, post limino sibi redditum videret, & eius complexu potiretur. Hunc ad eum tanquam veterem amicum, sodalemque Hariadenus à Populonia Regulo concessum, magni instar muneris, ad mare rubrum usque miserat.

PETRI Angelij Bargæi.

*Ecquis Protegenes, ecquis tam doctus Apelles  
Hanc faciem, hæc clara splendentia lumina flamma  
Pinxit, & hos viua viuos in imagine vultus?  
Nam (memini) sic ipse oculos, sic ora ferebas  
Inuicte Hariadene: acri dum milite septus  
Vrgeres hostem, & sulcares nauibus æquor  
Ut durum ut sæuum spirat frons horrida Martem,  
Ut cadem minuitur adhuc, ut viuida virtus  
Quæque arces, quæque olim vrbes, quæque ardua muris  
Oppida defecit, quæ regna opulenta subegit,  
Ostentans se se medio in discrimine belli,  
Indicat aduersas quantum contemneret iras  
Fortunæ: quantis rerum versaret habenas  
Consilijs, si quando auræ impleuere secundæ  
Carbasque cursusque tuos, nec pectore magni  
Defecere animi quanquam natalibus ortum  
Obscuris, quanquam maiorum exempla sequentem  
Nulla: truces ut non sceptro spoliare superbo  
Auderet, ipsosque sua de sede Tyrannos  
Eicere & victis Libyæ ius dicere Regnis.  
Te te vnda tremuere omnes, quas vltima Calpe  
Aspicit occiduas, vel quæ prospectat Amanus  
Littora multifidus: nec non quæcunque procellis  
Insula Ionio in magno tunduntur & Euris.  
Quin' etiam ipsa tuas olim Phæacia Tellus  
Deuastata manus sensit. quo tempore Iberus  
Dalmaticos multo tepefecit sanguine campos.  
Scilicet innumera tum vos toto æquore classes  
( Proh pudor, & labes nullis abolenda diebus )  
Fugistis fultum nec Dijs, nec viribus aquis.  
Ergo iterum Aëtiaca Phæbus miseratus ab arce  
Ionios Italo perfusos sanguine fluctus,  
Corporaque Aegæis fluitantia vidit in vndis.  
Nec fuit indignum superis cepisse potenti  
Omnia tum primum dextræ parere Tyranni:*



*Atque hostem Ausonios ferro popolare penates,  
 Nostrarumque vnum exilio se accingere rerum.  
 At tu magne Senex ne dira incendia mente  
 Concipe, neue in nos flammato pectore seui,  
 Illustres delere velis vt funditus vrbes,  
 Argiuorum vrbes quondam decora alta tuorum.  
 Sic vicisse satis: sat sit sum psisse cruentas  
 Horribilem dextram victo de milite pœnas.*

## Franciscus Primus

Galliæ Rex.



**H**OC illustri planeque Regio generosæ frontis honore, atq; hoc cultu splendoreque armorum Franciscus Galliæ Rex primus in aciem prodire, & dura Martis munera obire erat solitus. Hunc nemo Galliæ procerum vel excelsæ staturæ proceritate, vel habilium ad arma artuum firmitate, vel impauidi & semper cōstantis animi vigore adæquabat. Nemo Regum candore animi, clementia, & pietate anteibat. Nemo denique mortalium præalto viuidi ingenij lumine, & quod incomparabile in eo vidimus, expedita maximeque tenaci, & rerum & nominum memoria superabat. Summa siquidem in eum naturæ aspirantis dona, superi adeo cumulatè contulerant, vt certo & iocundissimo insignium virtutum concursu, haud dubiè felix posset existimari, nisi eum tractantem arma Fortuna Cæsaris ex professo tantis belli pacisque artibus aduersa, sæpissimè fefellisset. Neque enim hæc, vt illi, virtuti fida comes esse voluit. Scilicet ne obitaret fatis Cæsari Italiæ Imperium despondentibus. In hoc tamen secundissimo suo cursu eadem Fortuna quæ perenne studium in Cæsarem extenderat, tanquam certo pudore victa, id Francisco præstitit, vt saltem & libertatem Galliæ sibi cordi esse, tot aduersis bellis ostenderet, pararetque subinde pacem restituis vndique bellis, vt Franciscus sua inuicti animi magnitudine proculdubio felix moreretur. Quartum siquidem & quinquagesimum natus annum extinctus est, quum forte ex nimia iactatione equestri, qua ille immodicè venabundus utebatur, ei enatum esset circa sedem malignum vlcus, & sensim collabentibus viribus ignobili in vico, cui Rambuleto nomen est, Regum nobilissimus defecisset, eo quidem tranquilliore abruptæ vitæ excessu, quod Henricum filium, qui iam constantissimi bellatoris, & prudentissimi Regis præclarum specimen non vno in loco præbuisset, tanti Regni hæredem relinqueret, cum bona etiam spe posteritatis; quando iam ex eo auitæ indolis nepotem amplecteretur.



## Franciscus Primus

Galliæ Rex.



IOANNIS Bellai Cardinalis Parisiensis.

Gratia, forma, decus, probitas, facundia, candor,  
 Religio, charitum spes, amor Aonidum,  
 Ingenij, atque animi vis admirabilis, vno  
 Cuncta hæc tumulto, Rege iacente, iacent.  
 Fortunæ est quicquam si defuit; hac age, vince  
 Errice, & reliquis æquiparato patrem.

IO. BAPTIS.



## IO. BAPTISTÆ Posseuini.

Effigiem Rex magne tuam, tuaque inclyta facta  
Consecrat excultis scripta voluminibus  
Musarum in templo, patrij prope littora Lari  
Æternæ Iouius conditor historiae;  
Quodque ex te perijt, fallax pictura reponit,  
Quod viuit, viuum pagina fida facit;  
Vt spectent oculis mirantibus ore nepotes  
Quæ decuit terris, & dare iura mari,  
Et simul annales rerum memorande tuarum  
Francisce, arrectis auribus excipiant,  
Vt bello Heluetias viduaris ciuibus vrbes  
Quum tegeret molles prima iuuenta genas.  
Vt fortes idem Insubres, & Belgica Regna  
Nomine pene ipso debita Regna tibi.  
Quà pater Eridanus violentis voluitur undis  
Excusso impuleris subdere colla ingo.  
Vtque urbem dominam, septemque receperis arces  
Excidio ex magno, seruitioque graui,  
Acceptos tibi Roma Deos, sanctoque Tonantis  
Fungentem in terris munere, grata refert,  
Quos tu pugnaci diuersis partibus hosti  
Terrorem incutiens obsidione leuas.  
Tu latè Imperium profers, tu praelia tentas  
Vt teneant fines otia tuta tuos.  
Te non vllæ acies, non terruit Amphirite  
Quum pareret gentes in tua damna nouas.  
Impendere ferox à tergo negligis hostes  
Quos beat auriferi lucida Lympha Tagi.  
Non coniurato veniens Germanus ab Istro  
Cogit præcipiti te dare terga fuga.  
Ergo tot spolijs non vno ex hoste relatis  
Auertis patrio Barbara tela solo,  
Nec tibi non magnam pepererant otia laudem  
Otia Pieridum dulcibus acta modis,  
Quas primus patrias ad gentes, effera corda  
Parnassi è summo vertice ducis ouans,  
Despectasque artes, & humi sine honore iacentes  
Erigis, o secli gloria prima tui.  
Quare vos Regem tantarum in munere laudum  
Carminè victuro dicite Pegasides,  
Vt qui vos claras in luminis extulit oras  
Vestra ope conspicuum tollat ad astra caput.



E L O G I O R V M  
Ferdinandus Cortesius.



**I**NTER Hispanici nominis insignes viros, qui enauigato Oceano adinuentisque nouis terris & Populis, illustrem famam sunt consecuti, omnium (vti reor) clarissimus enituit hic qui aurato cinctus gladio, ornatus aurea torque, & pretiosa indutus pelle conspicitur Ferdinandus Cortesius. Is Columbi Liguris, qui primus seculo nostro stupenda nauigatione alterum prope terrarum orbem nobis aperuit cogitationes prope insanas præalti ingenij, & placita naualis disciplinæ solerter atque feliciter æmulatus directo ad occidentem cursu, in vastum sinum recuruantium se se terrarum ad septentrionem appulsus Mexicana regna, & gentes ingenio nihil à nostris moribus abhorrentes reperit. Profectus namque ab ultimo Insulæ Cubæ promontorio, quod in occidentem recta protenditur, & Tropico Cancrī subest, relictis ad læuam Iucatana & Coluacana insulis ad aduersam



aduersam intimi sinus frontē applicuit, iuxta fauces ingentis fluminis quod Panucum vocant. Ibi per interpretes Iucatanae & Coluacanae homines, quos anteriore expeditione adiuerat, didicit ea litora esse continentis, quae molli flexu hinc Vrabanis litoribus annectitur, illinc vero ad Septentrionem vastissimo tractu his terris quas nautae Baccalauras vocant, se coniungit. In ea litorum plaga alterum se Isthmum reperisse Verazanius Florentinus referebat, qui de ea regione peculiarem commentarium conscripsit, & postea apud Darienem dum curiosius nauigando naturae abstrusa planeque deserta scrutaretur, à Canibalibus, spectantibus è classe socijs, comestus est, ita vt non secus quam in Vrabano Darienis litore, persimilem Isthmum in aduersa hac septentrionali ora naturam posuisse ideo credendum sit, vt per eos exterior Oceanus deprehendi posset, & fortasse nauigari; sicuti Vasco Nunio euenit, qui primus Isthmum transcendere ausus, pelagum ad Perurana & Cuscana aurifera Regna pertinentem, adinuenit. Neque enim dubium videri debet, quin ea aequora ad Arctoas partes vergentia eius sint Oceani, qui terram vniuersam circum ambiens ad Sinarum & Cathainorum orientis oras, & denique ad beatas Molucas Insulas obuertatur. Ceterum Cortesius Incolas blandissimis sermonibus, & promissis, atque item muneribus sedulo permulcens, reperiēbat eos sicuti in Iucatana & Coluacana vidisset, idola lignea, atque aurea, varijs ferarum & Draconum effigiata formis, tanquam Deos colere, atque his placandis, noxiorum cruore sacrificare, non ab simili superstitione qua antiquissimos Druydas litare solitos, numinaque placare Caesar scribit: sic vt hunc sacrificandi morem inhumanitatis atque sceleris plenum olim allatū ex his terris in Britanniam, atque inde in Galliam, manasse putemus. In mediterraneis porro Cortesius perampla ditissimaque Regna Mexicanæ prouinciæ extendi ad occidentem audiebat, quae hominibus ingeniosissimis, atque omnis elegantiae cum literarum & Musices, tum mechanicarum quoque artium studiosis incolantur; vtpote qui in morem prope nostrum aedificent, & calce, gypso, marmore vario, & scitili lapide, fictilibusque abundant; nec pictores desint qui cuncta coloribus exornent. Incessit Cortesii animo ingens cupido agnoscendi ea Regna, quae multo auro, argentoque, & pretiosis gemmis abundare, sub æquatoreque sita singulari, eaque saluberrima coeli temperie, & stupenda soli vbertate gaudere ferebantur. Nec voto defuit Fortuna: nam Cortesius astuto ingenio vir, ubi didicit eadem libidine qua apud nos Mexicanos populos inter se de finibus & de potentia armis decertare, sese propinquiore Regulo aduersus hostes eius, auxiliarem bellicue socium alacriter obtulit. Habebat enim sclopettariorum & balistariorum hastatorumque exiguum certè, sed egregie validam armis atque ausis manum; & super hæc (quæ Barbaris miraculo fuit) galeatorum equitum turmam. Neque enim his in regionibus quisquam equum vidit. Itaque icto fœdere, Barbaris iussu Reguli cuncta onera armorum & commeatus humeris subportantibus, & curulia minora tormenta trahentibus, conferta sunt eo euentu multa praelia, vt Barbari hostes territi tormentorum bombis, equorumque stupenda specie, & multa passim cæde prostrati: subactos se & planè victos faterentur, & in ius hostis Reguli ultro deuenirent, & clementissimè reciperentur, ita scilicet cōsulente Cortesio,



ut amplificatis viribus ascitisque secum amplioribus auxilijs, aduersus Mutezumam potentissimum inter Mexicanos Regem, & in Temistitana vrbe, Venetæ vrbis in modum vndique pernauigabili, regnantem maturè contenderet. Idem fuit animorū habitus & armorum vsus apud Populos Mutezumæ imperio subiectos. Nam ad equitum conspectum obstupescentes, prostrantesque se ad tormentorum crepitum, consertis demum manibus inulti cadebant; quod ligneis machæris & præfixis cornu iaculis, sagittisque harundineis, magna parte corporis nuda, dimicarent: eo quidem iniquius quod gladiatorum, & lancearum latas plagas horrerent, & equites vnum integrum Centaurorum specie animal esse existimarent; cœloque à nostris euocari fulmina, & à Dijs benignè concedi aduersus hostes arbitrarentur. His detrimentis atque miraculis Mutezuma, terrefactus se repente deditit, & ad Cortesii autoritatē cunctos imperij sui populos contulit. Sed postquam se dederat, quod deditiois poeniteret, excitare rursus ad rebellandū populares suos, & fugam parare diceretur; ei compedes iniectæ sunt; quam miserabili deformitate nihil impotentius & durius imponi posse Barbari eiulatu & lachrymis id significantes ostenderunt; quod Rex Regum immensæ Fortunæ fastigium dudum tenens, seruilem contumeliam subiisset, quam ut vindicarent quidam de populo, & ut Regem tanto eximerent ludibrio, in superiorem porticum vbi Mutezuma vinctus sedebat, lapides cōijcere cœperunt, frustra Cortesianis prohibentibus; nam Mutezuma caput ictus, paulo post interiit, eique demum post multam & cruentam contentionem Cortesius suffragio multorum Regulorum suffectus est, eo titulo vt Cæsaris supremi Imperatoris se vices gerere profiteretur. Exinde vltiora perquirere, quod Mexicanæ regiones auro scatere, & gemmis atque margaritis abundare varijs percunctationibus; nec longe abesse Oceanum comperisset, nouam expeditionem ad occidentis oram maritimam suscepit, eo quidem apparatu ut non modo sarcinarum & tormentorum onera secum ferret, sed duos etiam mioparones certa soluta membrorum compage plicatiles, multiplicatis seruis cōportari iuberet, ut his tentaret Oceanum, quem non amplius quingentis leucis abesse constabat. Ex itinere cuncti incolæ trahenti tormenta atque equites, expositis com meatibus paruerunt, atque omnibus officijs amicè collatis euntem secuti sunt. Medio ferè itineris spatium conspectus mons est altissimus & in cacumine niuosus Aetnæ Siculae modo flammæ euomens, & ignitos pumices eructans, atque inde ad Oceanum est peruentum, qui vastis dextri litoris anfractibus frequentes Insulas ostendebat, magna ex parte desertas, in quarum vadis multi vrinatores deprehenso sunt, legendis conchis & vnionibus intenti. Existimabat Cortesius ea æquora quæ essent scopulis præpedita, nec leuibus nauiculis tuto tentari posset, obuerti in Orientem, famamque esse apud incolas, ad extremū Occidentem reperiri ingentes Insulas omnibus aromatum atque vnionum diuitijs abundantes; sic ut maximè lætaretur, quod in occidua parte reperiri posse speraret nouum orientem, si maioribus nauigijs ea maria fulcarentur. Igitur Cortesius latè explorato litore, notatisque nemoribus vnde materia ædificandæ classi cædi posset, Temistitan est regressus. Ibi Barbarorum tēplis ritè expiatis, Deo Christo & Deiparæ virgini solēnes aras erexit, & Baptiste.



& Baptisterium condidit. Nec ei admodum difficile fuit docilibus ingenijs veræ religionis cultum persuasisse, & sacro fonte certatim ad eam ceremoniam accurrentes lustrare, mysteriaque nostri ritus singulis insinuas-  
 Indigenæ siquidem aduenas non homines, sed Heroes esse arbitrati, qui à magno numine in eas terras missi fuissent, à quibus ipsi verum Dei cultum & admirabiles artes, quibus perpetuo beati forent benignissimè docerentur. Non esse amplius ipsis à quoquam finitimo hoste vim & arma extimescenda, postea quam iuictæ gentis præsidio terra marique tutissimè cuncta hostilia in posterum contempturi, & perpetua ciuili pace gauisuri viderentur; quod Cortesius non dubio magni numinis nutu humanas actiones ad iustitiæ normam apto quodam seueritatis & clementiæ temperamento reuocaret; maleficiorum reos ad exemplum punire solitus, quum aliqui deprehensi, more nostro virgis cædi; alij reiectis in terga brachijs ex troclea suspēdi quatique, alij insertis in binas trabes cruribus in custodia siti atque inedia torqueri iuberentur. Amplissimum enim carcerem ædificarat, qui liberæ gentis grauissima pœna putabatur. His institutis & moribus vsque adeo Mexicani profecerunt, vt quum Cortesius per concionatores interpretes multa de diuinis rebus & de Romani Pontificis auctoritate Carolique Cæsaris summi principis potentia atque virtute differeret, duo illustres gentis proceres publico decreto instructa legatione ad Cæsarem in Hispaniam, atque inde ad Clementem Romam vtrunque piè veneraturi mitterentur. Hos Romæ nos vidimus pari colore & coma & ingenij alacritate nostris subfuscis ferè persimiles, quos Clemens imagunculas aureas dono afferentes ita remuneratus est, vt conuestitos duplici veste serica, equestri dignitate honestaret, binisque bullatis baltheis cum totidem inauratis gladijs & pugionibus, atque item singulis aureis torquibus exornaret. quibus læti muneribus ad suos redierint, & multa vti postea accepimus, de magnitudine Urbis moribusque & ceremonijs nostrorum gentium retulerint. Exinde Cortesius domum Regij prætorij iustar Temistitano in foro pereleganti structura ex vario marmore sculptisque lapidibus ornatissimam quam nonnulli Hispanorum Granatenfi Alambrae vel ob id anteponunt, quod coloratis lapidum zonis admirabili specie distinguatur, cohærentesque habeat hortos scaturientibus vndique per syphones & iocundè salientibus lymphis. Ipsa namque vrbs Temistitan circumfluam habet paludem, per quam longis pontibus continenti iungitur; vberrimosque dulcis aquæ, quod falsus sit omnis ex palude humor, habet aquæductus, qui lapideis & turritis ciuium domibus in omnem vsum limpidißimas aquas suppeditant. Posita est hæc vrbs medio ferè spatio inter tropici Cancræ lineam & æquatorem. Cæterum Cortesius non diu tantæ Prouinciæ imperio potiri potuit. Non secus enim ac antea Columbus, inuidia tantarum opum accersitus est in Hispaniam, muneraque gemmarum & margaritarum supra opinionem pretiosa Cæsari dono dedit, à quo præmium retulit Vallij oppidi donum, quod ad eius posteros transiret. Successorque ei summa cum auctoritate ad Mexicana Regna transmissus est Antonius Mendocius Tendilij filius, qui vti est ingenio generoso optimisque instructo literis, & honestæ gloriæ audio vltiora profecto Regna atq. exoptatum iter ad Molucas nobis aperiet. Cortesius verò in Africâ



eam secutus Cæsarem Algeriano naufragio insignē pretiosæ suppellectili suæ iacturam fecit. septennioque post qui, humilis Medelini oppidi ciuis, filius fuerat, (id est apud Anam amnem) munere Cæsaris illustris appellatus apud penates suos non planè senex fato concessit, puulo post quàm nobis effigiem suam inter præclaras imagines in Musæo nostro collocandā misisset.

F. FRANCHINI Cosentini.

*Alcides latæ multum telluris obiuit,  
Victor & ante alios clarus in orbe fuit;  
Clarius Hernandus, nam plus telluris obiuit,  
Plus maris, ignotos vicit & antipodas.*

Eiusdem.

*Liber vbi Eoos deuicit belliger Indos  
Iussa dedit populis vt sibi thura darent.  
Hernandus contra, poni sibi noluit aras  
Altera vbi est armis India victa suis.  
Est igitur Baccho maior Cortesius; hic se  
Abnuìt esse Deum, vi fuit ille Deus.*

## Sigismundus Poloniæ Rex.



V N C augusti oris speciem<sup>1</sup> quum ætate floreret Sigismundus Sarmatiæ Rex ferebat, inter nostræ ætatis fortunatos Principes adnumeratus, si longuæ vitæ & firmissimæ valetudinis commoda, cum diuturnitate imperij, quod semper ei incolume atque tranquillum stetit, ac illustrium cognationem claritudine computentur. Is enim à Casimiro patre Regno accepto, alterum & quadragesimum regnavit annum; octuagesimum autem paucis concessio leniore vitæ exitu absoluit; nullis profectio acerbioribus intestinis aut externis bellis tentatus; vtpote qui graui instituto securæ domi paci obnixè studuerit, & foris de barbaris infesta arma temere inferentibus, insignes victorias retulerit; quum per legatos summæ peritiæ atque authoritatis superiorum temporum accepta detrimenta, reditis cladibus expiasset. Nam Tartari ad Socalum cum Polonis congressi Rossolanorum temeritate potius, quàm sua virtute victores euaserant, & Moldaui ad Ozocouiam Alexandri Regis exercitū profligarant. Conuersa itaque Fortuna ad Sigismundum, Constantinus Ostrogus Ruthenus, Tartaros æternos hostes apud Seluchum, atque iterum ad Vismoueciam memorabili strage edita superauit. Idem quoq. Constantinus parî felicitate ingen-  
tem victoriâ de Moschis ad Orsam flumen iuxta Smolenchum est conse-

cutus.



cutus. Cæterum Moldauos Ioannes Tarnouius inclytæ virtutis Dux ita de bellauit, vt Petrus ipse Moldauicæ Princeps amissis Ducum & militum suorum primarijs vulneratus, exutusque tormentis & castris vix manus victo-



ris effugerit. Hæc quanquam præclara multiplicis victoriæ trophæa Sigismundi gloriam in immensum eueherent, id tamen plurimum ad summæ prudentiæ salutemque Regni nomen maximè pertinuit, quod constantissima fide pertinacique studio, pacis & amicitie fœdera cum Turcarum Imperatoribus sanctissimè coluerit, quanquam eum Christiani Reges specie pietatis & noui decoris proposita vt secum consentiret atque arma sumeret vehementer incitarent. Prouidebat enim Rex senex vnico innixus filio admodum puero, ideoque in capiendis grauioribus consilijs nunquam præproperus & incautus, recasura in ipsum tanquam periculo proximum Othomannorum arma, quibus nisi maximis & semper paratis copijs resisti posset; Nec Polonis sociorum longinqua auxilia vt hosti propinquo ad prædam expositis, expectanda viderentur. Ex ea quoque Turcarum amicitia Sigis-



mundus non obscure se præmunitum atque defensum aduersus finitimos hostes intelligebat, quando ea esset Othomannorum vetus consuetudo ut socios, in amicitiam clientelamque receptos aduersus omnem iniuriam proutissimè defendant. Quorum usque adeo grauis authoritas apud Tartaros, Moldauos & Moscos valebat, ut quo minus se commouerent, & in Polonia fines incursiones facerent, imperiosè deterrent; & ipse Sigismundus à Solymano honoris causa amicus & pater appellaretur. Regiæ stirpis stemma nequaquam altè à nobis repetetur, contenti Iagelonis Regis memoria, qui duos genuit filios Ladislaum Polonici Regni successorem, & Pannoniæ deum Hungarorum procerum accitu Regem creatum. Hunc victora ad Nicopolim tumultuariè parta, cupiditate gloriæ elatum & fœdera recentis pacis abrumpentem, quum iniquo fato in Bulgariam penetrasset, Amurathes in Varnensibus campis trucidauit. Huius frater Casimirus Regnum suscepit, Rex egregiè fortis, & de Pruthenis atque Germanis insigni parta victoria celebratus. Hic plures liberos Imperijque hæredes reliquit, utpote qui rara felicitate quatuor Regum pater fuerit. Successit enim ei Albertus & mox Alexander, quum hic quinque, ille octo annos regnassent. Quibus deum successit Sigismundus, quum Vladislaus quarto loco ei natus frater ad Bohemicum Imperium, atque inde Matthia defuncto ad Pannonicum transiisset; & Federicus postremus tantæ sobolis frater purpurei galeri & Sanatoriæ dignitatis honorem à Romano Pontifice esset consecutus. Habuit Sigismundus in matrimonio vxores duas Barbaram Stephani Zapolij Transyluaniae Præfecti filiam, quæ Ioannis Pannoniæ Regis germana soror fuit, ex qua Hetuigem filiam sustulit, Brandenburgensi Regulo, Romani Imperij electori nuptam: secundo autem loco Sfortiani sanguinis vxorem duxit nomine Bonam, quæ ei hunc Augustum hodie regnantem peperit, & Isabellam Ioanni postea Pannoniæ Regi nuptam, ut inde Regia proles Hungarico nomini pararetur. Itaque Sigismundus inter beatos proculdubio referri potest, postquam auo patreque Regibus editus, patruum Regem & tres fratres Regio diademate insignes, atque item fratris filium & sororis suæ fratrem Regem simul & generum vidit. Senio autem confectus aduocatis Regni proceribus Augustum filium sibi successorem decreuit, accuratissimisque precibus commendauit. Nec multo post leni tentatus morbo excessit è vita, eò etiam felicius, si pietatem Christianam respicias, quod ei ipso die quo Saluator noster Deus Christus Paschali die ab Inferis resurrexit in Cœlum emigrare contigerit.

MARTINI Cromeri,  
Sarmatæ.

*Ciuihus, externisque, mea est clementia nota,  
Consilium, grauitas, religio, atque fides,  
Pax mihi cara fuit, tamen haud me impune laceßit  
Thento, Lino, Moscus, Turca, Scythæ, atque Getes.*

D A V I D



# David Maximus Abyssino- rum Aethiopum Rex.



**A**ETHIOPEs cucullati Sacerdotes qui post maximum Vaticanum templum sedem & delubrum habent, communi consensu eam sui Regis effigiem verissimam affirmant, quam Petrus Aluares Legatus cum cruce aurea ad Clementem Pontificem detulit. Is postea nobis ex commentario Abyssinorum regiones & mores explicauit, quæ omnia à nobis in Historijs suo loco ita diffuse enarrata sunt, vt nihil quod ad dignissimarum rerum notitiam pertinere possit desiderari queat; qua de re, in exprimendo Dauide astrictiore utemur Elogio, ne his fastidio sim, qui historias nostras perlegerint. Hoc autem de eo Rege totius cogniti orbis longè maximo, dici potest, quod non modò Christianæ religionis dogmata & cerimonias profiteri, sed his prope iuris ciuilibus legibus, & uti nos disciplinæ militaris institutis, tot sua



Regna autoritate summæ iustitiæ tueri consueſcat, eademque ei ſint iura in profanos, & ſacratos ſacerdotes, quæ apud Romanum Pontificem vigent. Huic Dauidi promixè defuncto, quem vulgo Preteianem vocant, duo inſignia cognomenta contigiffe Abyſſini referunt; ſcilicet Atanadidinghil quæ vox virginum thus exprimit, & Bellulgian, quod inæſtimabilis pretij gemmam ſignificat. Sedes habet non procul à Nili fontibus inter paludes eius ingentis amnis, qui irrigatione, terras omnium ſolo naſcentium vbertate fertiliffimas reddit. Vſque adeo autem, eius Regna longe lateque extenduntur, vt finibus ab occaſu Atlanticum Oceanum attingant, introrſus Trogloditarum damnatis terris inferantur, & ab Oriente ad Arabicum vſque ſinum pertendant, vbi Aracocum portum Abyſſinos frequentare conſtat. Dauidi cæterisque Regibus quum in publicum prodeant, cæruleo tenui ſerico velare faciem, & ſiniſtra manu argenteam præferre crucem mos eſt. Mutare ſedes translatis tentorijs, & valida numeroſaque iuuentute noctu atque interdium cuſtodiri ſolent. deferuntur lectica interdum aperta ſuccolantibus ſeruis. In conficiendo autem longiore itinere, mulabus quàm equis vehi malunt. Ipſe Dauid omnibus caſtimoniæ munditijs clarus vxore vna contentus fuit; liberos ſuſcepit plures, è quibus, natu maximus à Sellano Arabum Rege acie interfectus eſt, cuius acerbæ cædis dolor, quanquã egregie à fratre victore qui improuiſam Sellano hoſti cladem intulerat, vindictus videri poſſet, Dauidem tamen patrem adhuc ſtata ætate florentem ad mortem adegiffe creditur; Sic vt Claudium hunc, qui hodie regnat, ſecundo natum loco Imperij ſucceſſorem reliquerit.

## PETRI ANGELII

Bargæi.

*Expressam effigiem mira quam conſpicias arte  
 Hoſpes, & horrentem capitis mirare capillum,  
 Nigrantesque genas, nigrantiaque ora, manusque  
 Inſpectas, tecumque alto ſub corde volutas,  
 Quis ſit, & vnde genus ducat; quo magnus in orbe  
 Imperet, illuſtres nobis ponatur vt inter  
 Heroas, clari ſpectandus imagine Regis.  
 Hic ille eſt qui iura dabat, legesque ferebat  
 Aethiopum populis mediæ ſub ſydere Libræ.  
 Tempore quo noſtræ ſuperato gurgite vaſto  
 Heſperidum, terras circum, cælumque profundum  
 Percurrere rates, alioque ſub orbe pararunt  
 Imperium, inuicti tremarent vt Cæſaris arma  
 Inſulæ Oceano in magno, regna inuia viuus  
 Credita, & exuri radijs plaga Solis iniqui:*

Scilicet



Scilicet audaces tum primum Atlasque Garasque  
 Valuaque & horrifico pulsatus Cynnaba fluctu  
 Ultra anni Solisque viam stupuere carinas  
 Ire, atque Herculeis conuulsis æquore metis  
 Sulcare ignotas temere vada cæca per vndas.  
 Tum quoque Pistricesque feræ, atque immania Cete,  
 Monstraque præteritis non vnquam cognita seclis  
 Horruerunt rapido volitantes flamine pinus.  
 Quin ipsi è cana prognatas Tethyde nymphas  
 Pube tenuis placido superantes marmore nautæ  
 Videre, & membris immanibus Aegæona  
 Sæpe fatigantem terga horrida Balenarum.  
 Neptunumque patrem, tumidis qui præsidet vndis,  
 Felicem orarunt reditum, ventosque secundos,  
 Et patrias certe remeassent vndique ad oras  
 Nî gens crudelis sylua insedisset iniqua  
 Figere lethiferis hostem consueta sagittis  
 Et miseros toto palantes litore nautas  
 Ah miseros nautas, tam sæuæ opprobria mensæ,  
 Funderet, & raptos lentum torreret ad ignem  
 Diraque dissectis satiaret viscera membris,  
 Atque atro ingluuiem miserorum sanguine sædam  
 Pasceret, ac tepidos laniaret dentibus artus.  
 Tum verò si quis Smyrnæi carmina vatis  
 Legerat, & Diuam Circem, seuosque Cyclopas  
 Et Lestrigoniæ portenta incognita terræ  
 Riserat, ignaro miracula prodita vulgo,  
 Ambiguæ didicit magno in discrimine vitæ  
 Docto aurem, certamque fidem præbere poetæ.  
 At non hunc tamen insigni diademate clarum  
 Quem spectas, diri dirum genuere parentes  
 Non regio hunc mater magnorum horrenda Gigantum  
 Difficilemque aditu Regem, alloquioque superbum  
 Protulit hospitibus dias in luminis auras  
 At culti Aetiopes gens Fortunata Canopi,  
 Quæ sæpe Oceanum, sæpe Oceanitidas omnes  
 Numina magna maris, tum Pana Iouemque supremum  
 Excipit hospitio, ac mensæ dignatur honore,  
 Indigenam venerantur vti Regemque patremque  
 Scilicet his Nili fontes, quos viuida tellus  
 Imbibit, & magnis sæcundat messibus agros  
 Suppeditant Lymphas, dulces cœnantibus haustus  
 Quas illi assidue multo cum nectare potant.  
 Horum, nulla fames & amor vesanus habendi  
 Morbo infelici, tristisque cupidine mentes  
 Sollicitat, longa iamdudum in pace quietas.



*At nos infausti proles scelerata Promethei  
 Insanas ut opes miseri cumulemus, & altos  
 Thesauros imis argenti aurique metalla  
 Visceribus terræ effossis scrutamur, & ipsum  
 Vertimus heu sæui cognata in corpora ferrum  
 Et consanguineo fœdamus sanguine dextras.  
 Iam iam igitur cuncti placidas vno agmine terras  
 Desertis aliquando Asiæ Europæque ruinis  
 Victuri longumque ævum, & diuturna beati  
 Ocia ducturi, tanto sub Rege petamus.*

## Muleasses Tuneti Rex.



PRÆAMPLVM in Africa Regnum, cæterisque ab honore  
 vetustatis, augustius tenuisse constat hunc Muleassem, quæ  
 celeberrima Cæsaris victoria nobis clarum, & immitis eius  
 Fortuna miserabilem fecit. Repetebat ipse, vetustissimam  
 Tunetani Regni originem ab his Pœnorum Regibus qui  
 ante sexcentos annos ab aduentu Arabum totius Africæ re-  
 giones, maritimaque præsertim Regna multitudine sua, quæ inuicta armis  
 extiterat, occupantes Mahometis sectam vsque ad Oceanum, & Atlantica  
 Regna protulerunt, vnde postea Almanzor immensæ virtutis atque poten-  
 tiæ Rex cui Emiramolino cognomen fuit, à Mauroco clarissima vltioris  
 Mauritaniæ vrbe ingenti ausu in Hispaniam traiecerit, & post deuictos mul-  
 tis præliis vtriusque Hispaniæ Reges, in Bætica Granatæ Regnum condi-  
 derit. Hic Muleasses magna vi corporis fuit, excellentisque industriæ in om-  
 ni exercitatione equestris disciplinæ; sed ingenio rapaci, suspicioso, & in om-  
 nem libidinem effusè prono, fœdoque, & quod immanius fuit, erga suum  
 sanguinem perfidiosissimè cruento. Nam Mahometis patris mortem acce-  
 lerasse fraude Lentigesinæ matris, & quosdam è fratribus iugulasse; alios cru-  
 delem in modum oculorū luminibus priuasse ferunt, & quod supra nefarij  
 criminis cōsilia cum sibi tum populo Tunetano exitiale fuisse constat, Tur-  
 cas prædones in Africam accersuit, portumque eis atq. urbem concessit, ea  
 conditione ut eorum prædæ quinta parte potiretur. Rex erat plena quidē  
 præsentis & opimi quæstus, sed maximè inuidiosa, quòd communibus huma-  
 ni generis hostibus Tuneti tutissimus esset receptus. Per hunc modum quū  
 pyratae Africæ litoribus insiti, multa cum Siciliæ atque Italiæ, tum Sardi-  
 niæ, & Corsicæ, omnibusq. Hispaniæ oris, detrimenta intulissent, classēq.  
 Hispaniensem interceptissent, sese cum Hariadeno Barbarussa consociarunt,  
 qui Solymani ingenti classe subnixus, instructo insigni dolo Tunetum oc-  
 cupare cogitauit, & fauētibus quibusdā Pœnorum occupauit, eiectoque Mu-  
 leasse sese Tuneti Regem cōstituit. Tum verò Cæsar suscepta Muleassis causa  
 aduersus Barbarussam bellū suscepit, tāto apparatu, ut expugnata Guleta, quæ  
 erat ad stagni fauces impossia munitio, ipsoque demuū Barbarussa acie fuso,  
 Tuneto



Tuneto potiretur atque hostem fugientem magna parte classis exueret. Eo modo Cæsaris beneficio reductus Muleasses septem regnavit annos, ni hil de antiquis moribus remittens, vel avaritiæ vel crudelitatis, vsque ad id



tempus quo Barbaruffa à Solymano cum classe ad præsidium Galliæ Regis mittebatur. Huius tanquam veteris & formidandi hostis classem veritus Muleasses, eo consilio ex Africa Neapolim venit, ut terrestri itinere apud Genuam Cæsarem adiret, quod maiora præsidia ab eo impetranda viderentur. Sed Cæsare Sicambrici belli consilijs occupato. Neapoli subsistere iussus, amittendi Regni periculum quod ab hoste Turca Hariadenoque timebat, à perfidiosissimo Amida filio inexpectatum subijt. Amida siquidem cunctis vitijs patrem imitatus, edita fama quod Muleasses apud Christianos abdicato prius Mahometis cultu impiè deficiens, non multo post morbo perijisset, Regnum tanquam Rege patre orbatum occupavit. Quo nuncio perculsus Muleasses, filij perfidiam omnino armis vindicandam, repetendumque Regnum existimans, tumultuarias Neapoli copias conscripsit, Lofredioque Neapolitano Duce in Africam traiecit, & ad Guletam appul



sus, vel detestante Touarre Hispano Guletani praesidij praefecto, praeproperus nimisque raptus Regni desiderio, & vlciscendi filij cupiditate, sublati signis secundum stagni litus Tunetum ire perrexit, eo euentu, vt erumpentibus ex insidijs Amidanis militibus, nullo prope negotio eius copiae extirponibus confectae, profligatae ab equitatu omnes cum Lofredio Duce decerentur, ipse vulnere accepto caperetur, cui Amida filius nihilo patre melior, oculos ignito scalpro expungi iussit. Eum tamen tanta calamitas tulit euentum, vt Amida aliquanto post a patruo Regni possessione pelleretur; quo casu Muleasses noui Regis eiusdemque germani fratris pietate, carcere eductus ad Guletam Hispanorum beneficio peruenerit. Nec multum inde discedens Muleasses Neapolim iterum traiecit, magnoque miraculo miser Romam venit. Ibi tum nobis ex eius humanitate perdiscere licuit, quae ad historiae nostrae fidem pertinebant. Sed qui in disciplinis Philosophiaque ex dogmate Auerrois non mediocriter eruditus, vel in tanta miseria pulsus, orbatusque oculis, Regium fastum praetulit, vt deductus ad Pontificem non aliter adduci posset quam vt genu tantum exosculato eum veneraretur. Transiuit demum ad Caesarem in Germaniam, accusauitque Touarrem furti, quod depositam apud eum Regiam gazam dissutis culeis inhumaniter decumasset. Sed multa refellente Touarre atque magnifice causam dicente, ita dimissus est Muleasses, vt Siciliae praefecto alendus mitteretur, vsque ad id tempus quo Andreas Auria & Ioannes Vega Siciliae Prorex, Garziaque Toletanus Neapolitanae classis praefectus expugnandae urbis Africae negotium susceperunt. Dum ea urbs (olim Leptis parua, hodie Mahomediam a Barbaris vocata) terra marique a nostris quateretur, adessetque Muleasses auditor strepitus, potius quam pugnae spectator, antequam expugnaretur, morbo interiit; vt aiebat, nihil a syderalis artis praedictione deceptus, quae suo fato, & in Africa moriturum, sed non exulem praedixerant. Deductum est eius funus frequentissimo Pœnorum omnis generis comitatu, ad Caruanam sacrosanctam apud Barbaros urbem, in qua indyotos Reges, & generosos Numidarum Regulos tumulari mos est.

## I O V I I Iunioris.

*Linque tuas rupes, & in hospita saxa Celeno  
 Infandis Strophadum fixa diu scopulis;  
 Currite vos aliae Harpyae, furialia monstra  
 Non Calais, Zetes non agitator erit.  
 Huc agite, antiqui renouetur fabula Phinei,  
 Atque iterum intactas polluite ore dapes.  
 Non erat Oedipodes, qui foeda ob crimina, lucem  
 Ipse sibi infensis vnguibus eripuit,  
 Pœnorum ille fuit cunctis notissima labes,  
 Maurorum ille fuit pestis, & opprobrium.  
 Nec duro exilio factus miser, atque superbus  
 Pontificis sanctis oscula dat pedibus.*



*Eruit huic lumen natus, vel numinis ira  
 Illius ut fratres, & pater ultus eat.  
 Tu tamen his gaudes scriptis Rex Barbare, quod te  
 Posse diu credis viuere in historia.  
 Scribitur hæc alijs, nec tam impia facta sequantur,  
 Utque author scelerum in Tartara solus agas.*

## Pyrrhus Stipicianus.

**H**AC verè militari fronte, atque his ferocibus oculis, & inauratis armis, constantis pugnacissimique animi vim præferebat Pyrrhus Stipicianus è Baleona familia, sed Columniæ domui per clientelam insertus, quum sub M. Antonio atque Pompeio adoleuisset. Is nuper subitaneo ereptus morbo discessit è vita, ut nouissimum inter imagines locum teneret, usque adeo importunè ut ei summus inter secundæ classis Duces, militiæ decus eriperetur. Erat enim ex multo usu militiæ, opinione virtutis eò prouectus, ut se dignum militiæ honorem quo virtus enitescere posset, maturè consecuturum speraret. Recentis siquidem obsidionalis coronæ decus retulerat ad Carinianum ab Anchiano circumuallatus & obsessus; tanta virinque pertinaciâ, ut ille victor omnes spes proferendi imperij abijceret, modo obsesso oppido potiretur; & ex aduerso Pyrrhus, vel consumptis omnibus alimentis priusquam se dederet extremæ inopiæ discrimen subeundum esse arbitraretur. Verum lurida mors ex fame in proximo spectata, utrinque pertinaciæ finem imposuit. Desperatis namque auxilijs, quas necessitas exprimebat conditiones ab hoste ita accepit; ut polliceretur Germanorum atque Hispanorum cohortes quibus præerant Felix Archius & Sarmichael Hispanus intra quartum mensem nullam Cæsari operam nauaturas, atque ipse continuo ad Franciscum Regem in Galliam proficisceretur. Hoc optima fide præstitit Pyrrhus, quanquam Hispani occupato Brixello, pactionis fidem minimè seruassent. Rex generoso animo clementiæ laudem captare solitus, Pyrrhum humaniter excepit, & uti erat, vel in hoste præclarus virtutis æstimator, ei apud se militare volenti liberaliora obtulit stipendia, sed is Romani pudoris plenus de salute libertateque gratias agens cuncta alia renuit, benigneque dimissus, ad Cæsarem contendit, qui tum in Belgis Sandesirium oppidum expugnabat. Ab eo Pyrrhus virtutis nomine Mortaria oppido, quæ est inter Ticinum atque Nouariam donatus est, quam ei grauius Vastius succensuisset, quod perpetuis eius obtestationibus & precibus adductus ad Ceresolam cum Gallis conflagere maturasset, ut extrema (sicuti aiebat) fame perdomito, & tot fortissimarum gentium cohortibus vix præ inedia effigies hominum sustinentibus opem ferret: cuius infastæ pugnae casum postea minus necessarium compertum est, postquam vel desperatis auxilijs per quadraginta amplius dies maiora etiam auctiora que obsidionis incòmoda pertulisset; scilicet ut efficta grauioris periculi ne



cessitate, ipsius imperatoris diligentiam magis & magis excitandam putarit, graui cum discrimine vniuersi belli. Verum hæc Pyrrhus ita diluebat, vt aliquantum frumenti ab se cuncta perscrutante abstrusa in scrobe nouis-



simè repertum diceret, quo se insperato subsidio milites aliquandiu inedia tolerasse faterentur. At Vastius eius rei excusationem dissimulante excipiens, quod pro sua pristina virtute neque sibi neque voto Cæsaris satis fecisset, ad Cæsarem in Germaniam profectus est, vt ille de tota ratione atque euentu aduersæ pugnae certius doceretur. Eo autem animi habitu in Italiam rediit, vt eius prælii detrimento Cæsarem non obscure offensum crederet, conceptoque inde inexpiabili dolore, & morbo, vir alioqui magnanimus vitam defereret, & Pyrrhus Cæsaris munere lætaretur. Cæterum Pyrrhus qui insignem bello operam præstare cupiebat, quum honores militiæ apud Cæsarem præoccupatos esse conspiceret, ad Venetos Italicæ libertatis iura tuentes se conuertit, apud quos magna esset minorum Ducum penuria, multis scilicet, aut exauthoratis, aut fato sublati, inter quos Valerius Vrsinus præpropere morte ereptus, vt erat omni dignus laude, ingens suide-

li derium



siderium illis reliquisset. Sed Pyrrhus dum miro patrum consensu militiæ adscriberetur vel multo virium robore validus tridui morbum sustinere non potuit.


## I O V I I Iunioris.

*Hunc cinerem, & magni saxum venerabile busti,  
Et nimis ereptum propere, è vitalibus auris  
Heroa insignem lachrymis decorate supremis  
Ingentemque animam mæsta ter voce vocate  
Heu proceres, quibus ardor inest, & gloria Martis.  
Quis melius fera bella colat? venerandaque iura  
Militiæ? tu frange comas; & percutite pectus  
Ipsa tuum Bellona manu, validisque lacertis  
Ensesque, & galeas, & forti hastilia ferro  
Disyce deturbans, immitique obrue ponto  
Quicquid in Aeolijs excussit Lemnius oris.  
Ille per Elysium, perque umbriferas conualles  
Terrenam exutus molem, nostrique laboris  
Securus, veteres Phrygas inter, & inter Achivos,  
Romulidumque Duces, Romani sanguinis ipse  
Nunc acres exercet equos, nunc agmina victor  
(Passim pugnaci sternens quæque obuia dextra)  
Proterit, atque hostes cogit dare terga sequenti,  
Sed quid in Elysio prodest victoria campo  
Ausonia? quæ mæsta diu sarcire ruinas  
Hoc duce sperabat. Cimbros non illa furentes,  
Aut sæuum duris Gallum extimuisset in armis  
Obsidio, & rerum tristis penuria testes,  
Ille animum inuictum nunquam in discrimine summo  
Deiecit, dum se crudeli traderet hosti.  
An se iactabit Casilini gloria tantum?  
Extremamque famem perpeffa Petilia quondam?  
Nunc gemat Ausonia ( & certè hæc est ira Deorum )  
Vos Manes gaudete pii, sanctumque per altos  
Fortunatorum saltus, sedesque beatas  
Ferte Ducem; celsumque humeris imponite vestris,  
Et tantam magnò virtutem extollite cantu.*

## FINIS SEXTI LIBRI.



PAVLI IOVII EPI-  
SCOPI NV CERINI PRAE-  
FATIO IN SEPTIMUM LIBRUM  
ELOGIORVM SVORVM AD  
COSMVM MEDICVM FLO-  
RENTIAE DVCEM.



*NON miraberis candidissime Princeps, si complures qui suis se-  
culis insigni bellicae laudis praefonio floruerunt, hoc volumine  
praetermissi videbuntur. Nam ex professo eos tantum quorum  
veras imagines nancisci potuimus, appositis Elogijs exornan-  
dos arbitrabamur, ut in libro iam pridem a nobis edito de Vi-  
ris literarum elegantium doctrina inclitis studiose servatum  
est. Quamobrem iam mihi licet iure optimo veniam deprecari,  
quandoquidem in hac tot imaginum suppellectile comparanda,  
per triginta amplius annos perpetua curiositate incensus, neque diligentiae neque sumptui  
unquam pepercerim. Arbitrabar enim in hoc flexu aetatis & praecipiti senectae, nullum  
omnino, abdicatis iam ceteris voluptatibus, vel honestius vel splendidius studium fore  
(sacrato praesertim viro) quam iocundam & negotio liteque vacuam maximeque tran-  
quillam vitam instituenti, parasse viris elegantibus apud Museum nostrum peramantiae  
delectationis voluptatem ac utilissimum animorum oblectamentum, his praestantissimis  
verae virtutis exemplis, quibus haec vita saepe anxiosa, & atri plena turbine beatè compo-  
sita procul a molestijs & perturbationibus abduceretur. Ceterum viutorum quoque Du-  
cum, & regnantium adhuc Regum imagines ibidem spectantur, quibus ideo pleniora elo-  
gia supposuisse puduit, quod (ut Poetae aiunt) ultimus vitae dies indicet de omnibus, nec  
quisquam mortalium planè felix ante obitum dici queat. Praeduri quoque, & odiosi sit  
muneris viuentium mores publicae censurae subiecisse, tanquam aliquanto certiore maleno-  
lentiae quam praemij vel laudis spe. Quandoquidem apud multos hac tempestate parce lau-  
dasse quam maledixisse tantundem sit. In hos scopulos aliquando nos incidimus, quum  
Historias vel egregio fidelis ingenij temperamento perscriptas ederemus. Verum hac eo-  
dem robore constantis animi semper feremus, quo gravissimi operis negotium aggressi,  
eam tantum ab ingenuo labore laudem tanquam securiorem & plenioram a posteris po-  
tius, quam a viuis, non obscuro cum liuore aliena saepe legentibus, expectandam esse  
censebamus. Ceterum hic liber qui viutorum elogja continebit, illustri & astricto  
nominis tui Encomio claudetur, & optimo quidem iure, quum domi tuae, na-  
tus sit, ubi concessio nobili otio elegantiora studia tuis auspicijs reflorescunt.*

*Vale.*

ELOGIO.



## ELOGIORVM

LIBER SEPTIMVS.

Carolus V. Imperator



ALVE ter maxime Carole Quinte Auguste, à præclaro præcellentium virtutum concursu atque præsidio inuictissimi Imperatoris cognomen merite; quum apud cunctas prope gentium omnium nationes splendidissima ingentium victoriarum trophæa statueris; vsque adeo felici euentu, vt tuam vim non modo Barbari Africæ, sed ipsi quoque Antipodes, quos victoriâ tua nuper aperuit, intelligant & admirentur.

Hh 3



Quandoquidem incomparabili inusitatae virtutis tuae documento indomitae antea Romanis, vltioris Germaniae gentes bello superatae subactaeque Maiestati gloriosi nominis tui pareant, & tua signa vel ex longinquo etiam, trepidissime venerentur. Quo fit, vt qui votis rite conceptis, pro salute gloriae tuae superis supplicant, à te hoc vnum, quod est verè summum, ad dignitatem tuae amplitudinis exposculent, vt postquam vti maxime pius non obscura religione tangeris, de paranda communi concordia generose decernas, scilicet vt publicis piorum Principum armis egregie auctus, & confirmatus, Solymani insolentissimi hostis ferociam contundas. neque enim omnino erit difficile inermen aciem grauibz armis protecto agmine perfringere, eius hostis quem victrices aquilas reformidantem, & planè vertentem terga nuper ad Viennam conspexeris.

IOVII Iunioris.

*Deuictas Turcarum acies, Libyenque subactam  
Milite Caesareo victrix quum viderit Arctos,  
Vndantesque procul Pænorum sanguine campos,  
Proluit horrenti, quos Bagra da concitus vnda;  
Quumque minor genibus latis Germania terris;  
Atque tuas totus sub leges iuerit orbis,  
Vndique te canimus vates ter maxime Caesar;  
Præsentique tibi meritos largimur honores.  
Hic te monstrari populis gens Itala mauult,  
Quàm tua si Pary sublimis mole Colossi  
Effigies medijs latè caput inserat astris  
Nam lapides, atque æra cadunt, quibus imber, & ignes  
Officiunt, longique vorax iniuria secli.  
At te olim CAESAR cælestia tecta tenentem;  
Cemplentemque tuo felici nomine terras,  
Et tum etiam Libyæ populis, Turcæque timendum  
Ante alios longè mirabitur alta vetustas.*

## Ferdinandus Rex Rom.



TTV quoq. Ferdinande Imperator designate Regijs multis virtutibus Cæsari germano fratri par, sed Fortuna inferior bonitati liberalis ingenij tui magis ac magis innitere, vt hanc rerum dominam tibi concilies, atq. inde sicuti præclare optimus Regum omnium, amplissimus etiam fias. Neque enim sat est clementem, pium, liberalemq. fuisse, nisi bona fors æquissimis cõsilijs tuis arrideat. Sors quidem quæ omnia versat, & vti lubet cæca libidine dare cuncta & eripere cõsuevit. Adijsti quippe Pannonici Regni hæreditatem quam legitimo iure cupiebas, quod id Regnum Rege orbatum vetustis & nouis fœderũ legibus Austriaci sanguinis stirpem respuerit. Sed ius omne quod præclare tuum est, immanis Barbarus sic interruptit, vt nouum hominem quorundam Hungarorũ Procerum importuna assentione,



tionē, & Præfectura Transyluanie prouectū, beneficiarij iuris nomine Pannonie Regno imponeret, & à te demū felicibus armis profligatū in contumeliā Germanicæ authoritatis reducendū tuendūque susciperet. Quod videri po-



terat ex dignitate Othomannici nominis cōfirmare clientem, & Christiana simul arma toties à maioribus suis victa cōtemnere. Huic nanque seculo fatale fuit, vt nostrorum Regum animi veræ pietatis obliuiscerentur, exitiæque infania inter se peruicacibus armis dissiderent, scilicet vt Barbaris veris hostibus sterneretur via, qua illi nemine iustis viribus obsistente in viscera nostra penetrarent. Itaque virtuti tuæ tuisq. tantum opibus innixo, non inane modo sed funestum semper fuit, cum rabida, immensarumque virium præualida bellua colluctari, eritq. semper & miserum nobis & luctuosum, nisi Cæsar frater tanquam alter inuictus Hercules, opem ferat. In dextra namque eius tam forti quam felici præclare sita est spes omnis parandæ incomparabilis, gloriosæq. victoriæ, si æquam pacem pijs Regibus religionis amore dandā censeat; hisque in societate ascitis, eorum copijs, atq. opibus, vti velit; sicuti Maximilianus auus tuus, summæ virtutis & pietatis Imperator ad propulsandū, tollendūq. pub. salutis periculū opus, esse sapiētissimè decernebat.



*Te quoque nubiferas, quâ Larius alluit alpes,  
 Tot claras inter Regumque, Ducumque tabellas  
 Littore Lunato Musæa Palatia seruant  
 Spectandum populis Rex augustissime Regum.  
 O vere egregium cunctis decus addite terris  
 Quam bene Pannonij cura est tibi tradita Regni,  
 Scilicet, vt Duce te, nostris quandoque superbum  
 Finibus arceri speremus posse tyrannum;  
 Qui velut immissus syluis arentibus ignis  
 Quum furit, insano Borea spirante, per agros,  
 Corripit è medio crepitantibus omnia flammis.  
 At tibi nec virtus; spectataque dextera bello  
 Defuerit. tandemque tuis, sic auguror, ausis  
 Conuerso felix studio Fortuna fauebit.*

## Henricus II. Galliæ Rex.



**D**IUI Diuæque omnes te sospitent, magnanime Henrice, & paternæ virtutis æmulum faxint, modo illius totum iniquæ sortis omen auertant. Ex alijs namque Fortunam discas quam non longe semper ab inuicta virtute tua absuturam experieris. Quandoquidem quæ optimo consilio pro uideri queant, & Regnis tuis præsidio atque ornamento sint, initio statim Principatus statuenda censueris. Primum enim omnium ærario, cuius opibus cuncta belli & pacis munia cōstant, ita cauisti, vt quæstorum impudentes prædas sustuleris, & totius prope venatorij sumptus luxuriam moderata lege correxeris, ita vt agricolis in ipsa Regis voluptate minime sit lugendum; & quod integri tui pudoris est, apud aulam licentiæ muliebris intemperiem castigaris; tanta verecundiæ cura vt matromæ omnes perillustri Reginæ exemplo (hæc enim lectissimis pudicitiae moribus gaudet) suum perspicuæ famæ decus respiciant, & solis nobilioris elegantiae munitijs extra suspectas dubij pudoris illecebras pudici nominis laudem tueantur. Iustitiam porro tanta seueritate colendam instituis, vt nihil apud iudicum collegia promercale, nihil apud equitum ordines corruptum, & nihil denique in causa religionis deprauatum, vel piaculo suspectum, vel vlla ex parte supinè neglectum esse patiare. Nec mirum est si hos mores in te iuuenē veneramur atque suspicimus; postquam (quod est grauissimi & saluberrimi iudicij tui munus) toti summæ arcani consilij præfeceris Carolum Lotharingæ Cardinalem singularis innocentiae, pietatis, atque prudentiae hominem a te propter fidem industriamque mirificam in minore Fortuna delectum. Quod verò instauratæ florentisque militiæ interest, ipsum Annæum Memorantium è villa sua Centellia, vbi scemineis delationibus ac artificijs prefusus importuno Reipublicæ tempore iacuerat, in aulam euocaueris, quod nemo eo sobrij constantisque iudicij grauitate, aut perpetuo armorum vsu castrensium



castrensiūque rerum noticia, tuendæ Gallix & proferendo imperio Dux  
potior atque præstantior exoptari possit. Itaque mactæ tua iam bis cum in  
Alpibus, tum in Belgis spectata virtute pernobilis Rex, perge vt cœpisti,  
& virtutem & pietatem cole, vt Fortuna pudore victa fortibus ausis tuis ar  
rideat.



BENEDICTI Varchij.

Quid Regem verè Regem, latèque potentem  
Præstantem bello Regem, studiisque Mineruæ  
Insignem addeceat si scire Henrice laboras  
Henrice Francorum decus, ac noua gloria gentis,  
Non alius quisquam citius, meliusue petest te  
Patre docere tuo, magnum bene consule patrem  
Patrem imitare tuum, quo nullus tempore in omni  
Omnibus in rebus maior fuit, aut erit vnquam.  
Ex illo virtutem omnem, verumque laborem,  
Fortunam ex alijs tantum, didicisse memento.



## Christiernus Daciæ Rex.



**Q**Uis neget te, Christierne mortalium immanissime, nequa  
 quam ex merito nefariæ crudelitatis dantem pœnas, non  
 quidem à Fortuna quæ sæpe iocari neque diu consistere so-  
 let, verum ab ipso magno numine certissimo semper ultore  
 scelerum tam diu carceris calamitate fuisse mulctatum? Nō  
 enim humano partu in hanc editus lucem, sed à monstuo-  
 sa terrificaque bellua, vti tuus sæpe fert glacialis Oceanus, natus & educa-  
 tus inter Balenas & Orcas existimari potes. Hanc siquidem stirpem fate-  
 ris insidiosis vipereisque oculis, effera fronte, portentosisque dentibus, &  
 horrida barba humano cruore delibuta, qualem Antropophagi Canibales  
 apud Indiam noui reperti orbis ferre dicuntur. Non eius vtiq; Christier-  
 ni Regis sanguine progenitus esse potes, qui vti erat egregiè pius, religio-  
 nis



nis causa aliquando pedibus Romam ierit, vt sacrosancta altaria pietatis plenus inuiferet, & Pontificem sacrorum Principem veneraretur, muneraque venerationis eximiae in patriam referret, quibus tu scelestissimus nepos potirere. Desciuiſti ſiquidem impiè atque arroganter, non quidem à Romano Pontifice, quod fortaiſſe ferri poſſet; ſed à Chriſto, ſuperiſque Diuiſ, vt te innocentiffimorum ſacerdotum ſanguine cruentares, ſacrorum aras euertes, templorum donaria diriperes, & denique vti immanis parricida, humani generis odium parares; Scilicet vt totius Daciae, Gothiae, atque Noruegiae populi, monſtrum ſibi regnare non hominem indignantes, publica conſpiratione rebellarent; teque eiecto, Chriſtianum re & nomine Regem; pro impio ſibi deligerent, à quo perpetuis vinctus cathenis, tanquam indomita bellua clatrata in cauea ſeruauere. Dignus proſectò omnibus tormentis atque ſupplicijs, & nece turpiſſima; niſi honos qui Caeſari tibi ex matertera coniuncto, plurimus deberetur, & Chriſtiernae filiae tuae inſignis pietas, quae matri quam tibi ſimilior euaiſit, infelicibus Sfortiano & Lotharingo connubijs clara, te adhuc atroces retinentem ſpiritus, & retro carcere poenas dantem ſeruauiffent.

PLACIDII Placentini.

*Terrificam hanc effigiem, hunc horribilem tyrannum;  
Dedecus hoc & Daniae, dentibus iſ trifauci  
Ad Stygios qui reboat perſimilem feroci,  
Sanguinis hoc denique ſacri cupidum ſepulchrum,  
Iſ tabulis (credo equidem) non meminiffe fas eſt,  
Ni monumentum veluti perſidiae efferatur.  
Ingenium ſcilicet hic exuerat benignum  
Et velut antiqua manus iam voluit Gigantum,  
Dum nequit alto officere hic caelicolum tonanti;  
Inſequitur, ſenit, & almos necat (heu) miniſtros:  
Templaque ſacris vacuat tum ſpolijs profanus.  
Et niſi qui fulmina torquet, populos ſubactos  
Eenſibus ac corde fero cogeret in tyrannum  
Spiritus huic terribilis iam ſolium locaſſet.*



## Solymanus Turcarum

Imperator.



**S**OLYMANO ex re feliciter prouisa, cui euentus responderit, nomen obuuisse elegantiores Turcæ asserunt, secus ac patri contigisse constat, qui à contrario sensu Selymus, hoc est mansuetus & lenis authorque pacis sit vocatus, quo nemo Othomannorum Principum ingenio ferocior, & ad sæuitiam pronior, & denique bellicosior fuerit. Nam si memoria repetamus vtriusque res gestas quas in Historijs enarrauimus, plus certè cruoris effusum fuisse fatebimur per octo annos quibus Selymus imperauit, quàm his triginta quibus Solymanus Imperio potitus est. Hoc verò nomen Salomonem Mosaicis annalibus Regem, sapientiæ gloria inclytum immutatis syllabis refert. Sed Solymani, si comparare iuuat, res gestæ, paternæ famæ nomen æquasse censi possunt, si numeros & pondera victoriarum



riarum æqua lance expendamus. Recepta namque Syria, interfecto Gazelle qui rebellarat; & Belgradum Pannoniæ propugnaculum cum ignominia Christiani nominis fortiter expugnatum; Rhodus manu capta; trucidatus in acie Rex Hungarus; Buda vrbs Regia bis occupata; Austrianus exercitus ad Exechium fœda in fuga cæsus atque deletus; Rocandulphi ingentes copiæ ad Budam expugnatis castris superatæ; contemptusque demum atque repulsus ad Pestum Germanorum exercitus; & expugnatum in oculis Strigonium, & Albaregalis eo victoriæ cursu in potestatem redacta, & paulo antea Hispani in Dalmatia ad Castrum nouum strenuè expugnati, cæsi; & quod fœdius nobis accidere non potuit, nostræ classes quæ insuperabiles viderentur ad Leucadem in fugam coniectæ, Solymantum profectò neque patri ausu imparem, neque prorsus inertem aut gloriæ minus audum testabuntur. Quod si eius victorias ad orientem partas computemus, Assyriæ & Mesopotamiæ Regna cum Babylonia, clarissima orientis vrbe, & magnæ Memphi proculdubio æquanda, Othomannico adiecta Imperio, captae Aegypto opponi & comparari possunt: & quod ad gloriam atinet, euastati maioris Armeniæ, Mediæ, Persidisque fines vsque ad sinum Persicum, captumque bis Taurisium Persarum Regia, omnibus ornamentis spoliatum, non ne Tamma sum Hysmaelis filium refugientem ad montes, neque consistere, neque acie congregi ausum, se planè victum confiteri coegerunt? Superi itaque Solymano eam mentem tribuant, vt perpetuo bello vexandum orientem, appetendamque Indiam censeat; postquam nos tot acceptarum cladum minimè pudet; nec ex communi concordia de sacro bello cogitamus, dum modo hostis auersi beneficio pace frui liceat, quæ huius Solymani vires eleuare, nostras iactanter efferre, eius mores ineptè carpere contendimus. At ipse Turcis eius certè erit (vt illi fatentur) supra ceteros Othomannorum Principes qui per ducentos regnarint annos iustitiæ, sobrietatis, & continentiae laude clarissimus, quum nulla impietatis atque sæuitiæ, sed multa religionis atque clementiæ monumenta Mustaphæ filio iam planè viro & nobis formidando æmulanda proponat.

## IANI VITALIS.

*Ocia quem nunquam tentarunt mollia, quem non  
Delitijs fregit desidiosa Venus,  
Regnatorem Asiæ Solymantum en aspice quisquis  
Scyllæam ignoras terribilem ingluuiem,  
Ægyptum ille inhians, inhians Indosque, Getasque  
Pannoniæque arces, indomitamque Rhodum  
Vi magna aggressus rapuit, te vindice Cæsar  
Euasit rabiem sola Vienna suam,  
Et nunc immitis fœta truculentior vrsa  
In latebris fingit funera nostra suis,  
Interea dum nos vigilantes stertimus, ille  
Insomnis, nobis integra Regna vorat.*



ELOGIORVM  
 Andreas Auria Classis

P R A E F E C T V S.



**I**V te sospitent coelestia numina fortunate senex, assertæ inli-  
 bertatem patriæ suprema gloria indycte, perpetue & inuictæ  
 prædonum hostis, & multis mari partis victorijs celebrate.  
 Dii superi inquam seruent, & in hoc viuidæ senectæ robore st-  
 tant. Ad præsidium nanque oræ maritimæ Deorum im-  
 mortalium beneficio natus existimaris, qui vnicus cœli nubiumque specta-  
 tor naualis disciplinæ arcana huic seculo propalasti; vt doceres quibus arti-  
 bus & irati maris contumeliam, & sæuiantis Aeoli minas contemnere pos-  
 sent, qui hybernis etiam tempestatibus se fortiter committere audeant. Hoc  
 tibi supremi laboris superest, vt pro tua vetere virtute, vigilantia, pietate,  
 patriam quam abolitis veterum tyrannorum nominibus verè liberam opi-  
 busque florantem fecisti; parta ciuium concordia, diu serues, incolumemque  
 & bene fortunatam faxis.

I A N I



*Quem spectas barba horrentem, seuumque tridentem  
Imperium pelagi magna ditione tenentem  
Aurius est; non ille modo Lybiaeque, Asiaeque  
Pyratarum horror, & formidabile nomen,  
Sed terrae decus Ausoniae, & noua gloria Martis.  
Hic patriam longo concussam turbine belli  
Firmauit pace, & ciuiles sustulit iras  
Illum grata suum, Ligurum Respublica ciuem  
Et pietate grauem, & meritis ingentibus, inter  
Delectos procures quos illa ab origine prima  
Excoluit celebrem aeterno sacrauit honore  
Et Iouinus tabulam virtutis dedicat ergo.*

## Tammassus Sophi Persarum Rex.



AGNO Hyfmaeli quatuor filij fuerunt: Tammassus, Helcas, Becram, & Somirza; sed hic Tammassus communi iure gentium quod esset natus maximus Regnum excepit. Verum non eadem felicitate qua pater (quanquam hisdem propè artibus id regeret) aut proferre, aut tueri potuit. Intempestiua namque fratrum æmulatione vexatus, & à Parthia Hyrcanorum lacessitus armis, Othomannica arma non diu tulit, quum Solymanus intellecta occasione è Comagene in Mesopotamiam effusus ingentibus copijs totam eam regionem, quam hodie Diarbecum Barbari appellant, quatuor clavis urbibus & singulari copiarum omnium fertilitate nobilem occupasset. In ea enim sunt vrbes Byrtha apud Euphratem, & secundum eam introrsus Cara Amida, & Moredinum, & Orpha, quæ Edeffa fuit, & quæ est ad Tauri radices Bithelis. Exinde Solymanus Syriae, Iudææ, & Aegypti Satraparum auctus copijs Assyriae Regnum inuasit, & Babyloniam Alexandri magni & Reginae Semiramidis memoria claram imensa cupiditate ex tam facili victoria adiit, & in deditionem accepit, ut inde expeditus atque terribilis ad Taurisium æquata Selymi patris celeritate contenderet. Tum verò Tammassus quod viribus esset inferior ad montana aspera que loca se subducens, & subitis incursionibus venturi & prælio certaturi famam præbens, ita Solymanum spe pugnae frustratus est, ut decedentem, & pabuli pressum inopia, hisdem vestigijs insequeretur; adeptusque eius nouissimum agmen ad Bithelim urbem Tauro suppositam quum Turcæ propter effusas niues multis affligerentur incommodis, eorum castra per Delimenthem impigrum Ducem noctu adoriretur, & maxime cruenta cæde semisopitos obrueret. Ea clade Solymanus qui Cara Amidæ substitute rat, dolore perculsus Byzantium rediit usque adeo sibi iratus, ut sperati triumphi publicæque lætitiæ apparatus omnem reiiceret, ulturusque contumeliam iuraret non prius se coepto bello finem impositurum, quam Hyfma



elis progeniem (vti Selymus pater, & auus Baiazetes statuissent) funditus excinderet. Hæc siquidem odia cum ipsa nouæ religionis dissensio, tum antiqua simulta à proauo Mahomete cum Vssumcallane concepta, in immē



sum extenderant. Ferebatur quoque Tammam, quod maxime Mahomera nis erat odiosum, per mutuas legationes concitare Carolum Cæsarem vt Turcis in oriente occupatis, Pannoniæ & Græciæ, terra marique inuadendæ occasionem arriperet. Tammam quoque aliud subhnt incommodum: nam ab eo Helcas germanus frater ad Solymanum Byzantiij agentem transfugit, cuius hortatu renouatum est bellum, quo Helcas vt perfidiæ, aut stulti consilij pœnas daret, quum se bello Ducem profiteretur, non longe à Balzera quæ est Emporium Persici sinus, interceptus est, eo successu vt Tammam adhuc respiret, & accersitis in auxilium ab Indico Oceano Lusitanis iliquot sclopettarijs, locorum opportunitate se defendat. Ipse roseo vultu & alacribus oculis, dignam Imperio faciem præfert, & inter Persas, quod maxime decorum est, equitandi & sagittandi peritissimus habetur.

L A E L I I



LAELII Carani.

Regali Tammis Persarum sanguine cretus  
 Hic est, quem roseo pinxit Natura colore  
 Quem Venus ambrosia conspersit odoribus, arma  
 Quem Mars bellipotens simul & Tritonia virgo  
 Munere bellorum, seuis instruxit & armis,  
 Qui quamuis odio fratrum vexatus acerbo  
 Hircanisque armis, clari haud benefacta parentis  
 Aequarit, tamen audaces expellere Turcas  
 Est ausus, quorum tepesecit sanguine terras.  
 Hic ubi iam niueo Tauri splendore coruscus  
 Frigoreque argentes nocturna strage fugauit,  
 Rettulit & magno claros ex hoste triumphos.  
 Immanis summo percussus Turca dolore  
 Prostratas acies cum cernit milite Persa  
 Sic proprias repetit sedes, & corde querelas  
 Sapius effundit miseras, & percitus ira  
 Testatur, diuos se vnquam linquere inausum  
 Inuisos donec Persas euerterit orbe.  
 Ast inuicte noua Tammis virtute superbum  
 In patrios iterum fines irrumpere Turcam  
 Si qua parte vides, armis victricibus arce,  
 Sterne, fugaue, proculque doma; nam victor honores  
 Et famam claro felix aequabis olympos.

# Thomas Hauardus Nor-

foltius Dux.



**H**IC est ille bello inclytus & supra omnes mortales supremo  
 hoc infortunio miser Thomas Hauardus Surreij filius, ab  
 Anglis de nomine eius Imperio subditæ Prouinciæ Norfol-  
 tius appellatus. Is Surreio patri operam in prima acie na-  
 uans, quum Scoti ad Floddum occiso Rege delerentur, sin-  
 gularem eius victoriæ laudem tulit; Rebellantem Hyber-  
 niam eò traiciens armis perdomuit, atque pacauit. Henrico Regi bis Gal-  
 liæ bellum inferenti tñracientique in continentem bellica laude virtuteque  
 animi Ducum clarissimus magno vsui fuit. Postremo eum industriæ, per-  
 petuique officij sui fructum tulit, vt post damnatum cæsumque securi Ede-  
 mundum fratrem, eiusque filiam pari supplicio mulctatam, quod Regi tor-  
 cedibus efferato infauste nuplisset, turris Londiniæ carceri includeretur;  
 seruaretur tamen viuus à Rege, vt in carcere Regem non omnino ingratum  
 erga se, qui adhuc tyranni beneficio viueret, fateretur.



ELOGIORVM  
Norfoltius.



LAELII Carani.

Horrida Norforti dum tractas arma tremende  
Diceris esse Deo Bellipotente satus,  
Nam tua dextra graues armis quum perderet hostes  
Obstupuere homines, obstupuere Dei,  
Sed mage mirantur te hominesque, Dei que tyrannum  
Quum virtute vident sic cecidisse tua

Eiusdem.

Lictoris rabiem Marius compescit inermis,  
Illi dum ferro colla ferire parat.  
Pectora Norforti perterres dira tyrann  
Se sedare tuo nanque cruore pauet.

F E R D I N A



## Ferdinandus Toletanus

Albæ Princeps.



**F**ERDINANDUS magnanime Albane, & qui militiæ usque adeo lætis initijs effloruisti, perpetuo virtutis atque victoriæ cursu ad summum gloriæ fastigium contende, qui antiqua Toletanæ familiæ decora cumulatè renouas, & Hispaniæ veterem belli gloriam asseris, benignitateque splendidissimi ingenij cunctos proceres æquas, & quosq. Duces cōsilio, vigilātia & ingentib. ausis antecellis. Agnoscimus siquidē, quid generoso illo tuo & insatiabili laudis spiritu petas & speres, & quid deniq. certissimis summarū virtutū præsijs circūseptus strenue euadēdo cōsequi possis. Insita nāque tibi est, & à præaltis maiorū tuorum seminibus ingēnita, veræ laudis, verique decoris immensa cupiditas. Nam te

li. 4

De laudibus et virtutibus Ferdinandi Toletani  
 et de eiusdem principis meritis in Hispania

F E R D I N A N D U S



Federici aui Bætico & Cantabrico bello clarissimi trophæa excitant, te Garzîæ patris Libycis arenis insepulti manes vrgent, te Cæsar ipse, cui tu maxime conspicuus, inter splendidissimos Proceres fidei virtutisque nomine delectus perpetuo adsistis comes, vehementer accendit, vt nihil nisi arduum, nisi excelsum, & optimæ laudis spe plenum spectes, vnde summa petatur gloria. Hanc enim vnâ ipse petit, in qua tamen pietas emineat, & amplificatæ Religionis fama constet; tanto quidem studio, vt te secum rapiat, benigneque tecum suum decus communicet. Et hoc hercle multo modestius & liberalius, quandoquidem quorâ suæ laudis partem tibi concesserit, quum triumphalem laurum de profligato ad Albim, captoque Saxonum Principe repudiaret, vt totum id decus à te forti ausu felicique dextra partum, præclaro iure tibi deberi fateretur. Confecisti itaque tua ingenti virtute difficillimum atque durissimum bellum, quod auspicijs inuicti Cæsaris gerebas, optima quidem spe, & singulari perseuerantia, quando semper antecursor, semper hosti proximus, semper ex tua peculiari disciplina munitissimis vallatus castris, ita progredere, vt maturè obuenientis victoriæ fructum prope solus delibares, atque inde totum perciperes. His tuis ad incomparabilem laudem præclare gestis, sicuti antea in Pannonia, Africa, Gallia, te effecturum promiseras, aui atque patris felices animæ iampridem ex meritis in cælum receptæ, ita gaudent & exultant, vt te etiam atque etiam obnixè cohortentur ad concitandum Cæsarem suoapte ingenio de sacri belli gloria cupidissimè cogitantem. Nihil enim ei vel ad vsum rerum præsentium aptius, vel ad gloriam laudatius, vel ad spem æternitatis omnino beatius accidere potest, quàm vt in veros hostes vniuersa Christiani nominis arma, vnus præsertim inuicti, pique & bene fortunati Imperatoris auspicijs conuertantur.

ANDREAE Anguli.

*Dum cogis Fernande Scythas dare terga Viennæ  
 Astra suo lambit vertice Danubius;  
 Et quâ lentus aquas agit Afris Bagrada arenis  
 Miratus dextræ est celsa trophæa tuæ;  
 Te rapidus tremuit Rhodanus, ter Gallia magni  
 Cæsaris est armis quum quatefacta ferox:  
 Illius amissa Libycis quoque Sauius in vndis  
 Classe, tui robur pectoris obstupuit;  
 Tandem Albis bello victus te sistit Olympo  
 Dum duce te, Carolo perfida colla dedit.  
 Ergo aqua vel tellus, nulla est non plena triumphis  
 Pars etiam Cæli; clare Tolete tuis.*

M V L E A M E.



## Muleamethes Cognomento

SCYRIFFI,

Magnus Rex Mauritaniae.



**H**AC talari lintheaque toga induitur Scyriffus, & oblongo lintheolo simplicibus spiris ita caput inuoluit, ut eius extrema pars instar ingentis caudæ à dextra aure per humeros & crura ad talos usque diffundatur. Hoc habitu Sacerdotes Aegyptios olim usos fuisse constat, sic ut facile reat sacrificuli cultum inde acceptum, quem nostri sacra facientes superindunt, & Camisum vocant. Muleamethes siquidem ob id Scyriffus vocatur quod sacratæ sit stirpis, & Mahometis pseudo prophetæ sanguine progenitus. Ea vox enim Arabicè virum sanctimonia pollentem, & sacris mysterijs deditum



exprimit. Quomodo autem hic magno huius seculi prodigio (quum esset pædagogus) ad tot amplissima Regna peruenerit, breuius quàm potero explicauerim, vt hinc quoque astrologicæ diuinationi non inanem famam adstruamus, & iam sit planè perspicuum totam humanæ sortis fortunam sua auspicia è Cælo deducere. Scyriffi pater Zidamethes habitauit in Dara, quod est Regnum non procul à Staffileta regione, quæ tota palmifera est, & magno incolarum emolumento dactylorum copiam venalem præbet, qui fructus esui gratus, à finitimis vlterioribusque populis expetitur. Huius mercimoniij aliarumque rerum opulentus erat mercator Zidamethes, & prudentiæ opinione maximè insignis: sed in primis syderalis scientiæ peritissimus, vtpotè qui multa prænunciaret & diuinaret, profiterique auderet, vel multis irridentibus, duos se habere liberos, qui proculdubio ad Regale fastigium essent euasuri. Hi erant Mahometes & hic Scyriffus nomine Amethes, qui Arabicis eruditi literis ludum aperuerant, puerosque docebant, pari concursu quæstuque apud finitimas gentes doctrinæ fama celebrati. Hos pater admonuit vt noscendis externarum gentium moribus longinquam peregrinationem susciperent, religionisque causa Mahometis prophetæ templum & sepulchrum ad Mecham & Talnabim (quæ sunt in Arabia) venerabundi adirent. Quod opinio religionis mortalibus ingenita, homines ei deditos augustiores, & apud imperitos admirandos efficiat. Suscepere itaque iter, & Memphim inuisere, transuere mare Rubrum, deflexereque Hierosolymas vsque Byzantium, atque inde reuersi in Africam, apud Tunetum aliquandiu constitere, cœptique sunt haberi in veneratione apud Punicas gentes, quod esset ex progenie Mahometis, inuisissentque sacrosancta templa & monumeta veterum Hæbreorum, atque alba veste vterentur. Mahometani siquidem eos qui religioso voto conditoris sectæ suæ Mahometis sepulchrum inuiserint, sacrosanctos appellare soliti sunt, & eos à cultu candidæ vestis agnoscunt. Ab eo tempore ingentes amicitias cum Arabibus Regulis contraxerunt, & vti erant ex paternis diuitijs maximè opulenti ad tractanda arma transuerunt, vt fatis suis viam aperirent. Adhæsere itaque vagis Arabibus qui in Africa à Nilo vsque ad Oceanum Atlanticum incertis sedibus vagantur, imperantque tributa Regibus, & detrectantes venalem amicitiam, armis inuadunt: qui vt tum accidit, magnis viribus Buccentuffum Maurocchi Regem oppugnabant. Maurocchum longè clarissima vltioris Mauritaniæ vrbs, quæ Romanis temporibus, vt coniectari licet, Bogudis Regis fuit, distat ab Atlante triginta millibus passuum, ea camporum specie, & aquarum vbertate, qua Mediolanum florere, discedereque ab Alpibus videmus. Sed Buccentuffus qui ab Almanfore potentissimo Rege aliquot ante seculis occupatæ Hispaniæ gloria inclyto, genus ducebat, non prius expugnari potuit, quàm Fessanus Tingitanæ & Cæsariensis Mauritaniæ Rex, in societatem Arabum traheretur industria præsertim duorum fratrum, quorum autoritas apud Fessanum plurimum valebat. Eo itaque euentu Arabes Mauroccho potiti sunt, vt Mahometes alter fratrum maior natu Rex efficeretur, quum Buccentuffus ei se desperatis rebus certa conditione dedidisset. Sed hunc postea Mahometes periurus & sæuus in granaria scrobe immaniter necauit.

Amethes



Amethes autem Scyriffus trans Atlantem progressus, opulentissimæ regionis Regnum, quod Sulum vocant, frumento, olea, viteque & metallis abundans, & Tarodentam clarissimam urbem, quæ Arabum stipendiaria fuerat, occupauit. Ea regio iubatos coronatosque Leones gignit, generosos quidem & homini parcentes, nisi ex pecore minoribusque feris ad alimentum præda desit. Ab Atlante qui est memorosus & altissimus, & hodie mons Clarus appellatur, perpetui montes oriuntur, non secus ac ab Alpibus nostris Apenninus, longo tractu & multis flexibus in orientem sic exporrecti, ut mediam Africam proscindant, & ab arenis disterminent. Eæ nanquæ arenarum solitudines ad vltiores Aethiopes pertinent. Cæterum Scyriffus non contentus amplissimo Regno, Fessani Regis & Arabum fretus, auxilij Maurocchi Regnum Mahometi fratri inuidit, & abstulit. Ea tamen conditione ut in Darà & Staffilite eum regnare pateretur, quæ Regna paulo antè communibus viribus occupassent. Ex Mauroccho demum Scyriffus insatiabili cupiditate ad Fessanum regnum oculos adiecit, innixusque suis dolis & felicibus armis regem Muleamethem debellauit & eiecit, quum illum fatigatum multis diuturni belli detrimentis Fessanus populus, ut Fortunæ cederet hortaretur, ne ruentis patriæ casum, & ciuium suorum interitum conspiceret. Ea vero magnitudine animi Scyriffus vndique probitatis atque iustitiæ ac humanitatis gloriam captare solitus, in victoria usus est, ut diceret neminem se apud Maurocchum regnare passurum præterquam Muleamethem, iocatus in communi nomine, atque ita victum & dudum hostem Maurocchi Regem fecit, illumque eò cum liberis ac vxoribus, & Regia gaza migrare iussit; magno quidem cum dolore Muleamethis, cui nobilissima atque amplissima Mauritanie ciuitas, & patria erat relinquenda. Urbem Fessam interluit Sala amnis, qui hodie Rhazalma vocatur, & in Oceanum iuxta urbem Azamor nauigabilis defertur. Eam septuaginta quinque milibus domorum infinitoque populo frequentem esse omnes asserunt, trecentæque & sexaginta frumentariæ molæ in amne visuntur, actæ machinis quas profluentis aquæ impetus rotat & euoluit. Infinitæ sunt in vrbe rerum fabrilium tabernæ, & plura mercimonij pretiosi conditoria, certis septis publice custodita: atque item Gymnasia duo quibus iuuentus discendis disciplinis & literis publico sumptu alitur & docetur. Fessani hospitales domos habent peregrinis suscipiendis, atque xenodochia in quibus afflictis morbis benigne curantur. Populus in vniuersum suffusci coloris est; sed fœminæ cultus elegantia, multaue lasciuia morum perpetua ferè vmbra fuscèdinem auertunt, & quotidianis choreis indulgent. Hac in vrbe Scyriffus solum constituit, subnixusque suis viribus Tremezenium Regem Cæsaris clientem eiecit. Bellum cum Lusitanis continenter gerit. Hi in ora Mauritanie extra & intra Gaditanum fretum oppida tenent; Acillam quam Arzillam vocant & Septam, quæ Plinio septem fratrum à totidem imminentibus collibus, vrbs fuit. Eo quidem successu ut Azamore oppido sit potitus, & Gheum oppidum in promontorio situm, quod summa virtute sed infelici exitu aliquandiu à Lusitano præfecto fuerat defensum, expugnarit. Ea vero in pugna qua postremo Fessanus Rex est debellatus Muleboazon, qui Fessano aderat auxiliaris.



Veleſio vrbe quæ ferè eſt contra Gades poſita, exutus eſt; ſic vt exul & ex vulnere dextro oculo captus in Hiſpaniam refugerit; atque inde auxilia poſtulat in Germaniam uſque ad Cæſarem pertenderit, famam de Scyriffi viribus ingentem relinquens, & admonens principes noſtros vt mature caueant, ne is Granatæ affectans Regna, alicunde traſiendi in Hiſpaniam occaſionem & facultatem arripiat. Habuiſſe enim eum in acie octuaginta milia equitum, & peditum baliftariorum ſclopettariorumque viginti milia, moreque noſtro egregiè fabrefacta ænea tormenta maioris minorisque generis conuecta equis & curribus ad octingenta, acceſſuramque proſecto ei infinitam Arabum & Maurorum multitudinem, ſi traſcere meditetur, & religionis cauſa bellum paret. Sed planè ſenem octogenarium quanquam viridè validum ſeneſcè, & aſſiduè camelino lacte vtentem, aut ſua proculdubio abſument fata, aut ſuperi ab Hiſpania auertent, aut veris armatiſque militibus ubique terrarum egregiè vincere aſſuetis, trucidandum vel vincendum obſcient.

ANDRÆ Angulij.

*Miraris mira hunc cinctum ſeptemplici, & alba  
Indutum ſtola Regem habitu Libyco;  
Quid ſi illum noſſes, atque illius inclyta facta,  
Facta inquam audiſſes, digna duce Annibale?  
Hic velut æthereum fulgur, vi Martis aperta,  
Regna propinqua ſuo ſubdidit imperio:  
Maſſilium huic gentes. Getuli, & Maximus Atlas,  
Et Mauritani colla dedere duces,  
Adde quod arma etiam Bætis meditatur ad vrbes,  
Hiſpano ſpreto milite, & Oceano,  
Dum parat hæc magna, illi ſors, virtusque parauit  
Nunc Iouij calamum principis Hiſtoriæ.*

F E R D I N A N



## Ferdinandus Gonzaga.



**H**OC in te Ferdinande Gonzaga Ducum præstantissime, bellicæ virtutis eximium decus refulget, quod armato præsenteq; Cæsare summæ virtutis & fortunæ Imperatore cuncta castrensis disciplinæ munia obis, quum in agmine, in castris, & acie, vti collega Cæsaris iura summæ potestatis exerceas, vnde geminata laus effulget, cum meritî tui scilicet, tum iudicij Cæsaris, qui tantus ipse Imperator te vnum supra cæteros, ducem longè optimum censet. Esse quidem egregium Ducem, vt reor, magnum est; sed opinione hominum existimari censerique eius maximè iudicio, qui cuncta ratione gubernet, longè maximum videri potest. Agnoscit quippe Cæsar humanarum rerum peritissimus, quo robore animi totas ardentis belli difficultates sustineas & superes, qua mentis prouidentia locorum & temporum gnarus consilia explices, denique qua vi lacertosi pectoris



ris & animi in armatas hostium acies deferare. Præclara siquidem testifica-  
 tione digna historijs eximiae virtutis & industriæ exempla in Apulia, Afri-  
 ca, Mauritania, Gallia, & Belgio reliquisti, quum ex prefectura Siciliae quan-  
 tum tibi curæ fuerit Siculorum, aratorumque præsertim immunitates & cõ-  
 moda tueri, quantumque seditiosorum militum licentia immanis tibi odio  
 fuerit, ostenderis, dum maleficos planeque deficientes à Cæsaris autoritate  
 seuerissimis supplicijs punires, vnde tibi Cæsar, improborum militum hostis  
 acerrimus, aliquando gratias egerit muneraque rependerit, scilicet vt te Gal-  
 liae Cisalpinæ præficeret, cuius procurationem ita instituisti, vt nemini ti-  
 menda belli incommoda, & nemini à quoquam contra æquitatem iniuria  
 sit expectanda, & te vnum maxime acrem aduersus hostes armatum defenso-  
 rem, authorem tranquillitatis, & magnificentiae studio præclara priuatim &  
 publicè vrbi ornamenta parantem Insubres venerentur.

## I V L I I Iouij


*Maeste animo egregio decus insuperabile gentis.  
 Gonzaga, quem tanta rapit super æthera belli  
 Gloria, quæ stabit clavis aeterna trophæis  
 Ausonios inter procures, & Martis alumnos  
 Sic splendore nites, quantum omni sydere maior  
 Sol micat irradians, totum qui illuminat orbem.  
 Belgica gens, Lybiaeque vrbes, Rhodanusque superbus  
 Arnus, & ingens Danubius, Tiberisque fatentur  
 Quantum consilio Fernandus possit & armis  
 Aeternos cui bellipotens concessit honores  
 Militia, vt Carolo dignus, dignusque Philippo  
 Insubria regeret iusto moderamine gentes.  
 Ergo tibi partos inuicto Marte triumphos  
 Suscipe magnanime Heroum, te celsa fugatis  
 Hostibus assequitur celeri victoria passu.  
 Viue igitur felix, volitans tua nam in chyta virtus  
 Clara per ora virum, celsum conscendet Olympum.*

I O A N N E S



## Ioannes Tarnouius

Comes Polonus.



OTIS tuis religiose susceptis vsque quaque aspirent cœlestia numina magnanime Tarnoui, qui hac in tabula triūphalilauro, & victricibus armis conspicuus spectaris, & Martio vultu illustre Sarmaticæ virtutis decus effers, qui toties de Barbaris bello victor & triūphator vberiores etiā victorias te patriæ relaturū polliceris; quibus latè summotis pulsisque hostibus Lithuanī, Roxolani, Podoli, Polonico imperio coniunctæ gentes secura atque lætissima pace perfruantur. Nihil enim nisi magnum ingentianimo concipis; nihil nisi gloriosum, salutare, & tibi patriæque decorum & illustre complecteris, vt clarissimis factis insitum generosæ virtutis nomen & famam latissimè extendas. Eo nanque studio in adolescentia ingenium optimis literis excoluisti, iuuentam durissimis belli laboribus dicasti,



ut vir demum factus, totum penè terrarum orbem, noscendis tot gentium moribus nobilissima peregrinatione circuendum susciperes; adita primo Asia Syriaque religionis causa, & conspecto mari Rubro peruagatus etiam Africae ciuitates usque ad Atlanticum Oceanum, ubi aduersus Barbaros Lusitaniae Regi operam nauans, & fortis militis & periti Ducis laudem, decoraque spectatae virtutis ornamenta consecutus es. Ab hac peregrinatione noticiaque multiplici rerum bellicarum auctus, in patriam redisti, quum Leonem Romanum Pontificem, & Carolum Caesarem esses veneratus, tanto hominum fauore, ut Sigismundo Regi commendarere, & ab eo vniuersis Regijs copiis praeficereris, eamque patriae praestares operam assiduis Barbarorum incursionibus laboranti, qualem afflictis ciues tui ab optimo ciue fortunatoque Imperatore deposcebant. Siquidem Moldauos Geticam gentem Petro eorum Regulo duce ad Obortinum ita profligasti, ut hostes aliqui terrifici, & multitudine superantes Principe vulnerato, primariisque gentis interfectis turpem in fugam conicerentur; tu castris eorum & tormentis potireris, atque inde triumphali curru Cracouiam inueherere; tanto Moldauis terrore iniecto, ut Petrus renouare bellum ausus; quum te aduersum se iterum delectum Imperatorem audiret, omisso bello ad non iniquas parandae pacis condiciones sit conuersus. Sed huic Moldauicae victoriae Historijs nostris abundè celebratae, alteram amplioris proculdubio gloriae de Moschis ad Starodubum debellatis addidisti. Saepius Tartaros Scythas saeculissimum atq. saepe improuisum hostium genus non vno in loco illata caede repressisti: singulari autem prudentia orientes in Regno seditiones compressisti, usque adeo late propagata fama nominis, ut inuadente Pannoniam Solymano, Germani atque Hungari Bohemique te vnum sibi tanquam inuictae virtutis gerendo bello Ducem expeterent. Verum quod non esset tutum praestare eam operam, tantum honorem probe repudiasti, ne id aegre ferret Sigismundus Rex tuus Solymano vetere amicitia coniunctus; quum tamen ille paratus foret, & te ipsum, & vniuersi Regni copias Reipublicae concedere, si reliquorum Christiani nominis Regum arma sacro suscepto bello in vnum iungerentur, quod tu suprema cura concupiscere existimaris, & Dei faxint ut huius praesentis nobilisque voti compos fias. Nihil enim est magis decorum & expetendum viro forti generosoque, quam pro patria dignitateque Christiani nominis, reformidato omni vitae periculo cum Turcis Europae Regna affectantibus decertare.



*Salve ò Sarmaticæ gentis fortissime ductor*  
*Iustitia atque armis, quis se tibi conferat unquam*  
*Quum tua dat sonitu bellorum buccina signum*  
*Poscis equos, atque arma gerens in prælia, turmas*  
*Sternis, & armatos exultans deycis hostes,*  
*Moldaviæ dominum campo congressus aperto*  
*Fudis, Sauromatis cladem excidiumque minantem*  
*Te superis Astrea plagis transcribit, & ipsa*  
*Iam tibi perpetuos Diuum concessit honores.*  
*Sarmata magnanime agnoscat ventura vetustas*  
*Nullum posse tibi similem monstrarier orbi,*  
*At tu, vivus adhuc, multis dominaberis annis.*

ALEXANDRI Suchteni Germani.

*Dives opum tellus, clarisque potentior armis*  
*Dat mihi natales Sarmatis ora lares.*  
*Sicut imaginibus titulisque superbus auorum*  
*Sic virtute mea magnus in orbe feror.*  
*Vallachus imparibus quum nos inuaserat armis*  
*Auspicijs cæsus Dux fuit ipse meis.*  
*Vistula Moldavi clypeosque, arcusque, rotasque*  
*In mare Theutonicum barbara signa tulit.*  
*Facta quod illius non sis tum præda furori*  
*Tarnouio debes terra Polona tuo.*

Kk 3



# Cosmus Medicus Florentino- rum Princeps.



**D**I vota tua cumulatè impleant magnanime Cosme, postquam nihil præter ipsum a solutæ virtutis specimen respiciunt. Tales namque tibi mores natura tribuit, nusquam hercle nouerca, vti fas est videre, sed semper arridens & benigna mater, vti gloriam ex benefactis clarissimisque virtutibus obuenientem contemnas potius quàm affectes. Apud te siquidem pudor atque iustitia viget, & virtuti optimisque artibus domi tuæ certissimus est receptus. Literas colis, ingenia foues, magnificentiæ studium pulcherrimis operibus extendis. Rempublicam porro ita gubernas, vti nobilitatem in honore habere, populum alere, & patriam tranquillitate atque opibus florentissimam reddere contendas. Quo verò admirabile clementiæ tuæ munus est, exules facile reducis; parcis rebellibus, scilicet vti plures domi sint, qui tibi plurimum debeant



beant, & nomen tuum sincero maximè studio venerentur. Id enim salutare ciues agnoscunt, Etrusci omnes certum publicis rebus præsidium fatentur, & tota iam Italia, atque vltiores gentes felicis tui & rectè constituti Principatus decus concelebrant. Perge igitur, optime Princeps, vt te supergressum humanas laudes, & beata tua prole gaudentem, quum longa senectæ vitæ finem attulerit, ingentem animam conspicua in sede cœlites exceptam constituent, & posteritas omnis, cuncta ingenij atque Fortunæ tuæ monumenta aternis laudibus persequatur.

## IOVII Iunioris.

*Qualis Hyperboreo latus Gradiuus in orbe  
Fumantes quum soluit equos, sudantiaque ora  
Strymonis in ripa victricibus abluit undis;  
Iam furor, & rabies armorum, iræque, minæque  
Belligero cecidere Deo, tranquillus inerrans  
Ore robur, placido signat sua lumina vultus;  
Ille sedet lustrans oculis & mente benigna  
Armiferam Thracen, defensumque hostibus Hebrum  
Prospicit, & Geticæ securæ mapalia terræ,  
Tum Veneris blandum pertantant gaudia pectus.  
Talis magnanimi diuino lumine COSMI  
Ante alias longe radians effulget imago,  
Ingentesque gerens humeros, angustaque membra  
Effigies vllum nunquam peritura per æuum  
Vertice nudato celsum caput exerit armis;  
Sydereosque oculos, regalia lumina vibrans  
Pacatam se se populus spectantibus offert.  
Ceu quum deposito magnarum pondere rerum  
Olli tranquillam demulcent gaudia mentem,  
Ingenti quum iam ceciderunt monstra ruina  
Qua se deuictæ mons Murlus erigit hoste;  
Quum iam læta suo felix Duce Flora quiescit  
Atque Etrusca salus tanto sub Principe tuta est.*

## RAINERII.

*Te duce, mortales quæ dedignata scelestos  
Extulerat niueos aurea ad astra pedes  
Aurea nunc Astrea redit, Venus ante recessit  
Sacrilega, Etruscæ COSME decus patriæ,  
Per quem parta quies, & pax & copia rerum est,  
Et Sophia, Aonidumque artibus ortus honos.  
In falcem, duce te galeæ conflantur & enses  
Nec lethale sonant classica, nec litui.  
Marte satus, Ianum claudis, quæ claudere Ianum  
Mauortis prolem te potuisse putet?*

FINIS



# ELENCHVS ILLVSTRIVM

## VIRORVM. QVORVM HISCE SEPTEM

libris effigies Repræsentantur.

<i>Actiolinus Tyrannus</i>	41.	<i>David Abyssinorum &amp; Aethiopum rex</i>	311.
<i>Actius Mediolanensis princeps</i>	77.	<i>Elisabella Aragonia</i>	276.
<i>Albericus Balbianus</i>	117	<i>Erasmus Narniensis cognomento Gattamelata</i>	121.
<i>Alexander Magnus</i>	8		
<i>Alexander Medices Flor. princeps</i>	319	<i>Farinata Vbertus</i>	36.
<i>Alfonsus rex Neapolitan.</i>	135	<i>Federicus Feltrius Urbini Dux</i>	167.
<i>Alfonsus Atestinus Ferraria princeps</i>	305	<i>Ferdinandus Rex Romanorum</i>	366.
<i>Alfonsus Daualus Vastius</i>	335	<i>Ferdinandus Cortesius</i>	348.
<i>Aloisius Grittius</i>	302	<i>Ferdinandus Toletanus Alba princeps</i>	339.
<i>Amurathes II. Turcarum Imperator</i>	141	<i>Franciscus Gallie rex</i>	345.
<i>Andreas Grittius Venetorum princeps</i>	324	<i>Franc. Alidosius Cardinalis Papiensis</i>	269.
<i>Andreas Atria Classis praefectus</i>	374	<i>Franciscus Borbonius. Anchianus</i>	311.
<i>Annibal Pænus</i>	10	<i>Franciscus Bussionius</i>	122.
<i>Antonius Grimanius Venetus</i>	256	<i>Franciscus Ferdinandus Piscarius</i>	262.
<i>Antonius Leua</i>	315	<i>Franciscus Gonzaga Mantuanus</i>	234.
<i>Artaxerxes rex</i>	4	<i>Franciscus Maria Feltrius</i>	321.
<i>Afcianus Sfortia Cardinalis</i>	194	<i>Fran. Sfortia Mediolan. princeps</i>	138.
<i>Attila Hunnorum rex</i>	14	<i>Franciscus Sfortia secundus</i>	310.
		<i>Fridericus primus. Imperator</i>	13
<i>Baiazetes Primus, Turcarum Imperator</i>	107		
<i>Baiazetes Secundus, Turcarum Imp.</i>	210	<i>Galeacius Primus</i>	74.
<i>Baleone familiae duces</i>	240	<i>Galeacius secundus Mediolan.</i>	82.
<i>Bartholomæus Coleo Bergomas</i>	147	<i>Galeacius Sfortia</i>	151.
<i>Bartholomeus Liuianus</i>	219	<i>Gasto Foisseius</i>	213.
<i>Basilus Moscouie princeps</i>	313	<i>Gattamelata, Erasmus Narniensis dictus</i>	121.
<i>Barnabas Mediolanensis princeps</i>	84	<i>Georg. Castriotus Scanderbechus</i>	144.
<i>Braccius &amp; Sfortia</i>	121	<i>Georgius Fraispurgus Germanus</i>	285.
		<i>Gothifredus Bolionius</i>	25.
<i>Cæsar Borgia Valentinus</i>	201		
<i>Camillus Vitellius</i>	182	<i>Horatius Baleonus</i>	242.
<i>Campson Gaurus Aegypti Sulthanus</i>	222	<i>Hariadenus Barbarussa</i>	342.
<i>Canis Scaliger</i>	64	<i>Henricus Gallie rex</i>	368.
<i>Carmagnola</i>	123	<i>Henricus Octauus Anglia rex</i>	337.
<i>Carolus Aurelian. Fran. Regis Filius</i>	333	<i>Hippolytus Medices Cardinalis</i>	307.
<i>Carolus Borbonius</i>	281	<i>Horuccius Mitylenæus</i>	340.
<i>Carolus Burgundia Dux</i>	156	<i>Hysmael Sophus Persarum rex</i>	253
<i>Carolus Magnus</i>	22.		
<i>Carolus Octauus Gallie Rex</i>	179.	<i>Iacobus Quintus Scotia rex</i>	326.
<i>Carolus Quintus Imperator</i>	365.	<i>Iacobus Triuultius</i>	226.
<i>Carmagnola</i>	123	<i>Ioannes Archiepiscopus Mediolan.</i>	79.
<i>Castruccijs Castracanis</i>	58	<i>Ioannes Aucuthus Britannus</i>	215.
<i>Caytheius Memphiticus Sulthanus</i>	170.	<i>Ioannes Bentiuolus Bononiensis</i>	261.
<i>Celebinus Turcarum Imperator</i>	112	<i>Ioannes Galeacius Vicecomes</i>	86.
<i>Christiernus Dania Rex</i>	360.	<i>Ioannes Maria Mediolan. princeps</i>	88.
<i>Christophorus Columbus</i>	190.	<i>Ioannes Medices</i>	278.
<i>Consalvus Ferdinandus</i>	217	<i>Ioannes Vitellius Cornetanus Patriarcha</i>	92.
<i>Cosmus Medices Florent. dux</i>	390.	<i>Iulianus Cesarinus Cardinalis</i>	97
<i>Cosmus Medices senior</i>	131	<i>Iulianus Medices</i>	158.



# I N D E X I M A G I N V M

Luchinus Medilan. Vicecomes	74.	Philibertus Aurantius Princeps	297.
Ludouicus XII. Gallia rex	215.	Philippus Mediolanensis Princeps	91.
Ludouicus Pannonia rex	274.	Pompeius Columna Cardinalis	301.
Ludouicus Sfortia Mediolanen. Princeps.	197.	Prosper Columna	251.
Mahometes secundus Turcarum Imp.	164.	Pyrrhus Epirotarum Rex	8.
Malatesta Baleonus	241.	Pyrrhus Stipicianus	361.
M. Antonius Columna	246.	Robertus Neapolitanorum rex	68.
Martinus Turrianus	46.	Romulus Quirinus Romanorum rex	1.
Matthæus Cardinalis Sedunensis	49.		
Matthæus Magnus	73.	Saladinus Sulthanus	29.
Matthias Coruinus Pannonia rex.	174.	Sarra Columna	51.
Maximilianus Casar	237.	Scipio Maior	12
Maximilianus Sfortia Mediolanensis princeps	289.	Selymus Turcarum Imperator	244
Mulemethes Scyrius	381.	Sfortia & Braccius	121. 119.
Muleasses Tunetanus rex	358.	Sigismundus Polonia rex	352
		Sinas cognomento Iudeus	343.
		Solymanus Turcarum Imperator	372
Narjes Eunuchus	20.		
Nicolaus Vrsinus Petilianus	204.	Tamerlanes Scytharum Imperator	102
Nicolaus Picininus	127.	Tammasus Sophus Persarum rex	365.
Numa Pompilius	3.	Thomas Hauardus Norfolty dux	377
		Tomumbeius Aegypti Sulthanus	225.
Odetus Fufius Lotrechius	286.	Totila Gothorum rex	17.
Otho Archiepiscopus Mediolanensis	71.	Tristanus Acunius Lusitanus	229
Pandolphus Petruccius Senensis	264	Vgo Moncata	289.
Paulus Baleonus	240.	Vguccio Fagiolanus	55.
Paulus Vitellius	181.	Vincentius Cappellius Venetus	328
Petrus Medices	187	Vitellij fratres	181. 183.
Petrus Nauarrus	362	Vitellocius Vitellius	185.
Petrus Soderinus Florentinus	682		

Sequentes versus collocandi erant post effigiem Matthæi Card. Sedunensis pag. 251. sed cum in prima editione florentina ex qua nos nostrum exemplar descripsimus, non essent suo loco positi, sed ad finem: nos quoque non aduertimus in tempore, quare hic ponere malimus, quam auctoris laborem in iisdem tam cocinnè describendis irritum fieri.

## A V G V S T I, Cocceiani.

Helueti, gens vna Ioui carissima summo,  
 Et cara Martis pignora.  
 Inuicti bello populi, certissima Regum  
 Bellantium spes, ac metus:  
 Nullone Heroas vestros celebratis honore?  
 Nullò ære? nullo marmore?  
 Certè etiam externòs, clare virtutis amica,  
 Artes fouebunt Itali:  
 Ipse pater Iouius quàm mira expresserit arte  
 Illustrum formas Ducum  
 Cernitis, & vestri Ductoris imagine vera, vè  
 Dotes & ora effinxerit.  
 Qui latè Italiam famà compleuerat omnem  
 Virtutis ergò fulgidæ.  
 Quare purpureo corpus velabat amictu,  
 Sacro coruscus ordine:  
 Certabantque virum sublimem tollere ad astra  
 Bellona Pezho, Sanctitas.



*Libuit hic grata commemoratione eorum etiam nomina subijcere  
qui versibus elegantissimis hæc Elogia vel illu  
strare vel ornare voluerunt.*

Adamus Fumanus Veron.	16.66.125.325.	Incerti auctoris	127.261.
Alexander Suchenus	389.	Ioannes Baptista Gabius	284.
Andreas Angulius	190.203.380.384.	Ioānes Bellaius Card. Parisiensis	217.346.
Angelus Perotius Camertis	56.	Io. Baptista Posseninus Mantuanus	236.
Antonius Franciscus Rainerius Mediola- nensis	4.8.22.28.46.81.102.122.184.186. 206.214.229.245.263.280.288.306.318.323. 333.		347.
Antonius Sanfelicius	233.	Io. Paulus Amanius Cremonensis	89.196.
Antonius Thebaldeus	176.	Iulius Feroldus Cremonensis	79.83.87.117 122.271.
Antonius Vacca	203.310.320.	Iulius Iouius	280.334.
Antonius Vulpus Nouocomensis	34.273 283.318.	L	
Aonius Palearius Verulanus	226.	Lælius Capilupus Mantuanus	236.
Augustus Cocceianus Brixienfis	2.111. 143.150.248	Lælius Caranus.	339.377.378.
B		Landrianus Mediolanensis	181.
Benedictus Varchius	163.300.369.	Leonardus Griffius	166.
Bernardinus Balamius Siculus	288.	Leonardus Aretinus	123.
F		Ludouicus Dominicus Placentinus	250. 328.
Fabius Beneuolentius Senensis	137.	M	
Fabius Segnius Florentinus	305.	M. Antonius Casanova	253.
Ferdinandus Balamius Siculus	262.	Martinus Cromerus Sarmata	354.
Franciscus Manfredus Cremonen.	85.114.	Marullus Tarchaniota Constantinopol.	29.
Fran. Franchinus Cosentinus	352.	Michael Syluius Lusitanus Card.	183.
G		P	
Gbriel Faernus, Cremonen.	9.11.97.106. 147.307.312.336.	Parthenius Paraucinus Nouocomensis	25.35.54.228.255.318.336
Georgius Iocodus Berganus	119.	Paulus Iouius Iunior	129.134.155.158.173 177.186.200.209.221.239.243.267.302.315 331.360.363.366.372
H		Petrus Aluarus Romanus	326.
Hieronymus Olgiatus Percussor	155.	Petrus Angelius Bargæus	140.162.369.376 344.356
Hieronymus Vulpus	229.	Petrus Graulina Neapolitanus	218.252
Honoratus Fasitellus	24.40.	Philippus Beroaldus Iunior	231.
Ianus Vitalis Panhormitanus	24.44.76. 92.193.212.223.293.373.375.	Placidius Placentinus	251.290.371
		Ptolemæus Gallius Comensis	76.



B A S I L E A E

INDVSTRIA ET OPERA  
PETRI PERNAE  
SVMP TIBVS VERO HENRI-  
CO PETRI ET SIBI  
COMMVNIBVS

*Cum Gratia & Preenilegio Caesareae Maieftatis.*

ANNO CIO IO LXXV

*Calendis Februarijs.*



INDEX  
REVISTORUM  
GLOTTICORUM

ALL  
REVISTORUM  
GLOTTICORUM

BASILEAE

INDUSTRIA ET OPERA  
PETRI PERNAE  
SUMPTIBUS VERO HENRI  
COLLETTI ET SIBI  
COMMUNIBUS

Can. Cam. & Præbend. Cap. Basilien.

ANNO MDCLXXV  
Calendar. February

Calendar. February



# INDEX RERVM ET VERBORVM IN PAVLIO VII ELOGIORVM LIBROS DE VIRIS ILLUSTRIBUS IN RE MILITARI BREUITER COLLECTUS.

A



Bdenago	333	eius vanitas 7.	à Philippo se	maior moritur	ibid.
Abfaga	104	natum diffudet	7	Andreae Aurie fides desiderata	329
Acomathes purpuratus	166	patrem mentitur	ibid.	miræ laudes	874
Acontius Triuultius	226	Alexander Romanis inferre bellum	8	Angelus Politianus vir doctus	160
Aetius Vicecomes magnificus ædificijs	77	destinabat	6.7	Petri Medicis præceptor	188
Aetius Arestinus	44.48	Alexandri Magni imperium quàm latè patuerit	6	Angelus Maximus ciuis Romanus	8
Aetiolinus Patulimorum tyrannus	41	Alexandri in vultu mutatio mirabilis	33	Anglorum militia in Italia	116
Germano Italus	ibid.	Alexandri pontificis asperitas in Fridericum I. Cæsarem	8	Anna Maximilani Cæsaris filia à Gallo rege repudiata.	180
equitum magister	ibid.	Alexand. Magnum maiorem fecerunt scriptores Græci	135	Annibal terrorem inuictæ Vrbi iniecit	10
horrendum monstrum	42.	Alfonfus Aragoniæ à Regina adoptatus in regnum Neapolitan.	135	Annibalis Pœni testata virtus	9
eius ingenium	ibid.	captus nauali prælio	136	imago ærea	10
in pede vulneratus	48.	Neapolim capit	137	marmorea statua	10
in iuratis prælio captus	46	splendori studet	137	Annibalis & Scipionis statuæ apud Messanam	ibid.
Aetiolini ortus	43	celebs 37.	ibid.	annus à Numa in xij. menses diuisus	4
copia, crudelitates	ibid.	Alfonfus Daualus dux fortiss.	335	anseris quò conueniant	104
humanitates	44.	liberalis	ibid.	Antelmella familia Lucensis	58
bella	ibid.	Alfonsi regis Neapolitani stirps	135	Antonius Leua vir militaris impiger	315.
in Actiolinum coniuratio	44	magnificencia 137.	in do-	dux felix	316
Aegyptiorum vetus lex inauspicatè abrogata	172	ctos viros studium & obseruatio ibidem.		Ticini obsidetur	319
Aegyptiorum mos in regum electione	172	Alfonsi Atestini præclarum ingenium	305.	Antonius Pontadera suspenditur immerito	94
Aegerie nimphæ cum Numa congressus	4	vita à Iouio descripta ibid.	ibid.	Antonius Rido.	95
Agelilai scomma de sagittarijs	5	bella & mors	ibid.	Antonij Leue belli peritua & mors	317.
Aethiopes perfidiæ poenas dant	172	Alfonsina Vrsina	188	Antonij Grimanni vita breuis	296
Albaniam quis cepit	110	Aloisius Gritti exemplum fortune	302.	dignitates	257
Albertus Scotus Placentinus alæ equitum præfectus	59	ex pellice genitus, magni ingenij & audaciæ	303	prudencia 258.	res gestæ ibid.
Albericus Actiolini frater	46	excellens vnionum æstimator	ibid.	fortuna	259
Albericus Balbianus illustris miles & dux 117 militiæ restitutor	ibid.	Aloisij Gritti ambitus libido	304	etas annorum nonaginta	ibid.
Alberici Balbiani ingratitude	118	Amoxobij	103	Antropophagi	98
mors ibid.	progenies ibid.	Americus Cibacebus	304	Aquileia ab Attila deleta	14
effigies	ibid.	Amideus Allobrogum princeps papa creatus	100	Arabes Aegypto infesti	171
Alboinus Longobardorum rex in Italia	21	Felix appellatus	ibid.	à Sulthano afflicti	ibid.
Alexius Græcorum imperator infidus Christianis militibus	27	in Cardinalem euadit	ibid.	Arcelli	88
Alexander Medices 319. vt ortus ibid.		Amurates Orcani filius	109	Armalarius Asculanus Centurio	94
cur in familiam receptus	ibid.	occiditur	ibid.	Arsenga	104
cur princeps designatus 319. in exilium à Florentinis actus 320. princeps à Cæsare institutus et gener ib.		Amurathes secundus 141.	prumus	Arsius Gallus dux	204
Alexander Magnus Aristotelis discipulus	6	Othoman phalangem instituit	141	Artoxerxes à Plutarcho descriptus	5
laudis appetentissimus	ibid.	Scanderbecho succubuit	145	adunco naso	4
paternæ gloriæ inuidus	ibid.	Amurathis secundi bella	142	Memnon & Longimanus	4
		Eremita factus	ibid.	Cyri minoris frater	4
		mors	143	Artoxerxis liberalitas	5
		Andreas Lamponianus parricida	154	Artoxerxis imago vnde desumpta	4
		Andreas Gritti virtute ad principatum contendit	324	imaginis certitudo	ibid.
		bello insignis	325	Ascanius Sfortia Cardinalis diues & magnificus	194
		princeps creatur, octogenario		à quo Cardinalis factus	ibid.
				principi similior quàm sacro viro	ibid.
				auceps & venator	ibid.



# INDEX.

Ascanius Sfortia pecunia corruptus	re	148	Buccicaldus Gallus	81
Borgiam pontificem legit	ibid.		Bugea vrbs	293
exul in Germaniam	195		Bulthimus	81
captus	ibid.		Bulthini mors & res gesta	90
Venetis traditur	ibid.			
Ascanij Sfortie Cardinalis magnifi-			C	
centia	194		Cabrinus Fundulus	81
auaritia	ibid.		Cædes millium aliquot	140
exilium in Gallia	ibid.		Cælestinus papa eremita in monte	
ut restitutus 196. & mors	ibid.		Gargano	52
Atanadidingbil	351		inter sanctos relatus	54
Aternum flumen Sfortie morte nobi-			Cælestini papa simplicitas	52
le	122		sanctitatis opinio	ibid.
Atthila cur Dei flagellum	14		Cæsar Borgia viroso semine procre-	
Bledam fratrem occidit	14		tus	301
ab Actio Patricio profligatus	14		corpore validus	ibid.
Aquileiam deleuit	ibid.		Pisis legum studiosus	302
Atthila iurida facies	14		Cardinalis	ibid.
Atthile acutum scomma in Leonem			fluxæ fidei, fratrem iugulat	ibid.
Pontificem	16		uxorem Gallam ducit	ibid.
mors in nuptijs	16		seuus in omnes	ibid.
auaritia Græcorum	113		veneficus se ipsum & patrem in-	
aulici imbelles & inuidi	21		fecit	303
Aurastum Colonia Rom.	297		captus euadit	ibid.
auaritia horribile monstrum	336		quos necauerit	350
Austriacæ domus primordia	237		Cæsar Petruccijs vexillifer Floren-	
ad Romanos referunt	238		tie	181
			Cæsarina familia Romana	57
B			eius insignia & Romæ dignitas	
Baiazetes primus vt regnum au-			97. 98.	
spicatus	110		Calatini defectio ad Gallos	199
Baiazetes quartus Othomannorum			Caliphas rex Aegypti à Christianis	
princeps	107		victus	22
Baiazetes Hildrim appellatus	107		Camelopardali descriptio	172
Baiazetes in Venetos	212		vbi capiatur	172
quid eis eripuerit	ibid.		Camillus Triumultus	228
à Tamerlane captus	105		Camilli Vitellij mors	228
Baiazetis pugnaturi cum Tamerlane			Campobassi Neapolitani perfidia	357
sententia	104		Campso Gaurus Aegypti Sultanus	
miseria	111		222. proditur	222.
Baiazetis Secundi ingenium optimum			ab equis teritur	ibid.
210. victoriæ	ibid.		Campsonis Gauri genus	222
Baiazetis humanitas in Regem Gal-			& virtus	ibid.
lum	110		Canis quid significet, & vnde dica-	
Baiazetis filij	113		tur	64
Baldunus Gothifredi frater	28		Canes Catharinus	103
Baleonum primus Malatesta	240		Canis Scaliger Veronæ dominus	65
Baleonum familia vnde ortum habuit			eius virtutes	ibid.
240			sepe bonam semel aduersam fortu-	
Basilij Moschi vxores	314		nam in bellis expertus	ibid.
Barbarussa victor classium Christia-			Patauium cepit	56
narum	330		& Taruisium	ibid.
Barnabas Vicecomes pugnax	116		cur magnus dictus	64
Barnabas Vicecomes Martialis &			Canis & Actiolini contraria ingenia	
crudelis, venator binas miriadas			65.	
canum vicatim alebat	84		Canis regia illustre hospitum domici-	
proli numerosæ vt prouidit	85		lium 66. effigies	66
à nepote captus carceri traditur			mors	65
ibidem. eius effigies	ibid.		Canibales	192
Bartholomæus Coleonus in carce-			Capena porta	91
				847-



# I N D E X.

carceres ab Actiolino ædificati	43	Romanorum æmulator	60	Cosmus Medices Florentiam ædificijs	
Cardinales duo Columnenses	52	iterum triumphaturus, moritur	63	et artibus decorauit	131
Carmagnola quis et vnde	123	proditione Pistorium amittit	62	sapiens habitus	ibid.
eius militaris virtus	ibid.	vi recuperat	ibid.	in carcerem ex inuidia ductus	132
fortuna	ibid.	Castrucci patria et familia	58	arte et largitione liberatus in exi-	
mors capitali supplicio	124	parentes	58	lium mittitur ibid. Venetjs exci-	
Carolus Magnus Florentiæ instaura-		militiæ felicia tirocinia	59. 60	pitur 133. Florentiam reuoca-	
tor	23	authoritas ibid. Galeatium carcere		tus Pater patriæ appellatur ibid.	
Carolus Vicecomes	154	liberat 57. constantia	63	aduersarios in exilium agit ibid.	
Carolus Burgundiæ dux	156	gloria	ibid.	Cosmi Medicis diuitiæ et sumptus 133.	
ferox	ibid.	insignis vindicta 59. fœderati	60	134. vxor, progenies	134
in Heluetios ducit	ibid.	fortuna	58. et 59	et ætas, mors et sepultura	134
tertio vincitur et occiditur	157	triumphus Lucæ habitus	60	Epithaphium	ibid.
Carolus Borbonius regem Franciscum		effigies	63	Cosmi Magni ducis Florentini, virtus	
capit	283	Catherina Medices Laurentij filia	190	et ingens laus	390. 391
Comestabilis creatus	282	Caythbeius natione Circassus	170	Christianarum leuitas infida	101
Cesaris sororem ambit	ibid.	Aegypti Sulthanus conditione ser-		perfidie poena	ibid.
Lanoium ad singulare certamen		uus 170. rex et Sulthanus	171	Christiæ regis Daniæ vituperosa	
prouocat	ibid.	coniurationem discit	172	vita	370
Romam expugnat	ibid.	Celebinus	112	Christophorus Columbus noui orbis	
ictus moritur	283	formosissimus	ibid.	repertor	190
Caroli Borbonij leuitas et inconstan-		Celebini fortuna	113	Christophori Columbi patria	190
tia	281	Cepinius Petilianus	221	Christophoro Columbo de expeditio-	
pater	282	Ciccus Ausculanus ab inquisitoribus		ne contradicitur	191
coniuratio	ibid.	combustus	70		
Carolus Aurelianus regis filius	333	Ciccus Simoneta	198	D	
Cesaris gener designatus	334	Circassie situs	171	Damaschi arx Tamerlano resistit	
Caroli Magni opera bellica	22. 23	Circassij	171	106.	
Caroli Magni effigies ærea vbi	24	Christum Deum adorant	ibid.	Danathes Florentinus exul apud Sca-	
Caroli Andionum ingenium	68	Cithraca emporium celebre	104	ligerum	66
et crudelitas	ibid. et 69	Clarix Vrsina Laurentij Medicis v-		Darienes insula	123
Caroli Octauij virtus	180	xor	188	Dauai Vastij aduersus prælium	336
res gestæ in Italia	ibid.	Classis Veneta et Caesaris cum Turci-		mors	ibid.
effigies	179	ca ad Præfessam	328	Dauid Abyssinorum rex, siue Præte-	
vita brevis	180	Cognomina quædam vnde desumpta		iannes	355
Caroli Burgundiæ Ducis cadauer à		64. 65.		Dauid Conerus Cardinalis Scotus in-	
quo cognitum	147	Cola Montanus ludimagister	154. 155	terfectus	327
eius sepulchrum	ibid.	Columna oppidum	52	Derbentum	104
filia Maximiliano nupta	147	Columnensium oppida à Bonifacio		Diadarius	171
Caroli V. Caesaris laudes	365. et 366	deformata	53	dies fasti et nefasti à Numa cõstituti	4
Carroccium quid	38	Columbatium	113	dimicatio triduana ad Memphis	225
Cassania	103	Columbus à Liguribus venerandus	193	disciplina grauis vbi corrupta	3
Cassinas	104	Columbi nauigatio	192	disciplinæ militaris in Italia interitus	
Castellinus Becaria	90	secunda nauigatio	192	58.	
Castilionea familia	47	Comenses in Sfortianos humani	199	Donatus Lectius	30
Castrum nouum in Rizonico sinu ca-		concilium Basiliense à papa damna-		Drillus amnis	146
ptum	330	tum	100	Dulibes Caythbeij vxor	172
Castrucci parue pile lusu excel-		Florentinum 100. Pisanum	269	E	
lens	59	concilij Basiliensis exitus	99	Elephas perdomitus in Italia	172
qua occasione militiæ se addixit	59	concilia papis quid censeantur	100	Elephantis descriptio	231
disciplinæ militaris reuocator	58.	coniuratio in Medices	160	mors	ibid.
60. fraude captus	57	coniurationis in Galeacium Sfortiam		Elisabella Aragonia Mediolani prin-	
et carcere eductus princeps saluta-		cause	153	ceps	271
tur	57	coniuratio in Actiolinum	45	virilis animi ibid. impudica	273
qua occasione princeps in patria		coniuratores in Galeacium Sfortiam	153	Elisabellæ Aragoniæ mors	273
heret	60	Consalius Ferdinandus cur Magnus		Emanuelis Lusitani regis munus Ro-	
Lucensium et Lunensium dux ap-		appellatus	217	mam missum	232
pellatus 61. et Pisanorum	ibid.	inter duos Reges cœnat	218	Emissarium ex Ticino Martinus Tur-	
Gibellinus Lucæ restitutus	56	Conradus Landus perfidus	195		
Gibellinæ factionis princeps	60	Copie quæ Romam ceperunt	298		
Pistorium occupat	ibid.	Corbana victus à Christianis	27		



I N D E X.

**Gentile**



# I N D E X.

Gentilis Bellinus pictor	166
Genuenses à Vicecomitibus rebellant	91
Georgius Poggiebraccius rex Bohemiae	179
Georgius Franisbergius dux praestantiss. truculentus	284
Carolo V. fidelem operam praestitit	284
paralyssi percussus	ibid.
Georgij Franisbergij praelia fortiter depugnata	284
odium in Pontificem, & dira vox	ibid.
liberi	285
Georgij Castriothe virtus & felicitas	146
disciplina militaris	ibid.
delectus, memoria & pietas	146
effigies	ibid.
Gherardus Camposampetrius	42
Gherardus Lupidius Lucensium capitaneus	56
Græcorum & Latinorum concordia	100.
Gibellini proceres	62
Gibellinorum et Guelphorum funesta nomina quando incepta	35
funesta victoria	56
Gibellinorum & Guelphorum exasperati animi	61
Gibellinorum foederati	60
Girapolis	292
Gottifredus Bolioneus cuius familiae Christi militem professus	26
expeditionis Hierosolymitanæ capitaneus	ibid.
rex appellatus	28
Gottifredi effigies	28
Gritus obfessus capitur	304
capite truncatur	ibid.
Gulphi & Gibellini ad Montemcatinum	56
Guelphi casti	ibid.
Guelphi victi ad Altopassum	60
Luca pelluntur	56
ad internecionem delentur	39
Guelphorum exercitus	62
foederati	60
familia Florentiæ	36
Guido Guerra	204
Guido Lusignanensis Hierosolymitanus rex	36
Guido nouellus	39

## H

<b>H</b> Ariadenus Barbarussa	107
pirata	341
Tuneti rex	ibid.
à Carolo Ces. expulsus	ibid.
Bassa creatus in Galliæ classis præ-	

præfectus	342. 343
Hebræos cultum à Persis accepisse	4
Henricus Castrucci filius	63
Henrici VII regis Angliæ dotes	357
vitia & victoriæ	338
vxores & libido	& ibid. 339
Henrici II regis Galliæ laudes & ad virtutem adhortatio	372
Hermes Bentiuolus	262
Heros virtutis & fortunæ	138
Hieronymus Riarius	159
Hildides Athilæ vxor	16
Hippoliti Medicis Cardinalis pictura	307
ingenium ad omnem virtutem ibid.	Poeta Etruscus, Phonsæus, organista, Cytharædus, Lyristes, fistulator, tibicen, timpanista ibidem
Hippolyti Medicis studia & magnificentia	308
dominandi libido	309
familia, fortuna, mors	ibid. & 310
Hispani venales	320
Hismael Sophus Vssumcassani nepos	253.
equitandi & sagittandi peritus	ibid.
Hismaelis cur in constante etate mortuus	255
res gestæ	253
Horatius Baleonus seuus & factiosus	243
Horæ	103
Horuccius Pirata rex ex infima sorte	340
interficitur	341
Hyclon	304

## I

<b>I</b> acobus Vicauus	94
Iacobus Picininus F. sfortiæ gener necatur	129. 139
Iacobus Triuultius in pugna Tarrensi	227
Gallis operam nauat	ibid.
Marescalcus creatus	228
in pugna semel tantum superatus	228
litterarum appetentissimus	ibid.
Musochij & Viglebani dominus	ibid.
in Gallia moritur, & Mediolani tumulatur	ibid.
Guelphæ factionis	226
Iacobus Poggius Poggij docti filius	160
Iacobus Pactius	159
Cacodemonise deuouet	162
Iacobus Scotiæ rex occiditur	217
Iacobi Triuultij parum liberalis factus	226

patria & pater	ibid.
Iacobi quinq; Scot rege	226
quatuor interfecti	ibid.
Ianus Doccius Sicarius	304
dilaniatur	ibid.
Iani templum à Numa conditum	2
Ianizerorum nomen	142
institutio	141
eorum numerus	142
Iaxartes amnis	202
illustres viri in triumphum ducti à Castruccio	61
imaginis Artoxerxis certitudo	4
Imaus mons	103
Imperatores orbis duo maximi ubi pugnauerint	ibid.
Imperatores exercitus qui Venetis placeant	125
Imperij legitima iura ubi petenda	2
Insula Guadalupea	192
Insula Hispaniola	192
Insula Cuba	193
Insule Fortunatæ à quo repertæ	190
Isabella Gonzaga	10
inuidia virtutis insidiatrix	13. inuidia
Cosmus Medices in carcere ducitur	122
Ioanna Regina Neapolitana impudica	135
Alfonsum filium adoptatū hostem declarat	ibidem.
Ioann. Vicecomes archiepiscopus Florentinis cur bellum mouit	80
pontem luculentissimum ad Leuicum edificauit, Cardinalitiam dignitatem cur renuit	ibid.
eius effigies ubi inueniatur	ibid.
Io. Galeatius Vicecomes omnium principum opulentissimus, quam late regnum eius patuerit	86
eius mors & effigies	87
& regni in tyrannos distractio	88
grauissimus princeps	117
Io. Aucutus Anglus	115
Vicecomitum miles & gener	116
Io. Cosmi Medicis pater	132
Io. Galeatius Sfortia veneno sublatus	271
Io. Maria Vicecomes seuus	88
abominandus	ibid.
occiditur in templo	89
eius effigies	ibid.
Io. Bentiuolus tyrannus	261
Ioann. Medices Leo decimus Pontifex creatus	189
Ioann. Medices armipotens, facundus	278
eius genus	297
educatio	ibid.
militaris laudis cupidus	ibid.
opera militaria	279.
interficitur	280

## L



I N D E X.

Io. Hunniades clarissimus in armis	174
natione Dacus	ibid.
Ioan. Zapolius	304
Ioan. Vincatus	88
Ioan. Vitellius	181
Ioan. Vitellius Cornetanus	92
expediti ingenij, & glorie au-	
dus	92
Pontificis gratiam cur amittit	94
Io. Vitellij Cornetani ambitio	95
capitur fraude	ibid. & 96
honores	93
crudelitas	94
scomma in regem Neapolitan.	95
Ioann. Aucuri prestantia in bellis	116
militares eius discipuli	ibid.
sepultura eius	117
Ioan. Hunniadis filij	174
Ioan. Tarnouij Poloni laudes & vir-	
tus	387. 388
Ionij libellus de origine Turcarum	110
Italia quandiu externis Dominis ser-	
uierit	58
Italie totius status	188
Iulius Pontifex cur Soderimo infen-	
sus	270
Didactura excludit	ibid.
Iulianus Caesarinus iuriconsultus &	
Cardinalis	98. 99.
legatus in causa Hussitarum	99
Iulianus Caesarinus legatus in conci-	
lio Basiliensi	99
Iulianus Medices Clementis Pontificis	
pater	148
quibus moribus preditus	ibid.
Iuliani Cesarini epistole ad Pontifi-	
cem	99
mors	101
& effigies	102

L

<b>L</b> Adislaus rex veneno sublatu	175
Ladislaus Huniades	174
Ladislai pax cum Turcis facta	100
Laurentius Medices se defendit à con- iuratis	161
Laurentius dux Vrbini	189
Laurentius principis percussor	320
Lazurentio Medici dona à Sulthano missa	132
Lazarus Seruie Despota	109
expellitur	142
Leges dare verè Romanum	2
Lemures nocturni vbi adorentur	192
Lentigesta Muleassis mater	358
Leo Pontifex Attilia ferocitatem mi- tigat & cur	15. & 16
Leuthares	20
Leutharis mors & res geste	20
Ligninius Gallorum dux	196

Ligures in Thraciam primi Turcas	
traijciunt	109
Ligarum & Venetorum laus	28
Linternum Scipionis exilio & sepul-	
tura nobile oppidum	13
cur Patria appelletur hodie	13
Literæ Græcæ & Latine Florentiæ	
quando floruerunt	188
Liuianus in agro Pisano fusus	220
ad Abduam	ibid.
Venetorum dux	ibid.
captus in carcere commentaria scri-	
bit carbone	ibid.
ad Mediolanum victor	ibid.
moritur	221
Lionettus Clarentiæ regulus	115
eius mors	ibid.
Lotharingiæ domus nobilitas	327
Lothrechius contra Aurantium mis-	
fusus	299
Lothrechij fratres Ducēs bellatores	
286. cadauer & sepultura	287
Lucenses discordes	56
in Pisanos	56
Pisanos imitati Vguccionem ex-	
cludunt	57
Luchinus Vicecomes pugnax	78
bella per legatos gerit	ibid.
in prælio vulneratus	ibid.
pater patriæ appellatus	78
nepotes cōiuratos exilio multat ib.	
Parmam coemptam imperio adie-	
cit	ibid.
podagra vitam finiuit	ibid.
Ludouicus Sanctus rex Galliæ	69
Ludouicus Bauarus Cesar rapax &	
& efferus in Italiam vocatus	61
Mediolani coronatus	ibid. 65
auarus & ingratus	76
Ludouicus Sfortia dissimulator, facun-	
dus, facilis	197
prudentia clarus habitus	198
Dux declaratus	ibid.
Heluetio habitu capitur	199
in Galliā ductus carceri deditur ib.	
Ludouicus Pannoniæ rex	274
eius genus, & natiuitas	ibid.
uxor	ibid.
sterilitas	ibid.
expeditio in Turcas & mors	275
sepultura	276
Ludouicus Aurelianus in carcere	179
Sfortiæ insensissimus	180
Ludouico Sfortiæ hostis	198
Ludouici Galliæ regis xij. ingeniu	215
iustus & parcus	216
inexorabilis & seuior	ibid.
in miseros immisericors	216
Pontifici insensus	ibid.
eius victoriæ	ibid.
uxorē ducit Anglam, moritur	217

Ludouici Sfortis ingenium	198
animi fortitudo	202
impium consilium	191
fuga	199
Ludouico Sfortia Moro cognome	196
Ludouica Francisci regis mater	212

## M

<b>M</b> Ahometes Caithbey filius rex	172
Aegypti	
Mahometes Gyræus	174
Mahometes Alexandro magno par	
164. cuius filius	ibid.
Atheos	169
Naualia primus instituit	ibid.
Mahometis imago	168
Malatesta Balconus dominatum Pe-	
rusiæ recuperat	243
Venetorū et Florentinorum dux f.	
Malpaga	149
Maluerij Bentiuolis infensi, perdu-	
tur	204
Mamaluchi Turcas adorti	171
Manfredus Neapolitanus rex Gibel-	
linus	57
Marcus Craionicius	109
Marcus Vicecomes familie dedecus	79
Marci Antonij Columnæ animi et	
corporis pulchritudo	246
educatio et militia tyrocinium et	
infortunium	247
Prosperi Columnæ ex fratre nepos	
248.	
Marscotti à Bentiuolis iugulati	166
Marinus Scodrensis historicus	148
Martiani Cæsaris visum	16
Martinus Turrianus	41
cognomine Gigas	47
nobilitatem subegit	49
Pater patriæ et Dictator	47
Martini Turriani studia 47. et effigies	49
Massa Trebaria	51
Matthæus Scraliger Canis filius	66
Matthias Corvinus regum decus	174
Matthia Coruini genium	176
studia et effigies	ibid.
fortuna	176
electio ad regnum	175
bella gesta	ibid.
Poggiebracci filia Matthiæ Coruini	
desponsa	173
Matthæus magnus Vicecomes	37
consilio et prudentia valuit	ibid.
patria electus, restitutus	ibid.
execratus à Pontifice sepulchro ca-	
ruit	53
eius effigies	ibid.
Matthæus Langus Sedunus Cardina-	
lis	249



# INDEX.

Matthæus Langus literis operam dat  
 ibid. Episcopus & Cardinalis 250  
 miles strenuus Gallo infensus ibid.  
 pape fautor ibid.  
 Maximilianus primus vir militaris  
 238. pecunie contemptor ibid.  
 semper indigus 238  
 Burgundicum regnum in dotem  
 accepit ibid.  
 Brugge cum vxore captus ibid.  
 Maximilianus Sfortia regno restitutus  
 295  
 insano similis ibid.  
 fratrem cur oderat 296  
 ab insania conualuit ibid.  
 victoria potitur 296  
 deditionem facit ibid.  
 moritur in Gallia ibid.  
 Maximiliani primi pater 237  
 Medices inter se discordes 188  
 Mediolanum aratro proficissum à Friderico primo 33  
 Mediolani tres Archipraefules 47  
 Mediolani arx à quo edificata 139  
 Memphis imperij fines 172  
 Mesithes Paleologus 165  
 Rhodum infeliciter tentat 166  
 Michalogli 108  
 Michael Zilagus 175  
 Moccines insula 292  
 Mons Graius 199  
 Mons Politianus Florentinis à Senensibus datus 269  
 Moscouia scriptoribus Romanis ignota 313  
 eam quis aperuerit ibid.  
 Moscouie fines 314  
 Mosca vrbs 314  
 Moschi venundati 314  
 Moschouitarum religio 313  
 Muleamethis Scyrii origo & res gestæ 381. 382. 383  
 Muleasses regno expulsus 358  
 restituitur ibid.  
 in Germania ad Cæs. 359  
 oculis à filio priuatus 360  
 philosophus eruditus ibid.  
 Muleassis Amida filius 359  
 Muleassis Tunetani regis origo & ingenium 358.  
 mors 360  
 Musæus Francesius Florentinus 53

**N**

Napus Turrianus 49  
 Narsetis inuictus inuidia conficitur 21  
 Longobardos in Italiâ accersuit 21  
 Narsetis eloquentia militaris 21  
 ad Sophiam heram suam respon-

sio 21  
 Narsetis pons 21  
 effigies 20  
 laus ibid.  
 victoria ibid.  
 Nautarum in Columbum seditio 192  
 Neapolis obsessa à Lotrechio 299  
 Nerius Vguccionis filius Lucae princeps 57  
 Nicolaus Pitilianus Vrsinus 20  
 custodia elabatur ibid.  
 Venetorum imperator 205  
 solers & fidus 206  
 Nicolaus Picciminus Lucam à Florentinis defendit 129  
 Nicolaus Tegrinus Castrucci vitam descripsit 63  
 Nicolai Piccimini illustris fama 127  
 ingenium ibid.  
 intemperans 128  
 temerarius ibid.  
 mors 129  
 Nicolai Machiaueli petulantia in commentitia Castrucci vita 63  
 Nogaretus Gallus vir impiger 53  
 Pontifici insultat 54  
 exilio mulatur ibid.  
 Nola deditur 204  
 Numa quibus rebus inclitus 3  
 religionem Romanis inuexit 3  
 sacerdotia Dijs & flamines constituit 4  
 Numæ Pompilij prudentia 3  
 regnum 4  
 marmorea effigies in Vrbe 4  
 nuptiæ celebres Mediolani 115

## O

O Begninus Gallorum dux 198  
 Othouirum Florentiæ suprema potestas 269  
 Odettus Fusius Lotrechius 286  
 superbi vigoris ibid.  
 sauius ibid.  
 sui capitis 287  
 inconsultus ibid.  
 Olgiati facinus 154  
 Oranum 292  
 Orcanes Othomannus 109  
 inuictus 71  
 Otho Vicecomes animi patientiæ verum simulacrum 107  
 primus Mediolani princeps 72  
 Turrianas ædes solo æquauit 49  
 Archiepiscopus Mediolanensis 47  
 Otho Bonertius 88  
 Othonis Vicecomitis figura 72  
 Othomannica potentie primordia 108  
 Othomannorum origo 107

Orsa flumen 313  
 Othomannicum imperium quando inceperit 108  
 Othomanzicum oppidum 107  
 Othomannici imperij progressus 109

## P

Pactij Medicibus infensi 159  
 Pactiana cōiuratio in Medices 160  
 Paganus Turrianus 47  
 Pandulfus Petrucci Senensis mitis orāmis Nonarij ibid.  
 rempublicam prudenter administravit ibid.  
 Socerum ferro sustulit ibid.  
 exilium sponte subit conseruandæ patriæ ergo 266  
 triumviri Senis creati Petrucci assu 265  
 filium sibi successorem destinat 267  
 Pandulfus Malatesta 88  
 Papiatarum de summo pontifice opinio 51  
 Paria insula 193  
 Paulus Malatesta pronepos & pater 240.  
 à Leone x. obtruncatur iniuste 241  
 eius laus in re militari 241  
 Paulus Sorecina 47  
 Pauli Vitellij ingenium, res gestæ, mors 148  
 Pauli Iouij ibid.  
 Paxa insula 330  
 Persæ Alexandrum assentione perdunt 7  
 Persarum reges 4. eorum ornatus ibid.  
 regia 104. aurea & argentea moneta signo sagittarij insignita 4  
 Petrus Soderinus Florentiæ dictator creatus 268  
 Curiam cum familia habitat 269  
 Petrus Medices cur in exilium 188. 189  
 paternæ virtutis desertor 188  
 Petrus Corbarius pseudopontifex 63  
 Petrus Vbertus cognomento Asinus 39  
 Petrus Aluarez rerum abyssinarum explicator 355  
 Petrus Nauarrus artifex, & arcium expugnator 292  
 miles gregalis ibid.  
 Comes appellatur 293  
 captus Gallo operam locat 292  
 Petri Medicis ingenium 187. vxor 188  
 conatus irriti 189  
 mors ibid.  
 Petri Nauarri misera mors 293  
 Philomela vrbs capta à Friderico 34  
 Philibertus Aurantius belli cupidus 297.  
 Borbonio adhæsit 298.



# INDEX.

Philibertus Auranus strenuus bellator	298.	vulneratus in pralio	69	domus, mansio es	66	
exercitus imperator	ibid.	Genuam defendit	ibid.	illustre hospitium insignium virorum	17	
glande vulneratus	298	Roberti regis pater	69	hospites	66	
Philippus Sanguinettus Gallus	62	Roberti Neapolitani regis ingenium		Scanderbechus cur appellatus	144	
Pij Secundi Pontificis conatus	145	68. virtutes	69.	eius educatio & virtus ibid. &	145	
Pila ludus	152	opera	ibid.	eius facinus singulare	154	
Piratae noui orbis	192	bella	ibid.	Neapolitano regi opem tulit	ibid.	
Pisani in Vgaccionem tyrannum	57	authoritas in Italia	69	Scanderbechi virtus	145	
Piscia Galeatii Vicecomitis morte nobilis	76	literae	70	mortui opinio apud Turcas	147	
Pistorium à Castruccio obfessum	62	mors & sepulchrum & effigies	70	Schenderbassa	111	
Pompeij Columnae Cardinalis ingenium	301	Rodolphus Pius Cardinalis eruditus	4	seculorum malignitas	130	
Pompeij vita à Iouio descripta	302	Rodericus Borgia postea Alexander		Selymus seuus	244	
Pontifex captus	298	Sextus	202	ingens	ibid.	
Portae ferreae	104	Romulus Marte genitus	1	Hismaelem Sophi vicit, Sultanos		
Pratorium Florentinum vnde aedificatum	37	author militaris disciplinae	ibid.	deleuit	ibid.	
Præciannis fines regni	356	quamdiu regnavit	2	Tomumbeium suspendit	249	
mores & religio	ibid.	se Romanis Deum fuisse vt ostendit	ibid.	crudelis moritur	ibid.	
Præfusa olim Nicopolis	328	vbi decesserit	3	Senatus Romanus à Romulo lectus &		
Principes quæ res plerosq; perdat	147	turbine ademptus in coelum	2	institutus	2	
Promontorium viride	190	Romuli opera	2	Seruorum in Mamaluchos conuirtio	174	
Bonæfpei	191. 230	augusta imago	1	Sfortia Grisonibus et Heluetijs se committit	199	
Prosper Columna pater Italarum	251	marmorea statua in Vrbe	1	Sfortiæ & Braccij genus	119. 118	
mitis & humanus	ibid.	Roma omnium gētium libera patria	2	& ingenium	ibid.	
captus à Gallis	ibid.	Romæ captæ vindicta	300	Sfortiæ & Braccij congressus amicus		
Prosperi Columnæ habitus corporis		Romanus populus religione mitigatus	4	121		
251. mors	252	Romanum est, leges dare	2	Sfortiæ mors	121	
Prussia vrbs Bitiniæ caput	109	& regna clargiri	ibid.	Sforziarum & Tamerlanis comparatio	106	
Pugna Sigismundi cum Celebino	113	Romani tributum Attihæ pollicentur	16	Sciabania	103	
Turcarum & Christianorum ad Nicopolim	110	Rom. Pontifices cultum ab Hebræis accepisse	4	Scipio diuinæ stirpis à populo creditus	11	
inter Guelphos & Gibellinos	38	Romanorum in hostem Annibalem nobile decretum	10	Scipio inuidiæ domitor	15	
Pugna funesta ad Arbiā	38	Romanum oppidum in Euganeis	41	cuius optimus	ibid.	
Pusterla familia Mediolani	47			Scipionis maioris virtus	11	
Pyrrhus rex tegula à muliere deiecta occiditur	8			mors	11	
Pyrrus Stipicianus à Cesare donatus				epitaphium	13	
meriti ergo	361			Scipionem Piratæ colunt	13	
eius cum Vastio contentio apud Cæsarem	ibid.			Scitarum nobiles familie quatuor	108	
ex Balconeia familia	361			Simon Tosa Florentinus	62	
obsidione clarus	ibid.			Simon Horrigonus insuber	199	
Pyrrhi in re militari præcellentia	8			Sinas Archipirata	329	
marmorea statua Romæ	8			cognomento Iudeus naualis rei peritissimus	143	
				classē in rubro mari adificat	344	
				Smirnae natus	ibid.	
				Sigismundus Bohemiæ & Hungariæ rex	110	
				Cæsar augustus	113	
				fuga sibi secundo consulit	114	
				Sigismundi Poloniæ Regis felicitas		
				352. victoriæ	ibid. & 353	
				fidei seruator	ibid.	
				stirps	354	
				filiij	ibid.	
				Soderinus dictator quibus fauerit	269	
				à quibus maxime oppugnatus	ibid.	
				quibus offendit patricos	269	
				Gallis fauet	273	
					Soderinus	



# I N D E X.

Soderinus quibus rebus offendit pa-  
tricio 260. Gallis fauet 270  
in exilium Ragusium missus 270  
Romæ gratus hospes ibid.  
Soderinus Cardinalis 270  
Soderini exequiæ 271  
Solymanus Turcarum traps 27  
Solymani Otomanni virtus & feli-  
citas 372. 373  
bella 373  
Sophia Augusta imprudentia & li-  
uor 21  
Sophi cum Solymanno bellum 375  
stirps 376  
Spineta Malassina 57  
Spingardæ 149  
Stagia oppidum 53  
Stellamons 104  
Stellata oppidum 169  
Stephanus Maylatus 304  
Stephanus Columna à Petrarca cele-  
bratus 52  
Stuardæ familiæ nobilitas in Scotia  
326  
Sulthania 104  
Sulthani Prætorianorum capitis te-  
gumentum 10  
Supplicium coniuratorum Florentiæ  
sumptum 161

**T**

Tacius regulus 46  
Talismanus sacerdos Turcarum  
101.  
Tamas Sophus Persarum rex 375  
Tamerlanes se iram Dei vindicantis  
esse asserbat 106  
terror & clades Orientis 102  
cur ab Aegypto inuadendo absti-  
nuerit 106  
Tamerlanis genus 102  
figura & virtus 102  
pugnandi mos 105  
expeditio 103  
de prælio iudicium 104  
immanitas in Baiazetem 105  
de immanitate eius prudens re-  
sponsum ibid.  
exercitus 104  
mors cometa luridum præcedit 106  
Tarlati Aretij principes 56  
Tartalia capitis supplicio affectus 92  
Tartarorum victus 105  
mos sagittandi 105  
Taurisium Sophi regia capta 375  
Temir Cuthlus 102  
Thomas Hauardus Nofoltius dux car-  
ceri post rem bene gestam addi-

ctus 377  
Tigridis descriptio 172  
Tissaphernes sagittarijs Persicis cor-  
ruptus 5  
Tomumbeius vltimus Sulthanus 224  
captus suspenditur 226  
Tornicelli 88  
Totilas Taruisij rex appellatus 17  
Regum opt. samam æquauit ibid.  
Romam cepit 18  
moderatè victoria vsus 19  
à Narsete victus & occisus 19  
Totila eximia forma 17  
prima victoria 17  
clementia in victorijs ibid.  
iustitia 18  
Transfugæ Selymo victoriam parant  
224.  
Transylvania hodie, olim Dacia 304  
Tribubus diuisa Romana ciuitas 2  
Triballi serui facinus 109  
Tristanus Acunius 229  
Elephantum Romam duxit ibid.  
munera quæ pontifici dedit ibid.  
quas adierit noui orbis prouincias  
230.  
Tristani Acunij nauigationes 230  
Triuultius Sfortianis inimicus 198  
Triuultius Sfortianis aduersarius 226  
eius vxor 227  
Turacambi 108  
Turcæ in Thraciam 109  
Turcarum in Europam primus traie-  
ctus 109  
in Tartaros strages 104  
Turcarum imperatorum imagines vt  
ad Iouium peruenerint 107  
Turriana familia Belgica 46  
Turrianae familiæ origo 46  
Turriani Guelphi 39  
Turrianorum gentilitia signa 47  
Tyrannus 264  
astutus & solers 265  
Tyranni tres 261  
Tyronum equitum institutio 168  
Tyrius antistes belli sacri scriptor in  
corruptus 27

**V**

Vallis Saxina 46  
Vallis Saxinae argentisodinae 46  
Vbertus Pallauicinus 88  
Venatio syluestrium equorum morta-  
lis & cur 254  
Venetiæ Italiæ decus 15  
Venetæ vrbis primordia 14  
Venetorum & Ligurum laus  
bella in continenti 126

Veste deæ virgines à Numa institu-  
te 4  
annum xij. mensium ab eodem ibid.  
Vgo Bauarus 69  
Vgo Moncata eques Rhodius 290  
Siciliæ præfectus ibid.  
captus à Gallis ibid.  
dolosus 219  
Vgonis Moncata genus 289  
fortuna & militia ibid.  
Vguccio Pisanorum imperator 56  
dominus creatur ibid.  
in tyrannum euadit ibid.  
Lucenses aggreditur ibid.  
Lucæ princeps effectus 56  
victoria potitur ad Montemcati-  
num ibid.  
Castruccium tollere statuit 57  
cibi vorax & capacissimus 57  
profugus ad Canem Scaligerum 57  
dominatum vno prandio amisit ib.  
Vguccionis Fagiolani patria & fami-  
lia 55  
Gibellinus ibid.  
pugnax ibid.  
prandium 57  
voracitas & in eam scomina 57  
forte factum 56  
effigies 58. mors ibid.  
Vlrici Ciliensis mors 174  
Vicomites Gibellini 71  
Vicomitum familiæ fundamenta 47  
Victorius Soderinus auarus 270  
Victoria nobilis Castrucci 60  
Victoria Gibellinorum memorabilis  
56. 57.  
Victoria Caroli octauistupenda 180  
Victorias primo impetu sæpe parari  
168.  
Vincentius Capellius Venetæ classis  
præfectus 328  
Virginus Vrsinus 189. 104  
Anguillariæ comes 107  
captus 220  
Virtutis vis apud Rom. æstimata 10  
Vitelliorum fratrum disciplina mili-  
taris 181  
Vitellocius Vitellius strangulatus 185  
Vitellocij Vitellij phalangis peditum  
in Italia inuentor 186  
Vitiges Gothorum rex captus 17  
Volga flumen 104  
vrbes in Euganeis ab Attila euastatæ 14  
Vrsini à Columnijs superati 220  
Vssumcassanes à Turca superatus 165

**Z**

Zagattij 105  
Zemini qui 192.